

JOANNIS BODINI
RESPONSIO AD PARADOXA
MALESTRETTI
DE CARITATE RERVM
EIVSQVE REMEDIIS.

Accedunt propter affinitatem, ejusdem J. BODINI
dissertationes de ÆRARIO ET RE NUMMARIA,
ex opere de Republica excerptæ;

Vt & quæ JOACH. HOPPERVS libro de Vera Juri-
sprudentia VII & LIX docuit, DE BONORVM CÆSARE-
ORVM SECVNDVM LEGES JUSTINIA-
NEAS CVRATIONE.

HERMANNVS CONRINGIVS
*omnia recensuit, atque usui red-
didit commodiora.*



HELMESTADII
Typis & sumptibus HENNINGI MVLLERI
Academiæ Juliæ Typographi.

CID IDC LXXI.

Cum privilegio perpetuo.

SYMMA PRIVILEGIORVM.

CAutum est interregni tempore Privilegiis Serenissimorum Potentissimorumque S.R. I. Vicariorum, ne quis unquam libros Hermannii Conringij curâ scriptos vel editos, citra ejus heredumque consensum, intra limites Vicariatuum inprimat, aut alibi impressos divendat: pœnâ delinquentibus dictâ amissionis omnium ejusmodi librorum & solutionis decem marcarum auri. Prout latius definitur ipsis Privilegiorum tabulis.



*Viro Perillustri atque Excel-
lentissimo*

D. PETRO GRIFFENFELD

Serenissimo ac Potentissimo

Daniæ & Norwegiæ Regi à Consi-
liis Status & Cancellariæ Sanctioribus, à Secretis
Camera potissimis maximeque arcanis, nec non
Supremi Iudicii Assessori &c.

Salutem plurimam dicit

HERMAN. CONRINGIUS.

*Perillustris atque Excellentif-
sime Vir.*

HA in universum vitæ illius quam hisce
in terris mortales degimus ratio est,
ut non quidem illa propterea, quod
fortasse peramplis fuerit opibus, censenda
beata, omnibus tamen numeris neutiquam sit
felix nisi à rebus ejusmodi abunde instructa. E-
nimvero non omnino quidem sunt miseri, qui vir-
tute locupletes iis quæ fortunæ vocantur bonis pau-
peres sunt: verè tamen beatos, pro hujus quidè
vitæ modulo, haud illos prædicaveris. Nec enim
ipsamet sacra fœderis utriusque doctrina, hætenus
quidem Peripateticam moralem scholam impro-
bat: tantum abest ut Cynicæ aut Stoicæ philosophiæ
accedat, etsi cœlesti proposito æterno præmio jube-
at fortiter quicquid est opum contemnere, in quan-
tum illæ aut impediunt aut remorentur seriū picta-
tis studium. Longe tamen ea quoq; parte præcellen-
tior est Peripato. Etsi enim etiam hic præcipiat mor-
tem ipsam pro patria aut honesto oppetere: cœle-
stium

stium tamen futurorum omnium rudis id cum faciat, generosam magis stultitiam eo ipso committit quàm ut rectæ rationi consentanea doceat. Quandoquidem autem felicior quævis vita mortalium indiget in sui perfectionem opibus, multò maxime illas exposcit quæ in civili instituitur societate. Utpote quum omnis illa societas primariò quidem instituta sit terrenæ felicitatis obtinendæ causa. Eapropter sane, ipsummet sapientissimum Numen illi à sese omni sine exemplo conditæ Israëlitarum reipublicæ, quantumvis pius quisq; non dubitaret maxima omnium sibi parata demum *bona in terrâ viventium*, disertis quidem verbis, non alia, quàm quæ hanc vitam bonis terræ aut beatam faciunt aut miseram, in gestæ rei præmium pœnamve proposuit. Quemadmodum verò societas omnis constat communi quodam corpore pariter & singularibus suis membris: ita ad felicitatem civilem exigitur, ut & communitati simul & civibus singulis de bonorum omnium sufficiente sit copiam prospectum. Non enim satis est, si una earum partium sit locuples. Et si identidem soleant civitates nunc publice nunc privatim minùs recte esse

instructæ, sed cum magno suæ perfectionis dispen-
dio. Quæ sanè respUBLICÆ in populi præcipuè
commoda compositæ sunt (ejusmodi autem
sunt omnes quæ verè merentur societatum civi-
lium cognomentum) mensuram appellationis suæ
implent deniq; quum populi privatæ etiam res ju-
sta florent abundantia. Fieri autem illud haud po-
test, nisi & publicarum pacis belliq; negotiis neces-
sariarum opum adsit affatim. Ab isthòc civitatum
genere multum fateor sunt diversæ illæ, quæ herili
imperio gubernantur (quales Asiæ quidem ab omni
retro memoria sunt frequentes, hodiè in Europa
etiam invalescunt;) neque enim populi ea quæ in
alijs habetur hîc ratio, aut ejus primariò salus hîc
quæritur, ac proinde non est in his necessum, ut
subditi ad proprios quidem usus in lauta sint re,
quin sæpenumero id dominatui officit. Quod si
tamen populus egeat, primum non vacat illud pe-
riculo: turbulenta enim est imò in seditionem pro-
na pauperum multitudo: domini ipsi secundo ad
præclaras agendas res inepti fiunt præ pecuniæ, quæ
ab egenis subditis conferri non potest, penuria ac
defectu. Eapropter sanè etiam in herilibus rebus-

-muni

-publi-

publicis, saltem in tantum subditi populi habenda est cura, ne ille laboret egestate: imò ut ille in ea sit abundantia, quo possit domini necessitatibus & usui de suo superfluo inservire. Et verò domesticæ etiam cujuslibet societatis interest, ut servis hætenus abunde sit perspectum: ne scilicet præ egestate ad furta, officii neglectum, & herorum odium compellantur. Quorum nihil non domui cuiusvis detrimentosum est. Cæterum multò maximè ad felicitatem cujuslibet reipublicæ id requiritur, ut commune illius corpus, vel in universum summa regendæ reipublicæ potestas, ad pacis & belli negotia omnia sufficiente rerum quarumvis copiâ sit instructa. Nec verò non infelix est respublica illa, cujus cives quidem opulenti, publice autem si ipsa laboret egestate: aut quæ habeat quidem ad pacis tempora, quantum est satis careat autem illis quæ bellum postulat. Cum porrò omnibus numeris illa demum sit beata respublica, cui nihil deficit etiam eorum quæ ad justum splendorem faciunt (tale enim quid etiam privati cujusque, ut nunc sunt mores, vita exigit) ultra necessaria, imò & ultra verè utilia, exporrigitur felicioris reipublicæ in-

cæ indigentia. Quandoquidem autem hunc in modum habeat sese ratio reipublicæ, utique in officio est eorum quibus regendæ illius incumbit munus, atque adeo ipsiusmet summæ potestatis, etiam atque etiam hoc agere, ut & privatim pariter & publicè civitas quæque felicitati sufficiat. Malè profecto consulunt reipublicæ, & negligunt Spartam à Deo rerumpublicarum summo rectore commissam, qui horum aliquid agunt oscitanter. Quod si tamen ad ea quæ passim terrarum geruntur flectas oculos, haud leviter, ut in aliis ita & in hisce, compluribus in locis, peccari, animadvertere fuerit. Populi certè rarissimè haberi illa ratio solet, ut ab ipsis summis potestatibus ejus copiæ rerum consulatur: sed privatim quemque prospicere sibi oportere, multis videtur persuasum: privatam scilicet illam rem esse ac proinde singulis privatim curandam. Quasi verò non publici etiam quam maximè intersit, quemadmodum privatim omnia sint composita: quasque item publica non suspensa sint à felicitate & miseria privatorum civium, & omnia judicia aliave quam multa privatorum negotiis non vacent unicè. *Ærarii & fisci*
rebus

rebus major solet passim intendi cura: justam, quam
nempe ad omnes belli pacisque necessitates ex-
plendas sit directa, ubi vis institui, haud temerè
dixeris. Quamvis porrò hæc alicubi agi soleant,
in quam multis tamen etiam illis civitatibus vi-
deas peccari graviter diversâ parte; quod videlicet
parandæ *ms. de necessitatibus* idonea instrumenta & artes
non veniant in usum. Id quod plerumque fit ex
ignorantia eorum quibus isthæc curare officium
est. Nec enim industriam in illis desideraveris, nec
fidem: & tamen vel nihil vel parum præstant com-
modi, præ ejus quod jure agendum erat inscitia.
Et sanè ita penè vulgò persuasum est, ejusmodi quid
expedire, non esse alicujus singularis artis sed tan-
tum nativæ *deivórnli* opus. Quod in vulgus exi-
stimari non fortassis mirum esse debeat, quum hæ-
ctenus hujus argumenti via aliqua non sit literis præ-
dita, in tantâ licet scribentium multitudine. Verum
enimverò complura hæctenus non sunt in artem
reducta, multò minus artes quælibet scripto sunt
comprehensæ; & tamen nequaquam hinc col-
ligere fas fuerit, soli nativæ dexteritati in iis locum
esse. Constant scilicet artes in universum omnes.

non arbitrariis hominum institutis, sed iis quæ
reapse fieri solent studiose & solerter relatis in
communis præcepta. Atque adeo etiam hæc
locum habet quod de Oratoria monuit Aristo-
teles. Quum nimirum dixisset, accusare ac defen-
dere similiaque agere omnes solere, prudenter ad-
dit: τῶν μὲν ἐν πολλῶν οἱ μὲν εἰκὴ ταῦτα δρῶσιν, οἱ δὲ
διὰ σωφροσύνης ἀπὸ ἐξέως. ἐπεὶ δὲ ἀμφοτέρως ἐνδέ-
χεται, δῆλον ὅτι εἴη ἀνὰ ταῦτα καὶ ὁδοποιεῖν. διὸ γὰρ ἡπι-
τογχεύουσιν οἱ τε διὰ σωφροσύνης, καὶ οἱ ὑπὸ ταυτομάτῃ,
τὴν αἰτίαν θεωρεῖν ἐνδέχεται. τὸ δὲ τοῦτον ἤδη πάντες
ὁμολογήσειεν τέχνης ἔργον εἶναι. Non vertam hæc
Græca in Latinum, ne peccem in te Illustris atq;
Excellentissime Domine: qui ut aliarū & Græcæ linguæ
longe es peritissimus, nec proinde eges interpreta-
tione. Hoc autem duntaxat volo. Parant quam mul-
ti quantum satis est rerum, sive usu aliquo cdocti,
sive ingenii calliditate, & possunt ejus qui istud fiat,
caussæ in communes regulas cogi, potest itaque &
ars certa de iis constitui: quæ fuit Aristotelis argu-
mentatio. Et verò hæc est illa ars, quam idem Ari-
stoteles in Politico opere *χημαστικῆς* appellatio-
ne laudavit non minus in civilem quàm dome-
sticum

iticum usum. Quamvis autem nec ego diffitear,
illam artem hactenus in justam aliquam integram-
que methodum redactam non esse, per partes ta-
men multa ejus jam pridem cum in veteris tum in
nostri ævi scriptis sparsim sunt consignata: quæ &
in unum colligi possunt & apodicticâ prudentia plé-
nè expoliri. Non est autem fortassis dignum du-
bitatione, an reipublicæ expédiat, omne hoc de
paranda rerum sufficientia opus fortuitæ cuidam
dexteritati duntaxat in civitate committere, ceu
fere hactenus solet fieri, an potius certâ atque in-
tegrâ in id methodo instructis. Indubiè igitur
etiam ex bono publico fuerit, tandem aliquando
artem illam suis præceptis perfectam constituere.
Ego sanè, cum existimem magno id futurum rei-
publicæ commodo, fortassis aliquando, si illi qui
usu & judicio pollent rerum, Tu nempe Tuiq; simi-
les, me ad id perficiendum exstimulaverint, pe-
riculum faciam, num desiderio queam satisfacere.
Intereà id dabo operam, ut quæ ab aliis huc fa-
cientia jam tum conscripta sunt in medium protra-
hantur. Ita sanè & parari poterunt animi ad accura-
torem aliquam hujus argumenti tractationem, &

simul ipsemet evitare potero omnem plagii suspi-
cionem, ubi fortè meum aliquid cum aliorum in-
ventis convenerit. Nunc adeo, illo fini, edidi
Joannis Bodini librum Malestretto oppositum,
iisque adjunxi excerpta quædam ex ejusdem
Bodini de Republica opere, quibus de Ærario &
Re Nummaria disputavit; ut & nonnulla summi
viri Joachimi Hopperi, quibus ille ea quæ in Cor-
pore Justiniano de curatione bonorum Cæsareo-
rum sancita sunt unam in epitomen coëgit. La-
borat quidem iste Bodini liber iis vitiis quibus o-
mnia viri illius sunt affecta: confusæ scilicet & in-
digestæ tractationis, alienorum perquam multo-
rum intempestivæ mistionis, frequentis eorundem
repetitionis, adeoque multæ obscuritatis: elegans
tamen est & aureolus, si singulas ejus partes, præci-
pue illam quæ de Re nummaria agit, imo etiam il-
las quæ non sunt illius loci, spectes. Quid? quod &
variis, Galliæ cum primis, aliarumq; omnium gen-
tium historiis commemoratis mereatur aliquam
admirationem. Par est conditio eorum quæ ex
Politico opere de Ærario & Re Nummaria excer-
psimus. Fuit nimirum Bodinus vasti ingenii, dif-
fusissi-

fusiffimæ lectionis, peritiæ civilium omnis ævi re-
rum inusitatæ, memoriæ semper promptiffimæ,
magnæ in sentiendo pariter & eloquendo liberta-
tis; utinam non in suis Rerum sublimium Arcanis
ad summam usque impietatem effrenis! Talem
sanè præbet sese Bodinus cum in aliis tum etiam in
hisce quæ edidimus. Libellus Malestretto oppositus
pridem manibus excidit literati orbis: & septuagin-
ta pene anni sunt, quum typographi ultimâ vice
opus de Republica ediderunt: ac proinde vel hoc
nomine justum fuit, oculis Politica æmulantium
& tractantium rempublicam præclara hæc opus-
cula denuò exhibere. Nôs tamen ceu jam tum
dixi, curam hanc nunc suscipere nihil fecit aliud,
quàm studium publicæ rei: idque quandoquidem
illa passim graviter circa τὸν ἀνθρώπου civilis vi-
tæ laborat, & remedia tantis malis rara suggerun-
tur. Neutiquam tamen ex Bodinianis illis exspe-
ctare est plenam integramque morborum ejus-
modi medicationem. Imo ipsimet mihi illa sese,
omni quidem ex parte, haud probant, idque aliàs
suis rationibus ingenue docebimus. Quædam ni-
hilominus haud leve commodum præbere sunt

idonea, & vel ideo existimationem pretiumq; com-
merentur. Nisi fallor sane, hæc probè expensa
excitabunt prudentiores quam multos ad hujus
argumenti majorem solito culturam, & perfe-
ctam illius, laudatæ in usum vitæ non tam dome-
stica quam civilis, hætenus tamen penè negle-
ctæ, *ἀντεχειας* artis elaborationem. Multum
diversa quidem est ratio eorum quæ ex Hopperia-
no opere adjunximus: etiam illa tamen, dum do-
cent, quemadmodum Cæsarea sint bona curata,
præclaro quodam exemplo manuducunt ad re-
ctam talium administrationem. Enimvero nu-
sq̃uam terrarum publicum jus illud quod in
Iustiniano est Corpore vim habet legis, adeo-
que hætenus à nobis securè potest negligi et-
iam illud omne, quod de bonorum illorum Ta-
miacorum curatione ibi sancitum fuit: quan-
doquidem tamen à viris prudentibus in com-
modum Reipublicæ omnium maximæ hæc ita
sunt constituta, juvare nos auctoritate & exem-
plo apta sunt. Quemadmodum sanè ad pru-
dentem *νομοθεσίαν* plurimum conducit, *Μυλ-
lorum mores populorum noscere* & *urbes*, ita &
Ro-

1 Romana instituta haud perfunctorie perlustrasse, ex re utique est civilis sapientiae. Sed & turpe quodammodo fuerit, in gentium minorum mores ac leges cum cura inquirere, & negligere Romana, quamvis non semper optima. Nectamen, fateor, etiam omnia illa in Hopperianis hisce reperire fuerit; imo yero in iis fere nihil invenias quod priscam paratitlorum conditionem excedit: ideoque manuuctionis tantum vice isthaec sunt ad plenam justamque ex Justiniano ipso petendam eorum scientiam. Hoc autem cumprimis in Hopperianis hisce est laude dignum, quod ea quae sparsim & nullo ordine Tribonianus proposuit, suntque adeo indigesta & intellectu perobscura, illa hic justo ordine & quasi in clarissimâ luce omnium oculis elegantissima quadam via ac ratione exhibeantur. Non sane quisquam publicum quidem Justinianicum jus omne pari dexteritate, methodo, & iudicio digessit, atque fecit Hopperus. Fortassis etiam non alius temere idem potuit: quoniam hic praë quamplurimis fuerit cello in republica gerenda loco & auctoritate, ac proinde
veteris

veteris etiam Romani Imperii universum regimen promptius aliis potuerit & intimius perspicere. Hisce autem omnibus ea qua vales prudentia expensis, neque tu, Excellentissime Grisenfeldi, meum in iis recensendis (quod cum cura à me esse factum sine jaectantia possum profiteri) edendisque impensam operam, quantum arbitror aspernaberis. Quod si sane vel Tu unus consilium meum de arte illa sufficientiæ rerum parandæ approbabis, magnum mihi ad id conandum calcar datum existimavero. Quantumvis enim nequaquam ætate aliqua graviam tum valeas, omnium tamen qui Te notunt suffragiis, longe vincis annos tuos exquisita rerum civilium sapientiâ, ut & singulari gravissimorum quorumque negotiorum tractandorum promptitudine. Et verò utroque nomine cum antehac felicissimæ memoriæ FRIDERICO Regi perquam fuisti acceptus, tum flores jam summa gratia Regis CHRISTIANI: qui iustissima virtutis atque industriæ instituta æstimatione, nuper ad eò Illustribus nominibus inseruit Te, simulque

que opibus & dignitate non una exornatum ad
sublime exexit fastigium. Quod ipsum quoniam
nec me fugit, (& vero hoc nomine Tibi pluri-
mum ego gratulor) non equidem dubito ad
Tuum præcipue tribunal nunc provocare; quo-
cunque tandem institutum meum quod signifi-
cavi calculo dignatus fueris. Vale Illustris atq;
Excellentissime Domine in commodum publi-
cum, & mihi, quod facis, fave. Helmstadii in
Acad. Julia 16 Septemb. Anno 1671.

IACOBUS AUGUSTUS THUANUS

libro cxvii, in Historia rerum

Anni 1596.



Ost eum commemorandus venit JOHANNES BODINVS, in Andibus natus, & puer (ut quidam certò affirmarunt) in Carmelitarum coenobio vitam religiosam professus, dein voto immatura ætate facto solutus, gnayiter literis operam dedit: linguarumque non vulgari peritiâ sibi comparatâ, omnium artium circularem ambitum animo ingenti complexus est. Cumque initid in foro Parisiensi patronum egisset, contentiosæ illius militiæ pertæsus, scriptioni se totum addixit; periculoque in *Oppiani Cynegeticis* ingenii facto (quæ & eleganter Latine ac scite vertit & doctissimo commentario interpretatus est, egregio documento per illa, quantum in literis humanioribus valeret, edito) mox animum ad majora appulit. Et post *Methodum Historicam & de Re Monetariâ* accuratas contra Malestretum dissertationes, opus magnum *de Republica* Gallicè publicavit. In quo ut omni scientiarum genere non tincti sed imbuti ingenii fidem fecit; sic nonnullis, qui rectè judicant, non omninò ab ostentationis innato genti vitio vacuum se probavit. Postea & *Demonomaniam* Gallicè itidem scripsit; in quâ dum materiam ab aliis tantoperè agitatam adversus Johannem Wieri plerumque sententiam enucleatius retrahat, Magicæ rei ac vetitarum istiusmodi artium crimen minimè effugit. Dum hæc scriberet, ab Henrico III Rege (qui literatis disceptionibus per otium oblectabatur) ad

ad familiare secretum cum plerisque aliis viris doctis
sæpius est admissus, magnamque laudem ex iis reporta-
vit, quippe qui ingenium in numero haberet, & para-
tam ad omnia, quæ proponerentur, pulcherrimarum re-
rum copiam, quâ pollebat acri memoriâ effunderet.
Emulatione dein quorundam qui in aulâ plus poterant,
cum se gratiæ loco motum videret, in Francisci An-
dium Ducis, Regis fratris (qui postea Belgicarum pro-
vinciarum Ordinibus deferentibus principatum inivit)
familiâ, ob raram eruditionem & non vulgarem rerum ex-
ternarum cognitionem, honorificum locum tenuit, eum-
que in Angliam & Belgium aliquot annis secutus est.
Posteâ eo mortuo, Laoduni Clavari præturâ donatus
est, quam ad annum usque 1588 gessit. Quo turbatis u-
bique rebus, cum ab initio Protestantium doctrinæ ad-
dictus crederetur, neq; tunc ab eâ multum alienus puta-
retur, Henricæ factioni cum aliis nomen dedit, & mul-
ta de Rege legitimoque ejus successore haut satis dignè
pronunciavit, quæ magno factionorum plausu ubique
evulgata sunt. Sed cum errorem admirabili de inspe-
ratâ istorum motuum clausulâ præfatio statim emen-
davit: annumque & mensem, quo pax, cum minùs pu-
tabatur, coitura esset, prædixit, eventusque ejus judi-
cium comprobavit. Demum hoc anno, incunte Majo,
septuagenario major pestiferâ lue correptus, publicato
priùs *Natura Theatro* (quo rerum causas & effectiones ad
principia sua repetitur) quasi cygneâ can-
tione vitam variis studiis & fortunâ agitatum Laoduni
clausit.

HERM. CONRINGIUS
Libro de Civili Prudentia cap. xiv.

INter Gallos duo excellunt in primis, vassis uterque voluminibus, uterque simul & Romani juris peritissimus; quod rarissimum. Alter est Petrus Gregorius Tholosanus, alter Joannes Bodinus. Ille verò potissimum occupatus est in iis quæ ad *reipublicæ* faciunt, non omnium tamen reipublicæ specierum cœu fieri par erat, sed vel optimæ vel Regiæ: reliqua vix leviter attingit, etsi momenti sint ad rempublicam gerendam maximi. Disputat etiam plerumque, suffultus magis auctoritate Legum Romanarum & nostri ævi Juris doctorum, quàm veris solidisque Politicæ prudentiæ principiis. Et tamen auctoritas illa Legum ac Doctorum Juris demonstrationem Politicam suppeditare nequit, sed duntaxat Dialecticam verisimilitudinem. Nihilominus si Legislationem spectemus, eo majore fuerit in pretio habendus Gregorius, quo pauciores sunt in Politicis nostri ævi, qui in hac Civilis Philosophiæ parte quidquam operæ collocaverunt.

Peralia quæq; sese magis quidem diffudit JOANNES BODINVS, nec tamen quæ ad Leges attinent planè neglexit. In utroque tanto felicius Tholoso, quanto major fuit ingenii capacitate, & historiarum omnis generis inusitata peritia. Et verò princeps hic, omnium pene & sui & veteris ævi rerumpublicarum cognitionem, ad culturam Civilis hujus Philosophiæ, rarissimo post Aristotelem exemplo, attulit. Illa certò insignis peritia passim claret & in Methodo Historica pariter & in illo de

do de Republica opere: in aliorum scriptis Politicis per
est infrequens. Attamen debuissent illæ historiæ non ea
proximitate ipsi doctrinæ Politicæ commiseri, sed tradi
seorsim ac ceu prudenter factum ab Aristotele, & facien-
dum esse, jam demonstravimus. Turbant certè lectores
plurimum illæ frequentissimæ digressiones historicae, sæ-
pe ad rem parum aut nihil facientes. Soler verò Bodi-
nus & alia quam multa plane aliena doctrinæ suæ omni
miscere, ac tumultuaria isthac scriptione lectori quasi
crucem figere: à quo vitio Aristoteles sibi studio-
se cavet. Nimis porro manifestum est, nec universum
argumentum Politicum à Bodino vel levi brachio esse
attactum, nec quidquam penè iusto ordine, aut ex soli-
dis principiis ἀποδείκνυσις esse traditum. Ne nunc dicam,
quàm Bodinus, dum est novitatum iusto studiosior, sæ-
pe passim soleat vapulare. Ut consentiam igitur qui-
dem Naudæo, ceteros recentiores quosque ab illo memo-
ratos, uni Bodino tantum concedere quantum lentæ solent
viburnæ cupressis: in universum tamen omnes, quicunque
unquam de republica libros edidit, atque adeo & ipsum
met Aristotelem, à Bodino victos, à veritate quàm lon-
gissime recedit. Proindeque nemo etiam temere π-
πειδὸς μὲν τὰ πολιτικά fatebitur, quod *facendum* esse Nau-
dæus scripsit: Rempublicam Bodini, opus esse elaboratum
ingenio, expositum industria, perfectum iudicio, & ita nume-
rus omnibus absolutum, ut qui ab ipso discesserit, haud dissimilis
videri possit nautis illis antiquioribus, qui neglecta vel igno-
rata cynosura præstantiâ, navigationis suæ cursum ad avicu-
larum quarundam placitum dirigebant, sapinsq; per cautes &
saxa precipites ferebantur. Mihi Politicus magnus est
Bodinus, (nec enim probatur illud Cujacii ἀναγρημα-
νισμὸς.)

ἡνδὶς πῶμα *Andius sine bovo*) major futurus si ipse vo-
luisset esse minor, & vastum ingenium ac diffusam lecti-
onem freno Apodicticæ artis coërcuisset intra modum,
& in magis solido collocasset. Quod Thuanus refert
Bodinum, de *Henoticorum motuum clausula*, admirando præ-
sagio, annum & mensem quo pax, cum minus putabatur, cois-
ura esset prædixisse, eventum indicium comprobasse, id vereor,
ne non tam civilium rerum prudentiæ, quàm illi, cujus
Bodinum sua jam *Demonomania* suspectum haud imme-
rito fecerat, malæ arti sit tribuendum. Cum præsertim
à religioso veri Numinis cultu alienum hominis animum,
opus impium Arcanorum plusquam manifestum red-
diderit.



INDICVLVS EORVM QVÆ HOC
VOLVINE CONTINENTVR.

- Ioannis Bodini Responſio ad Paradoxa Maleſtretti , de
caritate rerum omnium ejuſq. remediis. pag. 1.*
Ioannis Bodini Diſſertatio de Ærario. pag. 86.
Ioannis Bodini Diſſertatio de Re Nummaria. pag. 157.
*Ioachimꝰ Hopperꝰ de curatione bonorum Cefareorum
ſecundum leges Inſtinianeas. pag. 179.*

IOANNIS BODINI
RESPONSIO AD PARADOXA
MALESTRETTI
DE CARITATE RERVM OMNIIVM
EJUSQUE REMEDIIS.





AD DOMIN. PREVOST, DOMINVM
DE MORSAN, REGIVM PRÆSIDEM
IN CVRIA PARLAMENTI.

NOta est tibi, Domine Præses, vulgaris querela caritatis rerum omnium: noti conventus, qui ad occurrendum ei rei passim in hac civitate habitati sunt: notū denique, quantum laboris insumptum sit investigandæ causæ, unde caritas ista proveniret. Huic Domini de Menil, & de Faur, Advocati Regij, quos natura bono publico consecrassè videtur, conati sunt mederi. Tandem verò Dominus de Malestroiët, (cui negotium hoc jussu Regis mandatum erat) libellum Paradoxorum publicavit: in quo, contra omnium opinionem defendit, intra trecentos annos nullius rei precio quicquam accessisse. De quo multis fidem fecit. Verum superioribus diebus, lecto ipsius tractatu, operæ pretium duxi, ut uno verbo ei responderem; pro declaratione & meliori intellectu hujus quæstionis, quæ & publicam omnium & privatam singulorum utilitatem respicit. Ea conditione, si tibi non displicet, ut tu honorarius sis arbiter: in quem mihi persvadeo etiam Dominū de Malestroiët consensu-

rum esse. Etenim ad rectè dijudicandum Paradoxum, seu opinionem communi contrariam, opus est iudice tali, qualis tu es; cui natura ingenium tam perspicax & iudicium integrum largita est, ut inter quā plurimos difficile sit parem invenire. Quod non inter laudes tuas reputo, cum sit naturæ donum: sed illud potius, quod præditus sis eleganti & liberali doctrina, & tanta publicarum rerum experientia: quæ usque ad eò tibi curæ sunt, ut notum sit omnibus, jamdudum te proprias oblivioni dedisse. Quamquam erratum in hoc à me sit: cum non possit privatarum rerum oblivisci, qui tam sapienter administrat publicas. Quemadmodum in gubernatione reipublicæ, & præcipuè Provinciæ demonstrasti: quæ perpetuum testimonium præbet incredibilis prudentiæ & dexteritatis qua usus es in regendo populo illo, periculoso tempore: mixta severitate cum humanitate: ut merearis non Provinciā gubernare, sed Regnum. Quamobrem certus sum in causa proposita non solum te iudicium de hac quæstione certum esse daturum, sed & inventurum facile modos, quibus caritati annonæ, quam experimur, occurratur: quantum humano ingenio possibile erit, prudenter consulere, maturè aggredi, & feliciter exsequi..

RESPON:

5

RESPONSIO IOANNIS BODINI

ad Paradoxa de Malestroiët : quoad caritatem rerum omnium, & modum quo ei consuli possit.

Primo, breviter proponam rationes Malestretti. *Nemo, inquit, conquiri potest, ullius rei precium majus nunc esse quam fuerit ante annos trecentos: nisi in emptione ejusdem oporteat hoc tempore plus auri argenteve exponere, quam tunc. Atque non solvitur hodie in emptione rerum omnium plus auri vel argenti, quam tunc solvebatur. Precia itaque rerum ab eo tempore non accreverunt in Gallia. Hæc est ipsius conclusio: & quidem necessaria, si minor propositio ei concedatur. Ad quam probandam: Vlna holoserici, inquit, tempore Regis Philippî Valesii emebatur quatuor coronatis, aequalibus vel etiam melioribus pondere & valore nostris coronatis solaribus: & quisque coronatus valebat saltem viginti solidis monera argentea. At nunc quoniam coronatus quinquaginta solidis valet, decem libras pro singulis vlnis solvere oportet, quæ tamen non plus valent quam dicti quatuor coronati. Itaque vlna holoserici hodie non plus emitur, quam olim Progreditur etiam ad omnes merces cæteras, adeoque ad vina & frumenta: sed auctoritate destituitur.*

Quantum ad holosericum, Dominus Malestrettus in eo fallitur, quod affirmat, vlnam constituisse tantum quatuor coronatis, tempore Philippî Pulchri, Nam in primis opus esset probare, quod tunc temporis holosericum in Gallia fuerit: quandoquidem opinio eorum, qui hoc ex Justiniano demonstrare voluerunt, qui de holoberis & holoburis loquitur, non recepta est.

Etenim Ordinatio Philippî Pulchri publicata anno 1294 & relata in Camera rationum & non impressa, quam Dominus de Malestroiët Magister rationum legere potuit in libro cui titulus: *Ordinationes Sancti Ludovici pro tranquillo statu Regni,*

folio quadragesimo quarto, diserte & plusquam quinquaginta articulis præscribit formam vestimentorum, quibus unusquisque uti debeat à persona Principum usque ad infimum servum: & nihilominus, nulla profus illic mentio est serici, neque holoserici, neque hemiserici, neque Damascenæ alteriusve ejusdem generis telæ. Quanquam permittat Ordinatio quibusdam aurum tam in catenis quàm zonis gestare: absque ullâ prohibitione gestandi serici viris vel fœminis, Principibus vel mercatoribus, dominis vel famulis. Quod utique non præteriisset: cum primus articulus à tali prohibitione incipiat: *Neque oppidana ferat torquem.* Secundus item: *Ne quis oppidanus vel oppidana gesserit aurum, vel gemmas vel zonas aureas vel coronas aureas vel argenteas, neque pelliculas virides, aut leucophaas, aut variegatas.* Quod non est interdictum Nobilibus. Perperam itaque adfertur exemplum holoserici, quod tunc temporis nec in Galliâ nec fortassis in ullo mûndi loco fuit; quoniam adferebantur aromata ab Indis unde sericum venit, & Arabia fœlici, quæ longius abest quàm Prusa, ubi holosericum inventum fuit.

Tametsi verò exemplum holoserici ei concederem, tamen non rectè consequentia inde ad cæterarum rerum precia fumeretur. Quia necesse erat tunc temporis ex omnibus Orientis mercibus holosericum maximi precij fuisse, cum non essent ferè civitates aliæ quàm Damascus in Syria & Bursa in Asia minore, (quam veteres appellabant Prusam) ubi holosericæ & Damascenæ telæ texebantur. Pedetentim Græcia & Italia idem usitarunt. Et vix centum anni præterlapsi sunt, quod pristina serica quæ à Genuensibus accepimus in Gallia essent incognita. Hodie Turonensis, Lugdunensis, Avenionensis, Tholosana & aliæ civitates hujus Regni plenæ sunt talium mercium. Quamvis etiam nunc quisque eas ferat, licet olim secus fuerit; tamen in tanta copiâ optimi holoserici ulna
vix

vix uno coronato æstimanda foret; habito respectu illius temporis, prout mox dicam. Sufficit jam demonstrasse, non esse holosericum pro exemplo omnium mercium Latinarum, & multo minus omnium rerum proponenda.

Quod ad VINA & FRUMENTA attinet, certum est, vigesies carius nunc ea vendi, quàm ab hinc annis centum. Quod me vidisse affirmo in catastis Tholosæ, ubi sextarius frumenti (qui propemodum medietatem nostri conficit) æstimabatur quinque solidis, qui hodie emitur sexaginta solidis communiore precio, quod vigesies modò quàm tunc carius est. Et ne longiùs petatur exemplum, reperimus in regestis Castellæ civitatis hujus, modium frumenti mensuræ Parisiensis centum viginti libris emptum fuisse anno 1524: quamvis biennio ante segetes frigore adustæ fuissent: in quâ æstimatione judicia Castellæ fundabantur. Anno 1530 precium excrevit ad centum quadraginta & quatuor libras: & decreto Curie anno 1531 contractus quidam minore precio initus rescissus fuit. Hodie, precio ordinario plus tertia parte aucto, contractus juxta decretum anni 1531 habiti declararentur esse usurarij, nisi debitori præstaretur electio, solvendæ pecuniæ loco frumenti ad rationem unius denarij in duodecim. Non loquor de anno 1565, quo modius frumenti communiter emebatur ducentis sexaginta libris, in pura emptione, mense Maio: sed de vulgaribus annis loquor, intra quadraginta annos tantum; quibus videmus frumentum reddituum quod æstimabatur quinquaginta coronatis solaribus (ne de libris loquamur amplius) hodie duplo carius constare: ita ut optimum frumentum in mera emptione & venditione, precio ordinario æstimetur centum viginti libris, quo precio constabat in redditu ante annos quadraginta. Ideoque Malestretus non debuit frumenta exempli loco adferre.

Sed quo meliùs probetur quod dico, relinquamus fruges
&

& inspicimus **PRECIA AGRORV**M, qui neque crescere neque diminui neque à naturali bonitate mutari possunt, dummodò non ludibriò habeantur, ut dici solet, sed colantur. Sicuti factitarum est, postquam Ceres foemina Sicula usum ejus commonstravit. Etenim non est verisimile, terram vetustate amittere vigorem suum, quemadmodum multi existimant: etiamsi Deus, justâ vindictâ, ab aliquot annis sterilitatem im-miserit.

Cum enim Deus Galliam, inter Hispaniam Italiam Angliam & Germaniam, mediam collocarit, constituit quoque eandem nutricem, cornucopiæ in sinu ferentem, quod nec fuit nec erit unquam vacuum. Agnoscentibus id & consentientibus Asiae atque Africæ populis. Sicut videre est in omnibus eorundem scriptis, & præcipuè in Oratione Regis Agrippæ, Iudæos rebelles ad obedientiam Romanorum exhortantis. *Videse, inquit, Galliam quæ trecentos quindecim populos complectitur, Alpibus Rheno Oceano & Pyrenæis montibus circumclusas, quæ ferè universam terrarum orbem inexhausto omnium bonorum fonte irrigat: nihilominus bellicosi isti populi sub potestatem hujus Imperij se submiserunt, postquam octoginta annis contra resistissent: felicitate magis & fortitudine Romanorum perterriti quàm debilitati viribus: quoniam non habet in prasidiis plures, quàm mille ducentos milites: ut vix numerus militum numerum civitatum aequet.* Inde videmus, Galliam non fuisse steriliorem, quàm jam sit. Monstremus etiam eandem hodie non minus fertilem esse. Cicero de fertilitate Siciliæ loquens, quam Romani horreum suum appellabant, dicit, *uberrimam terram fructum tantum duodecuplum tulisse licet à Dijs fortunata esset.* Hodie ad Ligerim, in Santonibus, Limania, Arvernia, Aquitania, & Insula Franciæ, omnium rusticorum judicio, meliores agros habemus. Et videmus nihilominus, intra annos quinquaginta, pretia agrorum non ad duplum, sed ad triplum accrevisse: ut jugerum terræ arabilis & feracioris,

racioris, quod olim decem aut duodecim coronatis emebatur, vineti triginta; hodie duplo vendatur, imo triplo, & quidem coronatis qui decima parte minùs ponderant quam ante annos trecentos. Quod Malestrettus mihi concessurus est, si res gesta nostra nonnihil perscrutari velit.

Et ne opus sit privatorum contractus perquirere, qui passim sunt obviij: te testem appello Domine, qui decreta Cameræ contractusquè omnes archivi Galliæ sæpissime versasti, annon **BARONATVS COMITATVS DUCATVS**, vel alienati à Corona vel ad eandem revocati, tantundem in annuo redditu valent, quantum olim in universum venditi fuerint. Omnibus notum est, Comitatum Venoyensem & Avenionensem duplo plus in redditu præstare, quàm quo oppignoratus fuerat. Carolus Sapiens emit Comitatum Auxerrensem à Comite triginta & uno millibus Francorum aureorum, seu totidem coronatorum vel circiter. Didici ex Domino Faucheto consiliario, quem pro fideli pulcharum antiquitatum commentario habeo: Herpinum, ut comitaretur Godofredum Bullionensem, vendidisse Ducatum Bituricensem Regi Philippo Primo anno 1509 sexaginta millibus solidis aureis. Ita legitur in nostris Annalib⁹, Sicut & videre est in multis legibus Longobardorù, Saxonum, Francorum, Ripuariorum: in quibus omnes muliæ taxantur per solidos. Veluti cum dicitur; qui occiderit hominem liberum, solvat solidos centum: qui vinxerit, decem solidos. Quod obiter dico, quia vidi processum veterum statutorum civitatis Ambianæ, ubi Patres præter rem solidos pro vulgariibus assibus interpretabantur. Certum est etiam primos solidos argenteos ducentis demùm pòst annis cufos per Sanctum Ludovicum.

Ponamus, illos solidos aureos ejusdem ponderis & valoris fuisse, cujus fuit solidus aureus Justiniani (nam leges horum populorum eodem serè tempore latæ sunt) non erit ad

summum plus quam sexaginta millia Angelottorum vel sexaginta millia Regalium aureorum, ut mox dicam. Solidus enim argenteus non fuit tanti ponderis. Verisimile etiam est, solidum aureum eodem pondere fuisse conflatum : adsentior tamen, quod solidum Justiniani pondere æquarit.

Reperio quoque in Antiquitatibus Italiae, Imperatorem Rudolphum, Lucam vendidisse civibus duodecim millibus coronatorum, Florentiam sex millibus, quemadmodum scribit Blondus *lib. 8. decadis secunde*. Hodie Florentiæ ædes sunt centum, quæ triplo amplius valent quàm civitas vendita fuit. Invenimus etiam in Constitutionibus Philippi Longi, de jure civium anno 1328 statutum : ut is qui cuperet gaudere jure civitatis alio Regni loco, teneretur emere domum sexaginta solidis Parisiensibus.

His antiquitatibus si Malestretto non erit satisfactum, videamus vetera statuta Camerae : item Consuetudines Galliae & præsertim patriæ meæ Andegavensis. Invenimus articulum 499 qui habet hæc verba : *Vehes frumenti 25 solidis Turonensibus : vehes secalis 23 solidis & 6 denariis : vehes hordei 15 solid. Caro bædina tribus solidis & quatuor denariis : Capo 12 denar : Gallina 8 denar : Vervex pinguis 7 solid. & 6 den. Opera diurna boum tempore hyemis 10 den. Quæ consuetudo anno 1508 approbata & confirmata est. Sed invenio, in Arvernia viliori pretio æstimationem factam fuisse : nam vervex cum lana solùm æstimatur 5 sol. hœdus 18 den. gallina 6 den. vitulus 5 solid. porcellus 10 den. Pavo 2 sol : Phasianus 20 denar : pipio 1 den : Plaustrum fœni quinque quintalium, 15 sol : Opera manuarij diurna in æstate 6 denar. hyeme 4 den : Vesturaboum hyeme 12 denar. In Borbonensi Ducatu plaustrum fœni duodecim quintalium æstimatur, in Consuetudinibus 10 tantum solidis articulo 555 : pratense 5 solidis in consuetudinibus Marchiæ receptis anno 1521 : Caro vervecina integra absque ana æstimatur 2 sol. 6 denar.*

denar: Plaustrum fœni quindecim quintalium 12 Solid: Plaustrum ligni 12 denar: vitulus 18 denar: Anser 12 den. In Consuetudinibus urbis Trekarum Campaniæ sextarius tritici optimi mensuræ Trecentis æstimatur 20 solidis Turonensibus: scale 10 solid: hordeum 7 sol: avena 5 sol: opera viri diurna 12 denar: fœminæ 6 den.

Hic Malestretus non potest negare, quin ab annis sexaginta rerum omnium precia decuplo accreuerint, ut minimum: & de quavis moneta loquor, de qua intelligi velit, sicut monstrabo statim. Nam si ager una cum jurisdictione vendi ad summum non potest carius quam ad rationem unius denarii in 25 vel 30, consequenter precium agrorum decuplo majus est, quàm ante annos sexaginta: quod, comparato antiquo precio, percarum videbitur ei qui vetera statuta & monimenta perscrutabitur. Omitto infinita exempla alia: nec attingo quæ uniuscujusque oculis obvia sunt: & sufficit demonstrasse nunc, caritatem Ducatum, Civitatum, & Comitatum, & agrorum, qui vetustate non deteriorantur. Quod clarius intelligitur, si causa & origo caritatis cognoscatur.

CARITATIS quam experimur CAUSSAS invenio quatuor vel quinque. *Præcipua* & penè sola, quam nemo hætenus animadvertit, est abundantia auri & argenti, quæ hodiè in hoc Regno major est quàm antè annos quadringentos. Vterius non progredior, quia regeſta Curia & Camera quadringentos annos non excedunt: reliqua ex historiis veteribus, licet non satis certò colligenda sunt. *Secunda* occasio caritatis ferè ex monopoliis procedit. *Tertia* est penuria, quæ proficiſcitur tam ex evectiōe quàm corruptione. *Quarta* est voluptas Regum & Principum, augens precia rerum quas amant. *Quinta* oritur propter precium monetarum, quod de antiqua æſtimatione imminutum. Hæc membra breviter attingam.

Præcipua causa, quæ auget rerum omnium precia in quo-

cunq̃ue loco, est abundantia ejus quo æstimantur res & appretiantur. Plutarchus & Plinius attestantur, subactò Macedoniæ Regno, Paulum Æmylium belli ducem, tantum auri & argenti Romam attulisse, ut populus à solutione tributorum liberaretur, & precia agrorum in Romania duabus tertijs statim augerentur. Suetonius quoque refert, Augustum Imperatorem, tantum divitiarum ex Ægypto apportasse, ut usuræ minuerentur, & precia agrorum longè majora fierent quàm fuissent antè. Non itaque propter penuriam agrorum, qui neque crescunt neque diminuuntur: nec propter monopolium, cui tali casu locus esse non potest: sed propter abundantiam auri & argenti, quæ contemptum ejusdem efficit: exorta est caritas rerum æstimatorum. Sicuti accidit, cum Regina Candaces, quam Scriptura appellat Reginam Sabæ, in urbem Hierosolymam advenisset; quo tantam vim gemmarum attulit, ut pedibus conculcarentur. Et cum Hispani novas terras subegissent, secures & cultri carius venditi fuerunt, quàm margaritæ & lapilli preciosi; quoniam illic non alij quam lignei & lapidei cultri erant & magna gemmarum copia. Abundantia itaque vilitatem parit. Quâ in re Tiberius Imperator longe aberravit, qui capite truncari iussit eum qui vitrum molle & ductile effecerat; metuens, ut Plinius ait, ne si res evulgaretur, auctoritas auri periret; nam abundantia vitrorum, quæ ferè ex omnibus lapidibus & herbis conficiuntur, semper vilitatem induxisset. Idem in cæteris quoque rebus accidit.

Ostendendum itaque est, auri argentiquè in hoc Regno non fuisse tantum ante annos trecentos (de quo tempore Maletrettus loquitur) quantum sit hodie. Quemadmodum manifeste apparet. Nam si quid in est regionibus pecuniarum, non tam abscondi diligenter potest, quin à Principibus tempore necessitatis inveniatur. At verò Joannes Rex non potuit unquam invenire mutuò sexaginta mille Francos (ponamus fuisse

Ille coronatos) in extrema necessitate: & post Pictaviensem pugnam, cum annis octo captivus ab Anglis detineretur, neque liberi ipsius, neque amici, neque subditi, neque ipse met adveniens, pretium redemptionis suæ potuit corrader, sed coactus fuit redire in Angliam, donec pecunia colligeretur. Scotorum quoque Regis, qui duodecim annis post captus fuit, redemptio ad mille Nobiles aureos æstimata, inveniri ab eodem Scotiæ Rege non potuit: sed Carolus V Rex se illam soluturum promisit, inito foedere cum Roberto Scotiæ Rege anno 1371, ut ex tractatu apparet.

Sanctus Ludovicus eandem difficultatem expertus est, cum in Ægypto captivus esset. Non est verisimile, populum Francorum, naturali inclinatione Reges suos amantem, & maxime id temporis, ac præcipue talem Regem, qui nec habuit fortassis nec habiturus est unquam similem: passurum fuisse, ut servus esset Mahometanorum quos tunc summopere execrabantur: & tamen Saladinus necesse habuit eum dimittere ad conquirendum redemptionis precium, accepta pignori hostiâ quam secum portabat: quæ utique, cessante optimi Regis devotione in commissum cecidisset. Reperio qui dicunt, quæstionem fuisse de ducentis millibus Byzantiis auréis: quæ Dominus de Jonville æstimat librarum quingentis millibus, atque Reginam precium in arca habuisse. Quod in medium relinquo. Legimus etiam in antiquis nostris historiis, quod præ inopiâ pecuniarum facta fuerit moneta ex corio cum clavo argenteo: quæ res demonstrat summam egestatem auri & argenti tunc temporis in Gallia.

Quod si ad nostram ætatem veniamus: deprehendemus, semestri spacio Regem invenisse in urbe Parisiensi absque ulteriori perquisitione, plusquam tres milliones & quadringentas libras, exceptis numis officiorum Parisiis quoque inventorum, & præter auxiliares & domanij pecunias; quanquam

necessitas Principem nostrum impelleret, ut pacis lumen nobis redderetur.

Invenimus quoque Philippum III Carolo, qui postea Comes Valesius factus est, assignasse redditum 10 mille librarum feudi nomine. Et in tractatu pacis inter Philippum Pulchrum & Eduardum Reges, Isabella Franciæ desponsata & postea nuptum collocata fuit filio Regis Angliæ, dote 18 mille libr. Turon. datâ, & nihil amplius: item filio suo Philippo Longo redditum feudalem 20 mill. libr. Turon. attribuit, anno 1321. Et ex Constitutione Regis Caroli V redditus feudalium Infantum Franciæ est 12 mille libr. Turon. vel centum & viginti millia semel solvenda: itemque filiarum Franciæ 60 millia semel. Videmus autem fuisse tunc plus argenti quàm Philippi Pulchri temporibus: nam Philipp. Valesius Regis Caroli V avus in assignatione Joanni filio suo facta, constituit ut si filias solum suscipiat prima habeat 3 mille libr. redditus soli: secunda, duo millia ejusdem redditus, & 50 millia semel solvenda; tertia mille & 40 millia semel solvenda. Assignatio facta fuit anno 1331.

Sumamus ætatem Caroli VII, qui primus stipem seu solidum populo imposuit, & plurimos à subditis tumultus sustinuit. Quamvis fugasset Anglos, & tantum decennio recuperasset quantum majores ipsius ducentis annis perdiderant: tamen non plus quàm unum millionem & septingenta millia Francorum ex omnibus exactionibus corradere potuit: ut Philippus Cominæus scribit. Et pater ejus Carolus VI tantum 40 mille libr. exigebat: de quo Status Parisiis anno 1444 habiti graviter conquerebantur. Nihilominus Carol. IX anno 1572 quatuordecim milliones exegit. Ludovicus XI reducto ad Coronam Ducatu Burgundiæ & Andegavensi & Comitatu Provinciæ, & multis bonis confiscatis, profligavit tres milliones amplius quàm pater ipsius; qua in re populus tantam sensit oppressionem, ut succedente Carolo IX filio requirentibus

tibus & instantibus Ordinibus, constitutum sit medietatem onerum imminuendam esse. Postea auri atque argenti abundantia effecit, ut caritate rerum & vilitate argenti existente onera facta sint majora : & filia Henrici II Regis majori natu 40 coronatorum millia in dote data sint : nec reliquis minus. Ita ut quadruplum consequerentur ejus quod Renata Franciæ, filia Francisci, in dotem acceperat, videlicet centum millia coronatorum. Si quærat, ubi aurum & argentum fuerit? deprehendetur, Italiam propter magnitudinem negotiationum, & securitatem inter Principes, omne aurum Europæ attraxisse.

Inveniturque, eodem tempore constitutum fuisse à Carolo V, ut filiabus Franciæ sexaginta millia librarum semel solvenda nomine matrimonij darentur. Galeaceus verò Vicecomes Mediolani ducenta millia coronatorum filia suæ quæ Leonetto Angliæ Regis filio nupsit in dotem dedit: & frater illius Barnabas, qui mediam Vicecomitatus Mediolani partem tenebat, duos milliones auri pro dotibus novem filiarum legitimarum & duarum illegitimarum dedit, quamvis haberet quinque liberos masculos legitimos & duos spurios: sicut legimus in Historia Mediolanensi. Hujus nepos Galeaceus I Dux Mediolani filiam suam Valentiam Ludovico Franciæ, Duci Aurelianensi, uxorem eique quatuor millia florenorum aureorum sexcenta sexaginta septem marcas argenti in dotem dedit, absque jocalibus & Comitatu Astensi: addita promissione, quod Ducatus Mediolanensis deficientibus masculis ad Valentiam ejusque hæredes pervenire deberet. Ludovicus Sforcia cognomento Niger, gubernator Mediolanensis neptem suam Blancam Sforciam Imperatori Maximiliano, nuptam collocavit, eique quadraginta millia coronatorum & sexaginta millia ducatorum in dotem attribuit anno 1494: præter quadraginta millia coronatorum, quæ postea pro investitura Mediolani dedit.

Si Dominus de Malestroidt scrutetur Regesta Camerae, ad stipulabitur mihi, plus auri argentique in Francia ad Regis & reipubl. necessarium usum, ab anno 1515 usque ad annum 68 inventum fuisse, quàm olim ducentis annis inveniri potuerit.

Quod si quis dicat, non abundare nunc magis aurum & argentum quàm antea, sed à paucis annis hanc caritatem nobis ab Italis introductam esse: contrarium demonstrari poterit, Certum enim est, quod omnibus temporibus banniti ex eà regione hic fuerint, qui præter immunditiem quam in hoc regnum invexerunt, semper Deo & misero populo bellum intulerunt, omni conamine enitentes ut naturalem bonitatem & cordibus Regum nostrorum evellerent. Quà de causa ex Francia ejecti fuerunt, & bona ipsorum confiscata tempore Philippi Longi. Et postea majores nostri semper in duplum taxarunt litteras quas vocant Lombardicas in Cancellaria. Invenimus quoque Philippum Valesium primùm imposuisse gabellam salis: quo accesserunt quatuor denarii in singulas libras, ad quadraginta quinque libras in modium & amplius. Facile itaque argentum invenissent, si tantum exstitisset, quantum hodie: nam Philippus Longus nulla religione movebatur quin à populo postulare quintam redditum uniuscujusque partem.

1.

Sed, dicet aliquis, unde tantum auri & argenti ab eo tempore provenit? Invenio, mercatores & opifices qui aurum & argentum accersunt, tunc temporis cessasse. Nam Franci fertilissimam mundi regionem obtinentes, agriculturæ & pecuariæ operam dabant, & eo se vitæ genere quod in Francia præcipuum est exercebant. Ita ut negotiatio Orientis quiesceret metu Barbarorum qui littora Africæ tenent, & Alarborum quos majores nostri Sarracenos appellabant, qui universum Mare mediterraneum subegerant, & Christianos quos capiebant catenis servorum instar vinciebant. Et quantum ad negotiationes Occidentis, eæ prorsus erat incognitæ, antequam

quàm Hispani mare Indicum navigassent. Præterea Angli portus Aquitanix & Normandiæ tenentes commeatum in Hispaniam & insulas nobis intercluserant. Denique ab alterâ parte controversia familiæ Andegavensis cum Arragonica portus Italiæ nobis claudebant.

Sed ab annis centum quinquaginta majores nostri Anglos expulerunt; & Portugalli altum mare circumnavigantes, sinum Persicum & maris Rubri partem occuparunt; & ita naves suas divitiis Indorum & Arabiæ felicitis impleverunt. Frustrantes Venetos & Genuenses: qui merces ex Ægypto & Syria, quò per Alarbos & Persas devehebantur, adferebant, ut nobis eadem minutatim & ad auri pondus venderent.

Eodem tempore Castellani subegerunt terras novas auro & argento plenas, quæ in Hispaniam intulerunt, & viam monstrarunt naucleris nostris instituendæ navigationis Africæ, maximo nostrorum emolumento. Incredibile est sed verum tamen, ab anno 1533 quo per Pizarros subacta fuit Peruvia provincia, plusquam centum milliones auri, & bis tantundem argenti inde allatum esse. Precium redemptionis Regis Atabalibæ fuit 1326000 bezanorum aureorum. Emebantur tunc in Peruana caligæ panneæ trecentis ducatis, chlamis mille ducatis, equus quatuor vel quinque millibus, mensura seu pocale vini ducentis ducatis: ut testatur Historia Indica. Et nihilominus Augustinus Zaratus Catholicæ Regis Rationum Magister deprehendit, Officiales Regis Catholici in Peruana mansisse debitores, rationibus subductis, 1800 millium bezanorum aureorum & 600 millium librarum argenti.

Vt omittam negotiationem & incredibile emolumentum, quod Rex Portugalliæ ex Moluccis percipit; ubi Caryophylla Cynamomum & alia aromata præciosa crescunt: quas ab Imperatore Carolo V ex antichresi pro 350000 ducatis accepit, cum Bononiam ad Coronam Imperialem suscipiendam

proficisceretur: quas Itali, refuso in parata pecunia precio, repignerare voluerunt, sed Imperator recusavit propter utriusque familiæ foedera.

Itaque Hispani qui vitam ex Francia sustentant, inevitabili necessitate coacti, frumenta, linum, pannos, glastum, papyrum, libros, adeoque opificia & operas mechanicas, hinc comparare, currunt ad extrema mundi, ut aurum & argentum & aromata nobis quærant. At altera parte Angli, Scoti & omnes populi Norvegiæ, Sveciæ, Daniæ & littoris Balthici, qui fodinas metallicas quamplurimas habent, ex centro terræ metallâ effodiunt, ut emant nostra vina, crocum, pruna passa, glastum, & inprimis sal, quod est manna speciali Dei benignitate sine magno labore nobis datum. Nam calore septentrionalibus ultra quadragesimum gradum deficiente, sal ibi fieri nequit: & infra quadragesimum secundum calor nimis ardens efficit sal corrosivum. Est autem multo magis tale, sal salinarum Hispanicarum, Neapolitanarum & Polonicarum; quo sæpissime homines & salituræ corrumpuntur: ita ut salinæ Comitatus Burgundiæ & sal Hispanicum & Vngaricum longe absit à bonitate nostri. Hinc fit, quod Angli, Belgæ, & Scoti, qui salendis piscibus magnam mercaturam exercent, sæpe aliarum mercium inopiâ navibus saburra onustis ad nos veniant, ut pecuniario precio sal emant.

Altera occasio tot commodorum quæ ab annis centum viginti vel quadraginta nobis accesserunt, est infinita populi multitudo, quæ, sopitis inter Aurelianensem & Burgundicam familiam civilibus bellis, in hoc Regno multiplicata est. Unde dulcedinem pacis sensimus, ejusdemque fructuum diuturno tempore & usque ad religionis tumultus potiti sumus. Nam extraneum bellum, quod interim incidit, nihil aliud quam malorum humorem expurgatio fuit, omni Reipubl. corpori necessaria. Antea campestrina loca, & serè etiam civitates, propter

pter civilium bellerum depredationes, desertæ erant; cum & Angli Oppida destruerent, pagos comburerent, magnam populi Gallici partem spoliarent, occiderent, & residuum ad medullam usque deroderent. Quâ de causa cessabant agriculturæ, negotiationes, & omnes artes mechanicæ. Sed ab annis centum infinitis locis succisæ sunt sylvæ, ædificati pagi, civitates repletæ. Ita ut præcipua Hispaniæ utilitas, quæ alioqui deserta est, proveniat ex colonis Gallorum, qui turmatim in Hispaniam abeunt, præsertim Arverni & Lemovicenses. Adeo ut in Navarrâ & Arragoniâ ferè omnes vinitores, aratores, carpentarii, murarii, opifices, lapidicæ, tornarii, carrucarii, aurigæ, plaustrarii, restiarii, sellularii, helciarii, sint Galli. Nam Hispani mirum in modum sunt ignavi, exceptâ armorum & mercaturæ tractatione: & ob id amant Gallos laboribus & servitijs promptos. Quemadmodum apparuit in negotio Prioris Capuani Valenciæ: ubi inventi sunt decem mille servi & opifices Galli; qui inquietabantur, quasi participes fuissent conjurationis contra Maximilianum tunc generalem Locumtenentem in Hispanijs factæ: sed Domini & incolæ Valencienses pro omnibus expromiserunt. Magnus quoque eorum numerus in Italia est.

Alia quoque divitiarum Franciæ occasio est, videlicet negotiatio Orientis. Quæ aperta nobis fuit, contractâ amicitia inter familiam Francicam & Othomannicam tempore Regis Francisci I. Ita ut ab eo tempore mercatores Galli habuerint tabernas Alexandriæ, Cayri, Beryti, Tripoli, non minùs atque Veneti & Genuenses. Nec minùs fide & gratia valent Fessæ & Marocci quàm Hispani: prout apparuit, posteaquam Judæi à Ferdinando ex Hispanijs ejecti in inferiorem Galliam Narbonensem se contulissent, & Gallis negotiationem in Barbariâ ostendissent.

Alia causa abundantia auri & argenti provenit ex Banco

III.

IV.

seu mensâ argentaria Lugduni. Ut verum dicamus, à Francisco Rege instituta : qui cœpit pecuniam mutuò sumere ad octo, & ipsius successor ad decem, postea ad sedecim, & usque ad viginti in centenos, urgente necessitate. Statim enim Florentini, Lucenses, Genuenses, Helvetij, Germani, dulcedine usurarum illecti, infinitam auri & argenti vim in Franciâ apportarunt : & multi etiam hîc habitare cœperunt, tam propter aëris temperiem & suavitatem, quàm propter naturalem populi bonitatem & ubertatem regionis. Eadem ratione reditus in urbem Parisiensem constituti, (qui ad tres milliones trecentas & quinquaginta mille libras quotannis se extendunt) allegerunt extraneos, ut pecunias suas lucri causâ huc transferrent, tandemque domicilium hic collocarent : quæ res valdè locupletavit hanc civitatem. Quamquam artes mechanicæ & mercatura felicius meo quidem iudicio succederent, non imminutæ per talem argenti negotiationem. Et locupletior multò civitas foret, si idem fieret quod Genuæ, ubi domus Sancti Georgij recipit pecunias eorum qui adferunt, ad rationem unius denarij in viginti, & rursus negociandi causâ mercatoribus elocat ad rationem unius denarij in duodecim vel quindecim : quæ ratio magnitudinis & divitiarum ejusdem civitatis causa existit, & quam tum publicè tum privatim valdè opinor expedire. Etiam si duorum magnorum Imperatorum prudentiam & bonitatem præferam, Antonini Pij & Alexandri Severi; qui nummos ærarij, ad rationem quatuor in centenos, hoc est unius denarij in viginti quinque, privatis dabant. Quin etiam Augustus absque usuris tribuebat illis, qui cautionem præberent, si ad constitutam diem soluta pecunia non esset se duplum restituros : ut Svetonius refert : Et hac ratione, ablata Quæstoribus peculandi publici occasione, pauperes subditi negociabantur & lucrabantur plurimum, & Princeps non habebat necesse mutuari aut vendere suum

doma-

domanium neque excoriare populum. Sed potius hoc modo evenit, ut optimus Alexander vestigalia & exactiones triginta partibus imminueret, ita ut qui triginta & unum coronatos tributis & subsidij sub Heliogabulo (naturæ monstro) solvisset, unicum tantum sub Alexandro daret.

Hæ sunt, Domine, rationes, quæ ab annis ducentis aurum & argentum nobis in copia apportarunt. Quæ major est in Hispaniâ & Italiâ quàm in Franciâ, propterea quod ipsi quoque Nobiles in Italia negocientur, nec aliud populi Hispaniæ agant. Ideoque cariora sunt omnia in Hispaniâ & Italia quàm in Franciâ; & magis in Hispania quàm Italia; maxime servitia & operæ manuales. Quo fit, quod nostri Arverni & Lemovices in Hispaniam proficiscantur: sicut ex ipsis intellexi, quia triplo plus illic quàm in Francia lucrantur. Hispani enim divites superbi & ignavi admodum carè labores suos vendunt, Clenardo teste: qui in Epistolis suis, capite expensarum, in uno articulo ponit quindecim ducatos quotannis ad tondendam barbam in Portugallia. Abundantia itaque auri & argenti ex parte caussu est caritatis rerum.

Præteribo ALTERAM caritatis occasionem, propterea quod non perinde in considerationem veniat hoc casu: monopolia videlicet mercatorum artificum & operariorum: quando conveniunt ad constituendum certum precium mercium, & ad augendas mercedes operarum & laborum. Et quia ejusmodi conventicula prætextu Religionis plerumque velantur, sapienter arbitratus fuit Cancellarius Pojetus, tollendas & rescindendas esse confraternitates. Quod postea confirmatum est ad instantiam Ordinum Aureliani. Vt bonis legibus non carere videamur.

TERTIA caritatis causa est penuria. Quæ duobus modis accidit: *primò*, propter nimiam aversionem ex hoc regnò. & propter impedimenta ne res necessariae adferantur: *secundò*

II.

III.

propter dissipationem seu absorptionem. Quantum ad avectionem: certum est, vinum & frumenta nos vilius emere, durante bello inter Hispanos & Belgas, quàm post bellum, cum jam avectio permittitur. Etenim villici ferè coguntur nummos conquirere: mercatores non audent naves onerare: domini non possunt diu asservare quod est perituum: & per consequens, necessariò populus vilitatem annonæ sentit. Nam majores nostri vetus adagium nos docuerunt: *Franciam fame nunquam eneßam esse*; hoc est, habere opulenter quo populum nutriet, quæcunque anni incidat sterilitas, dummodo extranei horrea nostra non evacuent. Certum autem est, vix frumentum spicari posse vel excuti, quin ab Hispanis asportetur: quoniam Hispania, (excepta Arragonia & Granata) admodum sterilis est, accedente naturali ignavia, ut dixi. Ideoque in Portugallia mercatores frumentarij magnis privilegijs gaudent: & inter cætera prohibitum est, nequis captivus ducatur qui triticum venale attulerit: alioquin scil. plebs licetorem obrueret, si modò qui frumentum apportavit, clara voce dicat: *traho dridigo*, hoc est triticum adfero. Et quamvis sub gravi poena prohibitum sit aurum & argentum ex Hispanijs avehere, tamen permissum est propter frumentum solummodò. Hinc fit, quod Hispani magnam frumenti copiam consequantur.

Sed & Narbonensis Gallia & Provincia frumenta Hetruriae & Barbariae suppeditat: unde abundantia argenti & caritas frumenti oritur. Nam ex Hispanijs non aliastere merces accipimus, quàm oleum & aromata: licet meliora aromata nobis ex Barbaria & Oriente adferantur. Ex Italia accipimus alumen & pauculos pannos & sericum. Quanquam inferior regio Narbonensis & Provincia plus olei ferat, quàm in nostris usus sit necessarium: & ejusdem generis ac bonitatis panni & sericum in hoc Regno conficiantur, artificum judicio, atque
 Floren-

Florentiæ vel Genuæ: ex quo mercatores norunt emolumentum suum quærere, nomen quodlibet illis imponentes.

Quantum ad alumen; si venas Pyrenæorum montium velimus incidere, certum est, nos inventuros scatebras non solum aluminis, sed etiam auri & argenti. Quoniam multi Germani bonam spem fecerunt: & magister Dominicus Bertinus in ipsis locis mihi demonstravit, & experimentum exhibuit Henrico Regi, omnium metallorum, cum magna copia chalcanti aluminis & marcasitæ. Inter cætera deprehensum est, plus aluminis ibi esse, quàm tota Francia opus habeat: licet quotannis plus quàm pro integro millione ex Italia adferatur: sicut affirmabat.

Huic debemus marmora nigra, candida, variegata, jaspea, anguinea: quæ ex montibus Pyrenæis Paritios misit. Mihi quæ adseveravit, si fides ei adhiberetur, non amplius nos alumine Italico opus habituros. Quo pacto Itali præter affanias, adulterinas gemmas, & fumigationes, nihil habituri essent quo argentum ex hoc regno extraherent. Hanc viam excogitarunt, destituti mercibus quas cum nostris permutent: ut vendant nobis suffitus, tanto precio, ut suffitor quidam Italus à quodam Domino in hoc Regno (qui notus est tibi) ex venditione chirothecarum acceperit quadringentos coronatos, quæ vix in unius anni usum sufficiebant. Si meis votis locus esset, optarem Principes non pluris ea facere quàm fecit Vespasianus Imperator: & certò mihi persvadeo sufficienter Aquitaniam sublaturam esse caritatem Italicorum.

QVARTA caritatis causa ex Principum voluptatibus provenit, qui precia rebus attribuunt. Est enim in materia status Politici & reipublicæ regula generalis, quam Plato primus animadvertit: Reges non solum leges subditis dare, sed & mores ac vivendi consuetudinem suo arbitrio mutare, tam in vitijs quam in virtutibus & rebus differentibus. Non utar
IV.
alio

alio quàm Regis Francisci Primi exemplo : qui ad sanandum vulnus quod in capite habebat , tonderi se fecerat ; statim aulici & postea universus populus tonsus fuit. Vt hodie ludibrio habeatur promissa cæsaries , quæ olim signum erat pulchritudinis & libertatis : sicut & à veteribus flavum capillitium , habita fuit pulchritudo septentrionalium populorum. Adeo ut primi Reges nostri interdixerint subditis , qui non essent genuini Francones , alere cæsariem in signum servitutis : quæ consuetudo usque ad tempora Petri Lombardi Episcopi Parisiensis , perduravit ; qui illa autoritate interdictum sustulit , quæ tunc Episcopi in Reges utebantur. Quod obiter sufficit ad demonstrandum , quod subditi semper ad voluntatem Principis se conforment , & consequenter magni faciant & æstiment ea quæ Principes amant , licet per se indigna sint. Quemadmodum Caracalla Imperator inæstimabilem fecit succini flavi caritatem , testante historia , propterea quod is color capillis amicæ responderet.

Vidimus eadem ætate tres magnos Principes certatim operam dare , lapillis preciosis , viris doctis , & politis artificibus : nempe Regem Franciscum Magnum , Paulum Tertium Pontificem , & Henricum Angliæ Regem. Adeo ut Rex Franciscus nunquam voluerit Angliæ Regi dominum Budæum concedere , quamvis valde instanti : malueritque septuaginta duobus coronatorum millibus adamantem emere , quàm ut eundem Angliæ Rex consequeretur. Mox nobilitas & populus omnis animum studiis scientiarum adiecit : cæperuntque lapillos preciosos emere quovis precio. Ita ut Itali animadversis desideriis nostris , plures vicennio adulteraverint , quam India unquam genuinas produxerit. Quod ipsimet celare non potuerunt , appellantes Gallos stupidos , ut Cardanus scribit , qui imponi sibi paterentur.

Postquam autem Henricus Rex lapillos contempsit , mira
illorum

illorum secuta est vilitas. Est igitur voluptas Principum quæ gemmarum precia constituit, non penuria: cum hujusmodi lapilli neque diminui neque perire possint, excepto smaragdo qui fragilior est, & margarita quæ nigredinem contrahit & tempore putrescit. Sed Principes, videntes subditos rebus illis quas amant abundare, eas incipiunt fastidire. Accedente abundantia, quæ contemptum inducit.

Quemadmodum videmus in margaritis: quæ admodum viles sunt propter abundantiam ex terris novis exortam. Invenitur enim in historiis Indorum, quintam margaritarum Imperatori allatam effecisse 160 libras una vice solâ. Nihilominus tamen antiquitus omnium gemmarum erat preciosissima, sicut dicit Plinius. Communi quoque proverbio de homine illustri, vel re pulchra loquentes per excellentiam dicimus, *c'est une perle* hoc est, est margarita: & Magnus Negus, quem nos Presbyterum Johannem appellamus, quinquaginta provinciarum dominus, in titulo suo usurpat *Iohan Belul* quod significat margaritam preciosam.

Margarita itaque olim omnium rerum in mundo erat carissima: quemadmodum alibi Plinius scribit: tam propter raritatem, quam propterea quod à Principibus in maxima & penè incredibili æstimatione haberetur. Ut sit, invenimus Cleopatram Reginam duas habuisse unciam ponderantes quingentis millibus coronatis æstimatas. Quarum unam liquefactam ex sponione absorpsit: altera ab Augusto, pro potissima victoriæ prædâ, ablata fuit, qui illam dissecari fecit & auribus appendi. Vidimus intra annos octo, margaritam pondere paulò minus semiuncialem, quinque magnis lapillis preciosis exornatam: & tamen universum munus æstimatum fuit mille trecentis coronatis tantum, quod gemmariorum judicio earum videbatur. Ut appareat, abundantiam margaritarum peperisse contemptum, & ex contemptu exortam esse vilitatem.

Idem de Pictura dicere possumus, quàm Principes Orientis & imprimis Alexander Magnus in tantam æstimationem perduxerunt, ut tabula Veneris emergentis ex aquis, quàm Apelles pinxerat, empta fuerit sexaginta millibus coronatorum. Alexander ei de suo donabat ducenta talenta, quæ valent centum viginti millibus coronatorum. Aliorum pictorum tabulæ non tantidem pretij erant; etiam viliores tamen magno constabant. Apelles pecuniæ magnitudine non deterrebat, quin tabulam quandam Protogenis quinquaginta millibus coronatorum redimeret. Habemus picturas Michaëlis Angeli, Raphaëlis Urbini, Dureri, & ne longius eamus quandam Domini de Claygni in palatio Fontisbellaquensi, admirabilis artificij opus, quàm nonnulli tabulis Apellis comparare non dubitarunt. Sunt & multæ aliæ insignis artificij, verùm longe ab antiquorum excellentia absunt: quoniam Principes non magni eas faciunt, & quia omnis Orientis & Barbariæ populi usque ad Persas, universas rerum quas natura profert abominantur picturas, metuentes ne in præceptum committant quo dicitur, *Non facies vbi sculptile*. Ita ut pictores, statuarij, fusores, sculptores, illuminatores, in illis regionibus non magis locum habeant quàm eorum opera. Itaque voluptas Principum ex parte caritatis rerum causa est.

V. ALIA caritatis causa est absumptio seu corruptio rerum, quibus ad usum nostrum indigemus. Sericum vilis precij esse oportebat: quandoquidem tam copiose in hoc regno conficitur, & præterea ex Italia adfertur. Caritas ex absumptione provenit: quia non solum flagriones & cursores eo vestiuntur, verùm etiam ita dissecatur, ut durare vel ului esse pluribus quàm uni nequeat. Quod à Turcis, ut intellexi, nobis meritò exprobratur: qui insanos & furiosos in corrumpendo nos appellant, quasi in contemptum Dei fiat, qui ea bona

bona nobis dedit. Illi longe magis eo abundant quam nos: sed nemini sub pœna licet disseccare. Idem nobis in pannis evenit: & præcipuè in caligis conficiendis: quibus triplo plus adhibemus, quàm opus est, idque cum tot incisuris & dissectionibus, ut pauperioribus usui esse nequeant posteaquam dominus eas fastidire cœpit: & præterea tria paria pro unis gestantur: & ut caligis femoralibus palla respondeat, integram ulnam ei addunt ultra solitum. Edicta quidem de ea re facta sunt: sed frustra: quoniam donec in Curia quod prohibitum est, gestatur, passim quoque gestabitur: cùm apparitores ab his sibi metuunt & ab illis corrumpantur. Sed & in vestitu semper ineptus & stolidus habebitur, qui usitato modo se non accommodet qui ex Hispaniis provenit. Sicut cycladem seu vertugallam à Mauritanis foeminis accepimus; tanta accessione, ut janux nimis ad transeundum angustæ sint. Quod longè recedit à majorum nostrorum modestia antiqua, qui vestibus, ut Cæsar refert, angustis astrictisque corpori, ut proportionem & pulchritudinem repræsentarent, usi sunt: cum Germani contra laxis uterentur. Vnde incredibilis assumptio oritur: ex assumptione provenit inopia. Caritas vestimentorum ex parte procedit propter manuprecium seu facturam quæ precium materiæ sæpe excedit: dum acupinguntur, mæandris segmentis fimbriis virgis scissuris opere phrygio alijsque novis indies excogitatis modis exornantur. Nam post prohibitam auratarum argentarumque parangandarum gestationem, repertæ sunt foeminæ, quæ stolas Mediolani, pretio quingentorum coronatorum, non computato auro vel gemmis vel materia, factas induerunt.

Et ex hac luxuria perventum est ad suppellectilia ædium, ad roralia lectorum deaurata & Phrygiana, ad abacos deauratos & argentatos. Et ut omnia invicem respondeant, magnificas ædes exstruunt, supellectilem ædibus quadrantē comparant, genere

vivendi vestimentis convenienti utuntur. Quin & mensas pluribus ferculis onerant: quoniam Galli, propter naturam regionis, Hispania & Italia frigidiores, non possunt passerinis vivere sicut Itali. Hinc procedit immoderata in omni ciborum genere superfluitas, & delitiæ majoribus nostris incognitæ: quæ ita hoc Regnum invaserunt, ut famuli quoque insitorum in lautissimis popinis coronato, & domi binis coronatis singuli prandere velint. Quæ perniciosissima est Urbis Parisiensis pestis.

Attamen hæc luxuria non est gravissima omnium, quoniam in remissione processus Quæstorum repertum fuit, unum ex illis, Lutetia Parisiorum duos fasciculos indusiorum, dealbandi causa, in Flandriam misisse, constituto Testuni pretio in singula, nec minori pro aciculis dato. Verum non impune tulit: nam carnifex strangulatum vestibus usque ad indusium spoliavit.

Hæc inter cæteras causa fuit, cur Cancellarius Pratus hostili odio ejusmodi furunculos persecutus sit, qui simplicitatem populi pervertunt, & rerum omnium pretia datâ operâ augment. Qua in re hoc video esse pessimum, quod Principis & populi expensis fiat.

Dico itaque, ab hujusmodi corruptionibus & superfluitatibus caritatem annonæ, quam videmus, ex parte provenire. Omitto, hanc esse causam omnium vitiorum & calamitatum reipublicæ. Nam complures ludendo, mutuando, vendendo, & omni voluptatum genere luxuriando, tandem creditoribus suis, aut cessione bonorum aut decoctione satis faciunt. Sed si antiquæ Romanorum Græcorum Hebræorum Ægyptiorum leges, eundem in Francia quem apud Indos & in Æthiopia, locum haberent: videlicet, ut debitor qui solvendo non est, creditori adjudicetur ad serviendum vel distrahendum: non tot latrones, cessionarios, & decoctores haberemus: neque caritatem

tatem rerum experiremur tantam quæ ex luxu orta est.

HIC obijciat aliquis. Si res omnes partim propter assumptionem, partim propter abundantiam auri & argenti, cariores efficerentur, nemo propter magnitudinem pretij vivere posset. Verum quidem est: sed bella & calamitates, quæ rei publ. accidunt, præcipitem annonæ cursum sistunt. Quemadmodum videmus Romanos valde parce, & ut ita dicam in magna paupertate, ferè quingentos annos vixisse: cum gravem tantum monetam æream librali pondere haberent, & non signatam usque ad Servij Regis tempora. Sicuti nec argenteam monetam percusserunt ante quadringentesimum quintum annum ab Urbe condita, ut in Fastis videre est. Sexagintaduobus annis post aurea moneta uti cœperunt.

Consideremus itaque pretia rerum illius temporis. Inveniemus vervecem æstimatum fuisse tantum assibus æreis, quos doctissimus Budæus pro tribus solidis & dimidio sui temporis accipit, & ad summum pro quatuor nostris: bovem centum assibus, quos coronato solari æstimat, quod pretium lege Ateria Tarpeja constitutum erat ducentis octoginta annis post urbem conditam. Quo tempore stipendium peditis, teste Polybio, duorum obulorum erat, centurionis quatuor, equitis denarij, qui tribus solidis & dimidio valebat monetæ quatuor denariorum & duodecim granorum in liga. Legimus in Plutarcho, pretium vervecis tempore Solonis fuisse unius drachmæ, quod est septima parte minus quam Romanæ ducentis annis postea.

Quod ad reliquæ annonæ pretia pertinet, eorum æstimatio ex lege Fannia iniri potest. Quæ quingentesimo nonagesimo secundo anno ab Urbe condita sumptum imminuit, cum expressâ prohibitione, ne quis plusquam centum asses, hæc est coronatum solarem, insumeret in convivijs majorum ludorum: cæteris diebus de eadem asses: idque sine vola-

tilibus præter gallinam domesticam. Quod edictum rogante Didio Tribuno plebis per universam Italiam publicatum fuit. Sexaginta quatuor annis postea Crassus dives, Censor, caritatem annonæ paulatim ingravescere animadvertens, legem tulit, quâ unicuique liceret centum asses insumere diebus nundinarum, Calendarum, Nonarum, & Iduum: & in nuptiis ducentos asses, qui efficiunt duos coronatos, tres libras carnis siccæ, unam salitæ, & fructuum quantum liberet: aliis diebus triginta qui Testunum efficiunt.

Viginti & septem annis post, cum Urbs spoliis Græciæ & Asiæ ditata esset, populus refrenari non potuit; accedente propter abundantiam auri & argenti omnium rerum caritate, Sylla Dictator vetera statuta obsolescere videns, quantum potuit sumptum imminuit; & tamen permisit, ut duabus tertijs major esset quam Crassus constituerat, licet æstimationem quoque annonæ & cibariorum levasset.

Triginta sex annis postea Cæsar, temperantissimus omnium Princeps, animadvertens omnem populum immoderatis convivij luxuriari, edictum fecit, quo prohibuit, ne plusquam viginti quinque coronati consumerentur in nuptiis, & reliquis diebus festis & nundinarum septem coronati & dimidius: quod decuplo plus erat, quam Sylla permiserat. Et hæc ipsa tamen edicta adeo negligebantur, ut pro eorundem executione, ipsemet secretò in forum ire cogeretur. Nec postea quisquam ea de re edictum fecit. Quin & Caligula, insigni prodigalitate exemplum subditis edere volens, viginti & duos milliones auri, quos Tiberius comparerat, uno anno obligurivit.

Sed videamus, quemadmodum abundantia auri & argenti, itemque absorptiones auxerint precia rerum à temporibus Syllæ usque ad Caligulam, spacio non plene centum annorum.

Reperimus delicatiores pisces, in quo numero sunt
Mugil,

Mugil, Rhombus, Aurata, Dentex, Acipenser, Muræna, emptos fuisse ad pondus argenti, ut Galenus scribit. Fuit quidam linguitor, indignus qui nominetur, qui ducentis coronatis emit Mugilem marinum bilibris ponderis : quæ emptio fuit auro contra. Capiuntur in Oceano nostro, & quandoque in Ligeri, quod se effundunt, trium vel quatuor librarum, & veniunt quindecim vel viginti solidis : quoniam nobiliores & vulgus carnisbus magis delectantur.

Ex his exemplis judicare possumus de caritate cæterarum rerum omnium. Nam pavo temporibus Varronis constabat quinquaginta denariis argenteis, qui efficiunt coronatos triginta : par pipionum vendebatur viginti quinque coronatis. Post quæ tempora, precia rerum omnium accreverunt decuplo, ut supra demonstravimus. Plinius progreditur ulterius. Scribit enim, quendam Hirrium nomine sex millia murænarum mutuo dedisse (quæ lampetris nostris præter longitudinem nihil simile habent) ad pondus & numerum ; scilicet ut totidem ei redderentur : nec voluit auro argentoque eas vendere, quia parvi Romæ fiebant propter abundantiam. Neque enim penuria rerum obstabat, cum ab omni terrarum parte, quasi ad mercatum, Romam deferrentur.

Quamquam luxus ad flagellandam annonam plurimum adjuvabat. Quia nonnulli ditissimorum non poterant interdum viam invenire, qua bona sua dissiparent. Ut Æsopo Tragædæ accidit. Qui excitandi appetitus gratia ferculum sibi apponi jussit quindecim millibus coronatorum æstimatum, plenum luscinijs, sturnis, merulis, & alijs aviculis oscinibus : cum tamen ejusmodi aves insipidæ sint, & insuaves : sed magnitudo præcij saporem eis conciliabat. Et Athenæus narrat, cum in Selavoniam comedendorum cancrorum gratia, qui magni ibi sunt, appulisset : antequam navem egrederetur, dictum ei fuisse, longe meliores & saviores in oris Africæ inveniri : quo

quo intellecto eandem obcausam in Africam navigasse. Filius autem, veritus ne patrem ignominia afficeret, margaritas inæstimabilis precij liquetactas absorpsit. Nec est quod quis mireretur, Tragædum tot coronatos habuisse: quoniam mimi & histriones tanto in precio erant, ut Roscius triginta sex millia coronatorum quotannis comparceret; duodecies morionem agendo coram populo: præter emolumenta ludorum particularium quæ centuplo plus valebant.

Sed ut abundantia auri & argenti ad oculum demonstratur, commodius exemplum inveniri nequit, quam Apicii magistri helluonum; qui cum tres milliones coronatorum abligurisset & trecenta quinquaginta millia adhuc residua haberet: metuens ne fame periret, veneno se necavit: sicut pluri mi historici testantur.

Quapropter verum esse credo, quod de Cicerone fertur, quod pro unius causæ peroratione domum quinquaginta millibus coronatorum æstimatam acceperit. Quoniam si scurræ tanto in pretio fuerunt, non est mirandum, tali advocato tam splendidum salarium collatum fuisse.

Porro aurum argentumque omne Romanis intra centum viginti annos obvenit, ex universi orbis deprædationibus & spoliis, quæ Romam apportarunt Scipiones, Paulus Æmylius, Marius, Sylla, Lucullus, Pompejus, Cæsar, & maximè duo isti postremi. Nam Pompejus tot regiones subegit, ut redditum Imperij ad octo milliones & quinquaginta millia coronatorum augetet; quod duplo & $\frac{1}{2}$ plus erat quam antea. Cæsar in ærarium intulit quadraginta milliones coronatorum, præter prodigalitatem qua utebatur. Nam Paulo Consuli, ut taceret, nongenta millia coronatorum una vice dedit: & Curioni Tribuno, ut partes suas sequeretur, quindecies centena millia. Marcus Antonius magis modum excessit, si verum est quod Plutarchus & Appianus scribunt. Exercitui enim suo propter strenu-

strenuam novatam operam ducenta millia talentorum dedit: quod ad centum viginti miliones coronatorum redit. Etque credibile: cum Imperator Adrianus, qui sapiens paterfamilias fuit, ut apud legiones, quæ numero erant quadraginta, gratiam sibi conciliaret, dederit decem miliones coronatorum.

Non est igitur mirum, pretia rerum maxima fuisse propter auri & argenti copiam, quæ Romæ erat. Verum hic luxus & magnificentia non perpetuò durarunt. Nam intra trecentos annos, Parthi, Gothi, Heruli, Hungari & aliæ crudeles nationes Imperium & præcipue Italiam invaserunt, oppresserunt Romanos, incenderunt Urbem, & spolia eorum diviserunt. Ita accidit omnibus rebus publicis. Nascuntur, & crescunt paulatim: florent deinde divitijs & potentia: tandem senescunt & pessum eunt, donec omninò evertantur. Ut ostendi in tractatione de statu rerum publicarum in *Methodo Historica*.

PERSECVTI sumus rationes caritatis rerum. Superest ut monstremus. Malestretum etiam in titulo monetarum intra trecentos annos in hoc Regno constatarum aberrasse. Dicit enim, Sanctum Ludovicum primos solidos duodecim denariorum fecisse, eorumque tantum sexaginta & quatuor fuisse in marca. Addit, tempore Philippi Valelij coronatum aureum cum floribus lilij, in numero pondere & liga meliorem nostro, valuisse tantum viginti solidis: postea Joannem Regem signasse Francos pedites & equites ex auro puro, valuisseque viginti solidis: præterea solidum argenteum illius temporis valuisse quinis nostris. Non adjicit, cujus tituli ponderis & ligæ monetæ fuerint.

Quantum ad postremum hoc membrum, sibi ipsi contradic.

dicat. Quia concedit, veterem coronatum, tribus denarijs ad libellam ponderantem, valere tantum sexaginta solidis nostris, jussu Francisci Primi Regis conflatis : ita ut solidus antiquus argenti puri tribus tantum valeret : & nihilominus Franci pedites & equites quatuor granis minus ponderant, quàm coronati veteres; & non sunt melioris ligæ, quoniam in utrisque quarta pars ceratus detrimento cedit. Quare & ordinatione anni 1561 coronatus antiquus æstimatur sexaginta solidis, & Francus pedes vel eques quinquaginta quinque solidis.

Itaque propemodum media parte aberrat, quantum ad proportionem veterum & nostrorum. Nam si verum diceret, solidum antiquum argenti puri quintuplo plus valuisse nostro : sequeretur, coronatum veterem valere centum solidis, & Francum peditem vel equitem quatuor libris & decem solidis.

Secundo Dominus de Malestroi & fallitur, omittendo inter Sanctum Ludovicum & Philippum Valesium, centum viginti tres annos. In quo temporis spacio Philippus Pulcher, Sancti Ludovici nepos, anno 1300 monetam argenteam ita attenuavit, ut solidus antiquæ monetæ valeret tribus novis. Ut legimus in Regestis, & maximè in Annalibus & historia Antonini : de qua vir omni scientiarum genere consummatissimus Dominus de Liures certiore me fecit. Et quanquam, ad sedandum populi tumultum, moneta ad antiquum valorem reduceretur, tamen decennio post usque adeo diminuta fuit, ut solidus haberet tantum tres denarios & dimidium argenti; & duæ quartæ & dimidia essent cupri. Quæ est maxime omnium debilis moneta, quæ nostris temporibus visa sit. Nam solidi anno 1551 jussu Regis Henrici II. formati tres denarios & dimidium argenti continent.

Concludendum itaque est. Quoniam solidus ante trecentos annos, ejusdem tituli, pedis, ligæ, ejusdemque mixturæ fuit quo est hodie; demonstrationem Malestretti, ejusque ex-
empla

empla locum habere non posse. Nam etsi Carolus Pulcher anno 1322 veterem titulum solidis ad duodecim denarios Regios restituisset, tamen sex mensibus postea eodem media parte iterum debilitavit.

Præterea reperimus in Regestis nostris, anno 1422 titulum solidorum ita debilem fuisse, ut marca argenti valeret octoginta libris Turonensibus, hoc est 1600 solidis in marca operis: ut solidus Henrici II hac ratione quinis illorum solidorum valeat. Quod est contrarium sententiæ à Malestretto propositæ, videlicet antiquum solidum valuisse quinis nostris: quoniam ante annos centum quinquaginta quini solidi valebant tantum, quantum singuli nostri. Oportet itaque, ut hoc verbum, *antiquus*, ad certos solummodo annos referat, & non ad omnes, ut facit, inde à trecentis annis.

Breviter, qui voluerit librum Nigrum, qui est in Camera Procuratoris Regij Castelleti Parisiensis, evolvere, inveniet anno 1420, cum Angli Urbem Parisiensem tenerent, coronatum æstimatum fuisse sexaginta solidis, Vellus quadraginta, mobilem septem libris: quod est pretium & valor temporis Henrici II. Verum est, Carolum VII anno 1422 mense Novembri conlasse novam monetam duodecim denariorum, ut marca argenti octoginta librarum reducitur ad octo libras & quindecim solidos Turonenses. Sed anno 1453 percussi sunt solidi quinque denariorum in liga forti; moneta plus mediâ parte imminuta.

Est itaque paralogismus argumentandi, sumere quando moneta fortior fuit ad æstimandas res, & relinquere annos, quibus debilior fuit: qui frequentiores sunt respectu bonorum annorum. Quemadmodum si quis in simili casu ad aliam rerum consequentiam trahere velit, vilitatem sulphuratum quæ est Parisiis.

Supra demonstravi pretium rerum approbatis & confir-

matis consuetudinibus hujus regni, inde à quinquaginta vel
 sexaginta annis taxatum, decuplo minus fuisse quam nunc sit.
 Attamen certum est, Status & Deputatos ut consuetudines
 conciliarent, nec minimum nec maximum pretium secutos
 esse, sed comuniores æstimationem quæ tum erat: sicut leges
 nostræ docent. Et nihilominus Capō tantum duodecim denariis
 Turonensibus, omnibus consuetudinibus Andegavorum Pi-
 ctavorum & Marchiæ Campaniæ Borbonensium & aliorum
 æstimatus est: Gallina sex denariis: perdix 15 denariis: ver-
 vex pinguis cum lana septem solidis: porcellus decem dena-
 riis: vervex communis & vitulus quinque solidis: hœdus tri-
 bus solidis: vehes frumenti triginta solidis: plaustrum scœni
 quindecim quintalium, decem solidis: hoc est decem fascicu-
 lis decem librarum, singulos pro uno solido, quæ est con-
 suetudo Arvernæ. Apud Borbonenses duodecim quintales
 æstimabantur decem solidis: vas vini triginta solidis: vas mel-
 lis trigintaquinque solidis: jugerum sylvæ cædæ duobus soli-
 dis & sex denariis: jugerum vineti triginta solidis in redditu:
 libra butyri quatuor denariis: olei nucei tantidem: item sævis.
 Nimirum temporibus Ludovici XII, quemadmodum supra
 dixi, cum solidi essent quatuor denariorum & 12 granorum
 in liga. Ita solidus tempore Ludovici XII, ad summum non
 valeret nisi quadrante amplius quam solidus regnante Hen-
 rico II: & quatuor solidi non valerent quinque nostris. Vnde
 sequitur, vitulum & vervecem cum lana æstimandum esse tan-
 tum sex solidis & tribus denariis monetæ nostræ currentis:
 quandoquidem ante sexaginta annos in tota Francia quinque
 solidis tantum æstimatus fuit. Quod & de alijs rebus dici po-
 test. Sed videmus communi æstimatione utrumque valere
 quatuor libris, aut centum solidis, imo sex libris Lutetiæ: quod
 est vicies vel tricies carius quam tunc.

Si itaque fructus terræ, pecudes, volatilia, decies duo-
 decies

decies aut vices minùs constabant quàm hodie: reditus terrarum & dominiorum tanto minùs æstimabantur, & emphyteutes erant vilioris precij. Et consequenter agri decuplo minus valebant: quia optima terra censualis seu emphyteutica æstimatur ad rationem denarij in viginti vel viginti quinque, feudalis triginta, domus benè materiata ad quadraginta vel quinquaginta. Ita ut ager valens mille coronatis in reditu ante annos sexaginta, venderetur tantum argenti quinque vel ad summum triginti millibus coronatis. Si itaque reditus ad quinque vel sex millia coronatorum excrevit: ager venderetur centum quinquaginta millibus coronatorum, qui tunc tantum triginta millibus valebat.

Quantum ad operas diurnas manuariorum, videmus antiquitus taxatas fere fuisse ad denarium argenteum, qui paulo plus valebat quam regalis Hispanicus: & stipendium antiquum equitis fuisse denarium tantum, ut Polybius dicit. Tandem pediti denarius in diem datus fuit, idque etiam temporibus Augusti, ut Tacitus scribit. Quanquam donativa in exercitum, propter benè navatam operam collata, vices valerent plus quam stipendium. Hinc natum est, ut credo, nostrate vocabulum, *gagnedenico*; quo significantur ij qui operas suas in diem locant. Et in Evangelio quoque, Dominus quibusdam vinitoribus, propter liberalitatem suam adversus alios murmurantibus, respondit: *Nonne accepistis denarium*, quem pro operâ diurna promiseram? Quæ in Græcia erat drachma pro operâ vinitoris & militis. Tamen in nostris consuetudinibus, approbatis, ut dixi, & correctis, intra annos sexaginta vel circiter, opera hominis in æstate æstimatur 8 denarijs, hyeme 4 denarijs, & unâ cum vehiculo & bobus duodecim denarijs.

Moneta nigra, à sexaginta annis vel ante, fuit pede diminuta, neque aucta. Et tamen videmus, vinitores, manuarios, operarios, milites loco sex denariorum nequidem quin-

que solidis contentos esse, præsertim in hac regione. Octonos enim aut denos exposcunt, conquerentes aliter se vivere non posse.

Quantum ad operas boum, ex vicenis solidis minimum æstimantur, hoc est vicies plus quam ante annos sexaginta æstimabantur, de quacunque moneta loquamur. Qua de causa iudices, qui flectendi & corumpendi consuetudines potestatem habent, quoties incidit quaestio habitudinis locorum reddituum, fructuum, aliarumve rerum similium æstimandarum, non amplius consuetudines servant: sed quoad æstimatorem fructuum, sequuntur ordinationem juncto communi valore, vel jubent partes convenire de arbitris qui res æstiment.

Diximus de moneta argentea, loquamur etiam de *aurea*: ut aperte dijudicari possit, caritatem annonæ ex alteratione monetarum non provenisse. Reperio purissimam monetam auream, intra trecentos annos ubicunque locorum conflatam, non esse fortiozem viginti tribus & $\frac{1}{2}$ ceratijs. Ut sunt Nobiles, veteres Ducati, Veneti, Florentini, Senenses, Portugallici, Seraphinus Turcicus, Medius Barbariæ, numismata antiqua Romanorum, duplices Ducati veteres, Salutij, Franci pedites & equites, Angelotti veteres. Quibus nummi aurei coronati solares meliores sunt. Deinde Henrici & duplices Henrici, Regales aurei, Pistoleti, & duplices Ducati Portugallici debiliores sunt. Quantum ad reliquas monetas in quibus minus est viginti duobus ceratijs, hoc est in quibus plusquam duodecima pars inest mixturæ, sive cupri, sive argenti, & minus decem partibus auri, ex aurum non sunt, præterquam in opere. Quemadmodum argentum, quod est infra decem denarios, seu ut melius dicam, quod plusquam sextam partem mixturæ habet cupri, & minus quinque partibus argenti, hoc in materia monetarum non est argentum, sed (ut Galli loquuntur) *Billon*. Et hanc ab causam veteres appellabant electrum,

electrum, aurum in quo pars quinta esset argenti.

Fingamus itaque, coronatum veterem & Francum peditem & equitem (quibus monetis Dominus de Malestroict utitur) esse viginti quatuor ceratiorum cum detrimento sive remedio unius ceratij: coronatos solares viginti trium cum $\frac{2}{3}$ remedij, juxta Ordinationem anni 1540, vel viginti trium ceratiorum & $\frac{1}{4}$ ceratij remedij; ut sunt coronati jussu Regis Henrici II percussi. Differentia erit tantum unius ceratij in veteribus. Et quantum ad pondus, coronati solares anni 1540 ponderant duos denarios sedecim grana ad libellam, & septuaginta duo marcæ efficiunt: quot Justinianus quoque Imperator in libra numerat. Quæ res Carolo Molinæo, honori Jurisconsultorum, occasionem dedit, solidum Justiniani cum nostro ad eundem pedem exæquandi. Sed tantum interest, quantum inter 2 & 3. Nam sicuti marca octo habet uncias, & libra Justiniani duodecim: ita etiam nummus aureus jussu ipsius confectus, quem solidum appellat, tertia parte plus ponderat nostro, fere instar Angelotti. Postea jussu Regis Henrici II confecti sunt ad duos denarios & quindecim deinde quatuordecim grana. Atqui vero Francus aureus quatuor granis minus ponderat; quàm coronatus vetus, & quatuor granis plusquam coronatus solaris anno 1540 percussus.

Si itaque pedem unius ad alterum conferamus, invenimus coronatum veterem tantum $\frac{1}{3}$ plus valere quam coronatam solarem: & Francum aureum $\frac{1}{6}$ plus quam hunc ipsum coronatum. Qui in uncia sunt octo coronati veteres novem solares, vulgares coronati decem & unus denarius & viginti grana amplius. Item Franci aurei non integre novem, sed tamen plusquam octo. Ideoque Ordinatione Henrici II Regis vetus coronatus æstimatus fuit sexaginta, Francus quinquaginta quinque, coronatus solaris quinquaginta duobus, & coronatus vulgaris quinquaginta solidis.

Concludendum itaque est. Si domus aliqua ante annos centum viginti vendita fuit ducentis coronatis veteribus, illa hodie venditur octingentis coronatis solaribus, qui valent bis mille libris Turonensibus monetæ currentis seu billoni; ablata $\frac{1}{2}$ qua coronatus vetus coronatum solarem valore superat, remanent 673 coronati solares. Qui temporibus Henrici II Regis valebant 1750 libris, vel 35000 solidis nostræ monetæ. Et si fingamus Francos aureos fuisse, ac detrahenda esset $\frac{1}{2}$: restarent 780 coronati solares, quibus eadem domus venderetur: quod est triplo plusquam tunc temporis constituerit. Quod minutatim enumerare volui, propterea quod Dominus de Malestroiët non indicavit, qualis proportio inter coronatos fuerit, ut ad contractus nostros accommodare possit.

HÆC DE CARITATE RERVM GENERALITER
dicta sint. Ne particulares mutationes attingamus, quæ ordinaria rerum pretia adaugent: veluti cibariorum tempore famis, armorum belli tempore, lignorum hyeme, aquarum in desertis Lybiæ. Vbi in planitie Azoa invenitur monumentum, literis insculptis testimonium ferens, mercatorem quendam ab auriga poculum aquæ decem millibus ducatis emisse, & nihilominus tam emptorem quam venditorem siti periisse, ut Leo Africanus scribit. Item operarum munuariorum & frivojariorum, in locis ubi non usitantur: quæ plerunque vilioris pretij sunt in civitatibus plenis artificum, veluti Lemo-
vicibus,

vicibus, Mediolani, Noribergæ, Genuæ, Parisijs, Rothomagi,
 Damalci, Venetijs. Vel propter abundantiam populi & argen-
 ti; quæ in uno loco major est quam in altero, veluti Constanti-
 nopoli. Romæ, Parisijs, Lugduni, Venetijs, Florentiæ, Antvver-
 piæ, Sevilix, Londini: quò curiæ Regum & magnorum Princi-
 pum, vel mercatorum multitudo, alliciunt populum & ar-
 gentum, & ob id cibaria cariùs emuntur. Si, ut frequenter ac-
 cidit Romæ, ubi propter abundantiam auri & argenti, & popu-
 lorum ex omnibus mundi partibus eo concurrentium, sæpe fa-
 mes olim dominabatur. Ita ut Augustus cogeretur ex urbe ex-
 pellere ergastula servorum & gladiatorum, & omnes pereгри-
 nos, exceptis præceptoribus juventutis, & medicis: præter vi-
 ginti & octo colonias quas Roma deduxit, & per universam I-
 talias distribuit. Interdum quoque mutatio incidit propter
 novum aliquod. Sicut evenit Romæ, ubi pretia ædium subitò
 mediâ parte augebantur propter edictum Trajani, quo consti-
 tutum erat, ut qui muneribus & officijs dignitatum fungi vel-
 lent, tertiam partem patrimonij in emptionem prædiorum
 Romæ vel in continenti converterent. Omnes hæ res parti-
 culares in casu proposito, qui generalis est, non veniunt in
 considerationem,

IGITUR POSTEA QUAM cognovimus pretia re-
 rum adaucta esse, & causas caritatis investigavimus, (quæ duo
 sunt principalia membra, quæ nobis adversus Malestretrum
 probanda fuerunt) superest, ut quam minimo fieri possit, in-

commodo, REMEDIUM huic rei inveniamus. Quam partem Malefretus omninò non attingit, pro certo habens, nullius rei pretio quicquam accessisse.

- I. Principiò *abundantia auri & argenti*, quæ regionis cujusque divitiæ sunt, caritatem rerum pro parte excusat. Nam si tantanum morum penuria esset, quanta præteritis temporibus, omnes certè res tanto minoris æstimarentur & emerentur quanto aurum & argentum majori in pretio esset.
- II. Quantum *ad monopolia & corruptiones quæ fiunt* attinet: supra exposui, quid mihi videretur. Sed frustra sunt bonæ constitutiones de monopolis, de luxu sumptuum & vestimentorum, si non ad effectum perducantur. Et non perducuntur tamen unquam, nisi Rex pro clementia suâ easdem ab aulicis servari jubeat. Quia reliqua pars populi in pompis & luxu aulicorum exemplum sequitur. Nec fuit uspiam Respublica, in qua sanitas vel ægritudo non à capite in reliqua membra derivaretur.
- III. De *avectione mercium* quæ ex hoc Regno efferuntur, multi eximij viri conati sunt, atque etiamnum adnuntur, dictis & scriptis eam prorsus abolere, si possibile illis esset: existimantes, nos felicius & viliori mercatu vivere posse, si neque demus aliquid extraneis, neque ab ijs recipiamus. Sed falluntur, meo judicio. Quandoquidem extraneis opus habemus, nec carere ijs possumus. Confiteor, nos illis mittere frumenta, vina, sal, crocum, glastum, pruna passa, papyrus, pannos, & crassiores telas. Sed vicissim ab illis ex permutatione accipimus, primò omnia metalla, excepto ferro: deinde aurum, argentum, stannum, cuprum, plumbum, chalybem, argentum vivum, alumen, sulphur, chalcanthum, oleum, ceram, mel, picem, bresilium, hebenum, guajacum, ebur, alutas, byssum, colorem conchyliatum, coecinum vermiculatum, pharmaca omnis generis, aromata, saccharum, equos, salmones salitos, cheas,

theas scombros, molas, & denique infinitos bonos libros,
& excellentia opera manu facta.

Et quamvis ejusmodi mercibus carere possemus, (quod omnino est impossibile) sed etiam si illis abundaremus, tamen semper deberemus negociari, vendere, emere, permutare, mutuari, imo donare potius partem bonorum nostrorum extraneis & maximè vicinis; licet communicandi tantum gratia eret, conservandique invicem amicitiam.

Plus dico. Etiam si pleni essemus donorum Dei, & omnium quæ vel armis vel legibus donari hominibus possunt, ita tamen neque metuendum, neque sperandum nobis esset quicquam; tamen naturali obligatione hanc illis charitatem debemus communicandi dona Dei nobis data, docendi & instruendi eos in omni honore & virtute. Quam in re Romani indignos se imperio reddiderunt. Nam quo tempore potentia eorum attingebat cælum, & ab Occidente sole usque ad orientem Imperium suum extenderant; nationes quædam illâ legatione, potestati eorum se submittere & ultrò obtemperare cupiverunt: at Romani, cum nihil inde lucri accessurum viderent, oblatum recusarunt: ut Appianus scribit, quod ignavissimum factum fuit, & turpissima omnium Deo data injuria. Quasi imperandi majestas & justitiam administrandi, præsertim miseris & male instructis populis, non esset maximum Dei donum, & summus honos qui in hoc mundo carere in hominem possit. Tantùm aberrarunt à debita illis bonorum & divitiarum suarum communicatione.

Sed dicet aliquis; Plato & Lycurgus negotiationem cum extraneis prohibuerunt, metuentes ne subditi inde corrumpantur & perverterentur. Verum est quidem: sed alter sonavit, quod summo labore nisus non potuit perficere: alter perfecit, quod nemo unquam ausus fuit sperare. Et nihil minus uterque fecisset melius, nisi falde fallor, si negocia-

tionem permisissent. Vt sapienter fecit Moyses: qui satis demonstravit, se duobus illis prudentiorem fuisse. Quippe lumen veritatis adeo clarum est, ut non solum tenebras fugerit vitiosorum, sed etiam ut quantò magis communicatur tanto luceat amplius. Attamen non usque adeo virtutibus nostris prævalet, quin habeant extranei quo paria nobis faciant.

Rursus obijcitur: non esse bona nostra gratis donanda extraneis, & præsertim inimicis nostris. Quanquam hoc diligenter præcaveamus: attamen si affluentes copia id faceremus, magis utique amicitiam conciliaremus eorum quàm bellum inferendo: quandoquidem Deus, cui juravimus & bellum absque inducijs facimus, exemplum nobis immensâ liberalitate monstrat.

Sed quoniam hoc non capit eorum animus qui nihil præter lucrum, licet sordidum & inhonestum, quærant: Deus admirabili prudentia huic rei modum dedit: quippe ita dispertitus est dona sua, ut nulla mundi pars adeo felicitate abundet, quin plurimis rebus indigeat. Quod videtur fecisse Deus, ad conservandam subditorum reipubl. suæ inter se amicitiam: vel ad impediendam saltem belli diuturnitatem, cum semper invicem opus habeant.

EGO hujus sententiæ essem, (si sententiâ mea haberet locum) ut interdiceretur cum Italis negotiatio mitrarum, suffutuum, plumbi, membranæ, adulterinarum gemmarum, venenorum: & intercluderetur aditus omnibus decoctoribus & ex patria sua bannitis; nisi fortè propter virtutis excellentiam proscripserent, ut Athenis & Ephesi usitabatur, aut nisi fidem de hoc extranei facerent attestatione Principis vel Reipubl. vel virorum bonorum & fide dignorum. Eares exemplum alijs populis imitandi daret, & terrorem incuteret improbis qui in nullo mundi loco tuti forent. Sed quantum video, Turcæ nobis viam præcunt. Legimus enim, Mehemetum co-
gnomen-

gnomento Magnum, Imperatorem Turcarum, pulchrum exemplum edidisse in persona cuiusdam homicidæ Florentini, qui cum Julianum de Medicis in pleno templo interfecisset, Constantinopolim ubi sedes est Imperij se contulerat. Quem magnus ille Princeps manibus pedibusque ligatum ad supplicium de eo sumendum Florentiam remisit. Sed quamdiu fenestram bannitis patefacimus, impurus aër & pestis semper intrabunt. Et nunquam deerunt daciarij, qui exsorbeant sanguinem, & ossa rodant, & exugant medullam Principis & populi: qui etiam publicis scriptis execranda vitia, de quibus majores nostri nunquam cogitarunt, laudent, atque pro virtutibus defendant. Et nihilominus hujusmodi homines ubique benigne & blande excipiuntur.

Quantum ad ceteros extraneos, optarem eos non solum humaniter & amice tractari, sed etiam injuriam illis factam gravissimè vindicari; sicut lex Dei præcipit. Imo ut jus caducarium ipsis remittatur, eâ conditione ut hæres sit incola Regni. Quandoquidem videmus nihil aliud inde Franciæ provenire quàm ignominiam, commodum vero sanguisugis Curix. Præsertim cum commerciorum quoque, quæ libera esse debent, cursum impediat: qui divitias & magnitudinem Regni amplificat.

RESTAT unum argumentum, cui breviter respondendum est. Quando Avectio permittitur, inquiunt, res omnes in Regno cariores efficiuntur. Hoc autem ego nego. Nam quod succedit in locum earum rerum quæ exportantur, vilitatem efficit ejus quod nobis deerat. Præterea videntur ita loqui, quasi merces suas gratis mercatores traderent: aut quasi opes Indorum & Arabiæ felicis in nostris agris crescerent.

Solum frumentum excipio: cujus avectioni prudentius, quam fit, modus dandus est. Quo non servato, caritatem annonæ & famem intolerabilem sæpe secutam videmus: ita

ut Francia, quæ totius Occidentis horreum esse debebat, plenis navibus accipiat vile frumentum nigrum, quod magno nostro dedecore ex littore Balthico adfertur.

Modus providendi esset, si in unaquaque civitate constitueretur horreum publicum: ut olim in civitatibus bene constitutis & in hoc Regno factum fuit, ante contentiones familiæ Aurelianensis & Burgundicæ: & quotannis vetus frumentum renovaretur. Quo facto, nunquam annonæ caritas existeret tanta quantam videmus. Nam præter subsidium & provisionem in annos steriles, rescarentur monopolia mercatorum, qui omne frumentum coacervant & sæpe in herba emunt, ut pretium suo arbitratu constituent.

Hæc est ratio, quâ Ioseph Præfectus Prætorio Ægypti, fame per universum prope mundum dominante septem annis, & quâ eadem Trajanus uno anno, Ægyptum à fame conservavit: licet Ægyptus totius Orientis nutrix sit.

- IV. Ad opinionem eorum, qui *vineas eradicari*, earumque loco passim frumenta conseri, aut saltem in futurum plantationem vitium prohiberi volunt, quod attinet: reperio Domitianum Imperatorem edicto cavisse, nequis imposterum vites plantet: præcepisseque in omnibus Imperii Provinciis extra Italiam dimidiam partem vinearum evelli: sed nunquam fuit executioni mandatum. Quin & M. Varro existimat, eam omnium patrimonii preciosissimam partem esse. Et agricolæ non immeritò talia edicta derident. Et Deus benignitate sua sapienter disposuit, ne omnia vitibus, nève frumento complerentur. Nam aptissima vineto terra frumento inutilis est: quoniam alterum gaudet agro plano & pingui,

guī, alterum petrosos colles amat. Præterea vites ultra quadragesimum nonum gradum, propter frigiditatem, crescere nequeunt. Vt populi Septentrionales omnes ferè nō alia vina quam Francica & Rhenana habeant: & tamen usque adeo ijs delectantur ut cupiditate bibendi sese obruant. Itaque eradicatis vitibus una ex præcipuis Galliæ divitijs è medio tolleretur.

Verum alia via est, quam si magistri & institutores vectigalium in medium proponerent, populus admirabiliter sublevaretur, Regnumque locupletaretur. Videlicet, si pars onerum ordinariorum imponatur exportationi frumenti, vini, salis, glasti, lini, & pannorum; & præcipuè vini salis & frumenti, à quibus tribus elementis dependet, post Deum, vita extraneorū & quæ nunquam possunt deficere. Fodinæ Septentrionis & Indiarum exiguo tempore exhauriuntur; & aurum semel exemptum non renascitur intra mille annos, ut metallarij dicunt: sed vivæ fœturigines nostræ, frumenti vini & salis, sunt inexhaustæ.

Si itaque pars onerum seu tributorum ordinariorum imponeretur exportationi extraneorum, plurimum levamenti in Regno sentiremus. Nam extranei parcius emerent, & emerent ad pondus argenti, magno hujus Regni emolumento quia carere ijs nequeunt. Et verò non obstantibus prohibitionibus in Flandria factis, ne sale Francico utantur, nihilominus Status illius regionis semper conquesti sunt, salsamenta corrumpi sale Hispanico & Burgundico. Et si quando accidit, marinas salugines & salinas Francicas propter imbres vel frigora sale destitui, non tamen desinunt extranei triplo vel quantovis pretio emere, dummodo illud nanciscantur.

At

At verò sal vilioris pretij est in Anglia, Scotia, & Flandria quàm in Francia, excepta Aquitania. Quod in statu & administratione Politica admodum incongruum est. Idem in vino & glasto evenit: quibus ingens vestigal Principes extranei imponunt. Quod Regis & Regni emolumento cederet, si pars onerum ordinariorum exportationibus imponeretur. Si dicatur, extraneos justam conquerendi habituros occasionem, cum obstant tractatus commerciorum: facilis est responsio. Scilicet, quod non obstantibus tractatibus ipsi non desinant suis mercibus vestigalia imponere. Quin etiam statuta Angliæ & Poloniæ prohibent ullas inde exportari pelles: ita ut exhaustis Angliæ fodinis, nihil eis residuum sit, præter lanas, pannos, & salsamenta. Præterea severe & sub magnâ poenâ interdixerunt, ne vel lana ovium exportetur. Sicut etiam in hoc Regno factum est: ut pauperes subditi ex lanificio vicum quærere possint, & emolumentum manuarium in Regno maneat. Sed nulla edicta servantur: quia datâ pecuniâ summa impetratur evhendi licentia. Ut in hoc Regno accidit: ex quo Itali, prætextu obtentorum diplomatum, infinitam lanarum quantitatem exportant. Vnde incredibile damnum toti Regno infertur. Nam merces exportari prohibita in extraneis regionibus caræ efficiuntur, & remanent in manibus possessorum & mercatorum Regni, nisi vilissimo vendant iis qui licentiam exportandi habent: & opifices ac misera plebs fame moritur.

Hæc via mihi notatu digna est visa, ad medendum caritati rerum necessariarum & sine quibus extranei non possunt vivere.

VI. Proponam & aliam caritati annonæ occurrendi viam, quæ plurimis nova videri poterit: sed quam opinor Malestretum, utpote

utpote amantem paradoxorum, non esse improbatum. Nempe ut usus piscium in antiquum honorem reponatur. Certum enim est, pauperem plebem longe viliori mercatu comparaturam esse carnes bubulas, suillas, ovillas, & salituras: & volatilia quoque tolerabilioris pretij fore.

Porro facillimum factum nobis esset: quia Francia inter Oceanum & Mediterraneum mare collocata est: quod commodum omnibus terrarum orbis populis, præterquam Hispanis, deest. Sed Hispaniam, quæ paucas aquas & sæpè ardescientes habet, anteceditur infinita multitudo fontium, rivorum, fluminum, lacuum, stagnorum, & vivariorum, piscibus abundantium. Et tamen non nisi inviti illis vescimur, & cum usus carnis est interdictus: adeò, ut plurimi lardo rancido, quàm tursione, in die Paschatis vesci malint. Ex quo fit ut pisces vilescant, & crescat pretium carnis: quia piscatores operâ & sumptum non sunt impensuri, vidètes pisces contemni. Qui quoniam ab hominibus fastidiuntur, se invicem devorant; & nos, ut opiner, ex civitatibus expellerent si in terra vivere possent. Sicut incolis Insularum Majoricæ & Minoricæ accidit: qui ita à cuniculis, quos fastidiebant, obsessi fuerunt, ut, quemadmodum Strabo scribit, legatos ad Augustum mittere cogerentur, ad impetrandum auxilium integræ legionis adversus ejusmodi hostes, qui omnes campos suffodiebant & civitates funditus evertabant.

At tamen existunt Medici quidam, quos lepidus Aristophanes appellat scorophagos, qui culpam suam miseris piscibus impropere, eosque strictè interdicunt; vel ad conciliandam opificio suo auctoritatem, videntes se in pretio non esse nisi tyrannidem in appetitus hominum exerceant. Nihil de scientia ipsorum intelligo, nec possum judicare, an ita insalubres sint pisces, ut ipsi dicunt. Sed refero me ad optimum Sylviû: qui graviter eos reprehendebat, & interdicta de non comeden-

dis piscibus tollebat, demonstratis ad oculum ipsorum erroribus. Quamquam varietatem ferculorum improbare, & pisces salios suaderetque pisces sine sale, si fieri posset, con- diendos esse. Galenus duobus locis in suis scriptis plus dicit: non esse nutrimentum ullum melius & facilius, quam pisces saxatiles, quorum ingens est copia; eosque præfert pavoni- bus & phasianis. Quod valdè verisimile est, præter experien- tiam unicuiquè vulgò obviā: quandoquidem pisces naturā ita sani sunt, ut nulli sint morbo obnoxij. Nunquam enim leprā laborant, ut porci & lepores: neque scabie, ut vervecēs: neque putore, ut hirci: neque hydroposi, ut oves: neque a- postematibus, ut boves: neque morbo caduco ut coturnices & galli Indici: neque inflammationibus & pituitis, ut gallinæ & capones: neque pediculis, ut pipiones. Sicut in lege Dei videmus porcos & lepores, (qui fere omnes leprosi seu gran- dinosi sunt in regionibus meridionalibus) item animalia un- gulas solidas habentes aut fissas sed non ruminantia, prohi- bita esse, tamquam infecta & male sana. Cum tamen omnes pi- sces permittantur, exceptis piscibus mollibus & viscosis. Nec est verisimile, Deum quadringenta piscium genera, qui sine sumptu pascuntur, & usui hominum accommodatissima, creasse, si insalubres essent: cum vix quadraginta terrestrium animalium & volatiliū species sint ad vescendum idoneæ. Licet fatear, nihil perniciosius esse stomacho, quam carne & piscibus permixtum vesci: sed possumus illis separatim uti.

Ut sit: Apicius magister helluonum omnium qui in mundo fuerunt delicatissimus, & Athenæus in convivio Sa- pientum, testantur, Græcos & Latinos, ubi de delicijs agere- tur, solos pisces magnificasse, quos nos ex pœnitentia come- dimus. Ita ut magni viri honoris causa sese nominarint Au- ratas, Murænas, Lucios. Nec opipara convivia præterquam ex piscibus parabant: ut documento est illud Caligulæ, quod

sex mensibus duravit, & cui in Ritendo universum mare Mediterraneum expiscatum. Interdum varietatis gratiâ interponebant pavonem, phasianum, turdum, ficedulam, lepuleculum, vel ingentem aprum omni volatiliū genere referunt: attamen semper pisces honore antecellebant, & nonnunquam ad pondus argenti vendebantur, ut supra dixi, & cum magna pompa in mensam ferebantur. Cato quoque jam suo tempore conquestus fuit, carius piscem vendi quā bovem, ut Plutarchus dicit.

At verò pisces maris nostri Oceani longè majores, pinguiore, & sapidiores sunt, quam Pisces maris Mediterranei. Sicut Rondeletius nos monet in libro de piscibus: & illi possunt judicare, qui in eādē mensā utriusque maris pisces gustarunt. Ut sit Tholosæ; quò pisces duorum marium adferuntur, videlicet ex urbe Agatha, & Bayona. Et porrò nullum est littus maris, quod varietatem piscium non habeat. Littus Picardiæ, ubi mare arenosum est, fert pisces latos: littus Normandiæ & Aquitaniæ, quod petrosū est, fert pisces saxatiles: littus Britanniæ, quod est limosum, fert pisces rotundos, ut Lampretas, Congros, Asellos. Et fere quodque tempus suos producit pisces; modò haleces recentes, modò Scombros, modò Lampretas, & similes. Ita ut homines ignorent unde subito unā vice tam infinita halecum multitudoad littus Franciæ & Angliæ perveniat: Trichidum in Gallicia, Thunnorum in freto Constantinopolitano, Sardinarum in littore Provinciæ, Balænarum in Insulis Orcadibus, Alofarum in Barbariâ, Ichthyocollarum in Terris Novis, Murænarum in mari Siciliæ. Attamen fateri oportet, magnum mundi Provisorem hos pisces nonnisi ad necessitatem nostram creasse. Omitto pisces aquarum dulcium, qui ubique reperiuntur.

Quod si igitur pisces in eo quo olim essent pretio, infi-

nita piscatorum & cetariorum existeret multitudo, & piscinæ vivariaque diligentius propagarentur. Vesceremur piscibus marinis à mense Septembri usque ad Martium, quo tempore sunt meliores, non expectatâ Quadragesima, cum pisces incipiunt ova fundere & saporem amittere. Ita fieret, ut vulgus, rustici, & artifices, vilirate carnis gauderent, & consequenter volatilia tanti non æstimarentur.

Recordor optimæ & politicæ rationis Doctoris Picardi: qua defuncto Regi Henrico ostendit, quod si in Quadragesimâ usum ovorum permitteret, futurum, ut post festum Paschatis neque gallinæ neque pullastri invenirentur. Nunc etiam in Anglia quæ gregibus & volatilibus abundat, licet discrimen ciborum sublatum sit, nihilominus tamen interdicta, certis diebus in septimanâ non comedendi carnes, observare coguntur, videntes carnem cariore reddi. Quanquam cum Regina & Magnates adversus sua interdicta faciant, populus quoque ea, uti decebat, non observet.

Sed mihi videtur, alium esse modum commodiorem absque ulla prohibitione. Nam homini nihil tam gratum & acceptum est, quàm illud quod prohibitum est, quando ipse Legislator prohibitioni suæ non obtemperat. Hinc fit, maximæ populi parti saporem carniū tam suavem, & piscium tam injucundum videri: quoniam illi qui carnes prohibent, non alio cibo utuntur. Testimonio sit Episcopus ille Hispanus, qui die qua carnibus abstinendum erat, recitatis quibusdam verbis caponem in piscem transsubstantiaverat, remanente nihilominus formâ accidentali & sapore caponis: quem admodum refert Poggius Florentinus. E contra, si Princeps tollat prohibitionem, & interim tamen ipse vescatur piscibus, Magnates & aulici ipsum sequentur & postea universa plebs. Et hæc est sola ratio pristini honoris piscibus restituendi.

Non utar alio exemplo, pro confirmatione ejus quod dico, quam Adriani natione Belgæ; qui ex paupere scholari arefactis asellis nutrito creatus fuit Pontifex, opera Caroli V. Imperatoris discipuli sui. Is cum admodum amaret & sine causa laudaret asellos salitos, accidit ut omnes ejus aulici & consistoriales illis invito palato vescerentur, sanctitati ejus gratificandi causa: & statim quoque illorum cupido plebem cepit, sicut Paulus Jovius scribit in libro de piscibus: ita ut Romæ asellis salitis nihil esset carius. Nam versuti aulici semper imitantur Principes, & quidem in rebus etiam maximè ridiculis. Quemadmodum contigit Ferdinando Regi Neapolitano, qui naturâ erat collo oborto: cui ut complacerent aulici collum sicut ipse invertabant. Maxima enim pars plebis, imò stulti & imperiti, opinionibus magnatum lætatur, eosquè imitantur.

Ecce paradoxum, quod in hoc argumento ciborum considerandum puto, ad sublevandam annonæ caritatem.

Quantum ad Ultimū Articulum, quī merces aliquatenus in pari pretio possit servare, is est æqualitas monetæ. Si enim moneta, quæ rebus omnibus pretia constituere debet, est mutabilis & incerta: nemo erit qui veram ejusquod in bonis habet rationem inire possit: contractus erunt incerti: tributa, taxationes, stipendia, pensiones, & vacationes incertæ erunt; poenæ quoque pecuniariæ & mulctæ consuetudinibus & constitutionibus limitatæ, mutabiles erunt atque incertæ: denique universus ærarij status & aliorum quam-

plurimum publicorum privatorumque negotiorum, in suspenso erit. Quod maximè metuendum est, si à Principibus, qui subditis suis auctores & debitores iustitiæ sunt, monetæ falsentur. Nam Princeps monetæ pedem, in præjudicium subditorum, & multo minus extraneorum qui cum ipso contrahunt & cum suis negotiantur (quoniam iuri gentium subiectus est) alterare non potest, quin incidat infamiam falsatoris monetæ. Quemadmodum Rex Philippus Pulcher à Poëta Dante appellatus fuit *Falsificatore di moneta*, hoc est adulterator monetæ: qui primus monetam argenteam in hoc Regno dimidia parte ligæ debilitavit. Quod subditis occasione magnorum tumultuum dedit, & Principibus extraneis perniciosissimum exemplum: cuius ipsum serò poenituit, ut filio suo Ludovico H utino testamento injungeret, caveret à debilitatione monetarum. Eteandem ob causam Petrus III Rex Arragonum, ditionem Regis Majoricæ & Minoricæ, quem vasallum suum esse assererat, fisco addixit, quod monetam debilitasset. Quinquam Reges ipsi Arragonum in eo peccarint, adeo ut Innocentius III Pontifex ipsis, tanquam vasallis suis, interdiceret ne amplius illa uterentur: *cap. de jure jur.* Propter quæ interdicta, Reges Arragonum ad coronam venientes, protestabantur, se nec cursum nec pedem monetæ approbatæ mutatu-
Pet. Bellug. in specu. Priv. anno 1245 & 1337. Sed non est satis hoc modo protestari; nisi liga & monetæ pondus, convenienti regula administraretur: ut neque Princeps, neque subditi, cum libuerit, eam falsare possint: quod alioqui semper data occasione facient, etiam si ferro & igni cremandi essent. Fundamentum autem omnium qui monetas addulterant, tingunt, radunt, fingunt, miscent, tondent, non est aliud, quam metallorum mixtura. Nemo enim poterit metallum ullum purum & simplex pro alio subicere; obstante colore, pondere, corpore, sono, & natura

natura unicuiusque ab alijs differente. Sicut ostendi, cum ab Ordinibus, Civitatibus, Præfectorisque Veromanduorum deputatus essem legatus ad Ordines Franciæ.

Oportet itaque, ut recitatis à me incommodis occurratur, in omni Republica constituere, ut moneta sit ex metallo simplici; & promulgare edictum Taciti Imperatoris Romani (*Vopiscus in Tacito*) continens prohibitionem sub pœna publicationis corporis & bonorum, ne misceatur aurum cum argento, vel argentum cum ære, vel æs cum stanno aut plumbo.

Verum quidem ab hac ordinatione excipi posset mixtura cupri cum stanno. Vnde æs & metallum sonans efficitur: quod tunc temporis in tali usu quo nunc est non erat. Et mixtura stanni cum ære, ad fundendum tormenta bellica. Neque enim necesse est, vigesimam partem plumbi miscere cum stanno puro, ut reddatur malleo tractabilius: quia fundi & fabri fieri potest absque ejusmodi mixtura, quæ & bonitatem stanni corrumpit, & nunquam à plumbo separari potest. Insuper ut edicti prohibitio dirigatur, tam respectu monetæ, quam operum aurifabrorum & ductorum auri. Vbi falsationes frequentiores sunt, quam in moneta: propterea quod probatio ejus ibi difficilior est; & quia artificium sæpè precium materiæ æquat.

In quo deceptus fuit Archimedes, experiri volens quantum aurifaber ex magna corona aurea Hieronis Regis suffuratus esset: idque ita ne forma coronæ periret. Cum enim illis temporibus usum Lydij lapidis ignorarent: duas massas, alteram auri, alteram argenti sumpsit, ut videret quantum hæc & illa aquæ ex vase ejiceret plus minusve quam corona: & ex proportionem aquæ judicabat de volumine utriusque metalli, & quod aurifaber quintam partem subripuisset. Sed iudicium ejus incertum erat: quia præsumebat mixturam tantum ex argento esse. Licet aurifabri ad conciliandam operi venu-

statem

statem & firmitatem, idque quam minimis sumptibus, infusuram seu additamentum ex cupro puro, cum possunt, faciunt, quod est levius argento. Quo color auri pallidus & dilutus efficitur, cum cuprum colorem ejus servet magis vividum. Et consequenter cuprum corpore & volumine majus est quam argentum in pondere æquali, quantum est inter 13 & 11. Quod si mistura ex cupro & argento sit, impossibile est verè de eo judicare, nisi quantum utriusque sit, sciri possit. Et quamvis cognoscatur, tamen latens error qui in metiendis aquarum guttis committitur, magnus est, propter discrimen voluminis metallorum. Nec ullus est tam subtilis artifex vel aurifaber, qui per Lydium lapidem explorare possit quantum argenti & cupri sit in auro, si mixtura facta est ex utroque.

Et quoniam aurifices & gemmarij semper conqueruntur quod non possint sine detrimento opus facere ex auro, & viginti duo ceratia absque remedio, vel ex auro puro ad $\frac{1}{2}$ remedij, juxta ordinationem Regis Francisci anni 1540: & quia posthabitis omnibus constitutionibus opus faciunt ad 20 & sæpe ad 19 ceratia, ita ut in viginti quatuor marcis insint quinque marce cupri vel argenti: unde successu temporis moneta debilis conflatur à falsarijs, qui lucrari volunt: Idcirco plusquam necessarium est interdicere, ne ullum opus ex auro fiat quod non sit conforme ordinationi: sub eadem confiscationis vitæ & bonorum poena. Ut hac ratione usus auri in suppellectile & deauraturis purus maneat.

Et quoniam impossibile est, ut aurifices dicunt, aurum excœquere ad vigesimum quartum ceratium quin aliquantum alterius metalli subsit: neque argentum ad duodecimum denarium, quin aliqua admistura remaneat: imo nec repurgationem auri secundum ordinationem ad 23. & $\frac{3}{4}$ cerat. cum $\frac{1}{4}$ remedij: & argenti ad 11. denarios 2. grana, & $\frac{1}{2}$, qualis in regalibus Hispanicisprehenditur, aut ad 11. dena 18. grana, qualis est

est Parisiensium: quoniam subsit intertrimentum & magnus sumptus, præter difficultatem & prolixitatem temporis: hinc constitui potest, ut aurum in opere & in moneta sit vigintitrium ceratiorum, & argentum undecim denariorum & duodecim granorum, purè & utrumque absque remedio. Quo factò, æqualis erit auri argentique proportio, & in utroque par erit detrimentum. Videlicet, in viginti quatuor libris argenti ad 11 denar. 12 grana, & in 23 ceratijs auri inerit una libra alterius metalli quod non sit aurum, & una libra metalli in argento quod non sit argentum, sed vel cuprum vel aliud metallum. Et tale argentum in hoc Regno appellatur Argentum regium, in quo vigesima quarta pars est cuprum. Quia: si ratione moneta aurea & argentea fortior erit & durabilior: simul etiam in opere multis impensis parceretur: & vitabitur in teritura usus & fragilitas.

Ac ut iusta auri argentique proportio, quæ in universa Europa & vicinis regionibus ferè duodecupla est, etiam in monetarum ponderibus servetur: oportet, monetas argenteas & aureas constare eodem pondere; quarum sedecim & 32 & 64 marcæ efficiant.

Nec pondere gravior percutienda est, neque etiam debilior: ut evitetur tam difficultas cudendi, & fragilitas monetæ aureæ & argenteæ puræ, quæ levior esset uno denario ponderis: quàm facilitas adulterandi utramque monetam propter crassitudinem earum. Ut in Portugallensibus aureis, & daleris argenteis, qui unciam ponderis & plus habent. Qualis etiam erat moneta aurea ponderans tribus marcis & dimidia, quam Imperator Heliogabalus cudi iussit. Et quæ Constantinopoli pondere unius marcæ aurea conflata fuit; quarum quinquaginta Imperator Tiberius Regi nostro Childerico donavit.

Quo factò, neque nummularij, neque mercatores, neque aurifices, ullo modo decipere imperitam plebem poterunt,

runt, vel eos qui ligam & pondus non intelligunt. Quippe semper necesse erit duodecim nummos argenteos tradere pro uno nummo aureo; & quilibet nummus argenteus tantundem ponderabit, quantum nummus aureus ejusdem notæ seu characteris. Ut videre est in simplicibus regalibus Hispanicis; qui pondere æquant coronatos solares, habentes pondus conforme ordinationi anni 1540, videlicet 2 denar. 16 gran. Quorum Regalium simplicium duodecim præcisè coronatum valent.

Et ne in permutatione eorundem nummorum tam aureorum quam argenteorum aberretur, neve simplices accipiantur pro duplicibus, ut frequenter accidit in Regalibus Hispanicis: oportet characteres esse diversos, & non similes ut in nummis Hispanicis. Et nihilominus quantum ad argenteos, ut certi teneantur tituli solidorum, denariorum, & librarum. Pro ut continetur Edicto Henrici II anno 1551 promulgatum.

Propter solutionem censuum, mulctarum, & canonum dominicorum, juxta consuetudines & constitutiones: solum convenit esse trium denariorum ponderis argenti Regij, sicut diximus, quorum 64 marcatum & 4 libram vulgarem efficiunt: quod est justissimum precium quod dari possit. Et quilibet rursus dividi poterit in tres: ut singuli ponderent denarium, & sint quatuor parvorum denariorum currentium, appellabiturquè denarius communis. Ut solidus semper valeat duodecim denarijs: & querimoniarum dominorum, ratione solutionis jurium dominicorum, quæ olim in forti moneta alba persolvebantur, cessent: restitutâ conflaturâ solidorum talium, quales fuerunt temporibus sancti Ludovici, hoc est, 64 in marca argenti Regij.

Cæteræ quoque pensiones emphyteuticæ & hypothecariæ in pecunia constitutæ, solvantur eo valore, quo æstimatus fuit solidus tempore celebrati contractus. Qui valor fuit ran-

æum quatuor denariorum in liga, ad summum, intra centum annos: quæ est tantum tertia pars solidi antiqui, qualem oportet in usum reducere.

Talis erat drachma argentea per universam Græciam usitata, nempe octava pars uncix, quem nos grossum appellamus. Ejusdem ponderis quo solidi à S. Ludovico percussi, qui appellabantur grossi Turonenses, & solidi Turonenses. Quibus solidis Turonensibus determinantur omnes antiqui contractus, statuta, & multi tractatus non solum hujus Regni, sed etiam extraneorum. Ut in tractatu inter Bernenses & tres Minores pagos habito, stipendium militis uno solido Turonensi æstimatur: quod & in hoc Regno æquale fuit: & hanc ob causam solda appellatur. Sicut idem quoque stipendium Romanorum fuit, ut Tacitus dicit, & Græcorum, ut in Polluce legimus. Quippe drachma ejusdem ponderis est cujus solidus Turonensis. Veneti antiquos sunt secuti, & unciam fecerunt octo grossorum seu drachmarum: & drachmam 24 denariorum: & denarium duorum obolorum seu 24 granorum. Ut & in Francia sit & in Hispania & in Africa. A qua regula non est recedendum, utpote antiquissima, in universa Græcia & regionibus Orientalibus.

Tametsi Romani veteres, unciam Græcis æqualem habentes, (scilicet 376 granorum) eam dividerent in septem denarios suæ monetæ: & denarius valeret drachmam Atticam, & 3 amplius. Quâ in re Budæus erravit, dicens in uncia esse octo denarios & denarium Romanum esse drachmæ Atticæ æqualem, & libram Romanam æqualem Atticæ minæ. Cum tamen certum sit, libram Romanam habuisse tantum duodecim uncias, & minam Græcam 16 uncias, sicuti libra mercatorum in hoc Regno. Quod Georgius Agricola optimè demonstravit per calculum Plinij, Appiani, Suetonij, & Celsi.

Si itaque monetæ aureæ & argenteæ consentur eodem

pondere, eodem nomine, & eadem liga: hoc est ut non plus misturæ in auro quam in argento insit: numquam poterit æstimatione earundem augeri vel imminui. Ut aliàs sæpe accidit, fere singulis mensibus: pro libidine eorum qui auctoritatem apud Principes habent. Qui mutantur & concervant monetas fortes & deinde easdem augent pretio. Adeo ut exstiterit quidam, qui centum coronatorum millibus mutuo sumptis, subito æstimationem singulorum quinque solidis augeri effecit, & lucrificavit viginti quinque millia Francorum. Quidam alius cursum monetarum imminui curavit mense Martio, & mense Aprili rursus auxit, quartâ parte lucrifacta.

Submovebuntur quoque omnes adulterationes monetarum: & imperiti atque ignorantes cognoscent bonitatem utriusque monetæ, ad spectu, sono, pondere, absque igni calo vel Lydio lapide. Postquam enim omnes populi, ab annis bis mille & amplius, ferè semper servarunt & etiamnum servant æqualem rationem auri ad argentum, impossibile erit & populo & Principi, augere, minuire, vel mutare precium monetæ aureæ & argentæ; si mistura metallorum quam billon vocant, ex republica ejecta fuerit, & aurum ad viginti tria cerati redigatur.

Et nihilominus, ut plebi succurratur, necesse est etiam, tertiam speciem monetæ ex puro cupro cudi, absque cadmia aut alia mistura metalli; quemadmodum fieri cæptum est in Hispania, & in Italia fit. Aut potius marcæ argenti in mille quingentas & triginta sex partes dividere, quamlibet partem novem granorum. Etenim Regina Angliæ sublati in universum ærosis numismatibus, seu (ut vocant) billonis, reduxit omnem monetam ad duas tantum species. Ut minima moneta argentea, quam Psennings indigitant, valeat octo denarijs vel circiter. Quo fit, ut viliores merces minori precio emi nequeant; & quod pejus est, non potest minor eleemosyna quam ejusmodi

nummus pauperibus erogari : quod multos impedit ne quæquam largiantur.

Sed longè magis expediret, non alia quam aurea & argentea moneta uti, si possibile esset minorem monetam, quam talem nummum cudi, & si marca argenti tam minutatim divideretur, sicut in Lotharingia. Vbi in octo mille nummulos, quos Andegavenses nominant, distribuitur: quorum ducenti regalem & quadraginta solidum currentem nostræ monetæ efficiunt, suntque ex argento satis puro. Quod si dimidia parte pauciores percuterentur, solidiores forent, & deligatæ dixi: possentque eodem momento feriri & stylo acuto signari. Cupri enim precium quoniam singulis locis atque temporibus variat, minus idoneum est monetæ faciendæ: quæ quantum fieri potest, constans & immutabilis precio conservari debet. Et præterea nullum metallum æque subiectum est rubigini, quæ notam & materiam exedit.

Et quantum ad precium, legimus, temporibus belli Puni- ei, libram argenti valuisse 840 libris cupri seu æris puri; libra 12 unciarum. Eodemque tempore denarius argenteus purus, qui septima pars unciz erat, dedecem libris cupri, quibus valebat, auctus fuit ad 16 libras, ut Plinius refert. Quâ ratione, ad 896 libras cupri seu æris pro una libra argenti redit; libra 12 unciarum existente. Postea infima moneta, quæ erat libra æris, media parte fuit imminuta per legem Papiriam, remanente eodem valore. Et cum major argenti copia succederet, ad quartam partem reducta fuit eadem æstimatione manente: quæ est ratio 224 librarum cupri pro libra argenti. Quæ est prope modum æstimatio cupri in hoc Regno; ubi centum libræ, singulæ 16 unciarum, valent tantum 18 Francis. Et in Germania vilioris etiam precij est, licet supellex & ipsa templa multis in locis cupro sint tecta. Sed in Italia carius est, & magis etiam in Hispania & in Africa, ubi longe minor ejus est co-

pia. Quod perlongè abest ab æstimatione quam fecit Imperator Arcadius. Qui libram auri centum libris ælis æstimavit. Quod fieri nequit, nisi per modum provisionis: quoniam abundantia hujus metalli, respectu ad argentum habito, deminetur.

Dicit aliquis, copiam argenti etiam imminutionem pretij ejus adferre. Sicuti ipsa legimus in T. Livio, quod in fœdere inter Ætolos & Romanos inito comprehensum fuerit, ut Ætoli pro decem libris argenti solverent unam libram auri. Et nihilominus constitutione Arcadij (l. ult. de argen. pret. c.) libra auri æstimatur 14 & $\frac{2}{3}$ libris argenti, libra solvi: & constituit 72 solidos aureos in libra: (l. quotiescunque, de susceptor. C.) ita ut quinque solidi sint præcisè decima quarta pars libræ & $\frac{2}{3}$ amplius. Et hodie precium est paulo minus duodecim pro uno.

Verum antehac quidem marca auri puri æstimata fuit 185 libris: & marca argenti 15 libris & 15 solidis Turonensibus. Ita ut pro marca auri puri infecti solvere oporteret undecim marcas, quinque uncias, 23 denar. & 5 grana argenti Regij infecti. In regionibus Septentrionalibus (ubi plurimæ sunt fodinæ argenti & paucissimæ auri,) aurum est carius. Adeoque æstimatione in camera Papali facta, marca auri æstimatur argenti marcis 12 & $\frac{1}{4}$. Quæ propemodum pretij auri ad argentum proportio fuit ante annos bis mille quingentos. Legimus enim in Herodoto, libram auri valuisse 13 libris argenti. Et Hebræi in suis pandectis denarii aurei pretium faciunt viginti quinque argenteorum: quippe monetis aureis ad argenteas dupli rationem habentibus. Vnde 12 & $\frac{1}{4}$ argentei singulis aureis valerent. Præterea legimus, temporibus Persarum, & cum Respublica Græciæ florent, unciam auri æstimatam fuisse libra argenti. Quoniam stater Darius, pondere unius uncie, valebat libra argenti, ut dicit Julius Pollux. Ex quo li-

et judicare, duo ista metalla antiquum precij pedem habere.

Sed æstimatio auri sub posterioribus Imperatoribus accrevit, propter abusum auri in deurationibus omnium rerum. Sicuti Nero magnum suum palatium, ambulatoria mille passuum continens, totum deauravit. Et post ipsum Vespasianus, inaurando Capitolio, summam septem millionum & ducentorum millium Coronatorum impendit. Quin & Agrippa universum testum templi Panthæi inauravit, ut cuprum à rubigine servaretur. Sicut etiam ferrum solet inaurari, ut contra rubiginem præservetur. Imo & argentum sæpe deauratur, licet nunquam rubiginem contrahat. Quod si Principes non interdicanet inurationibus, omnino necesse erit precium auri augescere. Quia argentum non æque tenax est, & vix aut parum adhibetur in argentionibus. Et præterea fodinæ Septentrionis plurimum argenti, auri vix quicquam, producunt. Ut & quæ in terris novis sunt plus argenti quam auri proferunt,

Nihilominus mutatio precij, quæ tractu temporis fit, insensibilis est. Nec impedire illa potest, quo minus ligæ monetarum ex duobus hisce metallis percussarum, æqualis sit in omnibus rebus publicis; mixtura metallorum, si ve (ut vocant) billone expulso. Cum præterea negotiatio in universo terrarum orbe communior nunc quam unquam antea, non possit insignem aliquam varietatem precij auri & argenti ferre, nisi communi omnium populorum consensu. Nam & Augusti tempore, proportio auri & argenti in India Orientali & in Occidente similis & æqualis erat. Quod cum Rex quidam Indorum intellexisset, Romanorum justitiam laudavit, sicut refert Plinius. Sed impossibile est, præcia rerum certa servare, retentobellone. Qui ubique differens est & in æqualis. Quemadmodum enim præcia rerum decrescunt imminuto valore monetae, ut lex dicit, ita etiam crescunt, quæ monetae æstimatione.

Et

Et verò necesse est ut augeatur & diminuat: cum nullus sit Princeps, qui æqualem metallorum misturam, (seu legem billonis) cum alijs Rebus publicis server. Imo nec in sua ipsius. Quia lex seu liga solidi diversa est à liga testonum, & parvorum denariorum duplorum, liardorum, & aliorum: qui non diu in eodem statu permanent.

Prima fenestra in hoc Regno, ad debilitandum argentum moneta formatum, & immiscendum vigesimam quartam cupri partem, aperta fuit, ut daretur ansa mercatoribus apponendi argentum in hoc Regnum cui argentum deest. Quo facto, vigesima quarta pars argenti extraneis dabatur: quoniam tantumdem in Francia valebant undecim denarii & dimidius argenti, quantum duodecim denarii in alijs regionibus. Sed nihil opus fuit: propter divitias Franciæ, quas semper venient quæsitum afferentes aurum & argentum undique.

Hoc malum magis invaluit tempore Philippi Pulchri, qui monetam argenteam media parte debilitavit anno 1300, tantundem argenti & cupri commiscens. Paulò post usque ad tertiam partem imminuebatur: ita ut novi solidi valerent tantum tertia parte antiquorum. Et anno 1422 liga solidorum tam debilis fuit, ut marca argenti valeret octoginta libris Turonensibus, haberetque 1600 nummulos in marca operis. Quanquam eodem anno Carolus VII, recuperata corona quam amiserat, stabiliendæ auctoritatis suæ gratia, jussit cudi, mense Novembri monetam novam fortem & bonam, ut marca argenti ad octo libras redigeretur. Sed tandem conflavit solidos quinque denariorum in liga anno 1453. Et postea paulatim semper imminuti fuerunt. Ita ut Rex Franciscus I anno 1540 cuderet ad 3 denar. 16 gran. in liga: & Rex Henricus ad 3 denar. 12 gran. adeo ut antiquus solidus argenti regij valeret ferme quatuor, remanente semper eadem æstimatione.

Nec ab alijs Principibus minùs peccatum est. Nam cruci-
geri

geri Germaniæ qui antiquitus fuerunt ex argento 11. denar. 4. gran. hodie sunt 4. denar. 16. gran. Solidi Wirtenbergenſes, & groſſi Imperiales 6. denar. hoc eſt tantundem cupri, quantum argenti continent. Solidi Rappini denarij Argentinenſes 4. denar. 12. gran. Nummi quos Rappenſenning vocant, 4. denar. 3. gran. Et floreni argentei 11. denar. 4. gran. quales ſunt etiam nummi quinque & decem crucigerorum. Solidi Flandriæ ſeu ſuſeri, quorum 20 valent 24 noſtrorum, ſunt tantum 3. denar. 18. gran. in liga, & plusquam duæ tertiæ ſunt cupri. Nummus quatuor ſuſerorum eſt 7 denar. Decem gran. liga, & tertia pars eſt cupri. Ante hac ſolidi ſeu groſſi Angliæ fuerunt 6. denar. 22. gran. Nec unquam omne hoc billonis genus plus quam viginti aut triginta annis in eadem liga vel eodem pondere permanſit.

Atque hinc exorta eſt differentia libræ Turonenſium; groſſorum parvorum & mediocrium, libræ Normandiæ: libræ Britanniæ; & libræ Pariſienſis. Quæ omnes inter ſe differunt. Ut etiamnum videre eſt in taxationibus Cameræ Pontificis. Et in Hiſpanijs, libra Barcinonenſis, Toletana, Majoricana. In Anglia libra ſterlingiorum valet octonis noſtris. Et in Scotia duæ ſunt libræ admodum diverſæ, altera Sterlingica & altera vulgaris. Et in Italia nullus eſt Princeps, qui non peculiarem habeat monetæ libræ ab alijs differentem.

Quemadmodum in ſimili, marca ubique continet octo uncias. Sed uncia inferioris Germaniæ debilior eſt quam noſtra ſex granis, Agrippinenſis novem granis, Noribergeniſis ſex granis. Et e contra Pariſienſis fortior eſt 1. uncia. Marca Neapolitana habet novem groſſos, Salernitana decem: & vix eſt civitas Italiæ quin habeat marcæ ab alijs diſtinctam.

Qua ex re pes billonis difficilius redditur, pondere & liga ita inter ſe variantibus: unde miſera plebs graviter affligitur, & in mutandis pecunijs plurimum perdit. Et generali-

ter omnes qui non intelligunt paria, ut trapezita loquuntur, hoc est valorẽ monetarum in mutando, ratione diversorum locorum. Quam obrem de homine in negotijs rerum versatissimo dicimus, eum intelligere paria, quasi rem admodum difficilem. Etenim monetarum negotium per billones & misturas ita obscuratum, ut maxima pars populi nihil prorsus de eo intelligat.

Quemadmodum nempe artifices, mercatores & quilibet in sua arte, szpissimẽ rem & opus involvunt: (Vt plerique Medicorum, qui loquuntur Latine coram fœminis & usurpant characteres Græcos & verba Arabica; & notas Latinas abbreviant, & quandoque scripturam suam intricant ut legi non possit, meruentes ne detectis eorum medicamentis, in minori precio deinceps habeantur.) Ita etiam monetarij, omissa clariori locutione scilicet, massam auri ex duodecim partibus habere duas partes cupri vel alterius metalli, dicunt esse aurum viginti ceratorum. Item pro eo quod apertius efferetur, nummum trium blancorum continere mediam partem cupri, dicunt esse argentum sex denariorum in puritate, duorum denariorum in pondere & quindecim denariorum in cursu. Essentiam, qualitatem & quantitatem denarijs & ceratijs contranaturam attribuentes. Et pro eo quod dicimus marcã continere sexaginta nummos, ipsi loquuntur de quinque solidis sectionis. Deinde aliam monetã stabilem constituunt, aliam instabilem, & tertiam imaginativã: cum tamen nulla moneta stabilis & variatio & imaginatio provenerit ex debilitatione ponderis, & permissione puritatis auri & argenti.

Nam Ducatus currens Venetijs, Romæ, Neapoli, Panormi, & Messanæ, quæ est moneta imaginativa, olim fuit vera moneta aurea pondere Angelotti, vel Medini Barbarici & 4 denar. amplius; qui est planè Imperialis Flandriæ; ejusdem ponderis & ligæ, cujus erat antiquus ducatus valens decem Carolinis argenti,

gentis, & Carolinus decem solidis ejus loci: ut quadraginta sex efficerent marcā auri, & sex unciam. Quam dividunt in triginta taros, & tarum in viginti grana, unde existit grossus in uncia plus quam in uncia communi, quæ octo tantum grossos continet.

Hujusmodi monetam auream lex appellat *Solidum*: qualis est Angelotus, quorum quadraginta octo marcā constituunt, & septuaginta duo libram Romanam duodecim unciarum. Qui diu in usu fuit, comprehensus in Legibus Græcorum, Germanorum, Anglorum, Francorum, Burgundionum. Et nihil est aliud, quam coronatus solaris Franciæ hoc est solidus. Quem monetarii, vocabulum solidi non rectè intelligentes, ab annis quinquaginta signarunt figura solis: populo nihilominus, qui magister vocabulorum est, antiquitatem retinente, atque etiamnum escu sol, hoc est coronatum solidum appellante. Qui olim ponderabat quatuor denarios, sicuti Angelotus; sed postea Principes paulatim, & gradatim per grana eum reducerunt ad tres denarios, qui est coronatus vetus.

Et tempore Regis Joannis, coronato veteri paulatim imminuto, sicut coronatus antiquus, tribus granis: conflati fuerunt coronati ad duos denarios & viginti grana ponderis, ejusdem ligæ qua antiqui erant. Appellatique sunt Franci pedites & equites, (nam quos hodie, Francois, tunc Franos, sive Francos nominabant. Quemadmodum adhuc in universo Oriente populos Occidentis appellant Francos.) Quo tempore etiam percussus fuit coronatus Burgundicus, quem Rixum vocant, eodem pondere & liga. Ac duraverunt usque ad tempora Caroli IX, quando coronatus Franciæ imminutus fuit sex granis ponderis & $\frac{1}{2}$ ceratij puritatis: nam antiqui erant 23 $\frac{1}{2}$ cerat. & coronati vulgares 23 cerat. Postea Rex Franciscus I corrigens nonnihil coronatum vulgarem, conflari jussit coronatos solares 2 denar. 16 gran. & ejusdem ligæ

cujus erat coronatus vulgaris, excepta $\frac{1}{8}$ remedij. Quod permansit usque ad Regem Henricum, qui quatuor granis ponderis fortiozem fecit: & Carolum IX, qui quinque grana detraxit anno 1661.

Sed coronati veteres, seu ducati Veneti, Genuenses, Florentini, Senensis, Castellani, Portugallici, & Hungarici legem seu ligam $23\frac{3}{4}$ cerat. & 2 denar. 18 gran. ponderis retinuerunt, usque ad annum 1546. Quo Imperator Carolus V ligam coronatorum Hispanicorum uno ceratio & tribus quartis, ac tribus granis ponderis debilitavit; conflans coronatos Castellæ Valentia, & Arragonia, qui Pistoleti nominantur, ad 22 cerat 2 denar. 15 gran. ponderis: pessimum præbens exemplum alijs Principibus idem faciendi. Sicut fecerunt Principes Italia: qui percusserunt ad 22 cerat. & infra & 2 denar. 15 gran. ponderis: quales sunt coronati Romani, Lucenses, Bononienses, Salutiani, Genuenses, Senenses, Siculi, Mediolanenses, Anconitani, Mantuani, Ferrarienses, Florentini, & novi coronati Veneti. Sed & Paulus III. Pontifex cœpit suo nomine ferire coronatos $21\frac{1}{2}$ cerat. & 2. denar. 14 gran. ponderis. Et eodem tempore Avenione, nomine Alexandri Farnesij Legati & Nepotis Papæ, percussi sunt multò debiliores in liga & quinque denar. pondere inferiores.

Quæ res incredibile adfert damnum subditis & lucrum adulteratoribus fistoribusque monetarum & mercatoribus, qui conquirunt fortes monetas, ut ex illis alibi debiliores fieri curent. Quod frequentius etiam accidit in moneta argentea altæ ligæ, & quæ est supra undecim denarios puritatis: ut sunt Regales Hispanici, qui omnes continent 11 denar. 3 grana.

Ex quibus alij Principes antehac magnum lucrum fecerunt. Nam si vel in Testones Francicos convertantur, ex centum millibus librarum capi poterit emolumentum sex millium quingentarum librarum, non debilitatâ liga Testonis

Frans.

Francici, qui continet decem denarios, 17 granor. puritatis.

Eodem modo Helvetij, qui Testones Francicos, in Testones Solidurenses Lucernenses & Vnderwaldenses commutaverunt, in qualibet marca lucrifecerunt 41. solid. 11. denar. & $\frac{9}{16}$ Turon. Nam hi ipsi sunt tantum 9. denar. & 18. granorum, hoc est, 23. gran. puritatis inferiores sunt Francicis in qualibet marca quorum æstimatio erat 25. solid. Turonensium. Et quantum ad pondus, 25 $\frac{1}{2}$ Teston. Francici marcæ constitunt: cum marca Testonum Solidurensium $\frac{3}{4}$ debiliior sit pondere. Quæ æstimatio est 4. solid. & 3. denar. Turonensium. Et quoniam dicti Testones non nisi pro argento inferioris ligæ, quod billonem vocamus, haberi possunt, (cum sint infra 10. den. puritatis, æstimatione facta 14. librarum, 17. solid. 4. denar. Turonensium in marca argenti puri) Testones autem Francici, cum sint supra decem denar. puritatis, censentur pro argento altæ ligæ. Qui valor eadem proportionem reddit ad 15. libras 13. solid. Turonenses in marca argenti puri. Et propter differentiam argenti altæ vel in serioris ligæ, iidem Testones minus quam Francici valent. 12. solidis, 8. denar. Turonens. in marca Testonum. Itaque Testones Solidurenses Francicis æstimatione sunt inferiores 41. solid. 11. denar. in marca. Ita ut singulis dictorum Testonum decedat 1. solid. 11 $\frac{9}{16}$ denar. Turonens. Bernenses verò, qui sunt 9. denar. Turonens. plus valent, quam Solidurenses.

Porro si in singulas marcas deni solidi lucrifiant, emolumentum est satis amplum. Belgæ idem faciunt, Testones Franciæ in Regales Belgicos convertentes.

Constitutionibus Principum penè omnium diligenter prospectum est, ne aurum & argentum ad extraneos exportetur, sub gravissimis pœnis. Sed impossibile est ea ita custodiri, quin tam mari quam terra plurimum evehatur. Tamen subditis non deerit occasio miscendi, fingendi, deformandi,

alterandi & fundendi monetas argenteas & aureas, quamdiu
 diversitas ligæ manebit: sive id faciant vigore permissio-
 num quibusdam aurifabris concessarum, sive directo contra pro-
 hibitiones. Quia defectam ligæ, qui in opere ipsorum inve-
 nitur, lucrifaciunt tam ratione remediorum, quæ illis permis-
 sa sunt quam incrustationum & ferraminationum quibus u-
 tantur. Facientes opus ex optimis numismatibus, & deriden-
 tes leges & ordinationes, quæ precium marcæ auri & argen-
 ti constituunt. cum mercedi & formæ operis, quantam ve-
 lint pretium imponant. Adeo ut semper carius vendatur au-
 rifabris quam ordinationibus sit constitutum: argentum 40.
 vel 50 solidis, aurum 12 vel 13 libris in singulas marcas. Quo
 fit, ut aurum & argentum carius emant aurifices, & mercato-
 res, quam monetarii, qui ordinationem Regis transgredi non
 possunt, neque propter materiarum emptiones neque pro-
 pter conflaturam. Statim autem atque materia conversa est
 in monetam, pondere vel ligâ fortiolem, quam sit Principum
 vicinorum, funditur, & coacervatur ab aurificibus, ut in opus
 convertant; vel ab extraneis ut monetam inde suo pede per-
 cutiant. Cui rei velut ministri subserviunt nummularij sub
 prætextu commodandi populo mutatione monetarum, con-
 trahentes cum aurifabris & mercatoribus extraneis. Cer-
 tum enim est, & depræhensum ab annis 25. cum parvi solidi
 reprobati essent, conflatos fuisse ejusdem generis in hoc Re-
 gno ad summam viginti quinque millionum librarum & am-
 plius, præter nummos trium & sex blancorum, quorum nulli
 jam inveniuntur quia aurifices emolumentum in ijs animad-
 verterunt. Quo fit, ut qui magnam habent auri & argenti
 suppellectilem non possint eâ gaudere: quia quam impenso
 pretio ab aurifabris emerunt, nolunt cum tanta detrimento
 vendere.

Ac quidem Carolus IX Rex plurimum perdidit, vasis suis
 in

In monetam conflatis. Cum antea ligæ monetarum semper æqualis fuerit ligæ seu legi aurifabrorum: ita ut in valis nihil perderetur præter opus. Ex quo commune remansit proverbium: *Sunt argentea vasa, nihil illis peris præter opus.*

Itaque ut omnibus illis incommodis occurratur, oportet legem monetarum & operum auri & argenti esse æqualem, videlicet viginti trium ceratiorum absque remedio, in auro: & undecim denariorum & 12 granorum in argento. Inventa autem fuerat via abusibus quadantenus occurrendi, locato redditu monetarum confiscationum & mulctarum ex maleficijs provenientium. Et vestigal anno 1564 summa quinquaginta millium librarum annuarum addictum fuit: sed hoc iterum abolitum est Molini anno 1566; & monetæ attributæ illis qui maximam auri & argenti quantitatem se conflaturos offerrent. Quæ ratio ramusculos nonnullos & frondes præcidit: verum manente abusu radice, nunquam erit fraudum finis.

Radix autem abusu est confusio trium metallorum, auri argenti & cupri. Quæ cessante, neque subditi, neque extranei quicquam fraudis machinari poterunt, quin subito dētegatur. Nam quemadmodum moneta purè cuprea vel aræa non habuit in hoc Regno locum, propterea quod talis non euderetur: sic etiam ærofa numismata, seu billones, si reprobentur, & interdicto publico non cudantur amplius, billones extraneorum prorsus tollentur. Nec sperandum est, extraneos & subditos, desituros billoni privatim operam dare, & omnes monetas extraneas recipere, quamdiu Princeps & Respublica billonem consulari curabunt.

Quamquam & alia tam publica quam privata ex eo redundet & utilitas, si prohibeatur, ut dixi, mixtura metallorum. Videlicet, ut vitetur impotens detrimentum argenti, quod pro nihilo computatur in auro quatuordecim ceratiorum vel supra, & perit propter sumptus excoctionis, quæ instituitur per

per cæmentum regale, vel per aquam chrysulcan. Nam sexaginta minimum solidis opusest ad separationem marcæ unius: & nihilominus damnum permagnum est insigni quantitate. Sicuti omnes floreni Germanici sunt tantum sedecim cerati-
orum vel $16\frac{1}{2}$ ad summum: unde in centum mille marcis existit damnum triginta trium millium marcarum: & ad 14 ceratia 40000. marc. & amplius.

Præter hæc quæ dixi, abusus monetariorum cessabunt, respectu imminuti ponderis, & debilitationis: ex quibus mercedes monetariorum redigebantur. Quæ ut reprimeret, Henricus II Rex Franciæ constituerat, ut illis solveretur ab exactoribus locorum. Quæ constitutio etsi sancta fuit, tamen per Carolum IX, suasu Cameræ rationum Parisiensis, (quæ demonstravit, Regem loco percipiendi ex monetis suis lucri, quotannis plusquam decem millia librarum perdere) sublata est: quia officiales mercedem penè faciendo accipiebant.

Sed vera ratio medendi est suppressere omnes officiales monetarum, exceptis ijs qui in una aliqua civitate erunt ad percutiendum omnes monetas, & mercedem illisolvere per exactiorem seu quæstorem loci: manente jure dominico. Quod veteribus tamen fuit incognitum, nec ullatenus in monetis deducebatur, imò ne quidem jus conflaturæ: quod valde necessarium foret. Aut potius, ut imponatur subditis tributum ad conflationem monetarum: ut aboleatur jus dominicum & conflatorium: sicuti olim in Normannia factitatum est, & etiam num fit in Polonia. Ut incredibili damno ac detrimento quod subditi sustinent, occurratur.

Eademque ratione cessabit varietas pretij marcæ auri & argenti, quæ infinitos abusus procreavit.

Et monetæ extraneæ non recipientur, nisi ad fusionem tantum: nihilque computabitur pro jure dominico neque pro conflatione: non attentis diplomatis à Principibus vicinis
impe-

impetratis, ut alieno incommodo monetæ ipsorum tali pretio, quo in suo territorio, exponuntur.

Ac ut omnis falsandi adulterandi & mutandi receptam monetarum aurearum & argentearum legem, occasio amputetur: necesse erit, omnes monetas in unica tantum urbe constari, in qua iudices monetales residebunt: & reliquas officinas supprimi, (nisi Monarchia vel Respublica tam latè pateat, ut plures institui debeant:) quo in loco omnes aurifices opus faciant, interdicto sub pœna vitæ facto, ne alio in loco faciant, quia ab istis maximi præcipuique abusus profisciscuntur. Dabiturque cognitio iudicibus ordinarijs per præventionem puniendi abusus qui committentur.

Satis enim notum est, quantum abusus in constitutione monetarum in hoc Regno & in sententijs fuerit, propter paucitatem Iudicum quibus cognitio privative attributa fuerat, & maximè post suppressionem generalium subsidiariorum. Necessarium itaque est, exemplum veterum Romanorum sequi, qui omnibus Italiæ subditis solum habebant templum Junonis, ubi tria monetarum genera formabantur pura & simplicia, videlicet auri argenti & æris: & Triumviros monetales, qui formabant & constabant monetas publicè & in conspectu omnium. Et nequis in pretio monetarum deciperetur, certum locum constituerunt, in quo moneta probaretur Marij Gratiadiani rogatione.

Sicut legimus, in hoc quoque Regno constitutione Caroli Magni prohibitum fuisse, ne alibi, quam in Palatio moneta cuderetur. Sed posteaquàm Philippus Pulcher, Carolus ejus filius, & Johannes Reges, plures monetas seu officinas in hoc Regno crexerunt, & in singulis monetis diversos magistros, custodes, præfectos, aliosque officiales constituerunt, abusus quoque fuerunt multiplicati.

Hic fortassis objiciet mihi aliquis: Persas, Græcos, & Romanos,

manos monetas plures confasse aureas, argenteas & æreas, altissimæ seu perfectissimæ ligæ qua fieri possit: & non defuisse tamen adulteratores. Sicuti legimus apud Demosthenem in oratione contra Democratem.

Respondeo, difficile quidem esse ijs Rempublicam prorsus expurgari: at tamen ex mille qui nunc sunt vix inveniuntur decem, obstante difficultate rei, cum lex seu liga auri & argenti unicuique nota futura sit, eâ ratione, quam supra deduxi. Quod si existat inconsideratus aliquis Princeps, qui mutari bonitatem monetarum lucri causa velit, (sicuti Marcus Antonius monetam argenteam inferioris ligæ cudi fecit,) statim ea eijcietur: & ipse ignominiam apud omnes incurret, præter periculum rebellionis subditorum, quæ ingens fuit tempore quo Philippus Pulcher legem monetarum debilitavit. Ut sit: certum est, nunquam pauciores adulteratores monetarum fuisse quàm temporibus Romanorum, quorum omnis moneta aurea & argentea erat altæ ligæ seu legis. Nam & Livius Drusus Tribunus repræhensus fuit, quod rogationem tulisset, ut in moneta argentea pars octava æris immisceretur; velut nos loquimur, ut fabricaretur ad 10. denar. 12. gran. puritatis. Quo clarum sit, ne ab eo quidem tempore voluisse eos confusionem auri & argenti permittere: argentumque altissimæ legis fuisse, ut & aurum. Quod & videre est in numismatibus aureis, quæ sunt 23 $\frac{3}{4}$ ceratior; & inveniuntur nonnullæ Vespasiani Imperatoris, quibus tantum $\frac{1}{2}$ cerat. deest. Quin aurum sit 24. ceratiorum, quod aurum est omnium purissimum.

Sed propter eas quas recitavi causas, sufficit aurum esse 23 ceratiorum, & argentum undecim denariorum & duodecim granorum. Ne relinquatur etiam excusandi occasio, ignibus imperari non posse: & $\frac{1}{4}$ vel $\frac{1}{8}$ remedij postuletur, unde multi abusus oriuntur. Remissis tamen duobus scripulis
remedij

remedij in marca monetae percussione formatæ:

Rursus dici potest, expedire saltem duplos & denarios inferioris ligæ fabricare, ut evitetur gravitas monetae æræ. Respondeo. Si confectio billonis in minimo permittatur, raptum ibi in consequentiam liardorum ac solidorum, & semper rediri ad principia. Et licet præter duplos & denarios nihil percuteretur, tamen aperiretur fenestra adulteratoribus monetarum, decipiendi plebeculam, in cujus usum ista moneta cuditur, & quæ nihil ejus rei recipit propter exiguum valorem quo æstimatur, nec inquit de bonitate vel intrinseco valore ejusdem.

Epistolam habeo Jacobi Pinutelli ad Regem Henricum II, in qua hæc verba continentur: *Domine, notum tibi facio, intra menses sex in quadam monerarum tuarum confatos esse solidos debiles, in qualibet marca, in pondere viginti solidi, & in liga quatuor solidis. Cum placebit Majestati tue, opus tibi ostendam: & demonstrabo, quantum damnum inde ad te & populum tuum perveniat, quod longe gravius erit, nisi severissime huius rei Majestas tua provideris.* Eodem tempore idem constabat nummos sex blancorum mandato Regis, 4 denar. in liga & 2 gran. remed. & 4 denar. 14 gran. ponderis. Quod genus mixturæ seu billonis tunc optimum erat in Francia: adeo ut statim refusum fuerit, & vix appareat amplius. Manifestum est autem cuivis, damnum 24. solidorum in marca, ad Regem & populum redundans, efficere plus quam 25 in centum. Et nihilominus idem Pinutellus, à Camera Generalium monetarum subreptitie impetrata commissione, anno 1552 conflavit duplos, & denarios, Villanova ditionis Avenionensis, & Villæfrancæ ditionis Ruerghensis: qui æstimati fuerunt tantum 12 solidis in marca. Et compertum est, ipsum hoc modo paulo minus quadringentis millibus librarum purè & simpliciter depeculatum esse: & gratiam sibi redemisse, quinquaginta millib. li.

bris quas cuidam foemina donavit: quæ tamen magis supplicium differri quam veniam ei dari effecit.

Quare dico, misturam metallorum seu billonem nullo modo ferendum esse illi qui Rempublicam falsis monetis expurgare voverit. Ita etiam cessabit damnum quod miser populus reprobatione monetarum, aut pretij earum, postquam debilitata sunt, deminutione perpeti solet. Nec apud Principes locum habebunt ij, qui ipsis utilitatem proponunt quam ex monetis suis percipere possint. Quemadmodum Officialis quidam monetarum in Consilio Divisorum proposuit, & ad Regem Carolum IX perscripsit, magnum emolumentum ex monetis ad solatium populi conquiri posse. Et calculo illius subducto reperiebatur, ex qualibet marca auri puri in opus collati, Regem percepturum esse octo libras Turonenses, cum antea tantum 25. solid. & 4 $\frac{1}{2}$ denar. reciperet: & ex marca argenti Regij in opus collati quadraginta solidos Turonenses, cum antea 16 denar. tantum ex constitutione Testonum Rex perciperet. Suadebat, percutiendum esse ex argento Regio 12 solid. Turonens. in cursu, & 30 nummorum in marca, pondere 6 denar. 9 granorum & semisses & quadrantes eadem proportionem: & monetam ex auro 24. cerat: & 1 cerat. remedij & 30. nummorum in marca ejusdem ponderis quo argenti, valore sex librarum Turonensium. Et nihilominus volebat, fabricari quoque minutum billonem trium denariorum in liga & 320. nummulorum in marca, & trium denariorum in cursu, & omne reliquum billonis genus infra 10 den. puritatis: marcæ constituens 14. librarum Turonensium. Hæc illius opinio fuit, ut merebatur, rejecta. Et perridiculum est cogitare, Regem tantum emolumentum ex monetis suis cum solatio populi corrådere posse: si verum est, quod Plato inquit, neminem unquam quicquam lucrari, quin alter perdat: cum inevitabili neces-

necessitate damnum in subditos recasurum sit : quoniam extranei nihil ejus sentiunt.

Sed utique peropus est, magnum aliquem Principem missa legatione hoc ipsum apud ceteros efficere, ut Principes omnes communiconsensu conflationem billonis seu ærosi numismatis in posterum prohibeant : constituendo legem monetarum aurearum & argentearum prout supra deductum est : & utendo marca octo grossorum seu drachmarum, & 570 granorum in uncia quæ est communissima. Quod difficile non foret : quandoquidem Rex Catholicus, & Regina Angliæ jam pridem omnem billonem sustulerunt, & quoniam omnes monetae aureæ Hispanicæ, exceptis Pistolettis & monetâ Portugallica, altioris ligæ sunt quam dixerim, & omnis moneta argentea undecim denariorum, trium granorum.

Et utile esset, monetam fieri in forma proplastica, sicut faciebant veteres Græci, Latini, Hebræi, Persæ, Ægyptij : nam sumptus minores erunt & facilitas major, rotunditasque perfectior ad impediendum rases. Nec flexioni aut rupturæ obnoxia erit. Atque etiam perpetuò remanebit forma seu imago. Vitabitur quoque molestia percussione malleorum. Nec opus erit circumciso. Nec detrimentum ullum ex limitatura, aut remedium in pondere existet. Sicut necessarium est, duo scripula minimum tribui in marcam monetæ percussione formatæ. Quin & major numerusu no die conflabitur, quàm alioqui fiat toto anno. Et auferretur præterea occasio adulteratoribus monetarum tam faciliè miscendi metallâ : uti faciunt in prælis & incudibus, ubi moneta latè distenditur ad tegendam crassitudinem. Item protoplasticè efficit omnia numismata ejusdem metalli equalia crassitie, pondere, latitudine & forma. Adeo ut, si falsarius monetâ velit miscere æcum auro, præter vel supra ligam 23 ceratiorum, volumen cupri seu æris quod in pondere aquali duplo & $\frac{1}{2}$ quàm aurum in massa æ-

quali: efficeret numisma longe crassius, & falsitatem detegeret!

Certum enim est, si massa auri æqualis massæ cupri ponderet 1551 scripula, quod massa cupri penderet tantum 729: quæ est ratio propemodum 17 ad 8 in graviore pondere! Sicut didici ex Domino Francisco Foxio magno ætatis nostræ Archimede: qui primus veram metallorum in pondere & volumine proportionem ostendit.

Idem iudicium erit de argento: quod volumen auro majus in pondere æquali habet: siue quo argento aurum gravius est in massa æquali semel & $\frac{4}{5}$. Quæ ratio est velut 1551 ad 1366, vel 9 ad 5: Et cupri ad argentum, sicut 11 ad 13, vel præcisè sicut 1229 ad 866.

Quæ duo metalla propius pondere & volumine invicem accedunt, quàm cætera, excepto plumbo quod argento gravius est, quantum distant 15 à 14 vel præcisus 866 à 929. Sed non possunt eo uti ad falsandum, quia ab omnibus metallis, præterquam à stanno se separat. Minus etiam uti possunt stanno, quod est omnium metallorum venenum: nec pro argento fundi potest: quoniam levius est, quantum distant 9 à 14 vel præcisè 600 à 929. Et multo minus pro auro subjici potest, quod gravius est stanno in massa æquali; siue minus corpore in pondere æquali, quantum interest inter 18 & 7 vel præcisè inter 1551 & 600 hoc est $2\frac{4}{5}$ gravius.

Quod ad ferrum attinet: non possunt falsarii eo abuti in fusione: quia neque auri neque argenti misturam recipit: & connexio laminarum in ferro haud difficulter cognosci potest. Plinius ferruminationem appellat, qua adulteratores monetarum sua ætate utebantur. Et certe Dominus de Villemor, Commissarius belli, nummum ejusmodi ferreum argento coopertum mihi ostendit. Sed pondus & volumen detegit falsitatem, si propius inspicitur. Nam est gravius ferro in massa æquali, quantum distant 4 à 3 vel accurate 866 à 634.

Et

Et quoad aurum, impossibile est ferruminationem adulteratoribus usui esse posse: quoniam aurum est minus corpore quantum ferrum in pondere æquali, seu gravius in massa æquali quantum interest inter 6 & 9 vel 1556 & 634.

Pari modo meruendum non est, ne argentum vivum usui esse queat ad falsandum duo ista metalla: licet ad pondus auri tam propè accedat quantum 7 ad 8, vel 1558 & 1551: quia nondum ita retinere potuerunt, quin in fumum evoleret.

Hæc de forma monetarum dicta sint deque utilitate quæ ex proplastica earundem fusione proveniret. Quemadmodum olim formatae fuerunt: donec cœptum est auri argentique inopiâ laborari, exhaustis undique fodinis; & duobus istis metallis usu consumptis, deperditis, occultatis, aut dissipatis: Quæ de causa necessitas cœgit monetam adeo tenuem fabricari, ut ad signandam malleus sufficeret: ex quo multi abusus orti sunt. Sed quemadmodum antiquissimi homines, qui non multum auri & argenti habebant, id ipsum malleo signarunt: ac deinceps majorem ejus copiam consecuti cœperunt proproplastice exercere: ita ad eandem proplastice hodie redeundum est.

Tentata fuit etiam fabricatio in molâ, compertumque est, signum non satis commode illic imprimi, & in centum martis materiæ semper triginta marcis decursuræ existere, cum incude una sint vel duæ: & ipsum sonitum à monetis incude percussis differre. Quin etiam deprehensum est, singulos nummos non esse ejusdem ponderis; quoniam laminæ uno in loco tenuiores fiebant, quam in altero.

Porro ejus, quod dixi, marcâ auri & argenti dividendam esse in partes seu nummos pondere æquales absque fractione nummorum in marca, vel denariorum in nummis, vel granorum in denariis: utilitas est evidentissima, tam ratione permutationis marcarum & nummorum, quam etiam propter æstimationem, pondus, & sursum indubitabilem, ita namque ve-

teres uſitarunt. Nummus aureus & argenteus ponderans 4. groſſos vel drachmas, quæ eſt dimidia pars uncix æqualis erit Stateri Attico, & Philippiæo antiquo, & Nobilibus Roſatis, & nummis aureis veterum Romanorum quos Lex appellat aureos. Et nummus unius groſſi vel ſolidi Turonenſ. ſeu drachmæ, ad 64 in marcâ, æqualis erit drachmæ Atticæ, & Zuſæ Hebræorum. Quæ fuit merces diurna manuariorum in Græcia & univerſo Oriente, quanquam denarius argenteus Romanus eſſet 3 fortior pondere. Quod etiam fuit diurnum ſtipendium militis Romani temporibus Auguſti: paulò plusquam ſimplex regalis Hiſpanicus.

Quod ſi mutationes & viciffitudines ſubitæ noceant, & ſint pernicioſæ, poterit pederentim procedi; fabricando monetæ ad eum modum quem dixi: ut detur unicuique ſpaciũ temporis, quam minimo diſpendio expendendi billonis ſeu æroſi numiſmatis.

Super his difficultatibus, cum Blæſis eſſem deſignatus à Provincia Veromanduorum: vocatus fui una cum primo Præſidente, & tribus Generalibus monetarum, & Marcello Præfecto ærarij, ut abuſibus monetarum mederemur. Vbi tandem fuit concludum, omnia iſta ſupraſcripta, quæ ſummatim deduxeram, eſſe quidem neceſſaria, ſed difficultatem & morbos Reipublicæ incurabiles non poſſe ea ferre. Quod idem eſt, ac ſi diceretur; præſtare ægrotum languore emori quàm ſalutarem medicinam ſumere, quæ palato diſpliceat.

Fateor, argentum in billone vix ad medietatem redditurum, ſi purificetur ad 11 denar. & 12 grana. Sed econtrà perpetuum erit commodum, ſi ſemel lex ſeu liga ſtabilis ſervetur, ut dixi. Et niſi fiat, impoſſibile eſt ruinam Reipublicæ evitare. Ac licet ſtatim eodem momento omnia æroſa numiſmata tollantur: dummodò mediam damni partem Rex, mediam populus ſerat: tamen majus inde emolumentum ad populum
redun-

redundabit, quàm si feriatur moneta debilis, & posteaquam aliquantisper in usu fuerit rursus reprobetur. Sicuti frequenter videmus, singulis annis, imò singulis mensibus, singulis diebus, singulisque momentis, augeri cursum seu valorem monetarum; earumque tot esse pretia quot Provincias, quot civitates, quot pagos.

Non existimo quenquam fore recto iudicio præditum, qui neget, expedire potius talem sanguinis missionem ad evacuos pravorum humores quàm perpetua febris conflictari, quæ toties paroxysmos multiplicet. Videmus enim ab anno 1538 (ne ulterius progrediamur) quo reprobata fuerunt numismata quæ Vaccæ appellabantur, & decennio post quo omnes billiones rasi sublati sunt: percussos fuisse solidos tempore Henrici II ad 3 denar. 12. grana in liga, & tempore Caroli IX ad 3. denar. argenti: qui minùs valent, quàm billiones rasi veteres & reprobata illa numismata. Et nihilominus mox augetur pretium billonis, non auctâ ligâ. Ut exhilaretur populus quemadmodum cum propinatur frigida ægroto. Quia admodum carè constat, quando rursus fit reductio aut reprobatio.

Summa itaque & barbara injustitia est, & inevitabile regionis detrimentum, si Princeps suo arbitrio pretium auri & argenti mutet, augendo vel deminuendo pedem monetarium, ex duobus istis metallis fabricatorum in eodem gradu bonitatis: nec inventurus esset ullum Principem aut populum vicinum, qui commercia cum ipso tractare velit, præterquam in speciebus.

Atque demonstratio ejus, quod tria illa metalla, ita conflata ut dixi, habitura sint naturalem & convenientem proportionem, apparet ex eo quod tantundem interfit inter aurum viginti trium ceratorum respectu auri puri, quantum

inter argentum undecim denariorum & duodecim granorum, respectu argenti puri duodecim denariorum.

Et hac ratione, observato cursu & titulo monetarum, de quibus dixi, cessabunt infiniti processus & lites, quas excitari videmus propter solutionem redituum & debitorum, in forti vel in debili moneta, in auro vel in argento, in novis vel in veteribus coronatis.


Ad eundem modum, reditus & facultates uniuscujusque certiores erunt; æstimatio rerum melius constituetur: incertæ monetarum mutationi occurreretur: contractus & commercia facilius expedientur: Principes & magistratus auctoritatem suam obtinebunt: usurariorum & impostorum fraudes præcludentur: adulteratores monetarum exulabunt: & misera plebs incredibili solatio perfruetur.

HÆ SVNT, DOMINE, RATIONES, MEQV
VIDEM JVDICIO, NECESSARIÆ. AVT SALTEM
apparentes, quoad caritatem rerum omnium, & viam qua ei
sit occurrendum. Sed ut certò cognoscatur, an subsistere
possint necne, haud opus est exploratore vel indice alio,
quàm politissimo & integerrimo judicio tuo: quod longè re-
ctius de illis statuet, quam Lydius lapis, vel ignis ullus de
auri puritate. Quæ me causâ potissimum permovit, ut hæc
in

in publicam lucem & in conspectum omnium emitterem: cum neminem arbitrer ausurum esse reprobare id, quod semel à te est approbatum.

Nec tamen opinor, mihi in omnibus creditum iri. Id enim nimis foret ridiculum cogitare. Minus etiam volui cuiquam contradicere: sed tantum invitare eos, qui melius negotia & status publicarum rerum intelligunt, ut diligentius de illis curam suscipiant quàm alioqui solet fieri. Et maxime incitare volvi Dominum de Malestroi & eos qui bono publico se quadamtenus devoverunt, ut in tam præclaro proposito pergant. Quo facto, Summi Principes penes quos est potestas condendæ legis, nec non ij, qui eisdem sunt à consilijs, facilius ut puto statuere poterunt, quid ad honorem & incrementum reipublicæ sit constituendum: ubi à multis intellexerint justissimas miseræ plebis querelas, in quam dolor & damnum hujus mali redundat. Cum major pars hominum non possit dijudicare unde procedat: & ijs qui aliquo ejus rei judicio sunt præditi, non præbeantur aures; nec alia via relinquatur, præterquam perscripta, indicandi morbum ijs, qui facile remedium possunt adhibere.

F I N I S.



IOANNIS BODINI
DE REPUBLICA

LIBRI SEXTI

CAPIT II & III

IOANNIS BODINI
DE REPUBLICA, LIBRI SEXTI
CAPVT II.
DE ÆRARIO.

ÆRARII civitatis conficiendi & conservandi quam necessaria sit disciplina, ex eo percipi ac intelligi potest, quod vetere proverbio dicitur; *Reipublica nervos in personis consistere.*

Vt igitur hoc quicquid est quod de civitatis ærario disputamus, ordine percipiat; *principio* omnem honestam ærarij conficiendi rationem explicabimus; *deinde* ut publicæ opes utilitati ac dignitati inserviant; *postremo* ut caveatur, ne publicis largitionibus exhausto ærario, repentina calamitate res publica deferatur. Hæc igitur tria disputationis capita ordine quæque suo persequemur.

PRIMA PARS.

ÆRARII CONFICIENDI magistros habemus ubique quamplurimos, qui civium opes exhaurire, ac Principes ad inusitata vestigalium genera urgere consueverunt: eorum verò qui tam artificiosè ista consueverunt, qui dignitatis & honestatis in eo genere rationem haberet, video neminem. His igitur prætermisissis, conquiramus eos; qui cum prudenter ærarij publici summam curam habent, tum verò illud efficiunt, ut honestis rationibus publicæ opes augeantur; ne civitas inopis à pecunia deferatur, aut turpissimis rationibus privatorum opes ac sanguinem exfugere Principes cogantur. Vt Lacedæmonijs olim contigisse legimus: quicùm ex agrorum suorum finibus excedere, ac imperium longiùs proferre concupivissent, Lycurgi & disciplinarum ac præceptorum obliti sunt;

sunt. Qui propterea suis civibus auri & argenti usum omnino ademerat, ac numismata ferrea signari iusserat, ne & peregrinos imperij Lacedæmoniorum, & Lacedæmios imperij peregrinorum ulla cupiditas invaderet; ita futurum existimabat, ut sui cives non modò ab injuriis sed etiam à vitiiis peregrinorum liberi essent. Attamen primùm in alienas possessiones ac imperia oculos injecerunt. Qui tamen cum nec ullam alendis exercitibus pecuniam, nullum ærarium haberent, mox ad Reges Persarum, ut Lysander & Callicratides, mox etiam ad Reges Egyptiorum, ut Agesilaus & Cleomenes, proficisci, ac pecuniam mutuam accipere cogeantur. ^{¶ Plutarch.} Antea quidem ^{in Lysandro, Agesilaus, & Cleomenes.} Lacedæmonij devicta Græcia, cum magnam spolioium ac pecuniarum vim undique coacervassent, decreverunt, ut omnis ea pecunia in ærarium publicum cogeretur, quæ non nisi publicis ac necessarijs reipublicæ negotiis inserviret; usus tamen privatis interdictus. Sed ærario brevi exhausto, quod perpetuis quibusdam fontibus suppleri decuerat, Reges externos roagationibus fatigare non destiterunt, quoad Regem Cleomene deserta respublica cecidisset. Omnibus igitur modis operam dare & conniti oportet, ut ærarii opes certissimis fundamentis, quæque labefactari non facile possint, innitantur.

Sunt autem omnino septem genera conficiendæ publicæ pecuniæ, quibus cætera continentur. *Primum* ex agris publicis; *secundum* ex hostium spoliis; *tertium* ex amicorum largitionibus; *quartum* ex sociorum vectigalibus ac tributis; *quintum* ex mercatura; *sextum* ex earum rerum vectigalibus quæ aut evehuntur aut invehuntur; *septimum* ex subditorum tributis.

PRIMO genere nullum certius aut honestius esse videtur. Itaque Principes ac Populi, qui novas civitates fundare ac stabilire, coloniasve deducere, olim proposuerant, præter agros privatorum, & loca civitatibus templis theatrisque constituen-

§1. quæst.
De verb.
fign.

Divisio a-
gri Romani
Dionys. l. i.
d Dionys.
Malica.
eodem.
e la Romu-
lo.

situendis idonea, possessiones quasdam tuenda & conser-
vanda reipublicæ causa, præter pascua & publica omnium
civium æquè communia, assignabant; quæ privatis locari con-
sueverant, ut ex eorum fructibus pecuniæ in ærarium publicum
cogerentur. Ita Romulus agrum Romanum in tres æquas
partes divisit: c quarum unam sacris faciendis; secundam
reipublicæ oneribus subeundis, tertiam civibus assignavit.
Et cum tria millia civium censa fuissent, d singulis duo ju-
gera data sunt. Ex quo intelligi potest, octodecim millia ju-
gerum agri Romani fuisse. Plutarchus e tamen numerum
civium duplo majorem existisse scribit, ac duo cuique jugera
tributa: quæ ratione non octodecim millia, sed numerum du-
plo majorem fuisse innuit: Nec Romulum agrum Roma-
num ullis finibus terminare voluisse, ne, quantum finitimis e-
ripuisset, intelligeretur: Numam verò Pompiliū tertiam
agri Romani partem, quæ publica erat, civibus egentibus di-
stribuisse. Verior tamen est superior sententia; cum duorum
jugerum in cives singulos divisio diutissimè permanferit. Sic
enim Plinius; *Aranti sua duo jugera Cincinnato viator inquit;
vela corpus, & audi mandata Senatus.* Quinetiam Pompeius Festus
centuriatum agrum dici scribit, quia in ducena jugera divisus
esset, cum Romulus centenis civibus ducena jugera dederit;
& M. Varro. *Antiquus noster census*, inquit, *ante bellum Punicum pen-
debas bina jugera, quod à Romulo primum divisa dicebantur viri-
tim; quæ quod heredem sequerentur, heredum appellarunt.* Postea
prolatis finibus lege Licinia septem jugera cuique civi assigna-
ta legimus. *Post exactos Reges*, inquit Columella, *Liciniana*
illa septem jugera, quæ plebs Tribuus viritim dividerat, majores
*questus antiquis rerulere, quàm nunc nobis prebent amplissima ver-
pacta.* Nota concio est M. Curi; perniciosum civem intelligi
cui septem jugera non essent satis.

Nec Romani tantum, sed etiam Egyptij multis ante se-
culis

culis, agros civitatum *a* sic diviserant, ut primā quidem pars
 sacris & sacerdotibus cederet, secunda reipublicæ, tertia Ca-
 lassyris, qui pro tuendis civibus arma caperent; ceteri cives
 aut coloni erant aut servi. Quamobrem Ezechiel *b* vates in
 conformando suæ civitatis statu ab ea Romuli ratione non
 procul discessit; cum vellet sacris faciendis agros assignari; &
 pascuales agros communes armentis & gregibus alendis; præ-
 ter Regalia prædia, quibus Principes se familiamque suam
 commodius sustentarent; *ne*, inquit, *populum meum vestigali-*
bus ac tributis deinceps exhauriant. Quamquam in ipsius Israë-
 litarum regni ortu regalia quædam prædia fuisse ex eo pla-
 num fit, quod Zicelegum oppidum unā cum agro Davidido-
 no datum ab Achio rege, in perpetuo Regum nexu ac manci-
 pio permanferit. *c*

Regalium autem prædiorum quædam publica sunt, quæ-
 dam privata. Hæc quidem Principum arbitrio ab alienari
 posse omnes confitentur; illa nunquam, *d* ut sit in civitati-
 bus firmamentum aliquod ac veluti fundamentum, quo pu-
 blica res innitatur. Quamobrem huius Regni Principes cum
 prædia publica privatorum fraudibus possessa revocant, illud
 obtestantur, se juratos ineunte imperio, publica prædia nun-
 quam distrahi passuros, aut si jure distracta fuerint reipublicæ
 ab interitu vindicandæ causa, perpetuam tamen redimendi
 auctoritatem fore, ac ne centesimo quidem annorum curri-
 culo, quo cetera *e* omnia jure usucapiuntur, præscribi posse.
 Atque hæc quidem rebus *f* sæpè judicatis confirmata fuere:
 nec solum adversus privatos, sed etiam adversus Regum pro-
 pinquos. *g* Nec tantum nostris, verum etiam Hispanorum,
b Polonorum, *i* Anglorum *h*, Hungarorum, legibus ac
 institutis. Etenim Andreas Rex Hungariæ ab Honorio III
 Pontifice Max. vocatus est in jus propterea, quod prædiorum
 publicorum partem distraxisset, anno MCCXXI.

in Statutis
Venet. l. 2.

Nec Reges tantum, sed etiam ij qui populares & optimatum status habent, à præscriptione seculari publica prædia vindicare solent. Veneti & inquam, Helvetij, cœterique populi. Cùm enim Henricus II Rex Francorum à Lucernatibus per Legatos peteret, ut pro se fidejuberent, Hugo Prator maximus legato respondit: Senatum populumque Lucernatem ipsosque magistratus juratos esse, publicas possessiones se nec distracturos, nec pignori obligaturos. Quid Athenienses? quid Romani? Certè quidem utriusque civitatis principes, Themistocles inquam & Cato major, fundos reipublicæ secularibus curriculum possessos à præscriptione privatorum vindicaverunt; cùm dicerent, nec mortales contra Deum immortalem, nec privatos contra rempublicam præscribere posse. Nec ita pridem, cùm Nogareti posteris Curia adjudicasset vindicias prædiorum publicorum, quæ Nogaretus Felix à Philippo Bello præmiorum ac virtutis nomine dono acceperat; Procurator filii proposità civili rogatione *δικαιον* fieri postulavit. Quo judicio Curia rem ad consilium detulit: tametsi prædia ducentos & sexaginta amplius annos bona fide possessa fuissent. Quin etiam eo sædere quod Pontifex Maximus unà cum cœteris Italiæ Principibus ac Populis, pro

an. 1327.

Francisci Regis Francorum dignitate tuenda, inierunt & adversus Carolum V Imperatorem, Henricus Rex Anglorum uno capite caveri voluit, ne quid de prædijs publicis Francorum, si pacem cum Carolo sanciri oportet, distraheretur. Ob id enim Madricense sædus ruptum erat, quod contra jus omnium gentium commune, contraque leges hujus imperij, & Carolus Burgundiæ ac Belgicæ dominatu regem sine Senatus ac populi Gallici consensu cedere coëgisset.

Edictum
de dominio
factum à
Carolo IX,
1506

an. 1503.

Nec alij alio jure utuntur. Alexander & enim Poloniz Rex eandem legem sanctius renovari jussit; ne scilicet prædia publica sine Senatus Populique consensione distraherentur;

rentur; quemadmodum jure communi *a* cautum videmus. *a* l. ult. de jure civitas

Neque id satis esse majores nostri putaverunt, nisi publicorum prædiorum venditio fieret, cum in fines imperij hostes invasisent, & eadem in subhastatione quæ in bonis pupillaribus cautio adhiberetur: cum sit eodem *b* Respublica *b* l. Rempt. de jure Resp. C. *c* l. si secundum de jure Resp. C.

jure quo pupilli: ac si quid negligentius fuerit in eo genere prætermisum, omnia sint eodem momento casura *c*, ipsique Reipublicæ vindicatio sine pretij restitutione competitura.

Nec verò Principibus, eorum quæ publica sunt, quicquam sibi arrogare fas est; non magis quam marito dotem uxoris. Ac minus quam marito juris est in dotem; quoniam maritus dotis fructibus abuti suo jure *d* potest. Principi verò publicæ dotis fructibus uti quidem licet, abuti non licet. Ut sociæ civitates Atheniensium querebantur, publicas pecunias in ærarium Apollinis deponendas esse, non ab Atheniensibus absumendas. *d* l. in rebus de jure dos. C.

Dominium autem rerum publicarum Principis non esse, Reges nostri agnoscunt & consentunt. Nam Carolus VII rex prædiorum publicorum oppignorationem fieri noluit, nisi Senatus id procuratore fisci rogante decrevisset; ut in actis Curie Parisiorum videmus. Et cum Ludovicus IX Rex multa pupillis ac tenuibus viduis testamento legasset, suppellectilem omnem sub hasta vendi jussit, unde legata solverentur; ne quid quod publicum esset à republica abalienaretur.

Quamobrem Pertinax Imperator Romanorum suum nomen prædijs publicis inscriptum eradi jussit, cum ad se pertinere negaret. At etiam Antoninus Pius nihil de fructibus prædiorum publicorum ac vectigalium in privatos usus convertit. Quem Ludovicus XII Rex, Patriæ parens appellatus, imitari visus est, cum possessiones avorum ac privatos agros, Bléfas inquam, Cusiacum, Montfortium, à publicis rationi-

bus semper divisisset : tamen publica privatis magno errore nonnulli confuderunt.

In Popularibus quidem & Optimatum imperiis nihil quod ad civitatem pertineat privatum dici potest : in Monarchia verò & agri dominici à publicis & fiscus ab ærario publico differt. *a* Posteriores tamen Imperatores Græcorum utraque confuderunt. *b* Nec defuerunt, qui Principes ad prædiorum publicorum venditionem impellerent, quasi questum uberius facituri. Quæ sententia tyrannidem ac reipublicæ perniciem molitur. Etenim reipublicæ opes omnes ac prædia in ijs posita sunt, quæ olim Duces, Marchiones, Comites, Barones possidebant. Quæ vel successorio, vel dotali jure, vel publicatione bonorum fisco quæsitæ sunt. Aut jura prædiorum feudorum ac jurisdictionum quæstuosissima : quæ in venditionibus perpetuam alienationem non continentibus vilissimo pretio addici consueverunt : id est, æstimatione facta decem *c* annorum annui redditus : cum tamen in privatis ac perpetuis venditionibus sæpissimè triginta, sæpè quadraginta, interdum etiam quinquaginta annorum ratio habeatur. Ità fit, ut qui publica prædia sibi coemerunt, eodem anno majores ex ipsa jurisdictione fructus percipiant, quàm sit pretium fisco solutum. Quamquam illa quæ superioribus annis fiebat decem annorum annui redditus æstimatione, ex publicis tabulis ac rationibus quæstorum expressa erat, quæ vix dimidiam æstimationis partem continerent. Ex locatione verò publicorum prædiorum fructus ad rempublicam perventuri sunt multò uberiores ac majores ; nec mancipēs ipsi ac publicani à vectigalibus & tributis immunes futuri, uti sunt emptores prædiorum, qui nobilitatis specie immunitate fruuntur.

Hoc verò iniquius, quod quas pecunias ex venditionibus imperiti Principes cogunt, non senerantur utilitatis publicæ causa,

• Alconius
Pedianus.
& l. 3. §. hoc
interdi-
ctum, ne
quid in lo-
co publico
l. cum ser-
vus. §. con-
stat. de le-
gat. 1.
• In l. bene
à Zenone
de qua dri-
ennij præ-
script. C.
• Editio
Francisci l.
anno 1544.

causa, sed foedisimis ac turpissimis hominibus ferè largiuntur. Ad extremum prædijs reipublicæ abalienatis, & exhausto ærario, pascua quoque civitatum ac rusticorum, quibus renues sustentantur, sub hasta perniciosissimo exemplo veniunt. Possessiones quidem amplissimas agrorum incultorum, quas conducere nemo velit, & ex quibus nihil utilitatis Reipublica accipit, vendere commodius est: ut & pecunia in ærarium cogatur, & ex agrorum culturâ cives ipsi cum Reipublicæ comodo ditescant: sed si conductorem reperiant, vendere non licet. Tamen Aristoteles Byzantinorum factum laudat, quod prædia publica vectigalibus impositis vendidissent, ut ærarium augerent. Sed ea laus inanis est; cum satis unicuique compertum sit, eos à quibus pretij pars extorquetur, maximam partem redditus diminuere. Itaque ne id fieret apud nos, edicto Caroli *a* IX prohibetur.

a Anno 1166
art. 12 & 17.

Ac tamen aliquanto post, deserta & inculta reipublicæ prædia, publicè res addici mandavit (quod eorum qui publica diripiunt factum est suasu) nihilominus Curia Parisiorum in Edicti promulgatione vetuit, ab ijs vectigales ejusmodi agros emerent ea lege, ut redditus annuos in ærarium publicum inferrent, redimi vectigal, neve ullam pretij partem solverent: ne scilicet vectigal ulla ex parte minueretur. Cum tamen urgerent earum rerum curatores, ut pretium ab emtoribus accipere liceret; idque Rex iterum atque iterum jussisset: *b* Curia Parisiorum coactis omnibus decurijs ampliùs tertia parte pretij ab emtoribus solvi prohibuit: idque pretium à quæstoribus cogi voluit, ut ex ijs pecunijs distracta Reipublicæ prædia redimerentur: indicta quadrupli pœna tam in quæstores ipsos, quàm in eos quibus ea pecunia Principis concessu quacunque ex causa solveretur. Et quidem Franciscus II Rex ineunte imperio *c* magistratibus ac procuratoribus suis mandavit, ut publica prædia à possessoribus privatis vindicarentur. Quo

b anno 1166
12 Julii.

c an. 1159.

edicto graviter questus est, publicas opes sic afflictas esse, ut quæ prædia publica juraque prædicatoria restarent, vix oneribus prædiorum subeundis sufficerent: sed his temporibus querendi causam habent posteri multò quàm ille graviores, cum nihil amplius quod distrahi possit restare videatur. Jam anno MDLXXII Quæstores dominiij nihil ferè in rationes accepti contulerunt: cum tamen sub occasum Francisci II, eo capite quo summa totius pecuniæ quæ ex dominio publico coacta est, triginta sex aureorum nostrorum millia contineret. Summa verò eorum quæ ex dominio publico privatis vendita fuerunt, centies major a est. Præter immensam pecuniam quæ ex Aquitanis coacta est, ut ab Rege Henrico II redimerent salarium vestigal b. Quarum rerum pretia quadryplo majora fuissent; si justè venirent, ac siquidem ea quæ privati minimo pretio possident, publicè locarentur: cum antiquis vestigalibus Principis reipublicæ oneribus subeundis abundè sufficerent.

A Trecenta sexaginta millia sesteritia majora excedit id est nostro more, quatuordecim milliones nonaginta sexaginta millia octoginta septem libellæ Turonensis. Et summa sere conficit quatercenties sesterterium si ve quingenta quinquaginta millia aureorum Anglosum annua vestigalia,

Certè quidem Anglorum Regina incredibili magnificèntia regnum tuetur, & immensas opes in ærarium cogit, & sesterteriorum millibus xvi, quæ ab agrorum publicorum & antiquorum vestigalium redditu quotannis in ærarium inferuntur. Ac tantùm abest ut indictionibus subditos urgeat, ut etiam temeraria tributa, quæ tertio quoque anno exigì consueverant, sustulerit. Nam cum illuc Legationis causa profecti fuisset, populi conventus summa cum voluptate spectavimus, tributì nomine quingentes sesterterium pro sumptibus Reipublicæ necessarijs oblatum à populo fuisse; Regnam tamen dimidiam pecuniæ summam recusasse, ac populo gratias egisse.

Illud autem quod ad prædia publica pertinet, animadverti nonne dignum est: quod in ijs conservandis diligentia in monarchiâ quam in Optimatum aut Populari statu major adhibetur,

betur. In his enim publica quisque sua ducit. Quo fit, ut magistratus in suam aut privatorum gratiam, populo consentiente, aut certè non dissentiente, Optimatibus etiam sæpè dissimulantibus, prædiorum sempiternas locationes exigui vefigalis specie faciant. Tandem etiam vefigalium immunitatem adipiscuntur. A populo verò facile omnia extorquentur: si quis modò popularis fuerit, & aliquid frumenti pecuniarque plebi aut agros de publico largiatur. Ut quidem Cæsar in Consulatu fecit; qui agrum Campanum plebi divisit, ac publicanos tertia parte auctionum publicarum sublevavit: quod sine magna mercede non fecit. Decimo post anno Q. Metellus Italiæ portus omnes legelata vefigalibus liberavit, ut ea ratione popularem gratiam publico detrimento collectam aucuparetur. Ita quoque Pericles Atheniensibus publicas pecunias viritum divisit. At in Monarchia, in qua Principi subditos onerare tributis, nisi populi consensu aut urgente necessitate, non licet, publica prædia difficilius à privatis occupantur. Cætera quæ de agris dominicis, deque publico dominio dici possunt, quod accuratè sint ab alijs disputata, & Edicto Caroli IX Regis Francorum comprehensa, præmitto.

SECUNDVM genus conficienda pecunia & ararij augendi, ab hostium spolijs & pecunijs ducitur: ut quæ bellis exhausta sunt, spolia de hostibus relata arario augent. II.
 farciantur. Tametsi enim Romanis hostium urbes vi captas diripere fas erat: publicæ tamen pecuniæ in Romanum ararium inferebantur. At cum urbes dederentur, aut pactione spon- sioneve factâ pecunia promitteretur, nihil miles præter stipendium ferebat: nisi tanta pecuniæ visesset, ut stipendium ob egregiam militum virtutem duplicandum videretur; cætera arario publico cedebant. Sic enim Livius a; *Omne ar;* inquit, *argentumque in ararium conditum. AERIS GRAVIS CCCAC* lib. 9.
millia pondo in ararium intulit Carvilius Consul, Idem. Fulvius argenti

argenti CXLII millia pondo, auri CXXVII ex Hispania in ærarium insulis. Furius a verò *Camillus Gallus trans Alpes devictus, CLXX millia argenti pondo, auri CCCXX millia retulit. Item: Flaminius b ex Græcia argenti infecti pondo decem & octo millia, CCLXX facti, vasa multa: signati LXXIII millia tetradrachmorum Atticorum, trium ferè denariorum pondus in singulis; auri pondo tria millia DCCXIII, & clypeum unum ex auro totum: Philippi numi CXLV c lib. 45. millia: & centum XLIII aurea corona dona civitatum. Item: c Macedonia devicta sestertium millies & ducenties in ærarium à Paulo AEmilio illatum; A Cæsare verò subactâ Galliâ quater milles sestertium, ut ex Appiano colligimus. Tarento capta Fabius Maximus LXXXIII millia auri pondo præter argentum d Livius lib. 17. Romam in ærarium invexit. d Ac tametsi Imperatores magnam vim pecuniarum sibi reservarent, aut exercitui largirentur; id tamen ab antiquis parcius fiebat, ne aut repetundarum postularentur, aut triumpho carerent. Etenim Scipio Asiaticus Africani Majoris fratre repetundarum damnatus est, tametsi Antiocho victo aureas coronas CCXXXIII; argenti pondocXLVII millia; aureorum Philippi eorum cXL millia; auri pondomXXXIII intulisset ærario. Ipse quoque Africanus eodem judicio damnatus, graviter in Senatu questus est; *Bis millies*, inquit, *in ærarium intulit, & quadragies à me repositur.* Quo dicto librum rationum in Senatu conceperit: & uterque in exilium profectus est, cum maximam privatarum opum jacturam fecissent. Ac tametsi L. Lucullus Romanorum imperatorum primus, f hostium spolijs ac direptionibus civitatum privatas opes auxisse dicitur; plura tamen in ærarium quàm superiores, excepto Cæsare, invexit.*

f Plutarch.
in Lucullo.

Ex quibus intelligi potest, quanta fuerit Romanis veteribus ærarij publici cura, quantæ opes publicæ. His verò temporibus nihil unquam ex hostium spolijs ac pecunijs in ærarium publicum cogitur: quin etiam sæpè urbium direptio Prin-

Principum concessu ante permittitur, quàm expugnata, quàm obsessæ fuerint. Nec tamèn Romani contenti spolijs, populos victos septima parte ^a agri ferè multabant.

^a Plutarch.
in Romulo.

Durius Odoacer Herulorum regulus; qui subacta Italia victos de agri tertia parte decedere coëgit. Nec multò post ^b Hortarius Rex Longobardorum dimidiam fructuum partem victis in singulos annos imperavit. Vt Romani Boiis ^c olim à Scipione Nasica devictis, præter aureos torques mille cccc lxx, auri pondo ccxlv, argenti bis mille cccxl; quæ de hostibus relata sunt. Ac Guilielmus Augustus, Anglia subacta, non modò publicas, sed etiam privatarum opes ac fortunas, ipsaque prædia, sua esse ac jure belli quæsitæ declaravit.

^b Paulus
Diaconus
& Rhegius
^c Livius
lib. 26.

Romani tamen in eo genere civitatum moderandarum disciplinæ populos omnes ac Principes superarunt. Nam victis populis & agri parte multatis, colonias egentium ac tenuium civium mittere consueverunt, & eam agri partem illis assignare. Ex quo incredibilis tùm utilitas, tùm gloria imperio nomini- que Romano accedebat. Plebs enim tenuiorum quæ Urbem onerabat exhauriebatur; stirpes civium propagabantur; veteranis agri assignabantur. Jam verò materiâ seditionum ex Vrbe sublata coloniarum translatione, etiam victi populi Romanorum moribus legibus imperijs assuescere, deinde conubiis ac propinquitatibus contractis cum Romanis sensim coalescere necesse habebant; aut si res novas molirentur, aderat colonia Romana veluti specula quædam quæ hostes præoccupare ac præpedire, aut Romanos exercitus arcescere solebat. C. Gracchus, inquit Livius, continuato in alterum annum Tribuna- tu, legibus agrariis effecit, ut complures colonie in Italia deduce- rentur, & una in solo diruta Carthaginis. Iidem Coloniam La- tinam in agrum Thurinum deduxerunt: tria millia peditum jere: trecenti equites. Numerus exiguus pro copia agri. Nam Asconius colonias amplius Lxx in Italiam deductas à Roma-

nis fuisse scribit : extra Italiam Plinius multò plures deductas enumerat.

Coeteri ferè Principes victis urbibus præsidia perpetua imponunt; quoniam nihil intolerabilius est. Quia tantum abest ut victi vincentium imperijs assuescere condiscant, ut non prius à novandis rebus conquiescant quàm aut præsidia interemerint, aut arces ceperint, aut finitimos Principes ac populos ad bellum accersierint. Si Reges nostri, capta Ludovico XII Rege Insabria, colonias eò misissent, ut quondam Celtarum Reges fecisse dicuntur, Insabria à Francorum ditione ac potestate non tam facile defecisset. Nec verò Hispani præsidijs militaribus, nulla colonia deducta, perpetuum ejus regionis imperium tuebuntur; sed ab imperio subditi arrepta occasione desciscant oportet. — Non aliter quàm Belgæ, quos jam pridem colonijs Hispanorum ad imperium retinendum conjungi necesse fuisset; quoniam nec ulla vis diuturna esse potest, & pessimus diuturnitatis custos est metus.

Turcarum
institutum.

Muhamedes quidem alter Imperator, prolatis Imperij finibus, Christianorum quos in servitutem redegerat colonias deduxit, ac jugera quindecim cuique attribuit, duosq; bubalos ac fementem, duodecimo post anno dimidiam fructuum partem perpetui vectigalis nomine indixit. Mitius cum Timariotis egit Amarates I. Quoniam agros ac prædia culta, cum colonis ac censitis, ea lege utenda fruenda dedit, ut ingruente bello cum equorum certo numero armati adessent; ac fructuarij seu Timariotæ occasu fructus in ararium cogerentur, quoad Principis beneficio alius succederet: omnium autem hæreditatum decimam imperavit. Hæc quidem summo jure belli victis populis data lex est. Ex quo fit, ut Turcarum opes maximè in caducis vectigalibus positæ sint, bellum verò nullis ferè præterquam Prætorianorum stipendijs geratur.

Carolus V Imperator, debellatis Peruanæ regionis gentibus, eadem.

Caroli V
Imperatoris
institutum.

eadem qua Turcarum Rex in agris assignandis ratione usus est. Eos enim ducibus ac militibus Hispanis ea lege attribuit, ut tantum uti frui possent, ac mortuis fructuariis beneficio Principis, quasi veteres militiæ, ex casu tribuerentur, fructibus ante concessionem fisco vindicandis. Vnionum autem & fodinarum quintam partem possessoribus imperavit. Quo fit, ut amplius millies sestertium in ærarium quotannis inferatur. Æquum est autem, ut victis populis & auctis ærarii opibus tributa subditorum aut tollantur aut minuantur. Nam Romani debellato Persico Rege Macedonum à tributis immunes esse cœperunt. a

Plutarchus
in Emilio

TERTIUM genus conficiendarum pecuniarum, in amicorum ac sociorum largitionibus ac legatis versatur. Id autem breviter explicari potest; tum quod nihil incertius aut rarius fit, tum etiam quod quæ Principibus Principes Populive magnificè largiuntur, vix in rationem accepti veniant; cum nemo qui dignitati reipublicæ consulit alterius debitor esse velit: nisi tenues à potentibus & locupletibus accipiant. Contra verò, quæ Princeps à pecunia inops potentiori donat, aut tributum nomine aut metu donare videtur: & qui accipit, quasi de tributo gloriatur. Etenim Turcarum Rex sociarum civitatum, quibuscum foedere conjunctus est, dona ex alto ac sublimi loco omnibus spectantibus explicari jubet, quasi tributa subditorum. Idem omnium Principum legatos sustentare consuevit; nec ullos Principes, præterquam ineunte imperio, nec tamen omnes, legatione dignatur.

III.

At veteres alium largiendi morem habuisse videmus quam nostros. Nos enim potentibus ac rebus prosperis donare solemus, illi rebus afflictis succurrebant. Cum enim Romanos triplici trium exercituum clade Annibal oppressisset, ac totam penè Italiam sub imperium Punicum subiecisset, Rex Ægypti mille pondo auri, viginti millia argenti, Romanis do-

Livius. no dedit : qui cum gratiarum actione omnia recusarunt.
 lib. 37. Nec aliter Ambraciotarum ac fœderatorum populorum dona omnia eodem tempore repudiaverunt : præter auream Hieronis Syracusarum Regis coronam ; quasi prosperum princeps amicissimus omen allaturus esset. Cœtera quæ in eos immensa largitione Rex effuderat, scilicet auream coronam pond. cccxx, trici modiorum ccc millia, hordei cc millia, magnificè remiserunt ; tametsi belli offensionibus & calamitatibus acceptis ararium penè exhaustum esset. Erat igitur inter Romanos ac cœteros Principes honoris ac dignitatis certamen : nec facile dici poterat utrorum magnificentia major, eorum qui largirentur an eorum qui recusarent.

Certè quidem Romani rebus afflictis populos omnes animi invicti fortitudine superasse videntur. Nam cœteri non modo rebus adversis oblata non repudiaverunt ; sed in verecundè plerique ac blanditiis ac precibus ab invitis efflagitarunt. Cum enim Rhodiorum colossus ingens, sui ponderis gravitate ac terræ motu concidisset, naves etiam aliquot (erat enim lxx cubitorum altitudinis) suo casu contrivisset, Rhodij legatos ad Reges & Principes miserunt, ut sibi pecunias ad instaurandum colossus erogarent. Hiero centum auri talenta dono dedit : Rex Ægypti non modo ad colossus reficiendum auri tria millia talentorum, sed etiam ad gymnasium extruendum argenti ccc talenta, frumenti modiorum amplius decies centena millia, materiam præterea infinitam ad naves parandas, centum architectos, opifices ccc, & ad victum annuum auri talenta xiiii, ad sacrificia verò modiorum tria millia largitus est. Non puduit Rhodios, inopes à pecunijs, ex unius veteris statuæ ruina occasionem arripere, qua exteri Principes suis opibus ararium ac rempublicam cumulatè exornarent. Id erat Ægypti Regibus penè usitatum, ut de largitionibus adversus externos gloriarentur jam inde à Ptolomæo Philadelpho.

pho; qui sacros libros de Hebraicis Græcos fieri iussit. Is enim ut centum amplius millia servorum Judaicæ gentis ab emtoribus in libertatem vindicaret; auri talenta *a* cccxlx, ad vicimas autem & sacra facienda centum talenta, phialas aureas xx, argenteas xxx, crateras quinque, & mensam auream Judæis magnificè largitus est: præter ea dona quibus divinarum legum interpretes lxxii abundè cumulavit.

Sed ut civitatibus inopia laborantibus probro dari non debet, si à potentissimis Principibus quid accipiant: ita Romam, orbis terrarum clariissimam civitatem, oblatas à Principibus pecunias accipere indecorum, petere turpe fuisset. Sed Regum ac Principum quos sacros habuissent, & quorum ope ac præsidio beatè vixissent, sceptrâ, imperia, provincias, opes, cum orbi morentur, testamento sibi relicta non indecorè acceperunt: Nam Ptolemæus Cyrenensium, Attalus Asiæ, Eumenes Pergamæ, Nicomedes Bithyniæ, Coelius Alpium, Polemo Ponti reges, Populum Romanum hæredem fecerunt *b*, amplissimaque regna nullâ vi quæsitâ legarunt. Aurum vero coronarium & veteres Romani moderatè, nec nisi partâ de hostibus victoriâ gratificandi animo accipiebant: posteri quasi ordinarium *c* tributum exegerunt, tametsi oblationes appellarent. Flaminius victo Philippo Rege, ac liberata metu servitutis Græcia, cxiiii coronas aureas, dona civitatum, Romam misit: Philippus autem pacis conditionibus, quas decem legati Romanorum dixerant; acceptis, coronam centum auri pondo Capitolio imposuit. Rhodij, ne quid acerbius in eos decerneretur à Senatu, coronam auream pondo cc Romam miserunt. Postea aurum coronarium *d* à decurionibus civitatum, & à Judæorum collegijs quasi tributum ordinarium exigi coepit.

Ita sæpè fit, ut quæ initio Principibus dono data sunt, ut honestius beatusque familiam tuerentur, necessaria tempo-

Id est
176000 cod.
topatorum

Flor. epit.

cl. 4. de auro coronario, C.

d. l. penult. de iudæis C. l. 4. de auro coronario C. Theodosi.

ditates ad se testamento delatas liberis testatorum reddi iuberet; nec ab ignotis quidquam acciperet, *a* sed ab ijs tantum qui orbi mortui essent, quosque benè cognitos haberet. *Trav. quill. ibid.* Cœteri Principes quibus dignitas minùs curæ esset, ab omnibus omnia legata capere; tyranni etiam extorquere, & ex imperfectis testamentis hereditates rapere, non erubuerunt. *Argumento si lex ex imperfecto de testa- mentis C. & de leg. 3. Philipp. 3.* Objecit enim M. Tullius Antonio, quod ab ignotis hominibus hæreditates accepisset: *c* tùm de seipso, *quadringenties*, inquit, *LLS acceptum hæreditatibus révult; nemo tamen me nisi amicus hæredem scripsit.*

Atque hæc quidem de donationibus ac legatis.

Sequitur **IV. ARTVM** genus augendarum *ararv opum*; cùm annua pensio à sociis civitatibus ex fœdere percipitur; ut si bellum ab hostibus inferatur, militem fociis imperare liceat. Cùm enim pacis fruendæ causâ pecunia quotannis Civitati Principive imperatur, non pensio, sed tributum aut stipendium appellatur. Vt victo Annibale stipendium Carthaginensibus imperatum est in singulos annos: *d* item Philippo II Regi Macedonum ac Regibus Illyriorum, salva cujusque imperij majestate. Sic quoque Reges Idumæorum & Ammonitarum Davidi annua stipendia solvere cogebantur: *e* ut Reges Judææ Regibus Assyriorum. At Helvetiorum & Rhatiorum civitatibus pensio à Regibus nostris annua mille aureorum ex fœdere dependi consuevit: eâ lege, ut Reges nostri exercitus impetare, & auxiliariis eorum copiis uti ad imperij sui tutelam, Prætoriasque cohortes ad corporis obsequium & custodiam inde conscribere possint. Neque stipendiarius est qui hostium duces mercede locat, aut corrumpit: ut Periclem ferunt erga Lacedæmoniorum duces fecisse: non quia pacem precari, ut Theophrastus scribit, sed quia differri bellum cupiebat. Nullum autem Helvetiorum civitatibus fœdus eo, quo dixi Francorum, honestius unquam aut utilius continere

Pensiones
Helvetio-
rum.

Summa
est 218312. ll.
12. solid.

Pensiones
Germano-
rum.

acere potuit, ob ea quæ superius attuli argumenta. Certè qui-
dem ad opes augendas utilissimum fuisse ex eo planum est:
quod præter ordinarias pensiones, etiam extraordinarias, quas
magistratibus ac ducibus Helvetiorum, quasque privatis Re-
ges largiuntur, ordinarias longè superarunt. Ego ex rationi-
bus publicis à Quæstoribus expensa video fuisse in utrasque
pensiones ac legationes cccxviii millia libellarum. Turonen-
sum anno MDLXXIII. Quæ verò Germanis ducibus pensiones
solutæ sunt eodem anno, conficiunt cccxix millia libellarum,
præter stipendia militaria.

Plutarch.
in Lysan-
dro & Age-
silao.

Worma-
e anno
1552.

Necessariæ quidem sunt magnis Principibus largitiones
ad hostium consilia, copias, opes avertendas: nec potest ullum
magnum imperium speculatoribus carere; ac sæpius hostes
corruptis ducibus ac magistratibus quàm suis legionibus vin-
cuntur. Nec verò arx ulla tanta est, tantisque præsidiiis ac pro-
pugnaculis obfirmata ac munita, quæ non faciliè possit expu-
gnari, si jumentum aureis numis onustum eò penetrarit; ut
Philippum I Macedoniæ Regem dixisse ferunt; qui largitio-
nibus ac donis Græciam penè totam sub imperium subegit.
Nec aliis adjumentis Persarum Reges Græcos ab Asia quàm
corruptis ducibus depulerunt. Quis enim à Principe do-
num accepit, qui non aliquid in ejus gratiam, si potuit, effecit?
Nam obligatus tenetur, vel pudore cogitur, vel majoris bene-
ficii adipiscendi spe vel metu; ne idem sit accusator qui corru-
pit. Vix enim Princeps ullus amplissimus pensiones largitur,
nisi juratus sit in Principem qui accipit. Quem plerique inter-
pretantur patriam ipsam proditurum. Ut in Comitiijs Impe-
rialibus Germanorum Princeps nescio quis palam questus est:
nihil enim præter auditum habeo. Nec illum opinio fefel-
lit. Fuit enim eo tempore Princeps aliquis, cujus nomen præ-
tereo, qui aureos bis mille pensionis annuæ pactus, omnia Im-
perij ac patriæ suæ arcana delaturum se, ac modis omnibus
pro

pro largitoris dignitate & imperio adversus patriam propugnaturum spondit.

Ab hoc hominum genere cavendum est, potissimum in populari statu; in quo facilius est privatis rempublicam prode- re quàm in monarchia, in quâ Princeps omnia quæ publica sunt, sua ducit, ac perinde ut suarum rerum curam gerit. Sed largitiones & corruptelæ ejusmodi corruptoribus utiles esse nequeunt, nisi lateant: latere autem non possunt, si plures sint quibus donatur.

Reges Persarum ac Macedonum paucissimis quibusdam Oratoribus ac belli ducibus, qui plus auctoritate poterant, largiri solebant, ut popularia & optimum imperia ad se traderent. Item Ptolemæus Philopator Rex Ægypti Achæorum imperium suis quodammodo imperijs ac legibus subjecerat, cum uni Arato annua decem talenta dono ^a daret: quippe intelligebat plus Aratum quàm cæteros omnes in ea republicâ posse ac potuisse semper.

^a Plutarch.
in Arato.

Itaque mirum mihi visum est, quam obrem nostri Reges, præter ordinarias Helvetiorum pensiones, extra ordinem duobus circiter Helvetiorum millibus, qui cæteris dignitate præstabant, Rex Henricus II tam multa largiretur. Id quidem video patris instituto factum fuisse. Quæ non obscure aut occulte sed ita palam fiebant, ut Quæstor Helvetiorum apochas rationibus accepto ferre necesse haberet. Quas ego rationes cum expenderem, comperi extraordinarias pensiones, anno MDL summam XVI aureorum millium & cccxxxiii excessisse. ^b Præstabilius, opinor, fuerat sex aureorum millia

^b Summa
libellarum
49299.

paucissimis quibusdam ac summæ auctoritatis hominibus, & quidem remotis arbitris & apocha, donare. Sunt enim qui amplissimis Principum muneribus carere, quàm apocham acceptæ pecuniæ sibi extorqueri patiantur. Ut Anglus ille Hastingsarum dominus, cui Ludovicus XI Rex annuæ pensionis

nomine duo aureorum millia dono mittere consueverat: cum apocham nuntius peteret, ut solutæ pecuniæ fidem Regi faceret, pertinaciter recusavit; ne ullum acceptæ pecuniæ testimonium exstaret. Nihil autem Regi gratius fuisset quàm illum in suspicionem proditæ patriæ, si quando posset, vocare.

Est etiam cum largitiones turpissimarum rerum causâ fiunt; tametsi plerisque nihil quod patriæ commodo fiat turpe factum videtur. Ego verò non minus turpiter facere puto, qui parricidas Principum domesticos mercede conducunt, ut ex insidiis dominos interficiant, aut quos armis non possunt vincant venenis, quàm qui turpitudinis suæ mercedem accipiunt. Quamobrem cum Pericles sedecim talenta rationibus expensa tulisset, quæ sine mandato ac sine apocha solvisse dicebat, ob eam causam quam pervulgari nollet, Athenienses accepto tulerunt; cum hominis fidem & in republica gerenda curam ac prudentiam exploratam haberent. Apocha verò acceptæ pecuniæ testimonium facit, quo minùs qui patriam prodere velit quicquam corruptoris gratia facere possit.

Hoc etiam perniciosius, quod cum largitiones publicè fiunt, si quibusdam, nec tamen omnibus donatur, suspensiones, odia, querelæ existunt, ac potissimum in statu populari. Ut sæpissimè apud Helvetios contigisse accepimus: ubi eo usque certatum est, ut rogatione ad Henticum Regem lata pensiones singulorum universis communicari petierint. Negavit Henricus, ac prius de sua erga privatos munificentia tantundem detractum iri declaravit. Diximus superiùs, qua fraude Athenienses, quibus artibus Romani sociarum civitatum pecunijs ac stipendijs ærarium, urbem, mœnia, portus, classes locupletaverint & auxerint.

Sequitur *QVINTVM* genus conficiendarum pecuniarum; *mercatura inquam abundans & quasiuosa, quam Princeps suo vel alieno nomine exercet.* Quod genus rarius est ac Principe mi-

nime

nimè dignum. Nostreis quidem æquè ac Britannorum & Germanorum legibus nobilitati mercaturam exercere non licet; aut si mercator esse velit, inter ærarios ac plebeios censebitur. Neque id novum: cum lege *a* Claudia Senator Romanus navem onerariam habere prohiberetur: *Quæstus omnis*, inquit Livius, *b* patribus indecorus visus est. Postea *c* Imperatorum legibus omninò vetitum nobilioribus ac militibus, æquè ac jure Pontificio *d* sacerdotibus, mercaturæ studia sequi. Quod si mercatura nobiles minimè deceat, quanto minus Reges? Darium subditi contumeliosè mercatorem appellarunt, quod quæ prius gratuita essent vestigalia ad solvendi necessitatem traxisset. *e*

Cur ergo (dicet aliquis) ullum tu decus in eo genere cogendarum pecuniarum posuisti? Ego verò, si statuendū mihi sit, Principem mercatorem nolo: sin optio detur, mercatorem malo quàm tyrannū; & patricos viros negotiari quàm prædari. Quis est enim, qui nesciat Lusitaniam Reges cum angustissimis regni finibus coercerentur, nec jura suæ majestatis satis commodè tueri, nec subditos rodere vellent, mercaturam abundantissimam & quæstuosissimam jam annos centum sine contumelia & maximo reipublicæ commodo exercuisse? Cum enim anno mccc lxxv Orientis opes & intimos Indiæ recessus portusque omnes maritimos navigantibus aperuissent, populorum historias ad veritatem admirabiles, & opes incredibiles in Lusitaniam ad vexerunt, post etiam universam Europam specierum infinita varietate compleverunt. Hoc verò magnificentius; quod in Sinu Persico, & in ipso Regis Persarum conspectu, arcem munitissimam fundaverunt; qua navigantibus nec commeari nec remeare nisi soluto vestigali non licet. Quin etiam quatuor Indorum Reges suis imperijs ac stipendijs subegerunt; præter Africæ portus ac littora, quibus longè lateque dominantur. Qua quidem navigatione Turcarum ac Persarum

a ab V.C.
anno 310.
b lib. 21.
c l. Nobilio-
res de com-
merciis C. I.
militis. lo.
cati. C. I.
ult. de re-
sciendenda.
C. I. §. 5. pu-
pillus. de
auctoritate
tutor. ff.
d can. clerici.
c. 14. q. 1.
e Herodot.
& Plutarch
in Artaxer-
xe.
Regis Por-
tugaliz
mercatura.

Principibus, Regibusque Ægyptiorum mercaturæ quæstus uberrimos demanibus excusserunt. Quantæ utilitates ex ea mercatura ad rempublicam pervenerint, ex eo intelligitur; quod cum Lusitani Molucarum insulas (unde pretiosissimæ species asportantur) nudassent, ac ccc aureorum millia numerassent Carolo V. Imperatori (cui Molucarum insulæ iudicio finium regundorum Alexandri VI Pontifices maximi sententia obvenerant) Genuenses ac Florentini mercatores pecuniam Carolo numeratam, Lusitanis Regibus restituere, & amplius quinquaginta aureorum millia Carolo dependere non dubitarunt, ut sibi aditus ad eas insulas pateret; quod renitente Lusitano Rege obtineri non potuit. Et quidem Venetis de omnibus calamitatibus, quas Ludovico XII Rege Francorum pettulerunt, nulla gravior a visa est, quàm quod Lusitani Reges mercaturæ Orientalis quæstum illis eripuissent.

a Guicciat.
din.

Q. 3. 05c.

Nec verò Italis abundans & quæstuosa mercatura nobilitati labem aut dedecus ullum inferre videtur. Nec Tullius ipse uberem mercaturam improbat, sed eos qui ab alijs emunt quod carius vendant sordidos appellat. Id autem in Principe minimè ferendum est, ut subditos exportare frumenta resque venales prohibeat, quibus ipse quæstum faciat. Turpius etiam ac foediùs, ullo pretio mercari à subditis, ut eodem carius res emtas emere cogat. Ea res enim Alphonsum Regem Neapoleos suis æquè ac exteris odiosissimum fecit. Greges enim porcorum subditos alere, & in demortuorum locum alios substituere cogebat: olei ac frumenti quicquid in Apulia concrevisset vilissimo pretio emebat, ut summa egestate ac inopia annonæ arbitrio suo addiceret.

Omnium tamen sordidorum mercaturæ generum, quæ multa ac varia sunt, nullum sordidius, nullum turpius, nullum detestabilius magistratuum & honorum mercatura. Quæ nunquam tolerabilis esse potest, nisi extremis temporibus, ut sa-

luti

Iuri Reipublicæ consulatur. Quò Venetos Reipublicæ calamitates adegerunt, ut honores & imperia proscriberent, Ludovico Rege Francorum gravissimis bellis civitatem premente. Nam totos septem annos publicis rationibus paulo minus quater millies expensum tulerunt: cujus summæ decimam ferè partem ex honorum mercatura quæsierunt. Vigesimo post 6 anno Franciscus major Rex Francorum Prætoras Urbanas hujus imperij bifariam divisit, & utrasque proscripsit; ac sensim cœtera quoque venalia fuerunt. Turpius etiam Adrianus Pontifex Max. qui non modò magistratus & imperia, sed etiam sacerdotia paucos ante annos sub hastâ venire passus erat: ac jam quaterdecies 6 LLS à Pontifice Cremonensi acceperat, cùm bellum sacrum excusaret; decreverat etiam in singulas familias Ecclesiæ Romanæ aurei nummi dimidium imperare, cujus vectigalis summa ferè centies quinquagies 4 LLS conficiebat. Sed quoniam tam scœda, tamque perniciofa est ea mercatura, ut nullaturpior cogitari possit, quæque ut semel cœperit, nullum habitura finem: cœtera omnia tenetanda prius sunt, quàm ut eo delabi cogamur.

Pergamus ad ea quæ restant conficiendæ pecuniæ genera: quorum illud antiquissimum & usitatissimum est, scilicet *VECTIGAL* earum rerum quæ evehuntur & invehuntur. Quod quidem vectigalium genus Latini 6 *Portoria* vocabant; ut vectigal prædiorum publicorum *decimas*, pascuorum verò *scriprams*.

Portorium autem vectigal unius generis erat apud veteres; nobis triplex est. Ac tamen si Henricus II Rex ad unum genus referre jussisset lege *f* de portorio lata; postea tamen legem *g* abrogari placuit: quia confusio vectigalium deterior aliquid allatura videbatur. Nam Caroli V Regis edicto portorium vectigal quod nostri *Domanium forense* appellant, dimidia sui parte diminutum fuerat; postea tamen restitui placuit.

Id est, quinque milliones ducatorum 6 anno 1527

Id est, viginti milia ducatorum, Id est, 220000 ducatorum. Quicquid dicitur.

IV. Sextum genus Portoria, 6 Cic. pro lege Manilia, & in Prætura Urbana.

f anno 1551. g anno 1556

a l. ex prae-
ratione, &
toto titulo
de vectiga-
lib. C.
§ 13 est, qd
eo alies ex
centum.

cuit. Est autem vigesima pars pretij. Quæ fuit eadem Ro-
manis veteribus usitata: sed tandem Imperatores posteri octa-
vam exegerunt; unde Octavarium *a* vectigal appellarunt. Vt
nostri quoque vectigal illud bessale *b* fecerunt, ac duodeci-
mam pretij partem exigere consueverunt. Turcarum Prin-
ceps à peregrinis portu solventibus rerum exportandarum
decimas, à subditis vigesimas capit. At nostri Reges minimum
quiddam ac penè nihil peregrinis pro salario vectigali, subdi-
tis verò gravissimum imperant.

anno 1540

Et cum in ipsa Gallia salinæ totius Europæ uberrimæ sint
ac præstantissimæ, unde Belgæ, Britanni, Dani sal petere con-
sueverunt; nobis tamen multò carius emitur quàm illis: imò
ab illis ad nos (latenter tamen) in fines hujus imperij revehi-
tur: quo nihil absurdius esse potest. Nostra ætate *c* in sali-
nis Pictonum modius salis, qui duobus aureis emi solebat Pa-
risiorum mensura, nunc viginti aureis emitur; vectigal tamen
subditis duplo gravius quàm salis pretium imperatur. Quò
fit, ut qui longius à salinis absunt in Galliæ finibus salis modi-
um centum ampliùs aureis sibi emere cogantur. Aquitani
tamen vectigal tantum ac tam grave ingenti mercede redeme-
runt ab Henrico II Rege. Cujus pater ut mercatores pere-
grinos in Galliam quasi quibusdam illecebris arcesceret, à sa-
lario vectigali propè immunes esse voluit; ne ab Hispanis sal
acciperent. Sed exploratum, & quidem experienciâ diutur-
nâ compertum est; nec Belgas, nec Britannos, nec Danos sale
Gallico vacare posse. Et cum antea Carolus V Imperator
Belgas non tantum ab Hispanis sal accipere cogeret, verum
etiam Gallico sale uti prohiberet; civitates ac populi qui ab
Hispanis sal asportaverant, animadverterunt merces piscarias,
quarum uberrimus & copiosissimus est in Belgio quæstus, Hi-
spanico sale propè extabuisse, propter acrem nimis & arro-
dentem salis Hispanici vim ac naturam: importunis rogationi-
bus

bus obtinuerunt, ut Gallicis salibus qui vegetiores ac suaviores sunt, uti liceret. Et quoniam aqua marina citra quadragimum septimum ab Æquatore gradum, propter radiorum solis trajectionem hebescentem & caloris inopiam, in salis naturam concrefcere non potest; procul dubio si salarium vectigal à peregrinis vel duplo minus quàm à nostris exigetur, infinita pecuniæ vis in ærarium cogi posset. Videmus enim, & quidem sæpissimè, navium peregrinarum classes ad littus Celticum appellere ad sales exportandos: & quia frumento, vino, oleo, cœterisque rebus ad vitam beatiùs commodiùsque degendam necessarijs abundat Gallia, quibus rebus Aquiloniæ regiones vacant, naves arena sæpè aut lapidibus onerant, ut emere liceat, cum rariùs permutare possint. Nam metalla cœteraque ad humanum victum minùs necessaria cum in intimis terræ visceribus latent, tum semel eruta vix unquam renascuntur. Frumenti verò, salis, vini ac olei fontes, & quidem perennes, in Gallia scaturiunt, qui nullis ætatibus exhauriuntur.

Gallia frumento, vino, oleo, sale dives.

Quarum rerum evectionem & mercaturam sic moderari Principem oportet, ut subditorum inopiæ & ærario inprimis prospiciatur. Quod aliter fieri non potest, quàm portorijs & vectigalibus auctis. Quæ quo majora fuerint, eo parcius à peregrinis exportabuntur; aut uberior annona, aut ærarij opes majores futuræ sunt; quanquam res ad victum hominum necessaria, quocunque fuerint, conquiruntur. Gallia verò magnam Europæ partem incredibili frugum ubertate & nunc & antea semper sustentavit. Ut etiam tùm Rex Judæorum Agrippa, oratione quam habuit ad populum, confitetur. Scio nonneminem futurum qui mihi opponat civitatum inter ipsas & cum Regibus Francorum ista fœdera, quibus augere portoria nefas esse putant. Ego leges commerciorum ac fœdera, si qua sunt, disturbare nolo; sed nego tantam vim earum legum

legum esse aut fuisse, ut ab ijs discedere nunquam liceret. Quin etiam cæteros Principes nutu arbitratoque suo portoria regere, eaque sæpe augere videmus. Ut non ita pridem in Anglia factum memini. Nec superioribus annis fœdera commerciorum prohibuerunt Carolum V Imperatorem aut Philippum filium Angliæ Regem, quo minus in singula vini dolia maiora Gallorum mercatoribus in portum ingressis nummum aureum, subditis verò novem imperarent.

Incredibile autem videri possit, cum verum tamen sit, quantum vini Gallia in Angliam & Belgium effundat. Cujus rei argumentum majus habeo nullum, quàm quod unus Lau-da mercator Cameracensis anno MDLXXVIII triginta tria millia modiorum vini terrestri vectura in Belgium exportari curaverit, tametsi aditus arduos ac multis locis ab hostibus interclusos sibi videret. Pretium in singulos modios ut minimum fuit quatuor coronatorum. Ex quo intelligi potest quanto plura navibus deducuntur. Cæteras merces omitto.

Sed illud omitti non debet, quod anno MDLVI Angliæ Regina portorium incredibiliter auxit: ac duos coronatos, in singulos pannos, qui ex Anglia exportarentur, imperavit. At centum millia non amplius trimestri curriculo ex Anglia Ant-verpiam asportata fuisse anno MDLXV, à mercatoribus didicimus. Pannum autem definiunt tribus Carizæis ac totidem Frizæis.

Et ut civitatibus utilissimum est, portoria rerum earum quæ evehuntur, quibusque carere non possumus, augere: ita minuere necesse est vestigal rerum vectarum, siquidem cives ijs commodè carere non possint. Augendum quoque vestigal fabrilium, lanificiorum, sericeorum, ac omnium opificiorum quæ aliunde advehuntur; ut cives ipsi eadem facere con-discant & consvescant.

Sed ab informi ac rudi materia, quæ à peregrinis ad nos adhe-

advehitur, amovendum, aut quoad ejus fieri potuit, minuendum est portorium: quoniam civium utilitatibus & commodis prius est quam alienis prospiciendum. Cives autem exrudi materiâ in opificia conformatâ utilitatem capiunt sæpè majorem quàm qui materiam vendiderunt: quia materiam sæpissimè superat opus. Nec ferendum est, materiam rudem & civitatibus exportari si opifices eam tractare commodè possint: ut edicto Henrici *a*. II Regis Francorum caveatur, Quod edictum decennio post in Anglia, deinde in Belgio promulgatum est, *b* ut Philippus Hispaniarum Rex par pari referret.

Materiam rudem evehere perniciosum.

a an. 1579.

b an. 1563.

Ex opere civium quantæ utilitates ad Rempublicam perventuræ sint, vel ex eo intelligitur; quod Blasas ad Conventus Gallicos accepta legatione profectus mercatorum querelas audiebam, cùm dicerent lanarum exportationem vetitam quidem fuisse, nihilominus tamen Italum quendam ab Rege prece vel pretio, obtinuisse ut lege solveretur. Qua quidem ratione cùm unus homo vili pretio lanarum vim infinitam in Italiam exportavisset, ex materia pannosâ Florentinorum opificibus confectos in Galliam revehi curavit. Vnde quantum pecuniarum coëgerit, ex eo percipi potest, quod materiam partibus quindecim confectum opus superaret. Quid igitur absurdius à Principe fieri potest quàm peregrinos mercatores legibus solvere, qui tam grave detrimentum civibus collati sint?

Merclum e-
vectionem
civibus ad-
eientiam pe-
regrinis
permittere
perniciosissi-
mum.

VII.

His igitur sex generibus conficiendarum pecuniarum & ærarij honestè muniendi sine ullo civium intertrimento, expositis, ad POSTREMVM pergamus, quod *subditorum proprium est, & quidem totum*. Sed eo nunquam perveniendum, nisi cætera omnia desint: ac ne desint, prudentis est Principis ante providere. Si tamen civitatem undique circumfessam hostes sic teneant, ut superioribus quæ dixi generibus uti frui non liceat; aut si qua alia vis major inopinatò rempublicam

Sepimum
genus con-
ficienda-
rum pecu-
niarum &
ærarij mu-
nienti.

oppresserit, tunc demum cives ipsos ærario succurrere oportet. Id enim iustissimum est quod necessarium; & pia illa quæ civibus imperantur tributa, sine quibus civitas ipsa funditus sit interitura.

Sed quoniam tributa quæ subditis difficillimo belli tempore imperantur, confecto bello continuari sæpè videmus (est enim illud inter arcana veterum tyrannorum nimis contritum, belli occasiones conquirere ut tributis subditos etiam bello confecto semper urgeant) commodius erat mutuas à subditis pecunias accipere, quàm illos onerare tributis. Quæ ratio cum difficultates quæ in cogendis tributis esse solent, expedit, tum etiam facilius reddit mutuum eorum qui & fœnus & sortem sibi & gratiam à republica reddi sperant. Nam cum Annibal Italiam quateret, urbemque ipsam obsideret, Senatus diruto ærario nova tributa subditis aut socijs imperari noluit: nihil enim prementibus hostibus tam periculosum; sed Patres in Senatu sic disseruerunt: *Omne aurum, argentum, æs signatum ad triumviros mensarios deferamus, nullo ante Senatusconsulto facto, ut voluntaria oblatio, & certamen adjuvanda respublica exciter ad amulandum animos primum Equestris ordinis* lib. 16. *ac deinde reliqua plebis.* Hæc Livius. a Idem paullo post; Senatores pro se quisque aurum, argentum æs in publicum conferunt, tanto certamine injecto cum prima inter primos nomina sua vellent in publicis tabulis esse, ut nec triumviri mensarii accipiendo, nec scriba referendo sufficerent. Parta victoria & fractis Carthaginensibus, Senatus mutuum pecuniam singulis bona fide reddi oportere decrevit. Qua de re sic Livius; *Privati frequentes, inquit, quibus ex pecunia quam M. Valerio & Claudio Conss. mutuum dederant, tertia pensio deberetur, edierunt Senatum, &c.* Et paulò post. Cum privati aquam postularent, nec esset Respublica solvendo, quod medium inter aquam & utile decreverunt: ut quoniam magna pars eorum agros venales diceret, & sibi smis opus esse, agri publici copia
iic

is fieret: Consules agrum æstimaturos & in iugera asses vestigiales; resandi causa publicum agrum esse, imposuituros; ut si quis cum solvere posses pecuniam habere quàm agrum mallet, resistueres agrum populo. Lasi privati eam conditionem acceperunt. Hæc ille: ^a quæ pro- ^{a Livius lib. 31,}
pterea ad verbum descripsi, quod ea ratio conficiendæ pecu-
niæ ac fidei liberandæ omnium utilissima visa mihi est.

Illud quoque non incommodum videtur; scilicet prementibus hostibus strenuissimos quosque armis ac stipendijs eorum qui bello gerendo inutiles sint, fovere ac sustentare; id quod Romanos etiam tum fecisse videmus. ^b Ita fit, ut alij aliorum opibus & auxilijs communem civium salutem tueantur. ^{b Livius lib. 16,}
Hoc autem tributi genus temerarium est, & extra ordinem imperatur. Hinc tributa originem traxerunt; & ordinaria fieri cœperunt, quæ antea extraordinaria dicebantur.

Tertium genus Caducum, utriusque naturæ quodammodo particeps est, nostri casuale appellant.

His autem tribus omninò generibus continentur quæcunque civibus imperantur; vel pœnæ nomine, si quid in leges peccatur; vel eorum prædiorum pecuniarumve quas quisque possidet; vel etiam quæ in capita singula indicuntur, quod genus tributi Capitationem Latini vocant; vel eorum quæ ex trajectu percipiuntur, quod propria significatione portorium vestigal dicitur; vel quacunque etiam sordida causa exigitur. Quæstus enim sordidissimos amant, eorumque suavis-
simos odores sentiunt tyranni. Cujusmodi est illud tributum quod ab ijs qui artes meretricias profitentur, exigi Romæ consuevit. Quodque ex urinarum effusione Vespasianus imperaverat; ac filio quidem indignè ferenti, pater pecuniam ex prima pensione naribus admovit, sciscitans num odore offenderetur: & illo negante: Atqui, inquit, è lotio est. Idem à mulione, quod adeuntibus Principem spatium præbens, ad calceandas mulas sæpius desiliisset, nec sine mercede id faceret, pactus est

Tria genera tributorum.

lucris partem. Non enim, inquit Tranquillus, contentus est omisso sub Galba vectigalia revocasse, nova & gravia addidit, & auxit tributa provinciis nonnullis, & duplicavit: negotiationes quoque vel privato pudendas propalam exercuit, coëmendo quadam tantum ut pluris postea distraberet: nec candidatis quidem honores, reive tam innoxis quam noxis absolutiones, venditare cunctatus. Creditur etiam procuratorem rapacissimum quemque ad ampliora officia ex industria solitus promoveri, quo locupletiores mox condemnaret: quibus quidem vulgo pro spongias dicebatur uti, quod quasi siccos madefaceres, deinde exprimeres humentes. Idem paulò post: Sine quo opinantur, ad manubias & rapinas compulsam summa aerarj fisci que inopia: de qua testificatus sit initio statim Principatus; professus quadringentes a millies opus esse, ut Respublica stare posset. Hæc ille: Quod si ad hæc tam fœdæ tamque turpia dictu publica aerarj inopia coëgit Principem in cœteris prudentissimum, quid tyrannos quos inopia premit, facturos aut non facturos speramus?

Magister quidem, Præses curiæ Parisiorum, negavit ante D. Ludovici tempora ullum tributum genus Gallis imperatum; sed illud omisit, quod quæ belli necessitate coactus exegerat Ludovicus, confecto bello sustulerit. Exstat & ejus ad Philippum filium cohortatio gravis & efficax, quam testamento inferi mandavit in hæc verba: *Fili religiosus inprimis erga Deum esto; benignus ac liberalis adversus egerentes; legum ac morum hujus imperij custos ac vindex acerrimus; a vectigalibus & tributis abstineto, nisi te summa vis necessitatis ac utilitatis publicæ iustissima causa ad hoc impellat: sin minus, tyrannum te potius quam Regem futurum putato. &c.*

Hic dicet aliquis, Clotarium tertiam fructuum partem Ecclesiæ prædiorum exegisse, Chilpericum Octavam ejus vini quod de prædijs & quisque collegerat, expressisse; ut jam inde vectigal vinarium, quod etiamnum cauponibus imperatur, originem duxisse videatur. Item Ludovicum juniorem vigesi-

a 13 est, de
cies centū
milliones
coronato-
rum.

Δ in archie
vis publicis
D. Ludovi
ci ad filium
cohortatio

Gregor.
Turonens.
l. 9. cap. 30.
Aymo l. 2.

vigesimam fructuum redditus cuiusque totos quatuor annos
indixisse. Demus id quidem; sed non nisi publicis necessari-
isque bellis coactos id fecisse videmus, ut temerarium tribu-
tum Carolo VI Rege indictum. Itaque Philippo Valesio
conventus Gallicos habente anno mcccxxviii, populi roga-
tione decretum est, ne ullum tributi aut vectigalis genus ni-
si consentientibus Ordinibus imperaretur. Ac tamen si Lu-
dovicum XI Regem gravissima difficillimaque bella eò impu-
lissent, ut præter vectigal prædiorum publicorum ac domini-
j, ferè octingenties *a* LLS tributi nomine extremo imperii sui
anno exigeret; nihilominus tamen Carolo IX regnum ine-
unte, coactis apud Turones populi comitiis, annua illa, quæ
ordinaria evaserant, tributa sublata sunt, sed eandem oblatio-
nem quam Carolo VII dono dederant, in ararium ac septua-
gies *b* LLS donationis nomine inferri: quam summam se-
mel tantum ab universis ordinibus exigere placuit. ne in poste-
rum imperaretur. Et quidem Philippus *c* Cominius, qui
tunc publici consilij particeps erat, negavit principibus tri-
buta imperare licere; *d* sed ea tantum capere posse quæ con-
sentientibus subditis dono darentur. Eoque jure Hispanos,
Britannos, Germanos etiamnum uti videmus. Exstant for-
mulae apud nos vectigalium ac tributorum exigendorum, qui-
bus Princeps ingenuè profitetur, se omnia tributa, cum pri-
mum licuerit, sublaturum. Quamobrem Philippus Rex, is
qui Longus usurpatur, cum exiguum salis vectigal, id est,
paulo minus centesimo numo *e* imperasset, propalam testa-
tus est, id se sublaturum. Eadem testificatione *f* usus est
Philippus Valesius, cum gravissimo bello coactus vectigal il-
lud salarium duplicasset; nec passus est dominij legibus ac ta-
bulis comprehendi.

a Id est, tres
milliones
& quadrin-
genta mil-
lia libella-
rum Turon-
ens.

b Id est, tre-
centa mil-
lia libella-
rum.

c In Com-
mentariis

d Nec jus
illud præ-
scribi po-
test à prin-
cipe canon,
nullus, q. 1.
Salarium
vectigal.

e Id est, sex-
tam par-
tem assis.
f anno 1546.

Ac tamen si nullum vectigal salario levius esse videtur; id
tamen cum Livio & Claudio Censoribus indictum esset pre-
mente

mente bello Punico, contumeliosè Livius Salinator est appellatus, ac pace Carthaginensibus data sublatum est; vel quia nihil sale utilius aut humano victui magis necessarium videretur, vel quod injussu populi id factum esset.

Et quoniam levissima quæque tributorum ac vectigalium genera tenuibus gravissima putantur; nec tamen Senatus Romanorum ærarium tueri se posse sine novis vectigalibus intelligeret; quippe lege Valeria Regibus exactis plebs à portoriis & tributis præstandis libera fuisset: *a* C. Manlius Consul ex auctoritate Senatus legem tulit in castris ad Sutrium, ut ij qui manumitterentur, fortunarum suarum vicesimam ærario solverent: ac tametsi eo vectigali cives non premerentur, nihilominus Tribuni plebis re intellecta capite sanxerunt, ne deinceps quisquam populum *b* sevocaret. Item lex *c* Julia ab Augusto ad populum lata est, ut quæ hæreditates, legata, donationesve mortis causa ad alios pervenirent, earum pars vicesima ad fiscum pertineret. Utriusque vicesimæ vectigal & reipublicæ utilissimum, & cuique gratissimum fuit: his quidem, quod alienas acciperent hæreditates, illis verò, quod libertatem adipiscerentur. Sed quoniam posteri Principes vicesimam omnium hæreditatum ac legatorum imperabant, Trajanus *d* legem Juliam de vicesima abrogavit: quam tamen revocare mutatis nominibus nonnulli studuerunt. *e*

Sed præ illis intoleranda sunt quæ videmus. Cum enim Samuel princeps Israëlitarum concionem haberet ad populum qui Regem sibi petierat, minas acerbissimi vectigalis adjecit: Ergo, inquit, regem habituri estis, qui decimas fructuum vobis imperaturus est, &c. Nec Cypselus Corinthiorum tyrannus aliud quam decimas fructuum *f* à subditis exegit. Capitationem, portoria, cæteraque innumerabilia tributorum genera nunc usitatissima, nescierunt.

Eorum tamen auctores miserando casu periisse videmus:

ut

a Livius l. 1.
Dionys. l. 1.

b Livius l. 7
ab V. C. 390
c Dio l. 38.
Paul. lib. 4
sent.
Vectigalia
vicesimarum
gratissima.

d Plin. in
Panegyri
co.
e l. 2. de im-
ponenda
incursiva
descript. C.

f Aristot. in
Polit.

ut Philistum Dionysii tyranni parasitum, qui de arce tyrannidis tractus ac trucidatus est à plebe Syracusana : Procletem Theodeberti Francorum Regis sectorem; qui à Treverensi plebe lapidatus est, cum ad tributa imperanda Regem impulisset; nec ita pridem Georgium Preschonem Henrici Suecorum regis assentatorem, qui plebis in palatium irrumpentis impetum omnibus tormentorum generibus cruciatus est, quod Regem quem de imperij sedibus plebs ipsa disturbavit, ad rapinas invitaret. Quid Achæus Lydorum Rex? nonne consimili furore plebis correptus est, ac pedibus sursum, capite deorsum, aquam Tantalico modo nec quidquam ligurientis, suspensus, propter inexplebilem istam accumulandarum opum aviditatem, quâ incertum erat copia an inopia magis inflammaret? Nonne Theodoricus Rex Francorum, quod populum tributis premeret, de regno dejectus est? Vnde porro Belgarum ab Hispanis rebellantium orta seditio, nisi ob id quod Dux Albanus decimam rerum venalium illis imperasset? Qua quidem ratione infinitam vim pecuniarum, vel potius omnes omnium propè civium opes coëgisset; cum re ipsa compertum esset rem eandem paulo momento decies vendi consuesse: quin etiam unius & ejusdem diei intervallo res promercales quæ venierant, ferè quingenties sestertium æstimatas esse, ut Hispanus quidam scripsit.

Sed quemadmodum Principi prospiciendum est, ut quæ bello urgente indicta sunt tributa, parva pace tollantur: ita ferendum non est, ut sublatis omnibus tributis ac vestigialibus, ærarij opes diruantur. Ut Neroni, cum opes Imperij profudisset, in mentem venerat; cui gratias egit Senatus, factum tamen dissuasit, ne res publica arde diruta momento collaberetur. Plerique seditiosi ac novandarum rerum cupidi cives, vestigialium ac tributorum immunitatem plebi nostræ superioribus annis pollicebantur; sed neque id præstare licuit; nec

Id est, septingenta ducatorum millia.

si licuisset, fecissent; nec si factum esset, rempublicam ullam haberemus, cum eo veluti firmamento respublica nitatur. Quid enim restaret quo Princeps imperium tueri possit, sublatis portorijs ac tributis? Superius docuimus, omnia fere prædia publica, agrosve dominicos abalienatos esse; militias ex casu ac prædia militaria, quæ nobilitati belli gerendi causa assignata quondam fuerunt, plebeiiorum hominum aut etiam collegiorum nexu teneri. Non sunt igitur tributa tollenda; sed infinitæ donationes ac largitiones immanium pecuniarum indignissimis hominibus factæ, revocandæ, judiciaque peculatus ac reperundarum constituenda.

Ac plerique in eo vehementer labuntur, quod putant eò tributa redigi oportere quo Ludovico XII Rege fuerunt: nec intelligunt pretia rerum omnium decuplo maiora esse quam tunc fuerint, propter auri argentique copiam, quæ ab India Occidentali in Europam asportata viliorē utriusque metalli æstimationem fecit. Quarum enim rerum major est affluentia, eò vilius æstimari necesse est, ut libro singulari adversus Paradoxā Malastreti docuimus. Idque ex publicis tabulis ac legibus nostris municipalibus facile intelligi potest, ubi agitur de pretio rerum. Exstat in tabulis publicarum rationum quæ D. Ludovici imperio redditæ sunt, Francorum Cancellario diurni viatici nomine septem solidos Parisienses solutos, quibus non modo seipsum, sed etiam equos, pueros, coeterosque comites iter facienti necessarios sustentaret. Docuimus, Carolum V Regem non amplius quam aureorum millia xxxi pro Antisiodori oppido agroque Comiti emtionis nomine solvisse; cuius pretium nunc tricies majus esse possit. Item Philippum I Biturigum urbem amplissimam agrumve Biturigensem ab Herpino Duce sexaginta millibus aureorum emisit. Cætera quæ copiosè sunt à nobis eo libro disputata, nunc omitto. Quibus enim locis abundat auri

& argenti vis, illic prædia carius emi necesse est. Cum enim Paulus Æmilius subacta Macedonia auri & argenti vim infinitam advexisset, momento agrorum pretia triplo quàm antea carius æstimari coeperunt. *a* Et cum centesimo post anno Cæsar Ægypti opes Romam importasset, foenus diminui, & agrorum pretia momento augeri coeperunt. *b* At cum Franciscus Pizarra Peruanum regnum subegisset, & tanta auri & argenti abundantia exstitisse dicitur, ut vini cadus trecentis aureis Hispanicis, pallium Hispanicum mille, equus sex millibus æstimaretur. Id quidem propter immensas opes ejus regionis. Quæ incredibiles videri possent, nisi & ex Indorum historia, & ex publicis rationibus exstarent argumenta: quibus constat amplius decies millies *d* sestertium ab Rege Atabalipa expressum, præter opes decuplò majores, quas privati, quas duces, quas milites, quas ipsi Quæstores diripuerunt, ut Augustinus Zarata Logistes Hispani Regis ex publicis rationibus expressit. Ab Hispania verò in Galliam auri & argenti copia ingens advehitur, cum hinc in Hispaniam frumenti omnisque generis opificiorum ac rerum venalium maxima vis assidue exportari soleat. Ita necesse fuit, Galliam auro & argento affluere, pretia rerum augeri; mercedem ac salarium cujusque majus esse, stipendia magistratibus ac militibus majora decerni; qui enim ex fructibus prædiorum aureos centum in censum retulerat, ex iisdem fructibus mille accepto ferret.

Inde errores non modò vulgi, sed etiam eorum quiannonam, qui rem frumentariam, qui familiæ victum veteribus institutis ac pretijs metiuntur. Nam illud centies sestertium *e* Carolo VI Rege ex fructibus prædiorum publicorum, & ex vestigalibus ac tributis illatum, haud multò minus est quàm termillies, *f* quod Carolo IX Rege ex omni publica pecunia coactum est anno MDLXXIII, si pretia rerum utriusque temporis exigantur: tametsi summa hæc tricies complectitur

Q

illam.

a Plutarchus
in Æmilio.

b Tranquillus
in Cæsare.
c anno 1536.

d Id est
4175000.
libellarum
Turonensium.

e Id est, 200
astro mo: e
437500 libellarum
Turonensium.
anno 1445.
f Id est non
astro mo: e
13125000.
libellarum
Turonensium.

illam. At utroque tempore populus se tributorum gravitate premi questus est. Cum item D. Ludovicus ab Ægypti Sultano captus est ante trecentos paulò minus annos, pretium capiti regio dictum est centies & quater decies: Johanni Regi ab Anglis capto ferè bis millies: Francisco I Regi octingenties: huic quidem minus quàm illi; quippe Caroli V Imperatoris sororem domum duxit, ac imperio Belgarum cessit. Sex annos Gallia laboravit, ut immanis illa pecunia, cujus summa erat inopia, pro Johannis libertate cogeretur: at Franciscus eodem anno quo pacem inijt libertatis pretium in Hispaniam misit. Idem judicandum nobis relinquitur de annua pensione quæ Carolo Bello Philippi Regis filio dicta est; scilicet, scilicet ducenta & quinque sestertia: quæ non minor videri debet quàm quæ Henrico primum, deinde Francisco Andium Ducibus à Carolo IX fratre constituta est; scilicet bis mille & quinquaginta novem sestertia, tum propter pretia rerum; tum quia ferè quadruplo major fuit libella Turonensis quæ fuit Philippo Rege quàm quæ Carolo IX principatu. Ac multò magnificentius Philippo Rege vivi potuit illa quam dixi pensione, quàm ea quæ à Carolo IX fratribus soluta est; quam propterea augeri quodammodo necesse fuit. Cum enim Francisci Andium ac Belgarum Ducis libellorum Magister rationes accepti subducerem, comperi centies & quadragies LLS à Quæstoribus ex ijs quæ Regis beneficentia accepit, coactum esse anno MDLXXXII. Dos verò dicta Caroli IX sororibus, cujus summa fuit in singulas ecce millia aureorum nostrorum, minor est quàm dotes filiarum Caroli V Regis, aureorum sexaginta millium in singulas; tum quia temporis illius aurei nostris aliquantò meliores, tum etiam quod rerum pretia decuplo viliora fuerunt Carolo V Rege, quàm quæ esset Carolo IX imperante.

Aliarum civitatum eadem ferè ratio, idem judicium futurum

Id est,
90000 libellorum
Turonensium.
auctor Io.
Javillanus.

Id est,
9000 libellorum
Turonensium.
Id est, centum millia
libellorum
Turonensium.

Id est,
81000 libellorum
seu 804000
aureorum
nostrorum.

rum est, si vetera cum nostris comparemus. Oriens olim opibus abundavit, & ab Asia opes Occasum versus advectas esse legimus, quæ nunc ab Occasu ad Orientem exportantur. Nam Ptolemæus Auletes Rex Ægyptiorum, ejus familiæ postremus, pecuniam Atticorum talentorum *a* **XIIMD** imperabat. Sulimannus non amplius **MCLXVI** talentis ex eadem Ægypti regione coëgit *b* anno **MDXX**. Vix enim eo tempore Turcarum principum census annuus publicæ pecuniæ talentorum Atticorum sex *c* millia **DCXLVI** superavit. Quinquagesimo post anno prolatis imperij finibus talentorum decem millia, sive **LLS** majorum **CCXL** millia exegerunt: nunc etiam multò plura imperant propter auri & argenti copiam quæ ad Orientem assidue asportatur. Quæ tamen summa exigua videri possit, cum Asiæ minori, quæ vix sexta pars est imperij Turcarum, Cornelius *d* Sulla Dictator **XX** millia talentorum imperarit.

Interdum agri bonitas, interdum etiam mercatura, sapientissimè Principum inexplabiles accumulandarum opum aviditates, efficiunt ut aliarum aliæ sint opes majores. Quis est enim qui nesciat, Carolum V Imperatorem ex Insubria plus vectigalium ac tributorum coëgisse, quàm Franciscus major ex hoc tantis opibus affluente regno delibarat? Quis item non videt plura Belgis imperasse, quàm iisdem temporibus Angliæ census annuus æstimaretur? Hoc verò perniciosius, quod nonnemo superioribus annis, ut Carolum IX ad augenda tributa incenderet, ausus est in Senatu dicere, Florentinorum Principem amplius millies & quater centies *e* angustissimis finibus imperij quotannis in fiscum inferre. Quamquam id falsum est: vix enim ex Senensi ditione septuagies **LLS**, ex Florentinorum ditione quater centies: tamen si nullum tributum aut vectigalium genus permittit.

Prudentissimi tamen Principis est, ineunte imperio extraordinaria superioris Principis tributa aut tollere, aut certè

Ægypti
rariorum ex
Strabone,
a Id est,
1185000
libellarum
Turon. ea
rum quæ
Budæus
supputavit
b Cirtus
Venetorū
Legatus
ita retulic.
c Id est,
6100000,
libellarum,
aut aureo-
rum
4000000;
Turcarum
ætarium,
d Plutarch;
in Sylla.

e Id est,
4000000,
libellarum
Turonens.
Florentino-
rum Ducis
ætarium
anno 1579.

magna sui parte minuire: ac potissimum populo rogante, imò ne rogant qui idem: nec Roboami desipientis factum imitari, qui juniorum perniciosissima consulta secutus, non modò subditorum rogationibus non acquievit, verùm etiam crudeiorem se futurum propalam minatus est, quàm pater antea fuisset. Ex quo decem tribuum orta defectio est, ac novi Regis creatio. Illud autem in conversionibus imperiorum ferè accidit, ac potissimum si tyrannis in popularem statum abeat, ut omnia vestigalia ac tributa tollantur. Quod lege Valeria factum diximus: quam immunitatem Helvetij ac Lindavij pulsa nobilitate promulgarunt; deinde suis quemque stipendijs militare oportet; postea tributum ijs indicere qui à militia immunitatem quærunt.

Sed hoc ceteri quidem populi à nobis differunt; quod illi tributa nobilitati ac locupletibus imperant, tenues proletarios excusant. Nostri verò moribus aratores ac tenues tributorum pondere premuntur; nobiles ac locupletissimi quique à tributis aut immunes sunt; aut immunitatem honorum specie adipiscuntur. Neque id tantum, sed locupletiores quasque urbes à munerum vacatione excusant, ut aratores, pecuarios & opifices tributis onerent. Sic enim Athenienses adversus socios se gesserunt; & cum ex foedere sexaginta talenta socijs omnibus ex æquo indicta fuissent, Athenienses autis vestigalibus ac tributis mille ac ducenta auri talenta socijs quasi summo jure maiestatis imperaverunt. Et quidem Themistocles dux Atheniensium cum ab Andrijs socijs tributum exigeret, deos potentissimos Vim & Amorem se afferre testatus, ab Andrijs responsum tulit, duobus his potentiores se habere deos, Inopiam inquam & Necessitatem. Babylonis civitas omnium quæ usquam terrarum fuerunt maxima, & opum omnis generis abundantissima, à tributis & vestigalibus immunitatem sibi pepererat. Ut nunc optima quæque oppi-

Ærarium
Athenien-
sium,

Id est,
720000 co-
ronati.

Plutarchus.

Plutarch.
in Themis-
to.

Herodot.
in Euterpe.

Oppida, & locupletissimus civis quisque, assentientibus Principibus immunis est, ne potentes ac beati cives vectigalium legibus intercedant.

Sed quemadmodum valentissima quæque corporis humani membra putres ac defluentes humores ad imbecilliora rejiciunt, & cum eo pervenerint, apostema aut exanthema ingenti cum totius corporis dolore erumpere necesse est: idem nobis contigisse videmus. Ut, cum sacer ac patricius ordo fortunis & opibus locuples, miseros aratores & opifices omnium tributorum genere urgeri & opprimi pateretur, quousque plebs oneribus assiduus gravata succumberet: tunc in urbes antea semper immunes, atque in nobilium & sacrum ordinem onus rejici oportuit: ac sacerdotes quidem decimas pendere, nobiles vero suis stipendiis militare, & in modum equi Asopici, qui partem oneris ferre cum recusaret asinio, succumbente ac pereunte illo onus integrum perferre coactus est.

Quod non ita pridem Dani experti sunt; apud quos sacer ac patricius ordo tributorum maximam partem ærario inferre necesse habuerunt. Semper quidem Britannia nobilitas æquæ ac ordo sacer, tributa pro cuiusque opibus ac fortunis, Græcorum ac Romanorum, imò populorum omnium moribus & institutis, pendere consuevit.

Excipio nostros homines, id est, Gallos; apud quos *nihil* est, ut rectissime Cæsar *b* scripsit, *plebe contemptis*. Superius, diximus in Septimania & Provincia vectigales agros ab oneribus non eximi; siue à Sacerdotibus, siue à patricijs possideantur. At ne feuda quidem eximenda fuerunt, nisi possessores militare, aut militibus stipendia solvere cogantur. Quid enim absurdius, quàm apud nos tria genera hominum, sacerdotes inquam nobiles ac magistratus ferè omnes omnia tributa in miseros opifices & aratores rejicere?

Sunt igitur ea vectigalia, si modò necessaria, probanda,

^a Lucas Penna in l. ult. de sum. dia limitto C. l. indistinctio. de an. nonis C. l. de indistinctio. C. l. recripto. §. ult. de mun. l. 1. de mun. C. l. 6. Com. mentar.

quæ in omnes ordines pro singulorum facultatibus exæquatur ut salarium ac vinarium vectigal, & quæ sunt generis ejusdem. Earum verò rerum quæ minutim veneunt vectigalia prohiberi oportet, ne manicipes plebem ad seditiones incendere possint, ut Carolo V ac VI Regibus sæpissimè contingit. Itaque necesse fuit auxiliare vectigal illud, seu vicesimam rerum venalium, quæ nobis primum indicta fuit pro libertate Joannis Regis, ad certam summam redigi, quam *aquipollentem* appellant: ut in Septimania, & salarium vectigal in Arvernia. Ob eam quoque rem manubias rerum venalium plerisque in civitatibus sublatas videmus, propter seditiosas agrestium ac plebeciorum hominum querelas. Ac tamen si manubiæ hostibus accepto feruntur, sæpissimè tamen pro manipulo accipiuntur, quam nostri *lavellum*, Itali *Gabellam* vocant.

Gellius l.
13. cap. 23.
Erymon
vocis Gabella.

Quod si quis est qui scire de me velit, quoddam genus vectigalium immortalis Deo gratissimum, civitatibus pulcherrimum, Principibus honestissimum, plebi utilissimum videatur; illud est, quod ijs rebus imponitur quæ ad corrumpendos civium mores, quæ ad delicias, quæ ad luxum, quæ ad libidinem spectant; aurea inquam & argentea supellex, odores, pigmenta, innumerabilia vestium ornamenta, colores pretiosissimi, gemmæ, margaritæ, cupediæ, cæteraque generis ejusdem; quæ prohibenda non sunt, nec si velis possis. Ut Platoni visum est capite quingentesimo quinto legum suarum. Cum ea sit hominibus insita vis ac natura, ut nihil avidius expetant, quam quæ sanctissimè vetantur. Quamobrem Principes qui Aquilonijs regionibus imperant, nullum vectigal majus habent quam ex vino; quo subditi ut carere possint nolint tamen, sed assidue locis omnibus sese ingurgitabunt semper. Consimili prudentia Cato Censor, ut civitatem luxu perituram quàm diutissimè posset ab interitu retardaret, ornamenta omnia, vestem muliebrem, ac vehicula quæ pluris quam XV millium

Vilissima
omnium
vectigalia.

Millium æris essent, in censum referre viatores iussit, item
mancipia minora annis xx, quæ post proximum lustrum mi-
noris quàm decem millibus æris, aut eo pluris veniissent, uti
ea quoque decem tanto pluris æstimarentur quàm quanti es-
sent, & his omnibus terni in millia æris attribuerentur.

Meliùs etià Augustus, qui ut effusas utriusque sexus li-
bidades coerceret, leges ^a de maritandis ordinibus tulit: qui-
bus eos qui post annum quintum & vicesimum uxorem non
duxissent, aut duxissent quidem sed liberos non procreassent,
hæreditatum quas crevissent, & legatorum quæ sibi relicta es-
sent, partem caducam in fiscum interre cogebat: eos verò qui
liberos plures cæteris haberent, ab oneribus quibusdam im-
munes, & in honoribus capeffendis dignitate superiores esse
iussit. Quibus legibus Augustus summam sapientissimi Prin-
cîpis laudem affectus mihi videtur, tum quod vagos concu-
bitus & impuras libidines incredibiliter represit; tum etià,
quod, spurijis quantum quidem licuit de Republica sublatis,
justos liberos, justas uxores, sine ulla iudiciorum aut pœna-
rum acerbitate quærere quemque coëgit. Etenim cum ni-
hil de præsentibus bonis cujusquam detraheretur, sed earum
tantum hæreditatum quæ ferè ab amicis inopinato proveni-
rent decima pars delibaretur, ærarium pecunijs, rem publicam
civibus, cives virtutibus, abundanter cumulavit.

Quas leges caducarias, Juliam inquam Papiam Poppæ-
am, Constantinus ^b primum, deinde Justinianus Imperator
pernitiosissimo exemplo ^c aut sustulerunt, aut maxima ex par-
te ijs derogarunt: cum tamen Papius ac Poppæus Consules
legi Julæ varia capita, pœnasque orbis graviore, ac præmia
prolem numerosam habentibus majora quàm lege Julia irro-
garentur, incredibili legis Julæ utilitate explorata, decrevis-
sent. ^d Deterius etià, quod ab Honorio & Theodosio Impe-
ratoribus *jura liberorum omnibus tributa sunt*, e vel ut verius

^a Gellius l.
2. c. 19. G. is
qui hæret.
de vulgari.
Tertull. in
lib. de mo-
nogram. VI.
pian. ti. 24.
l. 1. unde
vir. l. 44. de
ritu nupt.
Dio lib. 56.

^b l. 1. de ju-
s. maritandis
pœnis con-
libatus G.
c. l. unica
de caduca
tollendis G.
^c Dio l. 56.
Nicephor.
l. 7 Sozo-
menus l. 1.
c. 9. Tact.
l. 3. Vlpian.
in Instit. c.
20. Tran-
quill. in
Augusto
Jurisc. in
tit. de ritu
nupt.
^d l. 1. de iu-
re tutum
liberorum
ac
C.

ac melius loquamur, *omnibus crepta*. Ex quo tùm adulteriorum Venerisque nefandæ turpissima foedissimaq; flagitia, tùm etiam civium sterilitas consecuta est: ut immanis illa Gothorum ac barbarissimorum hominum colluvies provincias Imperij Romani propè desertas occupârit.

Hæc igitur tributorum ac vectigalium genera, quæ ad coërcenda scelera imperantur, omnibus non modò justissima debent verum etiam utilisissima videri. Antea quidem Caroli IX Regis nostri edicto vectigal judicarium imperatum erat, ad cohibendam litigatorum hominum indomitam atque effrenatam licentiam: sed judicium ac magistratum, quibus tantundem de quæstu litium detrahebatur, assiduis querelis sublatum est. Vix ullum tamen afflictis ærarij opibus utilis, & huic imperio litium innumerabili multitudine oppresso spendidius cogitari poterat. Vix enim in omnibus Europæ regionibus & imperijs tot lites quàm in hoc uno imperio concreverunt. Quæ potissimum Caroli VI regis temporibus accumulari cœperunt. Is enim inveteratum morem, quo qui judicio superior fuisset nullas expensas ferebat, edicto perpetuo abrogavit. Id autem à majoribus nostris institutum fuisse opinor, ut subditi quodammodo ab insita litigandi cupiditate revocarentur. Ac tamen si Romani in libera republica difficillimè vectigalia ac tributa imperari sibi paterentur, vectigalia tamen judicaria patienter tulerunt: & quidem infinitis partibus graviora, quàm quæ Caroli IX edicto imperabantur. Quo quidem duos ad summum coronatos publicè deponere cogebatur is qui alteri litem intenderat: eodem ab eo quem judicio superasset, recuperaturus; aut suæ temeritatis si vinceretur justam pœnam laturus. At Romani decimam partem ejus rei quæ in controversiam veniret, in privatis; aut quintam in publicis judicijs imperabant: ut quidem Festus Pompeius scribit. Quamquam M. Varro a quingen-

Vectigal
judicari-
um.

In libris
de lingua
Latina,

ros

tos asses ab utroque reo (quæ poena eadem prope Caroli nostri edicto comprehensa est) ea lege depositos scribit, ut qui superior fuisset, suum recuperaret. At fieri potuit ut post Varronem aucta sit poena. Hoc item amplius, quod sponsiones fieri solebant, quas qui iudicio vicisset præter rei judicatæ utilitatem laturus erat, *a* nisi adversarius ante iudicium acquivisset: ut modis omnibus lites à stirpe amputarent. Certè quidem Hebræi *b* in Pandectis litigiosum hominum genus gravius quàm Latini puniebant: quia duplum rependere cogebatur qui debitum scienter denegaret. Turpiter tamen Caligula, qui quadragesimam rerum earum quæ iudicio peterentur, extorsit, sive iusta sive iniusta fuisset petendi causa.

a Valer. Max.

b Rabi Maymon, lib. 3. more Hæbreorum.

Rerum autem venalium, quæ ad luxum, quæ ad libidinem, quæ ad pompam comparantur, semper utilissima sunt & honestissima vectigalia. Sed cum Francisci I Regis edicto merces ac species vili pretio, tum verò ea genera quæ ad corruptelam civium invehuntur, multò vilius quàm decuit, æstimantur. Nam Succini sive Ambari pondo, species omnium quæ edicto continentur pretiosissima, paulò minus tribus sestertijs censetur: *c* at sestertia decem *d* pendere oportuit ut vectigal maius in fiscum cogeretur. Rerum verò civibus utilium aut nulla aut levissima pretia esse debuerunt; ut vectigal facilius dissolveretur, & peregrini mercatores ad eas res maiore copia advehendas allicerentur. Etenim Romanis legibus vectigalia nulli indicta sunt earum rerum, quæ ad vitam commodius honestiusque degendam asportantur: sed tantum aromaticum, quas nostri, Iatinos secuti, species appellant, quæ ab Vlpiano *e* numerantur; & pellium aut capillorum Indicorum, sucorum, ferarum, eunuchorum, sericearum vestium, & id genus aliarum mercium inanum: pecoribus autem, aut jumentis aut rebus ad victum & cultum necessarijs, nullum vectigal imposuerunt.

c Id est, 120 libellis Tunc censetur sestertia 120 ll. 800 assibus æstimantur.

d l. 437. 437 10. asses.

e In 1 interdu 5. species de publicanis.

a Dionys.
 Halicar.
 § l. 1. de ca-
 pitatione
 civium cen-
 sib. D. l. 1.
 de colonis
 fugit.
 § l. 1. de im-
 ponenda
 Jucitini, in
 C. Theod.
 l. 9. de acti-
 onem. C.
 Novel. 17.

Capitationem quoque à tyrannis inventam sustulerat Servi-
 us Rex Romanorum; sed Tarquinius Superbus renovavit *a*, &
 pro capite cujusque decem denarios exegit: Constantinus *b*
 omnino sustulit. Est autem tributum quod pater quisque fa-
 milias pro singulis capitibus, etiam si nihil in bonis habeant,
 fisco dependere cogitur, nobis inusitata. Fuit etiam capitatio
 annonaria *c* possessoribus agrorum pro jugerum & capitum
 quibus coluntur & arantur numero indicta.

Qui verò sua industria sibi opes ac pecuniarum vim ma-
 ximam coëgerunt, à tributis immunes esse non oportet: dum
 adversus tenues id fiat modicè, vel etiam intra modum, ne bo-
 nis artibus ac industria bellum indici videatur. Potissimum
 verò cum aratoribus qui alienos agros colere non suos con-
 sueverunt, mitius agi debet.

Nec audiendi sunt impostores, qui omnia studia, curam,
 sollicitudinem in imponendis excogitandisque tributis ac ve-
 stigalibus conferunt, & ad ea Principes exacuere modis omni-
 bus conantur. Ut quadruplator ille quem honoris causa præ-
 tereo, qui annis superioribus cum Blœsis Galliæ conventus
 haberentur, professus est, amplius septies *d* millies sesterti-
 um, sublati cœteris omnibus tributis ac vestigalibus, facilli-
 mè ac sine cujusquam incommodo in ararium cogi posse.
 Rex hominem in comitium ad nos misit, ut illud cœleste ac
 Dei munere concessum beneficium explicaret. Ac tametsi
 nostræ legationis socios & comites acutissimos haberemus,
 plerosque tamen homo improbus erroris opinione decepe-
 rat, nisi lucum aperuissimus. Posuit enim, Galliam univer-
 sam sexcentis *e* miliaribus patere à Bononia Belgarum Massi-
 liam usque: & eodem intervallo à monte *f* Iura usque ad Lu-
 zum oppidum Pyrenæorum; ac propterea geometrica ratio-
 ne superficiem Galliæ cxx millibus *g* miliariorum, vel, quod
 idem est, quadraginta leucarum millibus, si Orontij definitio-

§ l. 1. de li-
 bellarum
 Turonens.
 summam
 30625000.

§ l. 1. de du-
 centis leu-
 cis Gallicis
 § Mons fan-
 ti Bernar-
 di.
 § l. 1. de
 leucarum
 4000.

nem sequamur. Is enim leucam Gallicam tria & miliaria complecti scribit; tametsi Parisientes in actis publicis leucam duobus miliaribus definiunt. Leucam verò decem millia jugerum completi putabat. & Quæ summa conficit decies centena millia jugerum: ex qua dimidium, propter aquarum viarum & agrorum deserta & inculta loca, detrahebat: reliquum vectigale faciebat, ea lege ut in singulos actus, id est, in bina jugera, solidus Gallicus exigeretur: quæ summa ferè conficit millies ac ducenties LLS vel, ut loquimur, quinque miliones libellarum Turonensium. Idem sibi fingebat oppidorum & pagorum sexcenta millia, quibus bis millies centena millia familiarum contineri putabat: & singulis patribus familiarum solidos quinque imperari volebat, ut millies ac ducenties LLS, vel planius, quinque miliones libellarum Turonensium cogerentur. Præterea mercaturam Gallicam ferè quater millies æstimabat in annos singulos: ex quibus singulos solidos in singula millia exprimi cupiebat. Postremò singulis urbibus ac pagis universitatis nomine solidos nummos undecim imperabat: quæ omnia ferè ter millies efficiunt. At ipse septies millies non aliter conficere poterat quam conjunctis decimis, antiquis portorijs, vectigalibus ac tributis; contra quam initio propositum fuerat. Sed præterea tam multa peccabat, ut quid maximè non facile dici posset. Galliam enim quadratam efficiebat, cum sit figura rhombo similis, minor quadrato. Deinde dimidiam agrorum cultorum partem exæquavit desertis agris; cum tamen peræquatoribus nostris exploratum sit, deserta & inculta loca, si aquas & vias adjungamus, duos Galliarum trientes auferre. Deinde præter decimas, quæ ab Ordine sacro in ærarium inferuntur, vectigales etiam agros ejus Ordinis efficiebat. Illud verò temerè & impudenter, quod sexcenta millia oppidorum ac pagorum in Gallia constituebat; cum ex rationibus publicis, Maximinus

In reman-
dis Casti-
letis.

Id est, decem mil-
liones
1000000.

Id est,
1500000
libellarum

Præses numerum parœciarum & curionum expressum ad conventus attulisset : quod minus erat xxviii millibus , si pagos urbibus æquare voles. Id Henrico II Rege planè intellectum est : cùm anno MDLXIII tributum xxxi libellæ Turonensis in singulas parœcias indixisset , numerus parœciarum existit xxiiii MDCCCXXVII, præter Burgundiones ac Pictones.

Hieronymus Lascus Polonus , Palatini Siradensis pater, ærarij opes hac ratione muniendas sibi putavit ; si tres *pietatis montes* (sic enim appellabat triplex vectigal à se excogitatum) instituerentur : primo vectigalis genere dimidiam fructuum partem semel tantum ; secundò vigesimam ; tertio octavam rerum venalium in perpetuum exigi volebat. Sed illum nemini, ac ne sibi ipsi quidem persuasisse opinor. Quid enim perniciosius ? quid ad inflammandos ad seditionem plebis animos accommodatius , quàm tot simul ac tanta vectigalia , potissimum liberis & bellicosissimis ac ferocissimis gentibus imperari ? At sanctissimum nomen flagitioso commento imposuit, pietatis specie quæsitæ

Montes pietatis Italorum.

Itali quidem *montes pietatis* ubique ferè ad tenuium egestatem & ad inopiam sublevandam instituerunt ; potissimum verò in civitatibus Lucensium Senensium ac Florentinorum ; his scilicet legibus , ut cui filia nascitur , in ærarium pietatis pecuniam dotalem quam volet eodem inferat momento, nec repetere possit ; sed cùm puella annum xviii attigerit, decuplam pecuniam maritus puellæ dotis nomine ab ærarij Quæstoribus accipiat ; si centum aureos intulerit, mille ab ærario laturus, sin puella prius moriatur quàm nubere potuerit, (quod ei non licet ante xviii annum) illata pecunia ærario cedit ; nisi patri altera agnata sit, quæ prioris jure fruatur. Alterum pietatis ærarium est, unde tenuibus pecuniâ detur decem ad summum aureorum, ea lege ut trientibus usuris, & quæ omnium levissimæ judicantur, & pignoribus ærario caveant se creditam

Id est quinque pro centis.

ram pecuniam statò die reddituros; si solvendo non fuerint, pignus publicè venditur; quod soluta pecunia reliquum est, debitori restituitur. Ita cavetur, ne tenues gravioribus usuris urgeantur, aut supelle&ilis districtionem alienissimo tempore ac loco patiantur.

Meliùs tamen Antoninus Pius Imperator & privatorum inopiæ & ærario civitatis cavit, cum pecuniæ publicæ maximam partem sub trientibus usuris daret ijs, qui prædibus ac prædijs Reipublicæ caverent, se & sortem & usuras, cum peterentur, reddituros. Cujus exemplo Alexander Severus ærarium dirutum restituit. Augustus *a* tamen referto pecunijs ærario, partem sine usuris dabat ijs qui prædibus ac prædijs caverent, se duplum reddituros, nisi statò die petitam pecuniam in ærarium inferrent. Ista quidem ratione pecunia publica nec erat otiosa, nec Principum largitionibus effusa, nec rapinis exhausta, sed ad singulos & ad universos summa utilitas redundabat.

Hic mihi occurreret aliquis; tamen si Augustus pecuniam publicam minimè scœneretur, pœnam tamen dupli, nisi statò die solveretur, quovis scœnore fuisse graviolem, ac propterea legibus improbatam. *b* Ego verò pœnam illam tum improbari legibus video, cum in fraudem & ultra usurarum legitimarum modum quid stipulamur: *c* sed qui pecuniam publicam accipit, nec statò die reddit, peculatum admittit: est igitur peculatus pœna non usurarum. Prudentius tamen Principes illi, Antoninus inquam & Alexander, qui & Reipublicæ necessitati & privatorum utilitatibus inserviebant.

Qui verò pecuniam sub usuris Reipublicæ nomine accipiunt, nã illi ærarij ac civitatis everfionem moliantur. Venetos qui cœteris frugaliore videntur, ut ærarium augerent, pecuniam à privatis sub trientibus usuris accepisse video sine ulla spe recuperandæ sortis; quod jure communi licebat,

Antonini
Pii laudabile
institutum.
Spartianus.

a Tranquillus in
Augusto.

b l. pecuniæ scœnebris. de usuris Iulianus §. l. idem Pomponius de actio. em. & l. pecuniæ

Ærarii publici ac civitatum evergo.

Id est,
quatuor-
decim pro-
centum

& ubique ferè in Italia licet, aut sub usuris centesima gravioribus, scilicet sextante a quamdiu vixerit qui dedit: eo tamen moriente, fors ærario cedit. Sed pauci sunt qui ea conditione civitatibus foenerari velint. At Collegium Georgianum apud Genuenses quas trientibus aut ad summum semisibus usuris pecunias accipit, easdem Principibus ac mercatoribus gravissimis usuris foeneratur. Vnde tanta vis pecuniarum coacta est, ut insulam Corsicam ac prædia publica omnino redempta sint. Privati quincunces usuras sine ullo periculo sortis Georgiano Collegio credere malunt, quàm à privatis, qui sæpissimè foro cedunt, vel fortunarum jacturam patiuntur, usuram accipere graviores; nam Collegium illud bona fide usuras sua quaque die sine mora dissolvit. Venetos verò non eadem fide usuras privatis debitas solvisse videmus; sed vetustate sensim usuras in sortem imputasse, qui olim bestes stipulati fuerant.

anno
1640.

At Reges nostros rarissimè accepisse, ratiùs etiam dedisse foenori pecunias legimus. Primus opinor, Cardinalis Turtonius Italarum ope consiliove Francisco I Regi persuasit, ut pecunias moderato foenore acciperet, ac Lugduni statis nundinarum temporibus usuras solveret; ita futurum ut Italarum ac Germanorum opes brevi cogeret, hostibus eriperet. Hoc etiam agebatur, ut Cardinalis aureorum centum millia tutissimè foenori daret, ac sortem quoties vellet repeteret, cœteri non item. Accurrunt Itali ac Germani mercatores, Gallorum etiam quamplurimi; ita paucos post annos quàm mortuus est Franciscus, fors D. aureorum millia superabat: quæ ex ærario pecunijs refertissimo dissolvere potuisset; noluit tamen, etsi nec pecunijs Respublica egeret, & cum omnibus Principibus aut foedus aut pacem inivisset. Secura est calamitosissima dominatio Henrici filij, qui brevi exhausto patris ærario usuras centesimas, post etiam sesquicentesimas

mas tandem ducentissimas pactus est. Cum verò pecunia
 fœnori solvendo non sufficeret, usurarum usuras creditori-
 bus promisit. Carolus V Imperator Henrici exemplo, tunc
 primum bellis urgentibus, sub fœnore centesimo pecunias
 accepit. Antea quoque Henricus VIII Rex Anglorum à Ger-
 manis mercatoribus maritimarum civitatum centum aureo-
 rum millia acceperat sub usuris centesimis. Ut opes ac pe-
 cunias usurarum illecebris ad se quisque pertraheret.

At Henricus II Rex Francorum opinionis errore decep-
 tus est: cum enim graviores cœteris usuras creditoribus solve-
 ret, majorem vim pecuniarum se coacturum sperabat. Sed
 prudentissimus quisque futurum prospiciebat, ut, cum brevi
 pecunia Regem tam gravi fœnore obaratum post etiam fides
 defecisset; creditores unà cum usuris sortem amitterent. Ca-
 rolus verò Imperator creditoribus satis se facturum judica-
 bat, cum civitates quasi prædes creditoribus daret. Mor-
 tuo Henrico Rege, creditores querelis omnia compleverunt:
 ac plerique non de usuris, sed de sorte recuperanda labora-
 runt; cum alius sortis semissem, alius trientem emtoribus
 suo periculo cedere cogeretur. Nec solum Germani, Helve-
 tij, Itali, Franci, verum etiam Turcarum nonnulli, pecunias
 mercatorum nomine Regi credidissent. Etenim Rostanus
 Bassa quo minus Turcarum auxiliares copiæ Regi Henrico
 II mitterentur, cum in Italia Guisio dūce bellum renovatum
 esset, intercessit; tametsi Vinea legatus aureorum decem mil-
 lia Regis Henrici nomine numerasset, quoniam quatuor mil-
 lia fœnoris ac sortem sibi deberi querebatur.

Hac enim lege fœnerantur, ut sortem cum usuris repe-
 tere liceat; ut etiam Itali publicani, qui, quod fœnora in Gal-
 lia prohiberi vident, versutissimè hac fraude debitores circum-
 veniunt. Mutuam enim dant pecuniam acceptis prædijs
 ac prædijs, ac usuras interdum centesimas, sæpè graviores sti-
 pulantur;

pulantur; nihil amen fœnoris nomine scripto continetur. Stato die sine testibus & apocha fœnus accipiunt: quod quidem nisi solutum sit, sortem distracta supellectile debitorum sibi reddi per viatorem cogunt, aut etiam carceribus debitores includunt.

Qua fraude fœneratores Italos in annalibus nostris antea quoque usos esse legimus: Ac propterea divo Ludovico *a* rege primum, deinde Philippo *b* Bello Ludovici nepote, hujus imperij finibus bonis publicatis exactos; debitores fœnore liberatos sortis reliquias in fiscum intulisse. Sed non ita coërceri potuit illa fœneratorum pestis, quin Philippo *c* Vallesio rege rursus de ijs quæreretur. Qua quidem quæstione decreta intellectum est, quinquagies sextertium *d* ab Italis publicanis advectum, paucis annis quinquies millies *e* fœnoris peperisse. Ac tamen ex hoc regno exterminati sæpè fuerint, nusquam tamen ullis temporibus exstitit copia major; nec quamdiu Principes fœnori accipient defuturi sunt.

Sed cum inopia ærarij fœneratores terruisset, Reges nostri pecunias à civitatibus ferè singulis mutuas acceperunt; civitates à privatis, quibus usuras besles ex vectigalibus ac tributis quoad sortem reciperent, promitti necesse fuit: quibus tamen satisfieri non potest. Hæc quidem tolerabilia viderentur, si, quod Regibus persuasum erat, civitates obsequio ac fide majore acceptis mutuo pecuniis devincire potuissent: sed nullis temporibus graviores in Gallia tumultus aut plures civitatum defectiones exstiterunt. Ærarij verò tanta fuit inopia, ut Henricus moriens plura deberet, quàm sui majores annis quadraginta à subditis exegissent. Idque æs alienum annis xii quibus imperavit, ferè totum usuris contractum est: præterquam quod quatercenties quadragies quinquies *f* LLS, mutui nomine sine usuris debuit: fors verò pecuniarum quarum nomine usuræ debebantur, fuit ter millies

qua.

a an. 1154.
b an. 1300.

c an. 1347.

d Id est:
138750 lib.
bellarum
e Id est:
21870000.
libellarum

f Id est,
214610 lib.
Turouenf.

quatercenties & undecies LLS, usurarum verò quarum dies
 venerat anno MDLX, Francisco II Rege, summa fuit centies
 septuagies sexies LLS *a* præterea quæ Duci Ferrariensi, quæ *a* Id est,
 que contractis Principum nuptijs Henrico moriente debe- 775979 ll.
 bantur; cujus pecuniæ summa fuit paulo *b* minus bis millies *b* Summa
 LLS. Cætera debita ferè quater centies sexagies *c* LLS æ fuit
 quant, quæ omnia debita simul coacta ferè decies millies ef- 8914592 ll.
 ficiunt. *d* Quæ summa etiam decimarum vectigalium ac præ *c* Summa
 diorum publicorum jura civitatibus & corporibus oppignora- fuit
 ta complectitur. 1564737 ll.
d Summa
 fuit

Quamquam Carolus V Imperator ejusque filius Philip- 4118537 ll.
 pus debita multò graviora usurarum vitio contraxerunt. Nam Turonen-
 ex rationibus publicis Hispanorum, anno MDLXVI ferè *e* un- *e* Summa
 decies millies privatis debitum fuisse accepimus; eoque no- fuisse dici-
 mine prædia publica vectigaliaque Neapoleos ac Mediola- tur Hispani-
 nensis agri, jampridem à Genuensium mercatoribus oppigno- nicorum |
 rata teneri. auctoritatem
 15432000

Sed risu digna res est, quod non modò Genuensibus, ve-
 rum etiam ipsi Philippo Hispaniarum Regi ob id sacris inter-
 dictum fuerit: quod hic quidem acciperet, illi verò darent fœ-
 nori pecuniam: & quæstio Romæ habita de Genuensium fœ-
 neratoribus, qua quidem compertum est plerosque ducente-
 simum ac trecentessimum fœnus à Philippo accepisse. Nec
 inanis fuit illa quæstio & interdictio; cum inde Philippus oc-
 casione acceptâ ne fidem fallere videretur, creditores decem
 annorum usura fraudarit.

Eadem interdictio Regibus nostris peropportuna fuisset ad
 publicanos & mancipēs Italos, qui omnia vectigalia, porto-
 ria, prædia publica, salinas mercede conducunt, contra mo-
 rem majorum contraque leges, hujus imperij finibus arcen-
 dos. Nec mirum si tot ac tantas ærarij opes hinc in Italiam ex-
 portant impunè, cum in auctionibus præferantur subditis et-

iam carius conducentibus. Sed illud magis intolerandum, quod non ita pridem omnibus spectantibus una diminutione mercedis, aureorum viginti millia, cum sempiterna Gallorum contumelia, ex portorio Lugdunensi lucrificerunt, ac magistratibus quaestiones peculatus ademerunt, ut à Principe judicarentur ac impunè prædari liceret.

Harum omnium calamitatum origo est à Francisco Rege petita, qui cum opibus ac pecunijs parva pace abundaret, scœnori accipere non dubitavit. Quo nihil in rempublicam perniciosius cogitari potuit: quoniam alterutrum necesse est, aut ærarium diruere ac publicas opes evertere, si usuræ dissolvantur; aut turpiter fidem fallere, ac privatorum bona diripere. Etenim Principum inopiam ac egestatem sequuntur rapinæ, sectiones, proscriptiones, ac innocentium hominum crudelissimæ strages.

Tum enim Principi commodum erit ac necessarium mutuum à socijs & à subditis pecuniam sub usuris accipere, cum defectiones à se & potentium conjurationes prospicit: nam extremis periculis extrema remedia quaeruntur. Ut Eumene fecisse legimus, qui à conjuratis & ab ijs quos à se defectores intellexerat, pecunias sub gravissimis usuris accepit. Nec aliter Agrippa Rex Judæorum regnum unde expulsus erat recuperaturus videbatur, nisi nomina fecisset ac debita gravissima contraxisset. Creditores enim, ut in regnum restitueretur, omni studio ac sollicitudine curaverunt. Quod item accidit Eduardo IV Regi Anglorum cum de regno dejectus fuisset. Illud tamen consilium inutile futurum est, si creditoribus cautum sit prædibus vel prædijs.

PARS SECUNDA

Quibus igitur rationibus ærarij publici opes curari debent, satis opinor expositum videtur: quod primum hujus disputationis caput erat.

SECUNDUM est, ut civitas coactis opibus pro salute proque dignitate publicâ utatur. Quo de genere cùm de præmijs disseruimus multa dixisse videmur. Cœtera quæ sunt intermissa persequamur.

Majores nostri in rationibus distrahendis *primum* caput expensarum erogationibus à Rege factis in tenues & egentes tribuere solebant; *secundum* regiæ domui; *tertium* sartis testis. Nunc verò conversa ratio est. Certè quidem religionis ac sapientiæ Principes illi veteres Hebræi hanc disciplinam à sanctissimis Prophetis acceptam posteritati tradiderunt, cùm dicerent divitiarum munimentum omnium firmissimum ac maximum esse eleemosynam ac benignitatem adversus egentes, ejus autem benignitatis ac largitionis modum decimâ parte bonorum definierunt. Ac mihi quidem res humanas propius intuenti, nullæ familiæ, nulli Principes, nulla imperia opibus ac victorijs ita floruisse videntur, quàm quæ maximam egentium ac tenuium curam habuerunt.

In libro
פדקי
אבות

Atque in eo quidem Regum nostrorum præ cœteris, quantum quidem colligere potui, benignitas in egentes clarissima semper exstitit; maximè tamen Roberti Regis Capeti filij, à quo cœteri deinceps caritatis exempla didicerunt. Is enim mille pauperes humanissimè semper fovit; eisque jumenta præbuit, ut se quocunque iret consequerentur, ac pro se vota facerent. Ac tametsi novi Regis filius Regnum maximum adeptus esset, nemo tamen diutius aut felicitate aut tranquillitate majore quàm hic imperavit. Illud autem de Regibus nostris prædicare possumus, cœteros omnes omnium gentium Reges ac Principes imperandi facilitate, diuturnitate, ac securitate superasse. Quod cum bona venia dictum sit eorum qui non modo Christianorum, verumetiam Turcarum, Persarum, Tartarorum, Æthiopum, Indorum imperia tenent. Quem enim ex illis omnibus cum divo Ludovico Rege con-

feremus?

feremus? Is enim 28 rerum divinarum & humanarum collegia suis opibus fundavit; tametsi 120 pauperes qui se consequebantur humanissimè & eodem victu quo seipsum quotidie sustentaret: at etiam diebus quadragesimæ numerum duplicabat. Itaque mirum videri non debet, si annos 44 summa cum sui nominis gloria imperârît; & ita imperarit, ut hostibus quidem formidolosus, carus amicis, Deus subditis, sanctus omnibus haberetur. Hoc amplius, quod in summa felicitatis parte Reges ponere consueverunt, omitti non debet: quod quinque filios quatuor filias se moriente spirantes, ac Regnum armis ac legibus florentissimum reliquit; extremâ verò cohortatione filium regni successorem studiosissimè admonuit, ut Deum inprimis veneraretur, deinde egentes ac tennes quàm maximâ posset benignitate cumlaret.

Nec omittendus est Jacobus V Rex Scotorum, is qui Rex egentium usurpatur; qui cum omnes sui temporis Principes benignitate vinceret, majores tamen suos opum magnitudine longè superavit.

Illustres verò familias, imperia, civitates cum Principibus in exitium ruere, aut gravissimis calamitatibus & egestate confictari videmus, quæ tenuium bona diripuerunt, aut quasi prædam militibus ac latrocinij publicanorum objecerunt. Etenim Henricus II Rex Francorum nostrâ ætate tributum temerarium imperarat, quod vulgus *salionum* appellavit; testatus se id militum stipendio daturum, ne cum cœteris vectigalibus conturbaretur, ut plebs ab injurijs ac direptionibus militum tuta esset. Ut antea tributum quod alendis X legionibus indictum erat, civitatibus quò ab incursionibus ac direptionibus militum tutæ sint. Quod tamen tributum agricolis etiam communicatum est. Ex quo secuta est crudelissima expilatio agricolarum. Qui tametsi indignissimè à militibus diriperentur, nihilominus tamen novis tributis ac

vectigal.

vestigalium innumerabilium multitudine quotidie præpararentur; cum tot ac tantis calamitatibus præclare secum agerent, si alimenta militibus Quæstorum ac præfectorum annonæ militaris levissimo pretio pararent; ut aliquot annos factum vidimus.

Quid igitur sperandum est ab ijs civitatibus, in quibus cum tanta impunitate ac licentia milites latrocinantur, & in cives gravius quàm in hostes grassantur? Latrociniorum verò culpam in Principes regerunt, quod sine stipendijs militare cogantur. Quamquam nec inviti militare coguntur, nec stipendia, si Rex velit, sibi dari cupiant, ut liberius prædari liceat. Vna igitur est tuendæ civitatis ac disciplinæ militaris (quam nullam habemus) restituendæ, tum etiam latrociniorum coercendorum ratio, si militibus certa stipendia dentur. *Neque enim disciplinam, inquit Cassiod. servare potest jejunus exercitus, dum quod decet semper presumat armatus.* Id autem fieri nequit, nisi summa ærarij cura habeatur. At scèpissimè videmus Principes à scènore vel mutuo bellum auspicari: quo nihil perniciosius fieri potest.

Vna militaris disciplinæ restituendæ ratio.

Placet igitur, ut *prima* Principis ejusque familiæ cura habeatur, *deinde* stipendiorum militarium; *postea* magistratuum, qui stipendiorum inopia scèdus interdum quàm milites latrocinantur; *tum* eorum quibus præmia re benè gesta debentur; *postremò* tenuium subditorum; non tantum propter eam, quæ nobis cum illis communis est humanitatis conjunctionem, verum etiam ne inopia subditorum Respublica perturbari possit, ut antea diximus.

His ita constitutis, facta recta curanda sunt, arces præfidijs firmissimis stabiliendæ, moenia instauranda, pontes erigendi, viæ sternendæ, portus muniendi, naves exstruendæ, templa exornanda, ædes publicæ reficiendæ, vetera ædificia, quæ ad utilitatem quæque ad splendorem civitatis pertinent,

Utilitates
operum
publico-
rum.

facienda, aut veteribus caducis nova sunt ædificanda. Nam præter eam, quæ necessario Principi prospicienda est, propugnaculorum & moenium curam, summa etiam ex operibus publicis ad universos & ad singulos utilitas manare consuevit: quia egestati simul & ignaviæ occurritur, inertia è civitate expellitur, opificia condiscuntur, tenues sublevantur, otiosi exercentur, urbes exornantur, morbi arcentur: denique invidiæ erga Principes, quæ sæpissimè subditos ad defectionem exauit, nullus nec seditioni locus relinquitur, cum quæ tributa subditis imperantur, parva pace non modò in universorum, sed etiam in singulorum utilitatem redundant. Quamobrem Alexander Severus Imperator pleraque portoria tributare civitatibus relinquere voluit, ut ea quæ modò dixi, melius commodiusque curarentur. Quod cum in omni Republica utile, tum maximè in Aristocratiâ necessarium est: propterea quod difficilius subditorum innumerabilis multitudo à paucis Principibus coerceri potest, nisi plebs operibus publicis ac opificijs intenta quæstum faciat.

Aristot.
in Politic.

Plutarch.
in Pericle.

in Olyn-
thiæ.

Hac etiam ratione prospicitur, ne populus frumenti ac pecuniarum largitioni consuescat. Ut in popularibus civitatibus quondam fieri solebat: ac potissimum Tarenti: *a* quæ res exitium attulit non tantum ærarij opibus, sed etiam civitati. Itaque probro Pericli datum est, quod primus populum Atheniensem, ut ejus gratiam promereretur, congiarijs assuefecerit. *b* Idem tamen cum in ea republica quodammodo regnare coepisset, publicas opes in opera publica effudit: nec solum urbem propugnaculis munitissimam, verumetiam ædificiorum magnificentiam superbam, & opificum ingeniosissimorum multitudine admirabilem reliquit. Nec prius tamen id ausus est, quam pacatam republicam & ærario pecunijs referto. Tunc enim centum millia talentorum Atticorum in ærario fuisse feruntur, si Demostheni credimus. Quæ pecunia

etnā cū immanis sit, non dubium est errorem irrepsisse, ac
centum talenta legi oportere : cū antea docuerimus, nun-
 quam Athenienses à socijs, cū vestigalia ac tributa gravissi-
 ma imperarent, plus quā duo talentorum millia extremis
 temporibus exegisse : Periclis verò atate vix mille talenta
 extorsisse. Et quoniam apud socios invidia, apud cives etiam
 malevolentia flagrabat, quod ærarij opes in templa, mœnia,
 portus profudisset, palā ausus est in concione populi dice-
 re, si populus ea improbaret, se pecunias operum publicorum
 in ærarium allaturum, ea lege, ut publicis operibus suum no-
 men incideretur, *a* suāque unius impensā facta fuisse poste-
 ritati testatum esset; populus conditionem respuit, & impen-
 sas accepto tulit; cū intelligeret eas opes ad universorum
 & singulorum decus & utilitatem effusas. Quod plerique
 mercatores in materia suppeditanda, vectores & navicularij
 in vehenda, opifices in polienda, ac in suo quisque genere u-
 berrimum quæstum faceret; operum verò splendor ac magni-
 ficentia incomparabilem seculis omnibus gloriam populo A-
 theniensi pepererunt.

a Plutarch.
 in Pericle.

Sed præter eas quas dixi utilitates, una est omnium ma-
 xima, quod scilicet duæ rerum omnium publicarum antiquis-
 simæ pestes, egestas inquam & inertia, de civitate depelle-
 rentur, Quo nihil in popularibus & optimatum imperijs
 commodius fieri potest : & in ijs potissimum regionibus, quib-
 us homines ob ingeniorum præstantiam difficilius à rebus
 novandis prohiberi possunt. Quales fuisse diximus Athenien-
 ses : quales item Ægyptios, qui suorum inertiam capitalibus
 pœnis coercerant. *b* Hinc illæ pyramides quæ à Regibus
 Ægyptiorum ne plebs otio & ignavia langueret, constructæ se-
 runtur.

b Plutarch.
 in Solone
 Herodot.
 Cæsar lib. 3.
 de bello
 civili.

Et quidem Augustus parva pace, ut populum in officio
 contineret, locupletissimos quosque ad ædium construenda-

rum

nam æmulationem invitabat, eosque opibus ac honoribus cumulabat, qui Urbem ædificiorum magnificentia exornarent. Ipse sacras ædes vetustate collapsas, aut incendio absumtas refecit, & in sacellum Jovis Capitolini xvi millia pondo auri contulit: ac merito gloriabatur, se Urbem quam lateritiam acceperat marmoream reliquisse. Quid Claudius Imperator? nulla re posteritati magis quam operum publicorum incredibili magnificentia commendatus est. Fucini lacus, per tria passuum millia partim effossis partim excisis montibus, canalem absolvit post undecim annos, continuis xxx hominum millibus sine ulla intermissione, inquit Tranquillus, *a* operantibus. Quid Vespasianus? non modò Capitolium, sed urbis regiones xix incendio Neronis absumtas, civibus certatim operi manus admoventibus, paucis annis restituit; & cùm architectus aliquis grandes columnas exiguâ expensa in Capitolium perdurum sepolliceretur, præmium obtulit, operam remisit, præfatus, *si veres se plebeculam pascere.* *b* Quid Veneti? quatuor circiter hominum millia operibus publicis assidue exercent ac fovent. Quo nihil aut plebi, utilius, aut civitati commodius, aut universis jucundius fieri potest; quod præter opera publica civitati necessaria, etiam publicas opes tenuibus alendis summa benignitate largiuntur.

Hæc tamen splendida ac magnifica, non nisi civitatem superbam ac magnum principem decent; quibus scilicet tantæ sunt opes, ut parta pace, ac præmiis stipendiisque omnibus quæ cuique iusta debeantur, distributis, ea quæ dixi opera publica moliantur. Sed qui vestigalium ac tributorum multitudinem plebem opprimit, ut inanum ædificiorum substructionibus gloriam conquirat, ac majorum opera collabi patiatur: Is profectò suæ tyrannidis indelebiles notas, & testimonia posteritati sempiterna relinquit, se civium sanguine sua cœmenta madefecisse. Ac ferè fit, ut superbas ty-

ranno-

a In Claud.

b Tranquill.
in Vespasiano,

Tyranni
civium san-
guine sua
madefaci-
unt cœ-
menta,

rannorum molitiones posteri ob id tantum evertant, ne ul-
lum tyrannidis in civitate vestigium exstare possit. Domus
aurea Neronis urbem ferè ambitu complectebatur: at conse-
quentium Imperatorum, qui in ea domo propter Neronis fla-
gitiosam memoriam habitare vellet, inventus est nemo: sed
paulo momento collapsa est; quippe quæ innocentium civi-
um sanguine exstructa fuisset.

Quanquam inanes operum ac superbæ molitiones, quas
tyranni meditantur, tolerabiliores sunt quàm in homines
indignissimos effusæ largitiones: quia Principem prodigum
& alieni largitorem egestas sequitur, egestatem extrema ty-
rannis. Quis enim Nerone & Caligula prodigalior? quis u-
troque crudelior? Alter enim viciis millies immanibus lar-
gitionibus effudit: alter amplius tricies millies primo sui prin-
cipatus anno absumpsit. Eòque inopia Caligulam adegit,
ut stipem mendicare cogeretur: deinde ad proscriptiones con-
versus, posteaquam publicas opes consumsisset, privatas ex-
pilare, & crudelissimis sectionibus omnia miscere cepit.

Interdum tamen Principes minimè malos rerum ab se
gestarum oblivio tanta capit, ut quibus quantumque pecu-
niarum, & quam ob causam largiantur, quid ærario desit,
quidve supersit, penitus ignorent. Itaque persapienter Fran-
ciscus major Rex Francorum, singulos provinciarum Quæ-
stores generales duo brevitaria publicarum cujusque provin-
ciæ pecuniarum pridie calendarum Januarij ad Ærarij sanctio-
ris Præfectum mittere jussit; alterum quidem verum anni pro-
ximè antecedentis, alterum conjecturale anni sequentis. Ut
Præfectus Ærarij ex omnibus brevitarijs duo conficiat brevissi-
mis capitibus summam accepti & expensi rationem comple-
ctentia; ut Principi Senatuique plane exploratum sit, quan-
tæ facultates, quantaque ærarij sit inopia; ut commodius rei-
publicæ caveatur, ac donationibus immensis occurratur.

Cujus rei quanta sit utilitas argumento esse potest, quod anno M. D. LXXII ex breviario conjecturali quod ad ararij tribunos allatum est, æstimatio fiebat partium caducarum summam fore quater centies 4 LLS. At sequenti anno Calendis Januarijs intellectum est, quingenties sexagies 6 rationibus publicis accepto latum fuisse; ejus summæ vix sexta pars publicis utilitatibus cesserat. Sed ea calamitas tum accidit, cum puerorum ac foeminarum dominatu omnia tenerentur. Cum hoc breviario si largitores illi suarum donationum breve compendium haberent, ut quibus quantumque donatum sit, quibus etiam quid dari oporteat, contineri possent; fortasse parcius donarent, publicæque utilitati melius prospicerent.

Instrumentum imperij.

Illud etiam non minus necessarium fuerit Principi, non modo publicarum actionum quæ geruntur instrumentum, sed etiam subditorum quos habet virtutibus artibusque illustrium nomina brevissimis tabulis comprehensa sæpius intueri: cum nullius tanta sit tamque tenax memoria, ut non sæpissime in infinita negotiorum multitudine offendat. Quis enim Ludovico XI Rege Francorum in rebus agendis prudentior exstitit? At sciens prudens in Caroli Burgundionum Comitis retia seipsam conjecit, oblitus se Legatos Leodii ad bellum Carolo inferendum misisse. Qua re intellecta Carolus Regem captivum Peronæ, quo illum invisere non dubitarat, observari iussit. Si antea cui temporis ac rerum gestarum instrumentum habuisset, nunquam ita temerè fuisset lapsus.

Sed hic assentator aulicus objicit, instrumentum illud imperij nimis amplum fore, nec Principem his studiis intentum diutius victurum. Cur ergo Principes illi qui terrarum orbem suis imperijs ac legibus tanta cura, studio, sollicitudine, labore, industria moderati sunt, tam diu vixerunt? Augustus, inquam, Tiberius, Vespasianus, Trajanus, Adrianus, uterque

uterque] Antoninus ? At instrumentum Imperij ab alijs con-
scriptum non habuerunt, sed ipsi sibi, Augusti prudentissimi
Principis exemplar secuti, conscripserunt. Quin etiam Au-
gustus tria volumina Imperij successoribus reliquit; uno man-
data de funere suo complexus est; altero indicem rerum à se
gestarum; tertio breviarium totius Imperij, quantum mili-
tum sub signis ubique, quantæ pecuniæ in arario & fiscis &
vestigaliorum residuis essent. Adjecit etiam eorum nomina
à quibus ratio exigì posset. Nec tamen à jure dicendo ab-
stinuit unquam; & optimos quosque de republica libros di-
ligentissimè legìt. Demetrii Phaleræi, disciplinæ memor: cum
Ptolemæo Regi suaderet eos libros assidue sibi legendos esse,
à quibus intelligerent ea Reges, quæ audire à nemine pos-
sint. O magnum & immortali gloria dignum Principem!
An igitur tanto imperio, tantis negotijs, tantis rebus impli-
catus, parùm vixit qui annum 74 superavit? Vespasianus i-
tem *instrumentum Imperij pulcherrimum*, inquit Tranquillus,
confecit; annos tamen septuaginta vixit. Latius etiam Per-
sarum quàm Romanorum imperia, ab extremis scilicet Indiæ
oris usque ad Hellespontum Libyæque deserta, centum xxvii
provincijs, patebant; semper tamen Persarum imperatores
instrumentum imperij ac largitionum suarum præ se diu no-
tuque ferebant. Argumento sit quod Darius is qui Lon-
gimanus usurpatur, cum manus impias conjuratorum Mar-
dochæi familiaris ac domestici beneficio admonitus evasis-
set, cui tamen egenti nulla præmia decrevisset; aliquanto
post cum noctem insomnem duceret, instrumentum imperij
ad se deferri jussit, in quo scriptum erat, Mardocheum con-
juratos in Principem detexisse, nec tamen ullum præmium
tulisse; hominem acciri mandavit, eumque amplissimis ho-
noribus cumulavit. Omnibus tamen omnium seu Persarum,
seu Græcorum, seu Romanorum imperijs, majus est hac qui-

dē m ætate imperiū Hispanicū: at non modò tanti imperij instrumentum Rex Hispanus assiduè contuetur, sed etiam librum omnium literarum, quas ad Legatos & Præsides Provinciarum scribit, compendiosissimè singula complectentem, volvit ac revolvit. Ob id enim Carolus Sapiens Rex Francorum, Senatus scribam primus creavit; non quidem litibus notandis, sed ijs tantum negotijs quæ ad rempublicam pertinerent breviter describendis.

Omniū tamen maximè Principi necessarium est instrumentum largitionum; propterea quod nulla re gravius quàm in eo genere peccatur. Superius monui Philip. Valesij lege cautum fuisse, *ut dona Principis irrita essent, nisi is cui quid datum dono fuerit à Principe, donationum tabulis antecedentes majoribusque suis factas largitiones complectatur.* Diximus etiam Carolum VIII Regem sanxisse, *ne largitio ulla vim haberet à Principe facta, quæ vel duo sestertia a superaret, nisi b apud ætarnationalis Curia insinuaretur.*

Tertialex est, *ne quid rationibus expensæ accepto feratur sine mandato & apocha.* Quæ leges cum jam pridem obsoleverint, non aliter aulicorum hominum rapinis occurrì potest, quàm eo quo dixi donationum principalium instrumento. Postrema lex erat Francisci majoris, *quæ cautum erat, ut ararij sancti oris quatuor claves fabricarentur; ut unam penes se Rex haberet; cæteras q̃ quos arario præfecisset.* Subrogatum etiam huic legi, *ne ex arca numi nisi præsentè ararij Præsente & scriba moverentur.* Postea tamen Henrici II c. editio Præsenti ararij lege soluti sunt, ne rationum distrahendarum actione tenerentur. Tum verò lata lex est, cum unâ largitione centum aureorum millia in unum ex ararij custodibus effusa fuissent. Inde fundi nostri calamitas; ex quo enim parsimonia Francisco Rege constitui cœpit, omnes ararij opes potentium & adulatorum direptioni patuerunt.

Nec

Leges optimæ.

a Id est, 87
ll. col. usq;
ad 100.
b Ordin.
Caroli 7. &
Francisci 1.

anno
1556.

Nec tamen Henrici edictum obstate debuit, quominus
 ætarij, expilatores repetundarum quæstionibus subjiceren-
 tur, & infinitarum pecuniarum donationes revocarentur, ut
 quidem populi rogatione in Comitij Aureliorum ac Bla-
 sensium decretum erat. Etenim Galba Imperator, donatio-
 nes à Nerone factas revocavit, præter decimam quam do-
 natario cuique fruentiam reliquit. Rem quidem periculi ple-
 nam, ut superius diximus, interdum tamen adversus publi-
 cos prædones ac depeculatores valde necessariam. At Ca-
 rolus VII pecuniarum summam, qua Regibus uti & abuti ar-
 bitratu suo liceret, lege definierat; quæ summa perquam exi-
 gua, illâ tamen ætate maxima videbatur.

Trans-
 quillus
 Galba.

Nihil autem Principibus tam utile, nihil civitatibus
 tam necessarium, quàm largitiones quæ à Principibus fiunt,
 rationum publicarum ponderibus examinari. Quoniam i-
 sta ratione & dignitati Principum, qui omnia omnibus ma-
 gnificè largiuntur, & ætario succurri facillimè potest; data
 repetitione Quæstoribus ab ijs qui pecuniam importunis ro-
 gationibus expressissent. At quàm pauci futuri sunt qui à
 Principibus petere, aut ultro sibi oblata capere velint, si aut
 revocari posse putent, aut rationes reddere cogantur! Vix
 enim Franciscus major annos 32 quibus imperavit tantum
 largitus est, quantum illo mortuo Henricus filius duobus an-
 nis effudit. Nondum justa parenti fecerat, cum hirudo quæ-
 dam Palatina pecuniæ vim infinitam, quam officarij accepta
 confirmatione Regibus initiatis fisco dependere solent, uno
 absorbit & eodem haustu. Ac tametsi Franciscus pater
 multa Germanis, Anglis, Italis, Hispanis dono daret; vix ta-
 men, ac ne vix quidem, tricies sestertium à singulis annis ra-
 tionibus expensum ferebat, quantum quidem ex actis pu-
 blicarum rationum collegi. Dona verò in subditos colla-
 ta vix centies sestertium quotannis æquarunt: tametsi

Id est,
 13150 ll.
 Turonens.
 Id est,
 41700 ll.
 Turonens.

Principes, duces, rectores provinciarum, iudices, procuratores, legatos, domesticos, scholasticos, opifices ingeniosissimos, præter legitima stipendia donationibus cumularet. O generosum Principem, qui & personarum illustrium quibus donaret, delectum habere, & largitionibus modum imponere didicisset!

PARS TERTIA.

Sanctius
ærarium.

Duo capita hujusce disputationis absolvimus; qua scilicet ratione ærarium confici & augeri, quoque modo civitatis opes explicari deberent: restat **POSTREMVM CAPVT**, quid quantumque pecuniarum usibus publicis urgente necessitate recondi ac veluti penuario conservari oporteat.

Id est,
17700000 ll.
Turonenf.

Quam quidem ad rem Romani summam prudentiam adhibuerunt; quibus tametsi nullum ferè tempus bello vacuum fuerit ab Vrbe condita usque ad Actiacam victoriam, postquam Augustus Marci Antonij opibus fractis Janum clusit: non prius tamen sanctius ærarium, in quo vectigal manumissorum servabatur, attigerunt, quàm Annibal imperium ad extremam inopiam adegisset; tunc quater centies ^a sestertertium ex ærario expresserunt; unde salus imperio quæsitæ. Turcarum quoque Principes sanctius ærarium habent, præter id quod ex vectigalibus ac tributis ordinarij constatur, ut sit aliquod extremis temporibus munimentum.

Majores nostri urgente bello, si pecunia ærario defuisset, regia nemora cedere solebant, in quibus grandium & excelsum arborum innumerabilis multitudo ad omnes oportunitates concrescebat: at bellis civilibus quibus omnia subverti coeperunt, omnia ferè nemora accisa, aut certè ita circumcisa sunt, ut nihil ferè præter sylvas caduas restare videatur. Ex quo quidem Respublica incredibile detrimentum accepit,

majus

maius etiam latura deinceps, nisi maturè prospiciatur. Jam enim grandium arborum tanta est inopia, ut ad navium & ædificiorum fabricam ex peregrinis regionibus trabes conqui- rendæ sint: & cum arbores fructiferae ante cadantur quam fructum pecoribus utilem proferre possint, rei annonariæ in- opia sequatur necesse est.

Cum autem publicarum pecuniarum custodia supra mo- dum difficilis semper visa sit, Reges Persarum perinde ac Ro- mani, ut à rapina sanctius ærarium vindicarent, aurum in gra- viorum laterculorum figuram constabant. Illud etiam me- moriæ proditum est, Carolum V Regem Francorum cervum solidum ex auro publico constare decrevisse, ejus magnitu- dinis ac figuræ quæ in palatio Parisiorum adhuc exstat. Cel- tæ veteres pecunias in lacus Diti sacros deponebant; Græci in templis Deorum, putà Apollinis; ut Romani ad Opis & Sa- turni; Hebræi modò in templis, modo in sepulchris. Hyr- canus enim Rex idem & Pontifex Hebræorum Maximus in- gentes pecunias è sepulchro Davidis expressisse dicitur. * Ioseph. in Antiquit.

Sed cum nulla sepulcra tam religiosa, nulla tam sacra sint sana, quæ fures non perfodiant, Mauritaniæ Reges auri globum ingentem veru transfixum in altissimi pianaculi loco ætate superiori constituerant. * Leo Afer. At veteres Ægyptij, quo minùs exteros Principes ad se invadendum invitarent, o- minem ferè pecuniam publicam in pyramidum ac urbium substructionibus, aut in fluminibus deducendis, aut in Nili aggeribus reficiendis consumere solebant. Ezechias verò imprudenter; qui cum Legatis Assyriorum opes ac thesau- ros ostentasset, * Esa. 39. talibus illecebris Regem Assyriorum ad Judæam diripiendam accersivit. Certè quidem divina lex auri vim maximam Reges coacervare vetuit, ne vel Princi- pes ad plebem diripiendam, vel hostes ad cives invadendos invitarentur, & ut benignitatis fontes tenuibus ac egentibus pate-

paterent; nihil tamen vetat in eo quoque modum adhibere. Quis enim probaret inexplebilem avaritiam Joannis XXII Pontificis Romani, qui moriens octies paulò minus millies in loculis dicitur habuisse? aut Sardanapali, qui decies millies? aut Cyri, qui duodecies & millies? aut Tiberij Cæsaris qui vicies ac septies millies; quod Caligula non toto vertente anno absumsit? aut quadrages millies, quod Darius Persarum Rex Alexandro diripiendum reliquit?

Quamquam David Rex Judæorum superiores opibus superasse videtur; quippe qui fertur auri talenta centum millia, argenti verò mille talentorum millia coëgisse. *a* Quæ summa, si talentis Atticis, tametsi minima sunt, expendatur, immanis videri possit. Nostri tamen Bibliorum interpretes falsò talenta putant Attica fuisse. Ego verò in sacris literis bifariam accipi video *siclum*, quem Græci staterem Latini talentum vertunt: uno modo pondus sex unciarum, ut lib. 1. Paralip. c. 21. altero modo unciae dimidium, ut lib. 1. Sam. c. 24. Si Davidis thesaurus ad siclum seu talentum semunciarium, non magna summa videatur: Si ad sex uncias referatur, quinquaginta millia auri pondo ac decies tantundem argenti complectetur: Si ad talentum Atticum, nullæ Romanæ opes tantæ fuerunt. Nam Trajano Principe, cujus temporibus Imperium latissimè patebat, pecunia omnis in arario Ægypti recondita LXXIII millia talentorum Atticorum summam non excessit. *b* Nisi aliud ærarium Romæ fuerit. Ut fuisse credibile est; cum ducenta & millia peditum, quadraginta millia equitum in provincijs dispersa publico stipendio alerentur; ac trecenti præterea elephantes bello gerendo assueti; currus militares bis mille; arma ac instrumenta bellica quantum trecentis millibus armanda sufficerent; triremes & quinqueremes mille & quingentæ; aliarum navium supra duo millia & instrumenta navalia quatuor millibus navium arman-

a lib. 1. Paralip. c. 22.

Romanorum lib Trajano.

b Appian. in Libyæ. *c* Sextus Rufus.

armandis necessaria; præter LXXX maximas naves omni apparatu regali instructissimas.

At Reges nostros nihil in eo genere contra leges divinas, quibus tantarum opum coacervatio prohibetur, hæcenus fecisse videmus, ac multò minus posthac interdicta divina violaturos. Nec verò Princeps à doctrina benè informatus unquam torquetur aut opum augendarum cupiditate, aut amittendarum metu; nec tamen aspernandas aut rejiciendas putabit, sed habendas ut benignitatis ac liberalitatis administras. Pro quibus adipiscendis & accumulandis insaniunt plerique, & adeptas ne amittant semper reformidant. Nam qui literis prodiderunt Carolum V Regem Francorum amplius quinquies millies LLS in ærario reliquisse, non intelligunt Regem afflictas opes regni & ærarium vacuum offendisse, reipublicæ debita exsolvisse, prædia publica redemisse, bella maxima gessisse, Anglos è Regno exterminasse, Antissiodorensem provinciam & Eboracensem coëmisse, Reges Castiliæ ac Scotiæ imperio spoliatos suis opibus restituisse; nec tamen plus quàm annos septemdecim imperasse: quibus temporibus vix ac ne vix quidem centies LLS ex omni pecunia publica quotannis ærario illatum ex rationibus publicis videmus. *a* Carolus VI quadragesimo post anno quadragesies LLS amplius quam pater accepto tulit. Carolus VII, cum gravissimis Reipublicæ calibus conficeretur, ac tributa ordinaria fecisset, quater centies LLS, quo anno mortuus est, in ærarium coëgit. *b* Ludovicus XI Caroli filius vigesimo post anno millies ac ferè centies. *c* Sed Carolo VIII imperium ineunte, vestigalium ac tributorum dimidia parte plebem in Comitij Turonensibus omnium Ordinum rogatione sublevari placuit. Eadem rogatio

a Id est,
437500. ll.
Turonens.

b Id est,
1750000.
ll. Turonens.

c Id est,
471000.
ll.

in Comitij Aureliorum Carolo IX regnum adepto laza est: sed tanta erat ærarij inopia, tantum æs alienum publicè contractum, ut vestigalia augeri quàm minui magis necessarium videretur. Si tamen respublica sub eo Principe ab armis civilibus conquievisset, non modò satis creditoribus fieri, verum etiam ærarij inopia sarciri, tributorumque magnitudine populus liberari potuisset. Primum enim usuras publicas triente definiri, omnibusque officiarijs stipendiorum eo anno partem dimidiam detrahi placuit, ne à Principe novas tabulas accipere cogerentur. Quà ratione septingenties LLS ærario accrevit; ac paucis annis respublica in pristinum splendorem restitui posse videbatur, sine ulla domesticorum Principis diminutione. Erant autem sexcenti circiter familiares ac domestici Principis, præter eos qui venationibus & aucupijs inferviebant. Neque enim parsimonia publica in eo versatur, ut servi domestici Regibus eripiantur; quod sine majestatis ipsius contemptu fieri non potest; ea res enim peregrinos ad Principem aspernandum, & subditos ad deficiendum excitare consuevit.

Quod quidem Ludovico XI Regi Francorum contigisse videmus; qui cùm à familia & famulatu patricos ac nobiles exegisset, sartore pro feciali, tonsore pro legato, medico pro Cancellario utebatur. Ut quondam Antiochum Regem Syriæ ferunt Senatus Principem fecisse Apollophanem Medicum. At etiam Ludovicus hic noster, ut aliorum Principum magnificentiam proculcarer, cultu ac vestitu sordidissimo utebatur; pileo præpingui imagunculis & cochleis squallenti, veste lanca vilissimi pretij ac tetrici coloris. Exstant enim in publicis rationibus duo capita; quorum altero viginti asses expensi feruntur ut thoraci regio brachialia nova consuerentur; altero denarij XV. ut axungia ocrea regalia impungerentur. Quæ à parsimo-

nia profecta non sunt: cum vectigalia ac tributa quadruplo graviora quam pater imperarit, ac prædia publica totiusque ærarij opes profuderit.

Officiarios quidem ac magistratus in 'comitijs Aureliorum, ad Ludovici XII tempora exigi oportere populi rogatione decretum est: ut innumerabilis officiariorum multitudo, quæ propè in infinitum excreverat, ad modum revocaretur, & quadam ex parte circumcidetur. Sed Quæstores ac publicani summâ contentione intercesserunt, cum ista ratione publicis utilitatibus & ærario detrahi dicerent: ac tantum profecerunt, ut etiam magistratuum numerus non multò post duplicaretur, accisis tamen eorum fortune & opibus qui ex edicto prioris intercederant. At etiam Baleus rationum publicarum Præses, cum magistratuum qui novis legibus creati fuerant, abrogationem imperio æquè ac ærario perniciosam esse suaderet; eo potissimum argumento utebatur, quod triplici magistratuum incremento centies quadrages LLS ærario paucissimis annis accessisset. Illud tamen, quod omitti sine flagitio non debuit, omisit; scilicet earum pecuniarum quæ à magistratuum mercatoribus solverentur, usuras centesimas à Principe dependi. Cui idem ferè usu venit quod agris hominibus qui æstu febrique jactantur; si aquam gelidam biberint primò relevari videntur, deinde multò gravius vehementiusque afficiantur. Quamobrem cum id Regi Francisco II reipublicæ perniciosum videretur, alternos magistratus edicto sustulit. Prætermisit etiam Logistarum publicorum stipendia ordinaria, quæ maxima sunt; jura lignaria, vestiaria, piscaria, rolaria, stabularia, parentalia, pocularia, salinaria; & cœtera quæ pro charta, pergameno, calculis, crumena, candelis piccis, cera purpurea, gladiolo,

• anno 1566
10 Maij,

ac discriminali, radula, funiculis, cœterisque id genus à Principe illis rationum magistris dependi consueverant; quæ nunc tandem aliquando sublata sunt. Omissum etiam illud est; majores ex ijs magistratibus decerpi fructus, quam stipendia æstimari possint. Reticentia quoque prætermissum; quod cum antea imperio Gallorum longè lateque patenti una Logistarum Curia sufficeret, nunc septem Curias habemus, & cum antea Philippi III Regis edicto quinque viri in rationali Curia Parisiorum censerentur, nunc ducentos conscriptos videamus.

Mirabile tamen videri debet, publicæ pecuniæ fures ac depeculatores impunè, rationum magistris oriosè spectantibus, magno cum reipublicæ dedecore ac detrimento grassari; & Quæstores quamplurimos ubique vagari, qui rationes reddere recusant. Qui verò residua debent, assentatores aulicos subornare, qui à Principe donum accipiant, & cum furibus publicis furti dimidium paciscantur. Quo fit, ut iudices extra ordinem non sine magna mercede Princeps ipse dare cogatur, ut Logistarum inertiam ac negligentiam sarciant capitalem.

Demus tamen, rationes à Quæstoribus reddi, ac reliquum ærario inferri: tantus est tamen Quæstorum ac publicanorum numerus, tanta Logistarum multitudo, ut dimidia pars tributorum ac vestigalium stipendijs ac salarijs accepto feratur; ut in privatis Septimanix Provinciæ Comitij quibus affui sæpè compertum memini. Quamobrem Martinum Durandum Provinciæ aëlorem ac Syndicum ad Regem mitti placuit cum mandatis, quibus graves plebis querelæ exponeret, ac rogationem de Quæstoribus abrogandis ad Principem ferret, ut ne quid pro tributorum ac vestigalium exactione aut evictione Principis ærario decederet. Qua quidem ratione Principem

cipem in Septimaniæ Provincia tributorum ac vectigalium tri-
entem lucrifacitum argumentis necessarijs demonstrabat; tri-
ens autem ferè quinquagies LLS æquabat. Vigesimo pòst an- Id est,
118750. ll.
Turonens.
no cum Bloësis Galliæ conventus haberentur, Maximinus Lu-
perius Parisiensem mercatorum Præfectus & rationum publi-
carum Præses, palàm in Comicio dixit, vix ac ne vix quidem pe-
cuniæ publicæ ex asse in ærarium Principis inferri quadrantem.
Incredibile id quidem videri; verum tamen esse homo rationū
publicarum peritissimus contendebat. Sed ut ad Syndicum Se-
ptimaniæ redeamus, ejus rogatio non Henrico Regi Principi
optimò; sed aulicis assentatoribus ac Tribunis ærarij displicuit;
quod intelligerent sine Quæstoribus & publicanis vectigalia
frustrà imperari, quæ imperata exigi non possent, & in arbitrio
populi futurum tributa penderet nec ne.

Cùm igitur Quæstores ac publicani necessarium sit malum;
ut Alexander Severus dicere solebāt; quo pauciores erunt, eo
melius reipublicæ consulatur. Jam pridem & questus est populus anno
1412.
apud Carolum VI Regem, quod quinque ærarij Tribunos cre-
asset, cùm antea duobus tantum Gallia contenta fuisset. Quid
vectigalium tres omninò & judices & Quæstorem unum gene- anno
1373
ralem olim exstitisse ex actis publicis constat; his verò tempori-
bus quibus imperium magna sui parte accisum est, trecenti ferè
numerantur, Quæstores verò xxxiii. Romani quidem singulos
Quæstores in singulis provincijs habuerunt, qui à publicanis &
mancipibus pecuniam publicam acciperent. Quæstura verò
primus erat ad honores adipiscendos gradus. Quem magistra-
tum nobilissimus quisque ambire solebat: non ad opes co-
gendas, ut ferè sit, sed ad fidem & sedulitatem populo proban-
dam. Qui enim repetundarum judicio damnatus esset, præter
honorum ac famæ jacturam sempiternam, ab omnibus deinceps
honoribus arcebatur.

De rebus autem omnibus absurdissimis nulla mihi absurdior

visa est, quàm tot ærarij Tribunos, tot Quæstores quot in Gallia videmus, tantis pecunijs Quæsturas à Principe mercari. Itaque non debet mirum videri, si nusquam plura repetundarum ac peculatus judicia constituentur.

Longè aliter Turcarum Principes : qui cùm magistratum omnium mercaturam execrantur, tùm verò rarissimos pro tanto imperio Quæstores habent. Vestigalia ac tributa Subarchi à Protogeris accipiunt; Sangiachi provinciarum quodammodo Præsides à Subarchis; Bellerbæi à Sangiachis; Quæstores duo Asiæ & Europæ à Bellerbæis; Scriba generalis à Quæstoribus; postremò Casmandarus ærarij Præfectus numeratam sibi pecuniam in ærarium recondit. Illud autem animadversione dignum, quod Quæstores ac Præfecti ærario nulli sunt nisi virilibus omninò exsectis: more Persarum ac veterum Græcorum. « Prudenter id quidem, nam qui nec liberos habent, nec ullis blandissimarum dominarum illecebris capi possunt, minimè verendum est, ut publicas opes capitis ac famæ periculo diripiant. Præter eos quos dixi, unus etiam Quæstor est pecunijs omnibus extra ordinem numerandis, & rationibus publicis exigendis viginti quinque viri.

Francorum quidem summos Quæstores viros in primis illustres creari oportet, ut majores nostros fecisse videmus. Tùm propter eam quam dixi causam, tum propter Henrici II Regis legem de Quæstoribus Francorum latam; quæ uno capite Præfectos regię domus & Curiarum superiorum Consiliarios extra collegiũ dignitate posteriores facit, Quæstores verò præire voluit. Lex item Caroli IX Regis vasallos Principis, quantæcunq; dignitatis fuerint, Quæstoribus regio nomine fidem supplices præstare jubet. Quod sicales Quæsturæ mercatoribus magistratum & extremæ conditionis hominibus tribuantur, nec Duces, nec Comites, ac ne Barones quidem sine contumelia supplices ad genua turpissimorum hominum advolvi poterunt: nec si possint, velint.

ATQVE

ATQUE hæc de ærario disputata sint. Et quoniam Rei Num-
marie cognitio proximè sequitur ærarij causam, consequens
est, ut de ea quoque disseramus.

IOANNIS BODINI
LIBRI SEXTI
DE REPUBLICA
CAPVT TERTIVM
DE RE NUMMARIA,

Quibusque legibus nummorum
depravationi faciliè occur-
ratur.

Mlhi firmissima quæque Rerumpublicarum munimenta
contemplanti, REI NVMMARIAE curatio non tan-
tum utilis sed etiam civitatibus tantopere necessaria videtur,
ut sine ea commodè consistere non possint. Et quo maior
necessitas est, eo magis nummorum depravationi prospicien-
dum: cum ea res incredibile adferat universis ac singulis de-
trimentum.

At non modo corrumpi moneta, sed ne mutari quidem
potest sine incommodo civitatis; quoniam mutatio pretii ac
materiæ numismatum, census etiam ac bonorum cujusque du-
bitationem affert. Quo fit ut nemo quantum in bonis habe-
at, constituere possit. Incerta sunt pacta conventa, quæ ver-
santur in societatibus, tutelis, fiducijs, mandatis, rebus emptis,
venditis, & conductis, locatis, quibus vitæ societas contine-
tur; incerti redditus, vestigalia, tributa. Denique poenæ
ipsæ ac præmia, quæ à legibus & iudicibus irrogantur, incer-
ta sunt futura. Postremo ærarii opes, ac multatum in pub-
licis tum in privatis rebus rationibusque dubia ac suspensa
fore necesse est.

Argumento sit illius Gracidiani Tribuni plebis edictum,
qui cum de collegarum sententia Victoriati pretium certum
indicta poena Romæ constituisset, tantum sibi ac posteritati
gloriæ peperit, ut ei vicis omnibus statux dicarentur, & ad
eas thus ac cerei accenderentur. Certè quidem M. Tullius
ait, *nominem unquam multisrudini propter id unum fuisse caviorem.*

Ex quo intelligitur, nummis à Principe ipso lege & au-
thoritate publica corruptis, quanta perniciēs ad remp. per-
ventura sit. Quanquam Principi non magis licet improba
numismata cudere, quàm occidere, quàm grassari: nec à jure
gentium, quo quidem auri & argenti pretium constitutum
est, discedere; nisi Regis nomen ac splendorem amittere, ac
falsæ monetæ fabricator quàm Princeps appellari malit. Quod
à Dan-

à Dante Poëta Philippo Bello Regi Francorum probro datum est; quod primus inter Principes nostros, quantum quidem intelligo, numismata corrupisset, ac dimidiam æris partem argento miscuisset; unde frequentes in tota Gallia tumultus. Cujus facti cum Regem sero poenituisset, ac nummos pristinae bonitati restituisset, Ludovicum filium admonuit, ne deinceps adulterari numismata pateretur. Neque vero Petrus IV Rex Arragonum ullam diripiendi Regis Balearum probabilem causam arripuisse dicitur, quàm quod numismatum pretia mutasset, ac deteriora fecisset. Tametsi Reges ipsi Arragonenses eodem vitio laborasse feruntur; cum Innocentij III Pontificis Max. interdictis numismata legitimo pondere leviora facere prohibeantur. ^a Hinc Reges Arragonum more à majoribus accepto, cum imperii sacris initiantur, jurant se antiquæ monetæ leges minime violaturos.

At non satis est his verbis jusjurandum concipi, nisi prius nummorum pretium ac pondus legitime sit constitutum, & ita constitutum, ut nec Principes nec subditi nummos depravare sive lint possint. Improbis autem voluntas nunquam defutura est, quamdiu metalla, ex quibus nummos confuari oportet, miscebuntur. Nam ex ea metallorum confusione pecuniarum corruptoribus depravandorum numismatum materia sempiterna datur. Etenim natura ipsa ferre non potest, ut metallum simplex alterius loco substituatur; propter metallorum naturas, colore, sonitu, volumine, pondere plurimum inter se discrepantes. Quamobrem Taciti Augusti legem renovari necesse est; qua omnem omnino metallorum confusionem prohibuit, indicta capitali poena.

Id autem æque in argento factò atque infecto caveri oportet. Sed à metallis excipienda est æris & utriusque plumbi mixtura; unde campanæ tintinnabula ac tormenta bellica veteribus inusitata constantur. In ceteris omnibus interdicto

^a In cap.
quinto de
jurejuran-
do.

^b Petrus
Belluga in
Speculo
Princip.
anno 1245
& 1336.

^c Vopiscus
in Tacito.

locum esse oportet, non tantum in nummis cudendis, verum etiam in omni argentea aureaque supellectile. In qua tam multa peccantur, ut quid maxime non facile dici possit; & quia materiam saepe superat opus ipsum, probatio difficillime fieri potest.

In quo Archimedes ipse ingeniosissimus homo sua spe & commento fraudatus est, (neque enim Heraclij lapidis usus plane cognitus erat) cum ejus aurificis, qui coronam auream Hieronis Regis conflaverat, furtum deprehendere sine operis detrimento juberetur. Vnam auri massam, alteram argenti ejusdem ponderis, in vas aqua plenum vicissim immerfit; & ex aqua effusa utriusque massae voluminis auri & argenti proportionem utcumque intellecta, vas rursus aqua replevit, & in eo coronam immerfit, unde minus aquae quam ex argentea massa & plus quam ex aurea effusum est. Ex quo judicare sese posse putavit, quantum auri ex ipsa corona detractum esset; quintam scilicet partem. Sed iudicium illud fallax erat: quia posuit, misturam ex argento puram fuisse, cum tamen aëris & argenti mistura simul cum auro sapissime etiam in vitis artificibus fieri soleat. Aë enim non solum utilius est auro miscere; verum etiam colorem auri magis reddit vividum ac splendore clariorem, argentum verò auri colorem efficit pallidiorem. Est autem voluminis auri & argenti tantum discrimen, quantum distat XIII ab XI: ita fit, ut duabus partibus argenti massa ejusdem ponderis minus aquae effundat quam aëris. Quod si coronae mistura fuit ex aëre & argento, certè judicari nullo modo potuit, quantum auri ab opifice detractum esset; nisi plane intelligeretur, quantum utriusque metalli auro admixtum fuisset. Ac tametsi penitus id perceptum esset, errore tamen peccari necesse est in aquae mensura, ut ponderis ac voluminis metallorum proportio eliciatur. Certè quidem Heraclio lapide subtilius argentarij ac nummularij utuntur

tur quàm veteres; nemo tamen est, qui quantum æris aut argenti auro admisceatur ex Heraclio lapide percipere possit.

At improbè aurifices queri solent, & antea sæpe questi sunt, aurea vasa sine jactura conflare non posse ex auro, cui ad summam bonitatem duo tantum ceratia desint, etiamsi ceratij quarta pars lege ^{4 annis} Francisci I Francorum Regis detrimento ^{1540.} tribuatur. At legibus neglectis auro sextam interdum quintam æris argenteve partem admiscunt. Quo fit, ut quæ vulgo putatur aurea supellex, ei ceratia quinque desint, quæ in massa librarum xxiiii quinque libras æris cum auro confusi efficiunt. Decursu verò temporis nummi ex ejusmodi auro conflantur adulterini. Quamobrem necesse est, eandem in auro factò & infecto, æque ac in nummis, auri proportionem & admisionem severissimis legibus servari.

Aurum autem argentumve ita expurgari & excoqui, ut simplex sit & ab omni sorde ac mistura purum, negant aurifices plerique: (quanquam adhuc sub judice lis est) & ut purissimum reddatur sine gravi tamen dispendio non potest. Quia etiam auri optimi puritas nostris æque ac Hispanorum legibus definitur ceratiorum xxiiii. & dodrantis ceratii, cum detrimento partis octavæ ceratii unius: id est, aurum ejusmodi, cujus massæ, si fuerit cxcxi partium tres partes auri desint. Argenti verò Parisiensis bonitas omnium laudatissima putatur, quippe quadragesima sexta pars tantum æris admista est; argento Hispanico optimo fere trigesima sexta.

Vt igitur certa sit ac perpetua auri & argenti proportio sine jactura, necesse est legibus caveri, ut utriusque metalli mistura æquabilis sit, tum in nummis, tum in supellectile, partibus scilicet vigesima quarta. Quâ ratione auri & argenti materia, tum ad nummos, tum ad vasa confluenda satis solida futura est. Quæ si purior sit, aut quatitur, aut sensim usu deteritur.

Cum autem auri ad argentum ratio toto fere terrarum

orbe duodecupla sit, utilissimum erit utriusque metalli nummos ejusdem ponderis cudere; modò ne libra in pauciores **xxiii** nummos dividatur. Vnciales enim aurei quales in Lusitania, & argentei quales in Germania feriuntur, facile corrumpi possunt. Nec depravatio scissione aut Heraclio lapide percipitur; quoniam circularis portio exterior, quâ bonitatis periculum sit, ex auro argentove puro esse potest, interiora vero corrupta; ut sæpissime deprehensum est. Faciliùs etiam depravantur bilibres nummi, aut aurei Heliogabali, & quos Imperator Græcorum Tiberius bestiales cudi jussit, quales quinquaginta Childerico Francorum regi dono dedit.

Licebit igitur libram utriusque metalli primùm in nummos **xxiv**, deinde in **xxxvi**, tum in **xlvi**, post etiam in **lxxii**, postremò in **xcvi**, aut etiam subtiliùs dividere: ac duodecim argenteos aureo nummo ejusdem ponderis ac figuræ commutare. Ut Regalis argenteus Hispanorum, qui fere drachmalis est, aureum nummum Francorum aquat pondere: ac propterea duodecim argentei aureo nummo commutantur.

Quid, malum, obstat, quo minùs omnes argentei nummi aureis pondere sint æquales? Cur item ejusdem ponderis utriusque metalli eadem, diversì ponderis dissimili characterè non ferientur? cur non erit eadem utriusque metalli analogia? Hòc si fiat, (quod & facile est, & aliquando spero, futurum) omnis depravandorum nummorum omnibus occasio præripitur.

Dissimilium autem ponderum nummos dissimili characterè signari oportet: ne imperiti ac rustici in commutatione nummorum, qui pondere ac pretio non multum differunt, falli possint. Ut in Regalibus Hispanorum, & in argenteis nummis Henrici III Francorum Regis ejusdem characteris, imperiti sæpe labuntur.

Quod si libram in **xcvi** nummos dividamus, argenti quidem

dem drachma singulorum existet. Qualis fuit Atticorum, & Mezusa Hebræorum, qui proxime ad Regalem Hispanicum accedit, denario Romano tribus scrupulis minor: quia septem denarii Romanorum perinde ut octo drachmæ Atticæ Unciam constituunt; nos *grossum* appellamus. Qualis fuit majorum nostrorum ætate grossus Turonensis argenti optimi Regalis; id est cui tantum vigesima quarta pars ad purissimi argenti bonitatem deesset. Et quoniam nullus erat ea ætate nummus argenteus materiæ bonitate drachmâ seu grosso Turonensi superior, etiam populi finitimi in fœderibus & rationibus contrahendis eo nummorum genere utebantur. Vt in eo fœdere, quod Bernates cum minoribus pagis Helvetiorum percusserunt, grosso Turonensi stipendium peditis diurnum æstimatur. Cujusmodi Attica drachma Græcis, ut est apud Pollucem, vel denarius Romanis, ut est apud Tacitum, diurnum fuit peditis stipendium, etiam Augusti Principatu. Ac ferè opificum & rusticorum operæ diurnæ tanti æstimantur in sacris literis. *a* Iam enim pridem error Budæi deprehensus est, (tametsi non sine Græcorum ac Latinorum auctoritate lapsus esset) qui minam libræ, drachmæ denarium æqualem esse putavit. Tametsi enim uncia ubique æqualis esset, fuit tamen drachma uncia pars octava, denarius vero septima: & cum libra caperet denarios LXXXIV, mina tamen centum drachmas.

His verò temporibus incredibilis apud omnes populos libræ & uncia varietas existit. Imo verò in eodem imperio infinita sunt propè genera librarum. Vt enim pauca de multis: Centum libræ Parisienses efficiunt Lugduni cxi libræ, Rotomagi 96 $\frac{2}{3}$, Tolosæ 121, Massiliæ 123, Genævæ 89, Venetiis 165 $\frac{1}{2}$, Genuæ 155, Basileæ 98, Londini 109 $\frac{1}{2}$: Parisiensibus cum Argentinenfibus & Vesuntinis convenit; item Bernatibus Basiliensibus Nurembergenfibus ac Francofurdiensibus inter se: rursus Tolosatibus Monspelienfibus & Avenionen-

a Math. 20
b Georg.
 Agricola
 Plinii, Ap-
 piani, Cel-
 siac Tran-
 quilli ceteris.
 monio
 compro-
 batis

sibus congruunt eadem pondera. At etiam Turonensis provincia libram habet Parisiensibus leviolem : nam quindecim unciz Parisienses sexdecim efficiunt Turonenses.

In Oriente & Africâ non minor & certè major est pondum dissimilitudo. Centum enim rotuli Thessalonicenses efficiunt 91 libras Parisienses. Totidem rotuli Damasceni libras Parisienses constituunt 420. Centum rotuli Syriaci libras Parisienses 503, & 14 uncias pendunt. Centum libræ in Archipelago libras Parisienses constituunt 91. In oris Africæ 116 pondo complectuntur centum Parisienses. In Asiâ minore centum rotuli Parisienses libras 123, & uncias quatuor constituunt. Levissima libra est Neopolitana; quoniam centum libræ Neopolitanæ quatuor tantum ac septuaginta Parisienses pendunt. At quibusdam in oppidis duo triave, interdum quatuor pondera, pro rerum quæ veniunt varietate, constituuntur. Oranum Africæ oppidum quatuor habet pondera varietate discrepantia. Quorum gravissimum est, quo æs appenditur; quippe centum pondo efficiunt, 118½ Parisienses. Id verò quo species & aromata veneunt, aliquanto levius est: centum enim pondo constituunt libras Parisienses 152½. Tertium, quo triticum & cera pendi solet; cujus ponderis centum efficiunt Parisienses libras 121. Levissimum denique, quo Xylum appenditur; cujus ponderis centum libræ constituunt 182 libras Parisienses.

Sed omnis illa varietas ac discrepantia ponderum conciliari facile potest in nummis, si eodem pondere & caractere aurei & argentei, eadem mixturæ proportionem feriantur; cum ubiq; ferè terrarum duodecupla sit auri ad argentum proportio, ut superius diximus.

Huic gentium juri derogari non debet; nec Princeps sine summâ sui nominis ac famæ jactura jus illud populorum omnium commune periculum perire potest. Privati verò ac publici

liciumnummorum corruptores, sublatâ, quam dixi, metallorum confusione, simul concidunt necesse est; quia nemo tam stupidus futurus sit, qui fraudem oculis auribus tactu denique ipse non facile percipiat; & quidem sine Heraclio lapide, sine fornace, sine stylo, sine sectione.

Et quoniam argenti pars minima quæque pretiosa est, ad plebis utilitates & commoda tertium nummorum genus ex ære puro aut fabricari oportet; aut certè argenti unciam non modò in duas semuncias dividere necesse erit, sed etiam in quatuor, tres duellos, sicilicos 6, sextulas, 8 draclimas, 18 tremissiles, 24 scrupula, 48 obolos, 96 semiobolos, 144 siliquas 576, grana: ut tenues utilissima quæque frivola facilius coemere sibi possint. Cum enim Angliæ Regina non ita pridem arosanum infamata sustulisset, ex argento satis puro nummos cudi iussit. Sed cum libram in scrupula ac semisrupula non satis subtiliter divisisset, tenuibus ademptum est commercium rerum viliorum: nec egentibus tanta benignitate ac facilitate succurri potest, quam si subtiliores nummos cudi iussisset. At Renatus Ardiun ac Lotharingorum Dux unciam argenti in mille nummos divisit, quos Andegavenses appellant; ne cuiquam deesset aut mercandi aut egentibus largiendi facultas. Quod etsi laboriosum monetalibus videtur, utilius tamen est quàm ex ære nummos ferire; tum quia nullum metalli genus citius ære rubiginem contrahit; tum etiam quod æris ubique est ac semper fuit pretium incertum.

Debet autem ratio nummaria sibi constare, nec ulla temporum aut locorum varietate mutari: idque maxime propter jura commerciorum populis omnibus inter se communia. Nam Punico bello argenti ratio ac æstimatio fuit pondus unius ad 840 æris. At Senatus decreto, ut inopiæ civitatis consuleretur, pretium æris magna sui parte deminutum est. Et cum denarius argenteus antea decem assibus æreis, qui tum
librales

librales erant, æstimaretur, momento sexdecim assibus ejus-
 dem ponderis æstimari *æ* cœpit. Postea libræ pondus assis
 dimidia ponderis parte imminutum est Lege Papiria; ut pre-
 tium æris duplo majus fuerit, quàm ante legem Papiriæ
 exstitisset. Post etiam æs illud semilibræ rursus dimidia
 ponderis parte minui placuit, ac denarium argenteum decem
 assibus ejus ponderis æstimari; quæ ratione argenti pondo
 20 æris æquabat. Quale nunc pretium nostra ætate in Gal-
 lia fere usurpare videmus. At in Germania, quæ metallis
 omnibus præterquam auro abundat, vilius æstimatur. Neque
 enim tantum supellex magna sui parte ærea fabricatur, ve-
 rum etiam templa ipsa multis locis ære teguntur. In Hispa-
 nia rarius est; in Africa verò rarissimum; ac propterea mul-
 to quàm in Europa carius æstimatur. Facit igitur tanta illa
 pretij varietas, quo minùs æris materiæci nummariæ idonea
 videatur.

Hic occurreret aliquis, argentum etiam quibus locis abun-
 dat vilius æstimari. Nam eo fœdere, quod ictum est cum Æ-
 tolis, uno capite auri libra decem argenti libris æstimatur:
 at lege Constantini *c* auri libra exæquatur argenti libris
 14², quia legislator solidos quinque aureos, quales septuagin-
 ta duos habuit libra Romana, argenti pondo æstimavit: nunc
 verò duo decupla fere est ubique ratio. Nec auri ad Aquilo-
 nes inopia nec argenti copia facit, ut hoc multo vilius, aut
 illud multo carius æstimetur. Pontifex quidem Romanus,
 auri quam argenti cupidior, in Camera Pontificali auri libram
 æstimavit argenti libris 12³. Vt argentarii ac nummularij auri
 potius quam argentum spei lucris Romam inferre curent. Quan-
 quam bis mille & quingenti anni labuntur; cum eadem fere es-
 set, quæ his temporibus. Scribit enim Herodotus anni pondo ar-
 genti libris tredecim æquatam fuisse. Et in Pandectis *d* He-
 bræorum auri nummus argenteis 25 æstimatur. Quo fit, ut
 cum Hebræis aurea numismata argenteis duplo graviora fue-
 rint,

• Livius l.
 ult. de ar.
 genti pre-
 tio. Cod.

• In Misna,
 & tract.
 de angul. c.
 8. paragr.
 7 & 7

rint, auri ad argentum ea ratio fuerit, quæ est unius ad 12⁴. Per-
 farum item legibus auri ad argentum ratio plane fuit duode-
 cupla: nam stater, Daricus aureus uncialis, argenti pondo 2-
 flimabatur, ut est apud Pollucem. Quin etiam Augusti tem-
 poribus Rex Indorum eandem habuit auri ad argentum æsti-
 mationem, quæ tunc Romæ ferebatur; ac propterea Roma-
 norum iustitiam laudavit, ut est apud Plinium. Ex quibus effi-
 citur eandem fere nunc esse quæ semper antea fuerit auri &
 argenti æstimationem.

Aurum quidem pretiosius haberi cœpit Constantino
 M. Imperatore; cum Principum superiorum luxu omnia au-
 ro splenderent, ut etiam Martialis Bassum irriserit auro ca-
 cantem. Quid Nero? cui non satis erat auream habere su-
 pellectilem, nisi auream quoque domum haberet ambulatori-
 rijs mille passuum distinctam. Quid Vespasianus? Qui am-
 plius bis millies in exstruendo atque instaurando Capitolio
 insumsit. Agrippa vero comes Augusti Pantheum ære, æs
 item auro textit; quod adhæc usque tempora mille ac sexcen-
 tos amplius annos æs quidem à rubigine, templum verò ab
 injuria cœli & à ruina servavit. Ac nisi æs inauratum fuisset,
 tandem rubigine exesum imbres admisisset.

Certè quidem sacram supellectilem auream esse, ut lex
 divina jubet, ferendum est: sed aurea vasa, peristromata, cu-
 bilia, libros etiam & ephippia inaurata ubique videri, homi-
 num furiosorum insaniam coarguit. Quam nisi Principes
 severissimis legibus coërceant, auri non modò raritatem, sed
 inopiam ubique summam fore necesse est: cum in rebus inau-
 randis assidua & quidem perpetua fiat auri jactura. Quà de
 re populus noster apud Principem in Comitijis Biœlensium
 graviter questus est.

Ac tametsi argenti copia tum in Europa tum in Africa
 tum in Occidentis regionibus maxima sit, nec magni fiat
 Y
 argenti

argenti iactura; nihilominus æstimatio, quam dixi, ubique fere sibi constat. Quamobrem si mixtura quoq; utriusque metalli sit eadem, nummiq; aurei ejusdem ponderis ac figuræ cum argenteis; exceptis minutissimis argenti nummis ad tenuium sublevandam inopiam, quod in auro necesse non erit; nemini dubium esse potest, quin perpetua ac stabilis ratio nummaria futura sit, & ab omni depravatione tutæ. Quod minimè sperandum est, quandiu ærola numismata auri & argenti fereamus.

Quamquam mixturam nummorum omnium inæquabilem ubique videmus, præterquam in Hispania; quæ leges nummarias accuratissimè tuetur. In hoc quidem imperio auri & argenti numismata usque ad Phillipi Belli ætatem purissima fuerunt. Primus hic dimidiam æris partem miscuit argento: ac tametsi post aliquantò pristinae bonitatis restituta fuisset, centesimo tamen ac vigesimo post anno argentei nummi vix tertiam argenti partem habuerunt. Carolus VII Rex ineunte imperio tametsi rebus afflictis numismata argenti optimi, ut populi gratiam iniret, cudi jussit. Sed extremis fere imperij temporibus argenteos nummos labefactavit, cum deteriores quàm Philippus Bellus jussisset. Deinceps enim argentea numismata minui cœperunt, non tantum materiæ bonitate sed etiam pondere ipso. Quos enim solidos Franciscus I Rex cudi mandavit, non tantum superioribus leviores, verum etiam multo deteriores fuisse videmus; quippe qui duas amplius partes æris haberent, tertia pars non tota ex argento constabat. Deteriorem tamen solidum cudit Henricus filius; deterrimum Carolus IX, scilicet dimidiâ fere parte leviolem quàm avus; admittis enim duabus æris partibus, ut argenti tantum tertia pars restaret.

Id quidem finitimorum Principum exemplo, quasi necessitate quadam coactos, Reges nostros fecisse videmus: præsertim

anno
1300.

anno
1410.

anno 1540

sertim Helvetiorum, Germanorum, & Belgarum: qui cum argentea numismata nostris deteriora semper seriant, nostros homines ac civitates nummis argenteis spoliabant, ut ex ijs suos conflarent, & ad nos sua numismata commerciorum necessitate traducerent. Inde populorum graves ac frequentes querelæ, quod in nummorum permutatione & commercijs ineundis tanta detrimenta serant, atque ij potissimum qui rem nummariam, propter metallorum confusionem ad intelligendum difficilem, capere non possunt.

Fraudis origo inde manat, quod suam quisque artem, quo vendibilior sit obscuriorem efficere conatur. Ut medici: qui levissima quæque medicamenta literis obscurissimis Gothorum, verbis quibusdam Arabum cujusmodi est *Ana*, ponderibus achoris Græcorum, tradunt imperitæ plebi, ne scilicet arcana pateant Medicorum. Ita Monetales præfecti ac magistratus nova ratione loquendi rem per sese clarissimam tenebris plusquam Cimmerijs obscurarunt. Nam cum facile dici potuisset, massam auream librarum XXIV, cui duæ libræ æris argenteive admixtæ sint: aut brevius, aurum cujus duodecima pars ærea aut argentea sit, aurum XXII cerationum dicere maluerunt. Cum item argenteos nummos media sui parte æreos dicere liceret, argentum appellarunt sex denariorum, pondere duorum triumve denariorum, æstimatione quindecim denariorum. Ut eodem verbo materiæ vim pondus ac pretium repugnante rerum natura significarent. Cum autem perspicue dici potuisset, argenti libram in nummos octoginta dividi; nummos sex solidorum dicere maluerunt. Rursus monetarum genus sic dividunt, ut quoddam stabile sit, quoddam varium ac mobile, tertium fictum atque imaginarium; cum tamen nihil in re nummaria stabile dici possit, & ab illa quam dixi metallorum confusione labes omnis proficiscatur.

a 1, quoti-
escunque
de argenti
pretio,

Nummus enim Italorum omnium ac Siculorum communis, quem Ducatum *monetam imaginariam* appellant, verissimus erat aureus Constantini solidus, ejusdem ponderis ac pretij cum Angelico Anglorum, & Medino Africano aut Imperiali Belgarum: cujus ponderis sex uncia capit, libra vero duos & septuaginta *a*. Hujus solidi plenæ sunt leges Græcorum, Alemannorum Ripuariorum, Anglorum, Francorum, Saliorum, Burgundionum. Quem majores nostri *aureum solidum* appellabant nostri ad *aureum solarem* ridiculè detorserunt. In his tamen legibus, quos modo dixi, multiplex est ac varia solidorum significatio, ac pretia diversa. Inep- tissimi verò nostri monerales, qui non ita pridem aureis nostris solidis characterem solis impresserunt, quasi solidus à sole diceretur. *Solidum* autem lex appellat, quia ex auro purissimo constaretur. Nihil est enim in universa rerum natura quidquam auro solidius, aut magis compactum; cum cætera omnia corpora vacuitates qualdam habeant inanes. Et quemadmodum aureus nummus Augusti principatu, eodem pondere, quo stater Atticus, quo Philippeus, quo Roseus Anglicus (omnes didrachmi) sub occasum Imperij Romani paulatim imminui cœpit monetaliū capitali fraude, quousque temporibus Constantini tertiā ponderis parte antiquo levior esset. Sic aureus Constantini solidus, qualis est Anglorum Angelicus, majoribus nostris usitatissimus; paulatim pondere minutus est; ac semper minuitur præfectorum monetaliū furtis ac rapinis. Quem enim *aureum veterem* appellamus drachmam pendit: idem Carolo V rege duobus scripulis minutus est: ejus enim ponderis sunt Franci aurei tum Equites tum Pedites; eadem tamen bonitate, qua vere re ejusdem ponderis, cusi sunt Ridæi Burgundiones. Hinc ad Caroli VIII Regis imperium aureus tribus scripulis antiquo levior, & ceratij dodrante deterior paulatim cusus est.

Acta;

Actametſi Franciſcus Major pondere ac bonitate meliores ſignare voluiſſet, nunc tamen leviores ſcripulo & ceratij ſemille deteriores feriuntur.

Ceteræ civitates, Venetorum inquam Genuenſium Florentinorum Senenſium, aureos nummos, quos *ducatos* appellant, & Hiſpani ipſi, una & eadem lege ponderis ac bonitatis, quarta inquam ceratij parte ab auro puriſſimo, tribusque ſcripulis à drachmali pondere percufferunt, uſque ad Carolum V Imperatorem. Is enim anno MDXL aureos Hiſpanos duobus fere ceratijs deteriores, & quatuor ſiliquis leviores cudi mandavit: ex quo duodecima pars libræ, ſive quod idem eſt, uncia æris argenteive auro publica lege miſceri cœpit. Extemplo civitates omnes ac Principes Italiæ eadem lege nummos, ſiliqua tamén graviore, cudi juſſerunt. Pontifex ipſe Romanus Paulus III pernicioſum omnibus præbuit exemplum. Is enim aureum Romanum omnium deterrimum ac leviffimum ſub Farnęſiorum ſtemmate ſignavit; quippe duobus ceratijs ac ſemille ab auro puriſſimo diſtantiorem, ac duobus ſcripulis ſolito pondere levioſorem. Deinde Farnęſius Cardinalis, cum Avenione Pontificis Legatus eſſet, deterius in eo ſe geſſit, quàm avus ipſe: quippe aureos cudiſſimo avo deteriores ac leviores. Quo factum eſt, ut publici corruptores ac monetales præfecti, finitimarum civitatum proba numiſmata undique coacta corrumpere, ac deterrima quæque ferirent.

Et quoniam acutiùs auri quàm argenti prætiũ intuemur, & argentum quàm aurum depravare facilius, fraude etiam obſcurior; ſæpiſſime fit, ut argentei nummi quo ſunt puriores eo rariùs reperiantur: propterea quod ex optimis deterrimos conſtare publicâ finitimarum civitatum lege licet. Regales Hiſpani, argenteorum numiſmatum optimi, undique conquiſcuntur à Belgis & Germanis, ut unciales ac ſemunciales

ales nummos publica autoritate feriant : quos à Regalibus duodecima fere bonitatis parte abesse constat. Sic Lucernates, Solaturij, Undervaldenses, ex nostris Capitonibus suos conflare solent, æris fere duodecima parte admista : leviores etiam sunt Capitonibus Francorum. Etenim bonitatis ac ponderis rationibus subductis, Francorum Capitonibus deteriores sunt duobus fere assibus. Quæ quod subtilius à nobis libro à singulari disputata sunt, omitto.

In para-
doxo ad-
versus Ma-
lestratum

Principum quidem fere omnium legibus severissimè caveatur, ne aurum & argentum extra fines imperij cujusque evehatur. Sed nunquam obtineri poterit ut legibus pareatur, quamdiu commercia cum finitimis populis, uti necesse est, intercedant. Capitales etiam ab aurificibus fraudes manare solent; quas omnes si persequar infinitus sum: nec tamen ullis legibus caveri possunt, nisi ea, quam dixi, ratione semel in rep. constituta. Ut scilicet omnia auri & argenti numismata æquabili proportionem ac pondere feriantur, & à purissimis quarta & vigesima tantum distent: nec aurificibus ab ea lege discedere liceat. Ita fiet, ut argentea supellex argenteis, aurea aureis æquo pondere coëmantur ac permutantur, nec quidquam venditori pereat præter opus. Sic enim vetere majorum nostrorum proverbio dici solebat: *in argentea supellectile nihil venditori perire præter opus*, cum aurifici venderetur. Cur non idem quod ante trecentos annos in Gallia factum est, quod etiamnum in Hispania fieri videmus, simili exemplo faciemus? At nostri aurifices sub operis specie fraudem emptoribus faciunt: ac vilissimo pretio emunt, quod multò carius distrahere possunt. Sublatâ vero auri æris & argenti confusione, fraudes à stirpe convelli necesse est.

Vestigal etiam monetale, quod Principes gravi subditorum incommodo de nummorum pretio detrahunt, tolli, ac potius

potius eo nomine veſtigal novum, tum etiam ad monetali-
um mercedem, imperari æquius eſt. Vt olim Normanni Prin-
cipes & non ita pridem Poloniæ Reges ſanxerunt: ut num-
morum viſ ac poteſtas ubique ſit eadem ſine ullo permutatio-
nis nummorum detrimento.

Et quoniam ab iſis, qui auro, argento ære ſtando feriun-
do præficiuntur, peſtis præcipue manat, eoque latiffime per
omnes imperij provincias graſſatur, unam tantum nummo-
rum officinam in eodem imperio conſtitui necelle eſt; & in
urbe omnium maxima, ut publice ſpectantibus magiſtratibus
nummi percutiantur. Novum id, opinor, præſentis mone-
talibus videri poſſit, præſertim noſtris, qui monetarum offi-
cinas habent fere viginti. At mirum videri debet nequini, qui
modò intellexerit, Romanos in tanto imperio unam tan-
tum monetarum officinam habuiſſe; ſcilicet Iunonis tem-
plum, in quo Treſviri monetales trium metallorum, auri, ar-
genti, æris, nummos ſine ulla miſtura ſignabant. Præterea
Marij Gratidiani Tribuni plebis rogatione ſcholam conſti-
tui placuit, in qua nummi probarentur. Late quoque patebat
imperium Francorum Carolo M. Rege; omnes tamen mo-
netarum officinas in palatium ille coëgit; quo ſeverius & accu-
ratiùs nummi fabricarentur ac probarentur. Poſtea vero
quàm officinas plures habere, & procul à Principe metalla
miſcere licuit, ratio quoque nummaria depravari coëpit.

Hic dicet aliquis: Perſas, Græcos, Romanos ſimplicia
numiſmata æris argenti auri fabricaſſe; nec tamen adulte-
rinos nummos deſuiſſe, ut videre eſt apud Demoſthenem. ¶ Contra
Timocra-
tem & in
titulo de
falſa.
Demus id quidem; ſed tanta fuit eorum raritas, ut id valde
novum videretur: quoniam facillimè quiſque metallorum
ſimplicium naturam vim ac pondus tenebat. Nec tamen
priùs nummi corrumpi coëperunt, quàm metallorum confu-
ſionem principes civitatum invehiffent. Vt Marco Antonio
in Tri-

in Triumviatu probro datum est; quod ab adversarijs profectum opinor; cum adhuc inopia laborantibus Romanis Livij Drusi Tribuni plebis rogatio non sine contumelia rejecta fuisset, cum octavam æris partem argento misceri vellet. Ex quo intelligitur, argenteos nummos etiam illis temporibus à summa puritate nihil aut parum admodum abfuisse. Aurum quoque purissimum extitisse, demonstrant etiamnum aurea numismata veterum Græcorum ac Romanorum, in quibus nihil est admistum æris aut argenti, præter centesimam partem, quæ sine diuturno labore ac detrimento percoqui non potest. At etiam Vespasianus nummos aureos confari jussit, quibus tantum desuit pars auri septingentesima octogesima octava; ut Parisiorum aurificibus ac monetariorum præfidi Turretano compertum est. Mihi tamen sufficere videtur, si pars argenti & auri vigesima quarta desit: ne querantur monetæ operis diuturnitatem & jacturam, aut ignibus imperari non posse.

Nollem si fieri posset (quanquam fieri posse docui) æreos nummos signari. Si tamen aliter Principibus videtur, puros ac simplices confari oportet. Id quidem perfacile est. Ac tamen si antea nummi nostri partes assium minutissimæ decimam duodecimamve partem argenti caperent, nihilominus tamen fraudes in ijs quamplurimæ fieri solent; quæ minus à plebecula, cui potissimum ejusmodi numismata cudentur, percipi solent,

Exstat apud me Jacobi Pinatelli rei nummarie præfetti ad Henricum II Regem epistola populari sermone scripta; quæ graviter queritur de publica calamitate, ac monetæ Parisienses accusat, quod asses justo pondere leviores materiæque deteriores acciderent: detrimentum verò publicum triginta sex assium in singulas libras ejus monetæ fuisse, demonstrat. Ex quo intelligitur in infinita multitudinem talium num-

nummorum, quanta fabricatur, peculatus incredibiles fuisse. Idem tamen Pinatellus à curia monetariorum accepta potestate anno 572 cudendorum denariorum ac duplorum, ad officinas hujus imperij remotissimas se recepit, procul à Principe, procul à luce: actantam vim talium numismatum signavit, ut rationibus omnibus subductis à iudicibus quæstionum centies fere sestertium depeculatus esse comperiatur: nec dubitavit sestertium pellici regis numerare, quæ flagitiosissimi hominis supplicium quidem distulit, non sustulit tamen.

Hæc igitur mea conclusio est, ne in minutis quidem nummis metalla misceri oportere. Sed ea quæ diximus, cum in Asia & Africa, cum item in Hispania & Anglia rectissime fiant, quid obest, quo minus idem in ceteris quoque civitatibus & imperijs fieri possit? Nondubito si Principes inter se conspirent, omnia faciliora futura.

Et quemadmodum veteres à nummorum percussione ad proplasticon & fusionem delapsi sunt, idem nunc quoque nobis faciendum opinor. Nam quò nummi solidiores fuerint, eò melius figuram tuentur, quæ in nummis percussis vetustate perit. Circularis verò & æquabilis figura circumcidi non poterit, quin faciliè cuique appareat. Nec item ullum erit ex cæmentis nummorum detrimentum. Nec iterum atque iterum cæmenta conflare oportebit. Nec tot opificibus opus erit. Nec tantum temporis inaniter conterendum in molestissima percussione: sed eodem momento vis infinita nummorum, formâ cujusque loco & ordine constitutâ, existet. Postremo nummos adulterinos efformare nemo poterit, cum metallorum ea sit natura, ut corporis capacitate ac volumine plurimum inter se distent. Quod quidem volumen in nummis percussis latet; quia percutientis arbitrio distendi aut cogi possunt: forma verò in quam liquata injiciuntur metalla, nec distendi nec minui potest.

Quamobrem si quis aureos nummos ære admisto corrumpere velit, formæ capacitas non patietur; quia corpus æris duplo capacius est, & ratio ad aurum eadem, quæ unius ad 2 & $\frac{1}{2}$, sive octo ad septendecim, siquidem utriusque massa capiatur ejusdem ponderis: contrà verò, si corpus utriusque metalli ejusdem amplitudinis sumatur, auri corpus ære duplo gravius & $\frac{1}{2}$. Vel ut subtilioribus ponderibus ac numeris utamur, eadem est æris ad aurum ratio, quæ 1551 ad 729. Ut quidem me spectante demonstravit Fr. Fuxæus magnus seculi nostri Archimedes.

Auri verò ad argentum ratio ea est, quæ 1551 ad 929 aut fere 9 ad 5. Id est, argentum corporis volumine duplo fere majus est auro, si ejusdem ponderis massam constituamus: vel aurum fere duplo gravius erit argento, si ejusdem voluminis massam utriusque metalli comparemus.

Æris item ad argentum ratio quæ XI aut ad XIII, aut exactissima ratione, ut 729 ac 929. Nam hæc duo metalla corpore ac pondere sibi proxima sunt, colore verò dissimillima.

Propiùs tamen argentum plumbo accedit, tum pondere, tum etiam amplitudine. Id est, plumbum ejusdem magnitudinis quàm argentum, tanto gravius erit argento, quanto numerus XV major est XIV; vel accuratissimè, ut 998 ad 929: aut hujus volumen tanto majus erit volumine plumbi, si utriusque massa ejusdem ponderis inter se conferantur. Sed plumbum corruptoribus nummorum inutile est, propterea quod diffluit, & ab omnibus metallis facile sejungitur.

Stannum quoque admista cetera metalla quasi lethiferum venenum perdit ac plane corrumpit. Ac tamen si argento colore quàm simillimum videatur, corporis tamen amplitudine ac pondere dissimillimum est: nam utriusque eadem fere est ratio, quæ 9 ad XIII; aut subtilius 600 ad 929. Aurum verò ad stannum metallorum omnium levisimum &

corpore

corpore capacissimum, fere triplam habet rationem: id est quam 18 ad 7, vel subtilius 1551 ad 600.

Ferrum item corporis amplitudine & pondere ad argentum ceteris propius accedit: est enim fere utriusque ea ratio, quæ 3 ad 4, vel accuratissime 634 ad 929. Sed aliorum mixturam ferre nullo modo potest. Quin etiam æris drachma, si in ferream fornacem injiciatur, obstat, quo minus ferri materia liquari ullo modo possit, ac totam aduri necesse est. Queritur tamen Plinius, corruptores numismatum argentea lamina ferreum nummum sic texisse, ut argenteus putaretur, idque appellabat *ferruminationem*; qualem me Lutetie nummum memini vidisse. Pondus tamen aut corporis capacitas fucum obductum facile detegit. Aurum verò ferruminationem illam momento demonstrat, cum ferro tantò gravius sit, quantò senarius à novenario superatur: aut exactissima ratione 1551 ad 634.

Postremum est argentum vivum, quod pondere ac volumine proximè ad aurum accedit, levius tamen est & capacius auro: eamque ferè inter se rationem habent quam 3 ad 4, vel accuratissime 1158 ad 1551. Sed omnium celerrime igni carpitur, nec ulla vi retineri potest quo minus evolet ignibus admotum.

Auri verò & argenti, opinor, summa inopia fecit, ut majores nostri proplasticen in re nummaria deferere cogerentur. Vel, quod verius est, monetales ipsi nummos ferre maluerunt, quo fraudes eorum minùs perciperentur. Nostrà quidem ætate nummi solertissima ratione, & quidem nostrorum hominum ingeniosissimo artificio, simul ac semel orbiculari figura secari ac signari & quidem promptissime coeperunt: sed ea ratio deserta jacet, quod usu perceptum est, nummos nec ejusdem ponderis esse, nec formam diu tueri, & in

ezimentorum multitudine ac iteratis fusionibus magnum esse detrimentum.

Quod autem diximus, libram nummorum tum graviorum tum leviorum integris numeris dividi oportere sine ulla fractione numerorum, habet eares incredibilem utilitatem, tum ad commerciorum facilitatem, tum ad nummorum permutationem. Si videlicet auri & argenti, atque adeo si placet, æris libra unciarum 12 in nummos 24, 36, 48, 72, 96, 144, 192, 376: non tamen æris vel auri libram in numismata 376 dividere necesse est, sed argenti duntaxat. Omnium verò libræ partitionum utilissima est drachmalis, scilicet in nummos 96.

Et quoniam repentinæ legum mutationes ac rei nummarie conversiones grave civitatibus detrimentum, sæpe quoque rebellandi occasionem afferunt; id sensim fiat oportet, quò levius incommoda ferantur. Cum enim legatione suscepta ad Conventus Gallorum Bloesas profectus essem, iussus sum à Principe, cum monetaribus præfectis ac Marcello ærarij Tribuno de re nummaria, quâ tunc gravissimè resp. conflictabatur, consilium capere; ubi breviter ea, quæ superius scripsimus, quæque populari sermone jam pridem à nobis pervulgata fuerant, disseruimus. Summa tamen fuit: nihil utilius fieri posse, sed tam gravi morbo nummario temp. urgeri, ut eam medicinam, quantumvis saluarem, difficillime laturavideretur. At nullæ medicinæ tam sunt salutares quàm quæ faciunt dolorem. Et quoniam pocula cataplasmata sectiones, nihil proficiunt membris putribus, ignes & cauteria admoveere necesse est. At paulò post intellexi, peculatores publicos intercessisse, quo minus ea quæ dixi publica lege sancirentur. Quin etiam argentea numismata deteriora quam antea signarunt, & ex eo centies fere LLS corraferunt. Neque tamen dubito, si ærofa numismata lege prohibeantur, ac justo pretio nummu-

nummulariis dentur, subditos iacturam non leuem faciuros;
quam Princeps quisque quadam ex parte faciat oportet. Sed
illud incommodum pro tantis utilitatibus levisimum opti-
mo cuique debet videri.

EXCERPTA

EX

IOACHIMI HOPPERI DE VERA IURISPRU- DENTIA

Libro VII & VIII.

De bonorum Cesareorum curatione
secundum leges Iustinianicas.

LIBRI VII

DE VERA JURISPRVDENTIA

TITVLVS XXIX.

De Comitibus Sacrarum largitionum & Rei privatae.

G Reliquum est de ijs ut reddas, qui rem pecuniariam in aula tractant. T. Itz est. Et quidem cum res pecuniaria omnis vel in ijs consistat, quæ ex largitate populi proficiscuntur, vel ex ijs, quæ Augusto vel Augustæ pro certo perpetuoque redditu Imperij privatim sunt destinata, qui illis præest, Comes sacrarum largitionum, remunerationumque S. thesaurorum dicitur: qui his, Comes rei privatae, ad quem & eorum, quæ in fiscum rediguntur, cura pertinet. Et si quid apud Principem tractatur ad has res pertinens, id, quemadmodum Quæstoris, ita Comitibus etiam rerum privatarum annotationem habere debet. Quibus de rebus sunt Tituli Codicis: *De officio Comitibus sacrarum largitionum: de Officio Comitibus rerum privatarum.* ultra quos est alius titulus, *De officio Comitibus sacri patrimonij.* ad quem earum rerum cura pertinet, quæ non causâ Imperij, ut superiora, sed ex proprio Patrimonio Principi competunt. G. Rectè. T. Vtrique autem, tam largitionum, quam rei privatae Comiti hoc commune est, ut publicâ populi acclamatione saluentur, quemadmodum quæstores & magistri officiorum: & in judicijs tam civilibus quam criminalibus pari utuntur privilegio, ut demonstrat titulus Codicis: *Vbi Senatores vel Clarissimi civiliter ubi criminaliter conveniuntur.* Cui hoc accedit, quod Palatinos suos habent & Officiales, quorum scholæ ambæ iisdem fruuntur privilegijs, ut videre licet sub rubrica Codicis: *de Palatinis sacrarum largitionum, & rerum privatarum* G. Probè. T. Porro habent autem ambo scholas suas, in quibus militant Rationarii, Scriniarii, Nume-

Numerarij, Tabularij, Notarij, Exceptores, de quibus supra dictum est, Thesaurenses qui pecunias recondunt, Mitterdarij, qui ad pecunias colligendas mittuntur; & eorum adiutores & similes, cum suis Pimicerijs, & Primatibus, Centenarijsque, & Ducenarijs, qui primis secundis, tertijs, quartis formis distinguuntur, quorum opera in colligendis pecunijs, & debitoribus fisci exigendis, alijsque similibus utuntur. Vnde fit, quod res aliquas ejusmodi conductas habere prohibentur. G. Intellego. T. Adde quod singuli isti Comites certos habent, sub dispensatione sua constitutos. G. Comes Rei Privatæ quos habet? T. Rationales sacri ærarij, bastagam privatam eorum qui rebus deportandis serviunt, præpositos gregum & stabulorum, procuratores saltuum, agricolas, pastores, venatores ad domum Principis pertinentes. G. Quosnam autem Comes Largitionum? T. Primum Comites diversorum generum, nempe horreorum, ubi species reconduntur: thesaurorum, ubi pecuniæ: largitionum per omnes provincias, qui largitionibus præest: metallorum cum suis procuratoribus & metallarijs: & commerciorum, sub quo sunt negociatores ad domum Principis pertinentes, ut vestiarij, linteones, purpurarij, parthearij, merararij, & alii id genus mercatores, qui à mercibus in quibus negociantur, nomen habent. G. Intellego. T. Tum Præpositos diversos, ut thesaurorum qui thesauros cujusque provinciae curant; bastagarum qui rebus importandis & exportandis præsunt; & barbaricariorum, de quibus supra est expositum. G. Teneo. T. Ad hæc Procuratores varios, ut gynæciorum, ubi vestimenta muliebria servantur; monetarum ubi pecunia cuditur; textrinarum ubi vestes texuntur; baphorum ubi tinguntur; murilegolorum, qui circa conchas unde purpura fit legendas versantur. De quibus sunt Tituli Códicis: *De Murilegalis & Gynæciariis, & Procuratoribus gynacij, & de Monetariis & bastagiariis: De vestibus oloberis & auratis: & de instructione sacri*

sacri murici G. Rectè. T. Pòst Scriniarios diversos, ut cano-
num, hoc est, ordinariorum tributorum, auri massæ quod in-
fectum est; auri ad responsum quod responsalibus Principis
destinatum est; milliaccensis quod militibus; auri vestiarii sa-
cri quod vestibus; argenti, qui argentum custodiunt; à pecu-
nijs, qui pecuniam. G. Probè. T. Denique Artifices varij ge-
neris, qui suæ conditioni ac fortunæ tanquam servi sunt ad-
dicti, de quibus speciatim nos dicturos diximus.

Tit. XXX.

De Artificibus Palatinis.

G Hi igitur quinam sunt? T. De quibus tractant Tituli
Codicis: *De naviculariis seu nauticis publicas species trans-*
portantibus: Et de tollenda lustralis auri collatione: De pradiis &
omnibus rebus naviculariorum: De navibus non excusandis: Ne quid
oneri publico imponatur: De metallariis & procuratoribus metallo-
rum: De classicis. Pertinetque huc in genere Novella, *Edictum*
de formula artificum. Ac sunt quidem, aurifices specierum, au-
rifices solidorum, sculptores, officiales sacrarum vestium, argen-
tarij, barbari carij, fabrienses, navicularij, classici, metallarij
& eorum procuratores, & monetarij qui monetæ cudendæ
præsunt. G. Intellego T. Quæ quidem moneta omnis vel in
ære consistit, vel in argento, vel in auro. Sicut una auri li-
bra, quatuordecim libris argenti & quinque uncijis æstimetur:
æris vero mille quadraginta quatuor libris: ut ostendunt Ru-
bricæ Codicis: *De Collatione aris: De argenti presio quod abesan-*
ris inferatur: De veteris numismatis potestate. G. Rectè T. Ac cum
una auri libra in duodecim uncias dividatur, singulæ uncia rur-
sum dividuntur in senos solidos sive aureos. G. Probè. T.
Qui solidus primùm dividitur in quatuordecim scrupulos; qui
scrupuli faciunt singuli obolos binos; & oboli rursùm cera-
tia duo, siliquas tres, & semiceratia quatuor; ex quibus sili-
quæ sextam scrupuli, solidi octogesimam partem constituunt.

G. Pul.

G. Pulchrè. T. Deindè in semissem, hoc est, dimidiam partem solidi; tremissem, tertiam; denarium duodecimam; & quinarium vicesimam quartam. Ex quibus denarius libellas decem continet, quinarium quinque. Ac continet quidem libella sembellas duas, teruncios quatuor; faciuntque libella & sembella sestertium nummum; qui dupondios continet duos, asses autem quindecim. G. Optimè. T. Præter hæc, sit etiam mentio in lure nostro miliarensum, ovoque & cyatho signatorum, & quadrangulorum, quæ minutissima æra fuisse constat.

LIBRI OCTAVI DE VERA JURISPRVDENTIA TITVLVS XXIII.

De Re Tamiaca.

G Dixisti de Civilibus Magistratibus, dixisti de Militari-
bus: quid? an aliud restat, quàm de Tamiacis uti nunc
tractes? T. Non aliud certè. Et quidem uti res civilis ad ju-
stitiam in rempublicam inducendam pertinet, militaris ad li-
bertatem ejus defendendam: ita hæc Tamiaca in rebus ad vi-
tam necessarijs consistit, unde & nomen ipsum deductum est.
G. Benè dicis. T. Ac quamquam quidem omnis pecunia pu-
blica (in qua nervum Imperij Jurisconsulti esse ajunt) partim
Populi sit, cujus propriè dicitur ærarium, partim Principis cu-
jus est Fiscus (quæ tamen nomina subinde confunduntur)
nos de Re Principis, qui caput est universæ reipublicæ, dun-
taxat agemus. Atque universam quidem tractationem ita distri-
buemus; ut Vnum caput Rei Privatae, in quo fisci nomen pro-
prie ponitur, constituamus: Alterum verò Sacrarum Largi-
tionum sive thesaurorum. Nam hanc summam totius Rei
Tamiacæ divisionem esse supra demonstratum est. Ac de sin-
gulis

gulis quidem quidnam sint, quomodo administrantur, & quos magistratus habeant, explicabimus.

TITVLVS XXIV.

De Re Privata.

G. Igitur Rem Privatam quam vocas? T. quæ propria est Principis & Augustæ. Vnde & Patrimonium Principis, & Fisci, & Res Canonice patrimonialis, & Cæsaris, & Dominica, & divinæ Augustæque domus vocatur. Inter quæ quidem tametsi tenues quædam sint differentiæ, omnes tamen ad unam summam redeunt. Ad quæ omnia generaliter pertinent Tituli Digestorum & Codicis, *de jure fisci, de privilegiis fisci*. G. In quibus autem consistunt Res Privatæ T. partim in superficialibus: cujusmodi sunt domus, ergasteria, palatia: partim in iis quæ soli sunt, ut terra, fundi, paludes, alluviones, pascua; & partim in animalibus, cujusmodi sunt greges equique dominici. De quibus omnibus & eorum jure ac privilegiis sunt Tituli Codicis: *De Privilegiis divina domus Augusta, vel res privata: & quarum collationum excusationem habent: De palatiis & domibus dominicis: De pascuis publicis & privatis: De fundis patrimonialibus & saluensibus & emphyteuticis & eorum conductoribus: De collatione fundorum patrimonialium & emphyteuticorum: De fundis rei privata, & salibus divine domus. De sandis & salibus rei tamica: De collatione fundorum fiscalium, vel rei privata, vel dominica vel civitatum, vel templorum: De cupressis ex luco Daphnensi vel Perseis per Aegyptum non excidendis vel vendendis: De grege dominico*. G. Probe. T. Et quidem qui istis agris colendis præsent, vel liberi sunt, qui agricolæ & conductores fiscales appellantur, & tributarii à tributo quod pendunt: vel servi & mancipia fiscalia, quæ alia censibus adscripta sunt, alia non sunt: vel medio quodam modo inter utrumque genus, qui coloni propriè vel coloni patrimoniales vocantur. Quos quidem nonnullos videas originarios, qui ita nati ortique sunt; nonnul-

los verò colonarios, qui per contractum, qui ob id colonarius dicitur, in eam se conditionem dederunt: alios autem adscriptitios, qui una cum gleba in censum relati, vel tanquam censibiles annorati sunt, unde & censiti nominantur, sive illi agri colendi causa ibi sunt, sive ut ratiocinijs fundi præsint. Ac elocantur quidem fundi patrimoniales, vel per simplicem contractum locationis & conductionis; vel per emphyteusim sive perpetuum contractum (nam parum aut nihil inter utrumque interest) vel cum jure privato penitus transferuntur. Quod sit vel salvo canone annuo, qui facit ut tributarius fundus dicatur; vel sine canone, cum nihil aliud quàm agnitio directi dominij debetur. De quibus omnibus & eorum jure ac privilegijs sunt Tituli Codicis: *De agricolis & censitis & colonis: De quibus causis coloni & censiti dominos accusare possunt: De colonis Palæstinis: De colonis Thracensibus: De colonis Illyricanis: Ut nemo ad suum patrocinium suscipiat rusticanos vel viros eorum: Ne rustici ad ullum obsequium evocentur: Non licere habitatoribus metropolium loca sua ad extraneum transferre: Ut nullus ex vicaneis pro alienis vicaneorum debitis teneatur: De fundis Patrimonialibus & saluensibus & emphyteuticis, & eorum conductoribus: De mancipijs & colonis patrimonialium & saluensium & emphyteuticorum fundorum: De fugitivis colonis & patrimonialibus saluensibus & emphyteuticis: De agricolis & mancipijs Dominicis & fiscalibus rei publicæ vel privæ. De pradijs ramiacis, & his qui ex colonis ramiacis aliisque libera conditionis procreantur: De locatione pradiorum civilium, vel fiscalium, sive templorum, sive rei privæ vel dominicæ: Quibus ad conditionem pradiorum fiscalium accedere non licet. Pertinentiq; huc Novellæ: Ut nullus mutans agricola teneat ejus terram, & nullum credentem agricola tenere ejus terram, & quantum debeat usurarum dare: Constitutionem quæ ex adscriptitis & libera natos liberos esse vult, non ijs qui ante constitutionem nati sunt, sed qui post constitutionem, prodesse, & his ne*

*venerabiles domus commutationes faciant ad invicem immobilium rerum ecclesiasticarum, decreto prius interposito, excepta hac majori ecclesia. G. Rectè. T. lam ea quæ à colonis aliisque præstantur in diversis consistunt functionibus sive præstationibus. Ex quibus una est capitum quæ animalis vocatur, & præbitione constat pecorum: altera frugum quæ ob id frumentaria dicitur, & terrena: & tertia pecuniæ, quæ auraria appellata est: G. Intellico. T. Porro & illud scitu dignum est, nomina quæ rebus hisce privatis imponuntur ab usu ferè duci cui destinata sunt. Nam Limitrophii fundi sunt ex quibus limitanei milites aluntur: Tamiaci qui ad ærarium Principis pertinent: Agonotheici qui sacris certaminibus sunt destinati: Templorum, qui rei divinæ sunt addicti: Castrorum ex quibus castellanis militibus necessaria administrantur. Et si qua sunt alia his similia: ut ostendunt Tituli Codicis: *De fundis limitrophis, & terris & paludibus, & pascuis, & limitaneis castrorum: De diversis prædiis urbani & rusticis templorum & civitatum, & omni redditu civili, cum aliquot præcedentibus.**

TITVLVS XXV.

De Administratione Rei Privata.

Nunc administratio Rei privatæ in quonam consistit? T.

- I. in Acquirendo, Conservando, & Amittendo. G. de *Acquisitione* quid ais? T. Acquiritur aliquid Principi vel jure communi per emptionem successionem & alijs modis: vel jure singulari per confiscationem bonorum. Quæ sane ex multis causis contingit: cujusmodi sunt tacitum fideicommissum, si indigno quid relictum sit, si hæres mortem defuncti non vindicet, si thesaurus inventus, si res majoris pretij minoris ex fisco comparata sit, si per prævaricationem fiscus victus est, si ab accusatione quis destiterit, si res litigiosa venundata, si poena ex contractu privato fisco debeatur, si quis in capitali crimine discesserit, si post mortem reus factus est, si domus diruta, si
adver-

adversus leges commissum factum est, si bona vacantia referantur, & his similia. Quo pertinent tituli Digestorum & Codicis: *De jure fisci, de Privilegiis fisci, De thesaurus*, cum alijs non tam ad jus publicum quàm privatum pertinentibus. G. Rectè. T. Acratio quidem quæ ea quæ fisco delata sunt illi applicantur, quàm *incorporationem* Leges nostræ vocant, ferè est hujusmodi. Si quæ bona ad ærarium delata perhibentur, primum certi mittuntur Palatini electi jurati ad provinciam ubi bona sunt. Ad horum postulationes Præses Provinciæ, præfente fisci Patrono, inquit de bonis illis quænam sint & quantæ, datâ unicuique contradicendi potestate. Eo facto, si nullus apparet adversarius, & tam relatu Præsidis quàm ex publicis monumentis constet locum ærario ellè factum, refertur eâ de re ad Imperatorem: qui tum ea curat apprehendi. Apprehensa Comes Rerum Privatarum ritè & solenniter in inventarium rerum privatarum, ubi bona Cæsaris descripta sunt, redigit. Quod & Rationalis Provinciæ, ubi bona sunt sita, diligenti stilo tacere jubetur. Quibus omnibus peractis rebus, ultimum est ut tituli Regij his bonis appendantur. Quæ re substantiæ Cæsaris quasi consecrantur: & ob id non propriâ usurpatione sed publicâ restitutione fieri debet. Ad quæ omnia pertinent tituli Codicis: *De bonis vacantibus, & de incorporatione: De delatoribus: De petitionibus bonorum sublaris: De his qui se deserunt: Bonis fiscalibus creditores præferri: De sententiis adversus fiscum latis retractandis: Si liberalitatis Imperialis socius sine herede decesserit: Ut nemo privatus titulos prædij suis, vel alicujus imponat, vel vela regia suspendat.* Nunc de conservatione quæ ais è T. *Conservatio* bonorum fiscalium in hoc non minimâ ex parte consistit, ut debitores fiscales diligenter exigantur, & privilegia fisci ea in re etiam atque etiam custodiantur, & si tortè debitores ipsi solvendo non sint ad fidejussores eorum vel actores aut nominatores aut denique magistratus

II.

atur. Potissima autem pars exactionis est, cum bona ejus, qui fisco condemnatus est, nec ultra satisfacit, hæcæ subjiciuntur. Cujus forma & ratio est hæc. Prima ejus pars est proscriptio bonorum, quæ venum exponuntur, post quam sequitur solennitas hastarum & decursus. Et est solennitas hastarum, cum hasta publicè defigitur, ad res proscriptas vendendas. Decursus certa præfinitio temporum, intra quæ licitare & majus pretium offerre cuique permissum est. His peractis sequitur addictio per procuratorem fisci. Quæ est duplex: una ultra quam licitare adhuc licet, & amplius pretium offerre; altera quæ finem imponit solemnitati & decursui hastarum, quæ retractari non potest, nisi fortè vel solennitas aliqua omissa fuerit, vel nimis exiguum pretium est, quo res sit vendita. Quibus de rebus sunt tituli Codicis: *De jure fisci & conveniendis fisci debitoribus: Vbi causæ fiscales & divina domus hominumque ejus agantur: De fide instrumentorum & jure haste fiscalis, & de additionibus: De his qui ex publicis rationibus mutuam acceperunt pecuniam: De fiscalibus usuris: De sententiis adversum fiscum latis retractandis.* G. Restat de Amissione ut dicas. T. Amittuntur bona Cæsaris, cum alienantur majoris utilitatis causa. Quanquam hoc Procuratori Cæsaris vel Rationali prohibitum est; cui non alienare rem Cæsaris, sed diligenter gerere, præcipitur. Qua de re sunt tituli Digestorum & Codicis: *De Officio Procuratoris Cæsaris, vel Rationalis: De venditione rerum fiscalium cum privatis communium: Ne fiscus rem quam vendidit evincat.*

TITVLVS XXVI.

De Magistratibus & officiis Rei privatae.

- I. Deinceps Magistratus & Officiales rei privatae quinam sunt? T. Plane summus Magistratus hic est Comes Rei privatae, de quo ex rubricis Codicis, *De officio Comitum rerum privatarum, & De officio Comitum sacri Patrimonij* supra diximus. Qui & Comes

Comes sive præfectus ærarij privati appellatur, & jus ea de re dicit. G. Audio. T. Post eum sequuntur *Procuratores Cæsaris* sive Principis aut Imperatoris per singulas provincias. De quibus est Titulus Pandectarum: *De officio Procuratoris Cæsaris & Rationalis*. Qui & Procuratores dicuntur Cæsaris, & Rationales, & Procuratores Rei Dominicæ vel fisci, propterea quod de rebus fiscalibus jus dicunt. His non malè addideris Advocatos, sive *Parronos fisci*, qui res Cæsaris non in iudicio modo tuentur, sed & cum fiscalia negocia à Comite sacri ærarij vel Rationali tractantur, adesse debent, adèd, ut nisi ad sint nihil valeat quod actum sit: quod secus est in cognitione Principis. Estque hoc illi speciale, ut sub titulo Codicis *De Advocatis diversorum iudicum* traditur, quod quacunque parte anni moriatur, solatia totius anni ad heredes ejus pertineant. G. Intelligo. T. Ac quantum ad *Officiales Res private* attinet, primæ eorum sunt Palatini seu Cæsariani aut Catholiciani, de quibus supra traditum est. Post eos sunt tabularij civitatum: qui cujusque civitatis in qua degunt, rationes tradunt, & cautiones nomine Principis subnotant, instrumenta conditionalia, quæ super contractibus fiunt, conficiunt, unde & conditionales nonnunquam appellantur. De hinc sequuntur actores & exactores rei privatæ. Ex quibus actores sunt, qui jussu Palatinorum aut tabulariorum, quoquo modo rem fisci agunt, eoquæ nomine tenentur: Exactores qui exigunt ea quæ debentur. Ultimi sunt susceptores & arcarii. Ac sunt quidem susceptores, qui species rei privatæ debitas recipiunt & condunt, quos Procuratores rei Dominicæ suo periculo creant. Arcarii, qui arcæ, in quam pecuniæ rei privatæ recipiuntur, præsunt.

Tit. XXVII.

De Sacris Largitionibus.

G. Audivimus de Re Privata: dehinc de *Sacris Largitionibus*

tribus volo ut dicas. T. Sacrae sive Privatae largitiones sunt, quas Princeps non ex corpore patrimonij sui, sed ex populi largitate sive collatione percipit: Unde & *devotiones* & *sanctiones* & *pensationes* appellantur. G. Quomodo autem dividuntur? T. Enimvero summa Largitionalium titulorum in duo capita deducitur. Nam vel sunt Ordinarij, vel Extraordinarij, qui & ipsi subinde longo usu fiunt ordinarij, unde & Indictio canonica nomen habet. G. Qui sunt Ordinarij? T. Qui ex ordine praestantur: Unde Canon largitionalium titulorum dicitur, & praestatio. Prout demonstrat Titulus Codicis, *de Canone largitionalium titulorum*: sive personarum ea sit, sive rerum, sive utriusque generis. G. Quae sunt personarum. T. Personarum sunt capitatio, sive census capitales, quem omnes etiam coloni Principis pendunt, nisi qui speciatim excepti sunt, ut cives Lycaoniae, Pamphyliae, Thessalonicae: ut ostendit Titulus Codicis *de Capitatione civium censibus eximenda*: Item opus angariarum & parangariarum, quod in gestatione ordinaria vel extraordinaria consistere supra diximus: veredorum & paraveredorum, quod in rhedis & equis praebendis ac ducendis: Cura conficiendi pollinis: excoctio panis aut calcis: officium pistrini: praebitio lignorum aut carbonum: necessitas temonis aut capituli, cum scilicet certa capita animalium ad plaustra trahenda dantur: necessitas venalitij, cum certo pretio quid Principi vendere quis cogitur: cum alijs similibus, quae personalia sordida corporalia & deportatoria munera sive obsequia vocantur. Potestque huc etiam referri praebitio tyronum, quos ad bellum Princeps emittit, de qua est titulus Codicis, *De praestatiene Tyronum*. G. Quae sunt Rerum? T. Haec vel ad *vectigalia* pertinent rerum mobilium, vel ad tabularias functiones rerum soli. Prioris generis sunt, quae pro his quae per vias, portus, flumina, pontes aliaque ejusmodi loca transferuntur aut traduntur, vectigalis nomine pendi

pendi solent. Quod quidem vectigal non nisi per ipsum Principem institui potest, & ut plurimum octavam rei partem continet. Cujus duæ partes Principi, tertia proximæ civitati aut municipio ad necessitates suas cedit. Pertinentque ad hoc quoque genus, vectigalia quæ ex ijs quæ è terra effodiuntur eruunturve præstari solent; cujusmodi sunt metalla, salinæ, cretæ fodinæ, cotoria & alia id genus. De quibus omnibus sunt Tituli Digestorum : *De Publicanis & vectigalibus & commissis: Vectigalia nova institui non posse.* Ad Tributarias functiones rerum soli pertinent, quæ dicuntur census annui siue tributa nonnunquam. Ad cujus quidem justam rationem æstimationemque ineundam duo potissimum spectantur, Jugatio & Capitatio. Jugatio, cum pro modo jugerum & eorum, quæ in fundo crescunt annuus ejus census constituitur, unde functio terrena dicitur. Capitatio, cum capitum siue animarum quæ in fundo sunt ratio habetur. Quæ autem census siue tributi nomine præstantur, vel in pecunia consistunt, & vocantur speciali nomine tributa, vel in speciebus, quæ annonæ siue annonariæ functiones dicuntur. Ac consistunt quidem in pecunia, ubi certa quantitas auri, argenti, æris penditur: in speciebus, ubi frumentum, laridum, vestis præbetur. Ad quæ omnia & eorum privilegia pertinent Tituli Digestorum & Codicis: *De Censibus: De Canone largitionaliū titulorum: De annonis & tributis: Si propter pensationes publicas venditio celebrata fueris: Sine censu vel reliquis fundum comparari non posse.* G. Quæ sunt utriusque generis? T. Qui ad personas pariter & res tituli pertinent. Suntque tituli Auricoronarij & lustralis. Ac est quidem Aurum coronarium, quod à Principis corona nomen habet, & ob victoriam & res benè gestas præstari solet: nec ab alijs exigitur, quàm qui id dare consueverunt. De qua re est titulus Codicis: *De auro coronario.* Aurum autem lustrale à lustro dicitur, propterea quod in

III.

singula quinquennia ab ijs qui publica conducerent & à mercatoribus dari solet. Sed hodiè sublatum est, ut demonstrat Titulus Codicis, *De naviculariis & de tollenda lustralis auricellatione*. G. Qui sunt Tituli extraordinarij? T. Cum non perpetuò sed ad tempus propter aliquam necessitatem repentinam quid præstatur. Ac sunt quidem hujus generis quæ vocantur Indicta sive Indictiones temporariæ; quibus inde nomen est, quod à Principe indicuntur sive imperantur jussionibus missis, primum è Palatio ad Præfectos Prætoriorum, & inde ad Præsides provinciarum: ut ostendit rubrica Codicis, *De Indictionibus*. Cum quibus non malè numeres Superindicta: quæ sunt, quando Indictioni præcedenti aut canonice ordinario temporale aliquod imponitur incrementum: ut videre licet sub titulo Codicis *De Superindictis*. Præter Indictiones sunt & Oblationes, quas ineunte novo anno aut natali die Principis offerre mos est: qua de re est Titulus Codicis *De oblatione votorum*.

TITVLVS XXII.

De Administratione Sacrarum largitionum.

I.

G. Jam administratio Sacrarum Largitionum quibusnam rebus continetur? T. Tribus omnino, Professione bonorum, Exactione & Transmissione. G. *Professio* quid est? T. Cum quis bona sua indicat ac profitetur; merces quidem apud publicanum ad vectigal solvendum, nam absque eo in commissum caderent: homines verò liberos apud Magistrum census ad capitationem præstandam & opus exhibendum, ita ut masculis binis aut ternis scæminis autem quaternis unius capitis tributum imponatur: cœtera vero bona tam immobilia & ea quæ in ijs nascuntur, quàm capita sive servorum sive animalium quæ ibi reperiuntur, apud eundem Magistrum census eduntur ad tributa edictaque solvenda. Quod & in censum referri dicitur, & in publicis libris census civitatum vel

vel encanterijs provinciarum describitur, qui, si quid exoritur difficultatis adiri debent. G. Rectè. T. Formam censualem describit Ulpianus hoc modo: *Forma censuali caveatur, ut agri sic in censum referantur. Nomen fundi cuiusque, & in qua civitate & in quo pago sit, & quos duos vicinos proximos habeat: & id aruum, quod in decem annos proximos sectum erat, quas jugerum sit; vinea, quos vines habeat; oliva, quos jugerum; pasena, quos jugerum esse videantur: item sylva cadua. Omnia ipse qui deferre astringet. Illam aequitatem debes admittere censor; & officio ejus convenit relevari eum, qui in publicis tabulis delato modo frui certus ex causis non possit. Quare & si agri portio chasmate perierit, debet per censitorem relevari. Si vines mortuae sint, vel arbores aruerint, iniquum eum numerum inseri censui. Quod si exciderit arbores vel vines, nihilominus eum numerum profiteri jubebis, qui fuit census tempore, nisi causam excidendi censor probabit. Is verò qui agrum in alia civitate habet, in eadem civitate profiteri debes, in qua agere sit: agri enim tributum in ea civitate debes levare, in cuius territorio possideretur. Quamquam in quibusdam beneficia personis data immunitatis cum persona exstinguantur, tamen cum generaliter locis aut personis datur immunitas, sic data videtur, ut ad posterum transmittatur. Si cum ego fundum possiderem professus sum, petitor autem meus non fuerit professus, actionem illi manere places. In servis deferendis observandum est, ut & nationes eorum & aetates & officia & artificio specialiter deferantur. Lacus quoque piscatorios & portus in censum dominus debes deferre. Salina si qua sunt in pradiis & ipsa in censum deferenda sunt. Si quis inquilinum vel colonum non fuerit professus, vinculis censualibus teneatur. Qua post censum editum nata, aut postea quasita sunt, intra finem operis consummari professionibus edipossunt. Si quis ventam petierit, ut censum sibi emendare permittatur, deinde post hoc impetratum cognoverit se non debuisse hoc petere, quia res emendationem non desiderabat, nullum ejus prejudicium ex eo quod petijt, ut censum emendaret, fore*

sapientè rescriptum est. Hactenus Ulpianus. G. Probè. T. Jam ut hæc profectio censusque descriptio rectè fiat, & tam ad ordinariàs quàm extraordinariàs functiones accommodetur, hæc ferè solent intervenire : Inspectio, Discussio, Opinio, & Peræquatio. *Inspectio* est, cùm quantitatis & qualitatís agrí ratio initur. *Discussio* cum ejus justa sit æstimatio, quantum in universum valeat, vel singulis annis reddat, cùm jugationis tum capitacionis ratione, ut supra ostendimus, unde & Moderatio appellatur. *Opinio* est designatio ejus quod pro modo agrí ejusque valore in tributis publicis pendere quis tenebitur. *Peræquatio*, quæ respicitur, ut in supradictis faciendis æqualitas & proportio quædam agrorum & professionum servetur, nec unus magis quàm alius gravetur, quod est odiosum & injustum. His ita constitutis rebus, siquidem ordinaria aliqua functio præstanda est, aut extrà ordinem quid imperandum; primum fiunt delegationes in curia, quibus quid quæve provincia in universum præstare debeat describitur. Quæ delegationes tum ad Præfectos Prætoriorum mittuntur, siquidem de speciebus agatur, quæ militibus distribui debeant; tum ad Præsides & Rationales provinciarum cum pecunia pendenda est. Horum rursus officium est, non quidem remittere aut intendere has delegationes, sed secundum earum inscriptionem procurare: ut quid singuli pro modo rerum suarum præstare debeant ratio ineatur. Ad quam rem tabulariis civitatum mandant, ut brevía quædam eâ de re conficiant, quæ ad singulos mitti & ferè quadrimestria esse solent. Hæc de Professione. Ad quæ pertinent tituli Digestorum & Codicis: *De publicanis vectigalibus & commissis: De censibus: De Censibus & Censitoribus & Peræquatoribus & Inspectoribus: De agro deserto, & quando steriles fertilibus imponantur, & alijs de quibus post dicitur.* G. Nunc de Exactione quid ais? T. Sane quæ ad exactionem largitionaliū rerum pertinent partim

tim profligatione constant, partim susceptione. G. Quid est
profligatio? T. Judicialis persecutio ejus quod Principi tribu-
 torum nomine debetur. Vbi & delegatorias suas literas, &
 brevia exhibere debet. Exactor sive Compulsor (nam hoc no-
 mine appellatur) ut tam de autoritate ipsius constet quàm
 de summa debita. Nam eam excedere, & suprà quàm debe-
 tur exigere, gravissimè prohibitum est, condemnatione facta.
 Si quidem moram facit debitor in solvendo, tametsi ipse eo
 nomine comprehendere non possit, per captionem tamen pi-
 gnorum compellitur ad solvendum. Ac observatur quidem
 ferè in solutione, ut in sacrosanctis ea fiat Ecclesijs, quo res
 quàm pacatissimè procedat, & si species debeantur à primor-
 dio cujusunque Indictionis: Si vero pecuniæ, certis anni
 temporibus solvantur. Cui accedit, ut justis ponderibus &
 mensuris solutio fiat, nec non justà proportionem auri argen-
 ti æris. Ad quàm rem cautum est, ut modij ænei vel lapidei
 cum sextarijs & ponderibus publicè adserventur, & pro singu-
 lis libris argenti quini solidi inferantur. De quibus omni-
 bus sunt tituli Codicis & Novellarum: *Vbi de rationibus tam*
publicis quàm privatis agi oportet: De capendis & distrabendis
pignoris tributorum causa: De Collatione æris: De Argentis pre-
stito quod thesauris inferitur: De publicis tributis expediendis & sol-
vendis: De ponderatoribus & auri illatione: De auri publici per-
secutoribus. G. Quid est. *Susceptio*. T. receptio eorum quæ
 ratione tituli largitionalis debentur. De qua quidem re præ-
 cipitur, ne is qui suscipit durum se ac difficilem præstet, eoquæ
 modo rei differendæ occasionem præbeat. Cujus & hoc mu-
 nus est, ut omnia quæ suscepit diligenter annotet, nec ullò
 modo rebus susceptis se immisceat, inve usus suos eas con-
 vertat. Quin & hoc curæ habere debet, ut suscepta diligenter
 condantur, species quidem in horreis publicis, pecuniæ au-
 tem in arcibus cujusque provincie, siquidem habeat: sin minus

III.

ejus quæ proxima est. Nam hæc sunt in quibus thesauri provinciarum existunt, ut demonstrant Tituli Codicis : *De conditis in publicis horreis, & his quæ ex publica collatione inlata sunt non usurpanda*, cum alijs de quibus post dicetur. G. Restat de transmittendis ijs quæ exacta sunt ut exponas, nam id in administratione sacrarum largitionum tertium esse diximus. T. Verum. Et hæc quidem Transmissio, tum quidem sacra embola, tum autem publicarum specierum transvectio vocatur. Et verò undenam hæc transmissio fiat, satis, ut reor, ex antedictis intelligi potest, quippe ex ijs quos diximus thesauris: quod autem mittantur, & quo pacto, id verò videndum est. G. Quod autem mittuntur? T. Communiter ad sacrum Principis Comitatum sive Conitem largitionum; qui & condita ea habere jubetur, & per diversa scrinia disponere. Sed & ad Præfectos Prætoriorum, ut inde militibus satisfiat. Subinde vel ad ipsos milites mitti solent. Et si species sint ad arma fabricanda, vel monetam cudendam, aut ad vestes aliave ornamenta facienda idonea, ad fabricenses ipsos, monetarios, murilegulos, gynæciarios rectâ viâ destinantur. G. Quomodo autem fit transvectio? T. Fit vel terrâ vel mari per navicularios servilis propè conditionis homines qui ei rei addicti sunt. Nec potest quis in publica transvectione naves suas ab hac re excusare. Adde quod quæ per mare transportantur species publicæ vocantur, ad differentiam earum quæ terrâ vehuntur. Ac cum olim pro sumptibus transvectionis quædam à collatoribus præstari soleant, quæ ab eâ ipsâ re paropompica vocarentur, placuit Justiniano ut hoc onere ipsi levarentur. Planè in tota hac transvectione illud observatur, ut pro ratione & commoditate cujusque loci ipsa imperetur, ne nimirum collatores graventur. Pertinentque huc Tituli Codicis & Novellarum: *De naviculariis seu Nacleris publicas species transportantibus: & De tollenda lustrali auri collatione: De Prædiis & omnibus rebus vapularis*.

viculariorum : De navibus non excasandis : Ne quid oneri publico imponatur : De naufragiis : De publicis eribus expediendis & solvendis.

TITVLVS XXIX.

De Magistratibus & Officijs Sacrarum Largitionum.

Magistratus & Officiales qui Sacris Largitionibus præstant ac serviunt, quosnam enumeras ? T. Princeps omnium est Comes sacrarum largitionum, qui & sacrorum thesaurorum præfectus appellatur. De quo est Titulus Codicis *De Officio Comitis sacrarum largitionum*. Post eum sunt Procuratores Cæsaris seu Rationales per omnes provincias : ad quem pertinet Titulus Digestorum *De Officio Procuratoris Cæsaris vel Rationalis*. Inde sequuntur, quæ ad censum pertinent agendum, exigendum, suscipiendum, & transvehendum, nec non ad vectigalia, ac sortida munera. G. *Ad Agendum censum* quinam pertinent ? T. Sanè qui censui agendo præstant ac serviunt, sunt Magister Censuum, de quo supra expositum est ; Censuales scribæ, quibus ille utitur ; Censitores, qui operam ipsi hæc in re præstant ; & Inspectores, qui loca in censum redigenda inspiciunt ; Discussores, qui quid quidque valeat excutiunt ; Opinatores, qui quantum pendendum est statuunt ; Peræquatores, qui ut æqua proportio his in rebus seruetur, curæ habent ; Tabularij, qui rationibus præstant, cujusmodi duo in quaque provincia esse debent ; cum quibus & Numerarij putantur, qui numeros harum rerum tractant, De quibus sunt Tituli Codicis : *De censibus & censoribus & peræquatoribus & inspectoribus : De discussoribus : De tabularijs scribis, logographis censualibus : De numerarijs, ætuarijs, & charularijs & adjutoribus sive scriniarijs & exceptoribus sedes excelsa, cæterorumque judicum tam militarium quàm civilium*. G. *Ad exigendum autem* d. T. Qui ad exigenda debita pertinent sunt qui generali nomine Actores vel Exactores & Canonici appellantur, Ac specialiter quidem sunt Palatini seu

seu principales; & Mittendarii, qui Casariani quoque & Catho-
 liciani vocantur, ut jam sæpe diximus: Item Admonitores,
 qui admonent debitores: Petitores præcepti, qui petunt,
 quod imperatum est; Summarii, qui certas summas exigunt: &
 Sexagenarii, Centenarii, Decennarii: Item Opinatores, qui
 militarem ferè annonam percipiunt: Vindices, qui tributa
 publica vindicant: & Expilatores, qui res ipsas ab his, qui in
 mora sunt, auferunt, quorum tamen nomen ut odiosum post
 cessare iussum est. Officium autem horum Exactorum est, ut
 ubi in provinciam veniunt tabellarium adeant civitatis, ab
 eoque discant quantum quisque debeat: quos ubi admonu-
 erint, siquidem non pareant, adeunt Præsidem provincie
 aliosve iudices, ut eos faciant condemnatos, & si opus est, per
 eorum Officiales exsequantur. Quà quidem causâ fit, ut in
 hoc negotio tributorum frequens occurrat mentio Præsi-
 dum & aliorum Iudicum provincialium, item Defensorum &
 Patrum, Frumentatorumque civitatum, nec non Decurionum,
 Curialium, Cohortalium, Irenarcharum, & Apparitorum.
 Qui quidem omnes vel judicandis vel exsequendis causis tri-
 butariis operam præstant. Quin & illud sciendum est: quem-
 admodum Exactorum officium est, ad condemnationem de-
 bitorum rem perducere, ita pro rei judicatæ executione per-
 sequenda succedere alios, qui Compulsores proprio nomine
 appellantur. Quanquàm dubium non est, quin & Palatini id i-
 plum, si velint, facere possint. Pertinentque huc & ad for-
 mam exigendi, Tituli Codicis & Novellarum: *De Exsecutori-
 bus & Exactoribus: De Ponderatoribus, & auri illatione: De auri
 publici persecutoribus: De publicis tributis expediendis & solven-
 dis: De capiendis & distrabendis pignoribus tributorum causa: De a-
 pochis publicis & descriptionibus Curialium, & de distributionibus
 civilibus.* G. Ad suscipiendum verò? T. Hi sunt Susceptores,
 live ærarii, sive alij. (Nam duo in quaque debent esse Provin-
 cia)

cia) item Ponderatores sive Idiostatici, Mensores, Præpositi horreorum, unde & species horreaticæ vocantur : & denique Arcarij, qui & Præpositi dicuntur Thesaurorum, Quorum quidem officia quæ sint, manifestum est ex ijs, quæ, de administratione Rerum largitionalium modò disseruimus. Suntque Tituli Codicis de illis : *De ponderatoribus & auris illatione: De Susceptoribus, Præpositis & Arcariis*, & alij suprà relati. G. Ad Transmittendum denique ? T. Qui ad transmittenda tributa pertinent officiales, sunt primo loco Palatini sacrarum largitionum ex Agentibus in rebus, quos constat evectionibus præesse, & cum his Curiosos & Stationarios, qui per provincias sunt dispositi, & tum harum tum aliarum rerum curam gerunt. Post hæc sunt Navicularij, qui species ipsas & thesauros transvehunt, de quibus suprà diximus. Quibus ultimo loco succedunt alij, quibus species transvectæ traduntur, qui sunt Comes Sacrarum largitionum, Præfæcti militum, Artifices Palatini, & alij: de quibus & ipsis suprà docuimus. G. Rectè. T. Ac quoniam quidem supradictis omnibus peragendis varij ac diversi *Scribæ* interveniunt, horum serè nomina sunt, quæ sequuntur: Tabularij, Numerarij, Censuales, de quibus idoneo loco diximus. Item Logographi, qui rationes scribunt: Chartularij, qui chartas tractant : Boëti, adjutores numerariorum : Logistæ, qui ut curatores reip. nomine ipsius rationibus audiendis operam præstant: Medigrammatæ, qui ut scribæ officium suum faciant, procurant : Diastolæ, qui examinandis ac dispungendis rationibus præsunt : Exceptores, qui & dictata excipiunt, & ex uno libro rationum ad alium transferunt : Tractatores, qui chartas & pecunias tractant: Scriniarij, qui in scrinijs degunt: & Conditionales, qui contractus initos conscribunt. De quibus omnibus varijs locis tractatur, ut post tangetur. G. Præter hos quid ? Anne & alij sunt, qui ad Sacras largitiones pertinent? T. Sunt verò;

IV.

V.

nempè qui ad veltigalia & fordida munera pertinent. G. Hi autem quanam sunt? T. Publicani, Mancipes, Stationarij & Familiares veltigalium; de quibus fupradicti tituli, *De Publicanis & veltigalibus* tractant. Item Capitularij & Turmarij, qui funt fordidorum munerum. Ac funt quidem *Publicani* qui publica veltigalia conductà habent, five potiùs, qui publico fruuntur. Nam five conductum veltigal habent, five aliàs adminiftrant, Publicani omnes dicuntur, habent enim nomen à publico fruendo. Ac funt quidem Publica veltigalia ex quibus veltigal fifeus capit. Quale eft veltigal rerum venalium, falinarum, metallorum, pifcariarum, & fimilium. *Mancipes* funt, qui quæ ipfi habent generaliter conductà veltigalia alijs minuratim elocant; unde & principes habentur publicanorum, & habent fuas focietates. Ac quanquàm quidem conducere veltigalia nemo teneatur, qui tamen maximos fructus ex redemptione veltigalium confequuntur, fi poftèa tanti locari non poffunt, ipfi ea prioribus pensionibus fufcipere compelluntur. *Stationarij* funt, qui ad veltigal percipiendum certis ftationibus à Publicanis collocantur. Nam ferè fit, ut idem veltigal plures habeat ftationes. *Familiares* funt, qui de familià funt Publicani, eique in publico fruendo miniftrant, five liberi fint, five fervi: *Capitularij* funt, qui capitibus, h. e. rebus ad iumenta neceffarijs ut fceño alijsque conquiendis præfunt: *Turmarij*, qui tyronum turmas produciunt.

TITVLVS XXX.

De Poffefforibus & Collatoribus largitionaliibus.

G. Quid? an ampliùs quid habes, quod ad Sacras largitiones pertineat? T. Habeo verò: nempè ut de ijs, à quibus largitiones proficifcuntur nonnihil dicamus. G. Rectè, T. Hi autem funt, qui *Poffeffores* vocantur, nimirum, qui immobilia poffident, ex quibus tributa penduntur; Et *Collatores*, ab eo quod